



ჩვენი მხუმრობა

გამოდის თვეში ორჯერ პარასკეობით

ფასი 1,50 ლარი

3 აპრილი 2015

№ 7 (241)

ბილთვაბთ
აღბობთის
ბრწყინბაღე
ღღესბსწაულს!



შინაარსი

არი და პედისწერა	2	როსტომ ჩხეიძე ძველი ხიზულას სანიღუმლოება (ზვიად გამსახურდიას ასი დღე)
ბაფი კასისა	15	თათია შენგელია დანერილი მარჯვენა! (ნოდარ წულეისკირის სამარე)
მსპრეს-ინტერვიუ	17	მაკა კვერენჩხილაძე-კარტიეზერი „მეტი ქმედება“ (მომამზადა ნატა ვარადაძე)
პროზა	18	თამარ რაზმაძე ქალქვა
	20	ურა ზაქაშვილი ფოქუსი
პოეზია	24	ელგუჯა მარღია რობანიები
ღიალოგი	28	ნანა ქელეხიძე დავგინაეპული საახალწლო და სხვა ლექსები
პირველი შთაბეჭდილება	30	ნატა ვარადა ტკივილის დავსუსტატორი
პოეზია	31	მალხაზ მაჭავარიანი თბილისის მზის ქვეშ და სხვა ლექსები
წარსული მოგავლისათვის	32	არჩილ ლიბრაძე ფიქრები ვაჟა-ფშაველას გარდაცვალებიდან ასი წლის თავზე
	34	თავმას ჩოხელი გული დელავს და სხვა ლექსები
პოეზია	34	სალომე კაპანაძე კავკასიური ერთიანობა-თვითგადარჩენის შინკალური კოდი („ორიოდე სიტყვა“ ზაზა ურუშაძის „მანდარინებზე“)
მსოფლიო გზავნა	35	ლალი ურდულაშვილი მზის სიყვარულის საგალოვალი (მარიამ ნიკლაურის პოეტური კრებული „მზის დაუფდომელი“)
ჩანახატი	37	ჯენიფერ სტეკჰაუსი ანდრეას ბრიფიუსი და მისი „ქეთევან ქართველი“
უსსოვლის თვალთ	38	ვასილ კიკნაძე ბაშენაეპული სევდა (შეხვედრები სერგო კლდიაშვილთან)
მოგონებათა სივრცე	44	მაკა ჯოხაძე იმადის კუნძული (კრებული „აფხაზეთი. ლიტერატურა და ხელოვნება“)
განსოვდას აფხაზეთი!	46	იოსებ ჭუმბურიძე მამის ხმასავით, ავადმყოფი დედის ხელივით... (აფხაზეთის თეატრალური ყოფა)
	48	ნინო დეკანოიძე კორნიშული განდებილის ქარაგმა (განხილვა თემურ გაბუნიას ნიგნისა „ნამდვილი ბრძოლა“)
რეპორტაჟი	50	თამარელა ნონორია სულისტოლა ცერცვისტოლები ანუ ნინო ქადაგიძის საფიქრეთი
კრიტიკა	53	გვანცა დევიძე ტრაგიკული ფურცელი
ლიტერატურული სსოვრება	57	მარიამ კვერდელიძე ფიქრები „შესანდოზრებაზე“
ახალგაზრდაგო. ან კი თქვენი	59	თეონა სელიმაშვილი „მსოლოდ მისია, მისებრი“ (ეთერ თათარაიძის პოეზიის საღამო)
ლიტერატურული სსოვრება	60	გურამ ბენაშვილი ლიტერატურული ვიტრეაჟები
სილუატი	61	ხალიდ ალ-ხამისი ტაქსი
უსსოვრი ნოველა	66	სად აღუფვრი საღით ძირსა
ამ მთისა და იმ ბარისა	71	



ორკვირული ჟურნალი

მისამართი: თბილისი, ჩუბინაშვილის #41

რედაქცია: (995 32) 296 20 62

რეკლამა: (995 93) 65 93 68

გავრცელება: (995 92) 25 94 94

ელ-ფოსტა: info@mtserloba.ge



www.facebook.com/chveni.mtserloba

„ჩვენი მწერლობის“ მომდევნო ნომერი გამოვა 2015 წლის 17 აპრილს

დაარსებულია
ომეგა ჯგუფის მიერ
2000 წლის ივლისში

დამფუძნებელი
ზაზა ოქუაშვილი



დაბეჭდილია სტამბაში
ომეგა თვაი

პ.სარაჯიშვილის ქუჩა 17,
თბილისი საქართველო
ტელ: 00 995 32 53 12 77
ფაქსი: 00 995 32 53 08 33
ელ-ფოსტა: orders@omegategi.ge
www.omegategi.ge

მთავარი რედაქტორი

როსტომ ჩხეიძე

პროზის რედაქტორი

ივანე ამირხანაშვილი

პოეზიის რედაქტორი

მაკა ჯოხაძე

კრიტიკისა და თარგმანის რედაქტორი

თამაზ ნატროშვილი

მხატვრული რედაქტორი

კარლო ფაჩულია

დიზაინერი

მალხაზ იაშვილი

სტილისტ-კორექტორი

ნინო დეკანოიძე

კომპიუტერული უზრუნველყოფა

თენგიზ რობიტაშვილი

ოპერატორი

თამარ ჩიხლაძე

სარეკლამო მენეჯერი

ეკა ბუჯიაშვილი

გავრცელების სამსახური

ლევან კიკნაძე

გარეკანზე: ზარი

ირაკლი შუბაშვილის კომპიუტერული გრაფიკა

როსტომ ჩხეიძე

ქველი სიბუღას საიდუმლოება

(ზვიად გამსახურდიას ასი დღე)

ჟამი ანმყო და ჟამი წარსული
ალბათ არსებობენ მომავალ ჟამში.
ჟამი წარსული შემცველია მომავალისა.
თუ მთელი ჟამი არის ანმყო მარადიული,
ვერარა შესძლებს გამოსყიდვას ჟამიერისას.
ტომას სტერნს ელიოტი

აკითხველისადმი

კონსტანტინე გამსახურდია-უმცროსი შემეხმინებოდა ტე-
ლეფონით ჟურნალ „ჩვენი მწერლობის“ რედაქციაში.

— ჩვენმა კომისიამ მუშაობა დაასრულა და ზვიად გამსახურ-
დიას საქმის დასკვნითი დოკუმენტი უკვე ფეისბუქზეც განვა-
თავსეთ... იქნებ გენახა... გენახა და... რა ვიცი... იქნებ გენახა და...

— მის საფუძველზე რაღაც დავწერო.

ამოისუნთქებდა:

— ჰო, რაღაც ამგვარი მინდოდა მეთხოვა.

— აუცილებლად გავცნობი და, ეჭვი არ მეპარება, ძალიანაც
გამომადგება.

— რაც შეგეძლო, თავი არავის დაუზოგავს ჩვენი კომისიი-
დან... მე მგონი, რაღაც გაკეთდა.

— „რაღაც“ მაგრანობინებს, რომ თვითმკვლელობის ვერსი-
ას საყრდენი ეცლება.

— ასეა... მეორე ვერსია უფრო დამაჯერებლად გამოიყურება
მონშეთა ჩვენებებისა და გამოკითხვების ფონზე... ამდენი წინააღ-
მდეგობისა და შეუსაბამობის არსებობას სხვაგვარად ვერ ახსნი.

— ახლავე მოვიძიებ და გავცნობი...

ანკი რა მომათმენინებდა, და დავდებდი თუ არა ყურმილს,
სასწრაფოდ მოვაძებნინებდი და ამოვებჭდინებდი საქართვე-
ლოს პარლამენტის დროებითი კომისიის ამ ვებზე დასკვნითი დო-
კუმენტს, რომელსაც გამოცემისას დიდტანიანი ნიგნის სახე ექ-
ნებოდა. ამოვებჭდინებდი და კიდევ ჩავეფლობოდი თავბრუ-
დამხვევ ფანტასმაგორიაში, რომელშიც გზის გაგნება ადვილი
არ აღმოჩნდებოდა, მაგრამ იმხელა გამოცდილება შემეძინა 1832
წლის შეთქმულების საგამოძიებო მასალების სამტომეულის
შესწავლა-კირკიტით, რომ ბოლომდეც უხიფათოდ გავაღწევდი
და ზოგად სურათსაც ხელშესახებდა წარმოვისახავდი, მითუმე-
ტეს, რომ სანდო მეგზურად მომეგვლინებოდა კომისიის თავმჯ-
დომარის ვრცელი ექსკურსები, ის ღრმა ანალიტიკური განსჯა,
ფურცელთა ამ ქაოტურ წყებას მტკიცე კალაპოტში რომ მოაქ-
ცევდა და... დამოუკიდებელ თხზულებასაც კი დაამგვანებდა.

ვეალში ჩაუდგებოდა ტრაგიკულად აღსრულებული პრეზი-
დენტის ვაჟი თვითმხილველთა — მოწმეთა თუ ცრუმოწმეთა — ნა-
ამბობს და, ერთიანობაში რომ გაიაზრებდა, რასაც იშვიათი მესხი-
ერება, დეტექტივის ალღო და, ამასთან, ძიების დაუმცხრალი ჟინი
ესაჭიროება, კიდევ მიაკვლევდა და წარმოაჩენდა შეუსაბამობათა
და წინააღმდეგობათა მთელს ნაკადს... და ამ უზღვევ მასალას კომ-
პოზიციურ საყრდენად მოველინებოდა მისი მსჯელობანი.

ოღონდ ესეცაა: ღრმა და რაფინირებული ანალიტიკური დაკვირ-
ვება-შეფასებანი გარკვეულ ფარგლებში ტრიალებდა, რაკილა კომი-
სიის თავმჯდომარე თავს ნებას ვერ მისცემდა კატეგორიულად ემტ-
კიცებინა ის მეორე, არაოფიციალური ვერსია, ვერ გადააჭარბებდა
დროებითი საპარლამენტო კომისიის უფლებამოსილებას და არავის
დაუტოვებდა საბაბს ემტკიცებინათ, მიკერძოება გამოიჩინათ.

ჯერ ისედაც!..

და მითუმეტეს მაშინ, როდესაც ზედაპირზევე ამოჩნდებოდა
ის დაფარული შრეები, ოფიციალურ ვერსიას თავდაყირა რომ
აყენებდა.

მთავარი გახლდათ, გამოძიება იქ არ შეჩერებულიყო, სადაც
გაიყინა, და დამატებითი გამოკითხვებიც შეგროვებულიყო სუ-
რათის სისრულისა და კანთიელოზისათვის.

და აკი შორს გაცდენილიყო გაშეშებულ მიჯნას და დიდძალი
დამატებითი მასალით შევსებულიყო.

ამკარად მნიშვნელოვანი დოკუმენტი მეპყრა ხელთ.

ჩვენი დროის კიდევ ერთი თვალსაჩინო მონაპოვარი.

მაგრამ... საჩემო რომ იქ აღარაფერი რჩებოდა?!

ყველაფერი ამომწურავად გახლდათ ნათქვამი და წარმოსა-
ხული და, ჩემი მხრივ, მონონებისა და თანადგომის სიტყვას თუ
შევანევდი.

პირველ ყოვლისა, „ჩვენი მწერლობის“ ლიტერატურული სა-
ღამეების ერთ-ერთ თავყრილობაზე მოვიწვევდით ბატონ კონს-
ტანტინეს და მოვისმენდით და შევაფასებდით კომისიის ნაღვანს.

პირადი საუბრისას კი შევეპირდებოდით, რომ გავამზადებდით
თუ არა ხელმეორე გამოცემას ჩემი ისტორიული ცდისა „თუ სა-
წუთრომან დამამხოს (ზვიად გამსახურდიას ბედისწერა)“, მისი
გადახედვა-გადახალისებისას ფინალურ მონაკვეთში აუცილებ-
ლად ჩავრთავდი რამდენიმე გვერდს საპარლამენტო დროებითი
კომისიის ამ დასკვნით დოკუმენტზე დაყრდნობით.

ბატონ კონსტანტინეს... ამკარად გულს დააკლდებოდა — რა-
ღაც უფრო მეტს ვარაუდობდა და იმიტომ, მხატვრულ-დოკუმენ-
ტურ თხზულებას იმედოვნებდა და მეც წინასწარ აკი საამისოდ
განვეწყობოდი... მაგრამ სწორედ გამორჩეული ღირსება ამ დო-
კუმენტისა არ დამანებებდა ჩარევას. ის ცალკეული დაკვირვება-
ნი, რაც გამიჩნდებოდა, დამოუკიდებელ თხზულებას ვერ განვე-
დებოდა, არადა, ორიგინალური ფორმაც ვერაფერი მომეფიქრე-
ბინა, გამართლებული რომ ყოფილიყო კომისიის მონაპოვრითა
და კონსტანტინე გამსახურდია-უმცროსის მიერ მარჯვედ გან-
ლაგებული მასალით უხვად სარგებლობა.

ერთ წელს მეორე მიჰყვებოდა, მეორეს მესამე...

დასკვნითი დოკუმენტი წიგნის ყდაშიც მოექცეოდა გამომ-
ცემლობა „არტანუჯის“ მონდომებით.

ამასობაში „ზვიად გამსახურდიას ბედისწერის“ ხელახალი
გამოცემისთვისაც მოვიცლიდი, უღმერთოდ ნაკვეში და ნაჯგ-
ლეთი წიგნის, 1998 წლის გასაყარზე რომ დაინერგებოდა, დეკემ-
ბერ-იანვარში, და მის საგაზეთო პუბლიკაციას — „ახალი საქარ-
თველოს“ ფურცლებზე გავრძელებებით — უკვე მოჰყვებოდა
ძალზე მწვევ გამოხმაურებანი, იძულებით რომ ჩამითრევდნენ
ლიტერატურულ-პოლიტიკურ ბატალიებში.

მთელს რისხვასა და სიძულვილს ზვიად გამსახურდიასა და
მის მომხრეთა მიმართ მე მომთარჯავდნენ.

მიმოტრატულიყვნენ ზვიადისტებად მონათლული ადამიანე-
ბი — ვინც ფრაგოკულ აღსასრულს გადარჩენოდა, ან საზღვარგა-
რეთ გავდნია და ან მიმალულიყო და გატრუნულიყო, აცა, ჩემი
არსებობა აღარ გაახსენდეთო!..

თუ ვინმე დაძარავდა კრინტს, მაშინვე ამ მოტივით წვდებოდ-
ნენ ყელში: ზვიადის დამხობასთან ერთად დაკარგა ძველი პრივი-
ლეგიებიო... ან: პერსპექტივა გადაეკეტაო...

თანაც მათი მხრიდან წიგნი ან შედარებით ვრცელი თხზულე-
ბა არა ჩანდა.

ედუარდ შევარდნაძეს სრული ძალაუფლება ეპყრა ხელთ, ჩა-
მოემორებინა სახიფათო მეტოქეები, თავიდან რომელთა მძევლო-
ბასაც ყაბულდებოდა მოჩვენებითი სიმშვიდითა და ალუშგოთვე-
ლობით: თუ დიქტატორი გნებავთ, ვინმე სხვა მოძებნეთო!.. და
ახლა კი მისი მომხრენი მთლად გალაღებულიყვნენ და გათამამე-
ბულიყვნენ და სულ უფრო დაჟინებით გაისმოდა ხმები, რომ შე-
საცვლელი გახლდათ საქართველოს კონსტიტუციაში ის კანონი,
პრეზიდენტის არჩევა მარტოდენ ორი ვადით რომ შეიძლებოდა.

თუკი ადამიანს ალტერნატივა არ მოეძებნებოდა, ვითომ რა-
ტომ უნდა გასცლოდა პოლიტიკურ ასპარეზს ათწლიანი ვადის
ამონურვის შემდეგ?..

დაე ყოფილიყო და ყოფილიყო, ვიდრე სიკვდილი მოაკითხავდა.
ამას ისე, სიტყვის მასალად ამბობდნენ, თორემ ეჭვიც არ ეპა-
რებოდათ, რომ მათი რჩეული ცას გამოეკერებოდა.

როგორც იოსებ სტალინის მოსალოდნელ აღსასრულს არ
იჯერებდნენ ოდესღაც, ისე ედუარდ შევარდნაძისას — იმჟამად,
ოფიციალურად რომ თავს იკავებდა, მაგრამ ფარულად მაინც
იმის სახელზე ლოცულობდა და ხან ისეთი აღტაცებით განაცხა-
დებდა, თვითონაც ჟრჟოლა უვლიდა და დარწმუნებული გახლ-
დათ, მსმენელებსაც ჟრჟოლა აიტანდათ:

— რაც უნდა თქვან მასზე, ვერავინ წაართმევს, რომ უდიდესი პიროვნება იყო!..

და... უეცრად გამოტყვევებოდა „თუ სანუთრომან დამამხოს“, რომლის ავტორსაც ვერ დააბრალებდნენ ვერც ზვიადისტობას, ვერც პრივილეგიების დაკარგვასა და ვერც პერსპექტივის მოშლას... და მითუფრო გაგულისდებოდნენ და გაანჩხლებდნენ კიდევც... ცალკე ხელისუფლისაგან მოსალოდნელი წყალობა აღანთებდაო და... ყოველგვარ ზღვარს გადააბიჯებდნენ...

დასაწყისი გამოჩნდება თუ არა „ახალი საქართველოს“ ფურცლებზე, გაზეთის რედაქტორი ნოდარ გრიგალაშვილი შეფიქრანებული — რომ აღარა ვთქვა, დაძმარებული და შეშფოთებული — დამხვდებოდა რედაქციაში.

— რა ცხვირ-პირი ჩამოგტირის?

— პრეზიდენტის პრეს-სამსახურიდან დამირეკეს. ეს რა საინტერესო თხზულების ბეჭდვა წამოგინცია, მოუთმენლად ველოდებით გაგრძელებას, მაგრამ ჩვენი აზრი რა ანგარიშში ჩასაგდება, როდესაც თვითონ პირველმა გვითხრა: დღევანდლობაზე, ახლო წარსულზე მხოლოდ ასე უნდა ინერებოდეს, ასე ანალიტიკურად, სიღრმისეულად, მასშტაბურად, დინჯი კილოთი, დახვეწილად. სიტყვა-სიტყვით გადმოგცემთ, რაც ბრძანა, და ისიც დაგვაგალა: მომდევნო ნომრები არ გამომაპაროთო... მეც სიტყვა-სიტყვით გიმეორებ და... ხომ იცი, სინამდვილეში ეს რასაც ნიშნავს.

— როგორ არ ვიცი, ნუთუ ასეთი მიაბიტი გგონივარ?..

— მიაბიტი რომ არა მგონიხარ, ამიტომ ალბათ სჯობს შევწყვიტოთ პუბლიკაცია... ან საგრძნობლად გადააკეთო... არა, არა, ვიცი, ვიცი, ამას არ დათანხმდები, ისე გითხარი, სხვათა შორის... და მას ვწყვეტო, არა?!

— არა, მე შეწყვეტას არ ვაპირებ, და თუ შენ ერიდები ვინმეს, ნება შენია, რედაქტორი შენა ხარ და გადაწყვეტილება შენვე შეგიძლია მიიღო.

— დაფიქრდი... ხომ იცი, ძმურად გირჩევ!

— დაფიქრდი... სიტყვაც არ შეიცვლება და არც შეწყვეტას ვაპირებ.

— იქნებ ბატონ ოთარს დაელაპარაკო და ეს ყველაფერი გადასცე. დარწმუნებული ვარ, ჩემსავით გირჩევს.

შინ დაბრუნებული მამაჩემს გულახდილად გადმოვუშლიდი რედაქტორთან საუბრის შინაარსს.

— ნოდარს სწორად ურჩევია, სინამდვილეში ის სატელეფონო ზარი გაფრთხილებაა და საკმაოდ მკაცრი გაფრთხილებაც... ყველა ის აღმატებული ეპითეტი კი არ მახარებდა, გულზე ლურსმანივით მესობოდა... შემოგითვალა: ვკითხვო, იცოდე, და თუ ჭკუა გყოფნის, ან გადააკეთე და ან შეწყვიტეო!..

— მაგრამ... თუ არ მყოფნის ჭკუა?!

— აუჰ, აუჰ!.. ვერც წარმოგიდგენია, რა ხიფათში იგდებ თავს!..

— ვერ წარმოგიდგენია და... ნუ წარმოგიდგენია...

არაერთი რეალია თუ გარემოება აღსადგენი იმ ამბებიდან და ეგებ საამისოდაც მოვიცალო, ერთ ეპიზოდს კი გამოვარჩევ, ყოფილ პოლიტპატიმართა სახელით რომ გამოაცხადებდნენ „საქართველოს რესპუბლიკის“ ფურცლებიდან (1998, 11 ნომბერი):

— რ. ჩხეიძის „ლიტერატურული მცდელობა“ ზ. გამსახურდიასადმი მიძღვნილი წიგნისა, ელიავას გამოხდომის რიგშია განსახილველი, რადგან იქ რ. ჩხეიძე ბრძანებს: „ეს წიგნი გლოვაა დამხობილ დამოუკიდებლობაზე“.

მანამდე „ზვიადისტად“ რომ მომიხსენიებდნენ, ეს უკვე მინიშნებდა შესაბამის ორგანოებს: მაგას გარეთ რა უნდაო!..

და ეს „ელიავას გამოხდომის რიგში განხილვა“ ხომ!..

თქვენი ფინალი უნდა გენახათ, პირდაპირ გადმოწერილი 1937 წლის საგაზეთო პუბლიკაციებიდან, მაშინდელი კლიშე-ფორმულა:

— უხსენებელი კუდს იქნევს და საჭიროა ყველა პატიოსანი მოქალაქე ფხიზლად იყოს.

ეს ფინალური აკორდი ისე მოსწონებოდათ, სათაურადაც ის შეერჩიათ.

ყველაზე გულდასაწყვეტი მაინც ის გახლდათ, რომ ეს ხდებოდა „ყოფილ პოლიტპატიმართა“ სახელით.

ერთადერთხელ გამოჩნდეს თქვენი სახელები საგაზეთო პუბლიკაციაში და... ისიც პოლიტიკური დაბეზულების ავტორებად?!

თუკი მართლა პოლიტიკური პატიმარი იყავი, აზრად როგორ უნდა მოგივიდეს, რომ ადამიანი საციხედ გაიმეტო და თანაც — პოლიტიკური ბრალდებით?!



მხატვარი ბადრი გავნიძე

თუმც... აკი ამომრიცხეს ადამიანთა სიიდან, ისეთი ეპითეტი შემირჩიეს!..

ოძელაშვილი-ლომსაძის ხელიდან ხომ დაპატიმრებულიც გახლდით და უღმერთოდ განწირულიც: უხსენებელი კუდს იქნევსო!..

აბა, მამ როგორ გინდა, თუკი შენი წიგნი „ელიავას გამოხდომის რიგშია განსახილველი“...

ეს ერთი ყველაზე მკვეთრი ამბოხი რომ მოხდებოდა და პოლკოვნიკი აკაკი ელიავა დაიძრებოდა შეიარაღებული რაზმით და ქუთაისის მოადგებოდა დანაქადებით: ხვალ უკვე თბილისში ვიქნებითო, მამა უკვე ძალიან შეშფოთდებოდა: ის კი წინ წამოსვლას ველარ შეძლებს და მითუმეტეს ლიხის ქედის გადმოვლას, მაგრამ ქალაქშიც რომ შევიდეს, ვაითუ აქ წამოავლონ ხელი მათვის არასასურველ პირებს და... უნდა გამეზადო და იორამ ღუღუშაურს ჩააკითხო სწოში, დანარჩენი იმან იცოდესო.

ქუთაისშიც ვერ შეაღწევდა ელიავას რაზმი და ერთბაშად ჩაცხრებოდა მღელვარება თბილისშიც, მეც არსად გამგზავრება და თავუფარება რომ აღარ მომიწევდა.

— იორამისა მეიმედებოდა თავიდანვე, თუკი ძალიან გამწვავდებოდა შენზე შემოტევები, თორემ ნოდარს დაფურკავდი და ვთხოვდი, ჩემი ხათრით შეეწყვიტა პუბლიკაცია... ის რომ წავიკითხე, აჯანყების იდეოლოგიად რომ მოგნათლეს, აღარ მიიქვამს, თორემ გული გამიჩერდა.

— მე პირიქით, ძალიანაც მომეწონა, რაც იმით დამინერეს, ვითომ პოლიტპატიმრობა რომ გამოუვლიათ, და ამბოხებათა რიგში მოიხსენიეს თუ არა ჩემი პოლიტიკური პატივლენი, მაშინვე გრიგოლ ორბელიანის სტრიქონები გამახსენდა „სადღერძეოლოდან“: თქვენთა საქმეთა მოთხრობით მოხუცს ცრემლ-მოდინება, მხნეობით აღტაცებული ჭაბუკი ხმალსა მიჰსწვდებო!..

— კარგია, კარგ გუნებაზე რომ ხარ, ნუმც მოგშლოდეს ეგ გუნება, მაგრამ... აქ თუ შემოგვეჭრებოდნენ და ბორკილდადებულს წაგიყვანდნენ, იქ ველარ იქნებოდი მაინცდამაინც მხიარულად... ახლა კი გაგიმართლა, მაგრამ ყოველთვის კი არ გაგიმართლებს...

— გამართლების იმედად არა ვარ და არც არასოდეს ვიქნები... სხვანაირად არ შემიძლია, ეგ არის და ეგ.

— და ეგაა, რაც მაშინებს... ნუ გეგონება, რომ ჩავლილია რეპრესიები... სად შეიძლება ამოჰყო თავი, კაცმა არ იცის!.. და ისე მძაფრად ვგრძნობ ბოლშევიზმის სუნსა და სუნთქვას... ღმერთო, რა იქნება მატყუებდეს ეს განცდა და გადამტეხული სიფრთხილის ბრალი იყოს...

თუ ჭკუა გყოფნისო...

დაე ეგვემათ და აუტოდაფეც გაემართათ მის თავზე, მაინც მიღირდა იმ თხზულების შექმნაც და მის დასაცავად თავგამოდებაც, არაფერს რომ შევარჩენდი თავდამსხმელთ და გადმოვუფარჩავები ზნეობრივ და გონებრივ ავლადიდებას, მათი თავგამოდებების შთამაგონებელ მოტივებს: თქვენ ის თქვით, ორ ცეცხლშუა რომ მოვყვებოდი და... ზვიად გამსახურდიას მომხრენიც, უფრო ზუსტად, მისი უკიდურესი ფრთა, ამიტყდებოდნენ, ამცირებ მის სახელს, განა ვერა ვგრძნობთ, რომ ფარულად აქაიქებო?!

ესეც ამ წიგნის ბედი და ბიოგრაფია აღმოჩნდებოდა!... მაინც მიღირდაო...

ამ სასტიკი მოპყრობის სასიკეთო ნაყოფი კი ის იქნებოდა, რომ: დაჩქარდებოდა ზვიად გამსახურდიას სახელის ოფიციალური რეაბილიტაცია და მისი ღვაწლი რეფერენდუმში გამართვასა და სახელმწიფოებრივი დამოუკიდებლობის აღდგენაში თვით ედუარდ შევარდნაძის ბეჭეტი დაბეჭდებოდა.

სარეაბილიტაციო განა რა სჭირდა?

განა რა ღირსებაა, საქართველოს მეორე პრეზიდენტი თუ აღიარებდა და დადასტურებდა მისი თავგანწირული და მონაშემბრვი ბრძოლის ტრიუმფულ შედეგს?

რას იზამ — წუთისოფლის თამაშიც და პარადოქსულობაც ეს არის, მისი ჟინიანი აბრუნდების გამონახულებანი.

მთავარი ისაა, რომ სრულიად შემოტრიალდებოდა ზვიად გამსახურდიას დამსახურების შეფასება და ჩაქოლილი სახელი ერთბაშად აღიმართებოდა მთელი თავისი მონუმენტურობით.

ეს ისედაც მოხდებოდა?

„თუ სანუთრომან დამამხოს“ გინდ შექმნილიყო და გინდ არა, ამ სახელის გამოხსნა მოჯადოებული წრიდან გარდუვალი გახლდათ და სადღაც ქვეყნულში გადატყორცნილი მაინც დაუბრუნდებოდა სამზესო?

რასაკვირველია ასეა — სულაც არა მაქვს იმის ილუზია, თითქოს ამ წიგნის გამოცემას განესაზღვროს ამ პროცესის მსვლელობა, მაგრამ გარდატეხა რომ შეიტანა და დაჩქარებითაც უწყველად დააჩქარა, ეს თვალნათლივია და ძალდაუტანებლად ინამებს ყველა, ვინც XX საუკუნის მინურის ბოლო ხუთწლეულს ამ მზერით დაუკვირდება.

რა იწერებოდა — ხელისუფლების მოთხოვნების კვალობაზე და როგორ შემობრუნდა გეზი.

ხანი რომ გამოხდებოდა და ამ წიგნის ხსენებას დაისაჭიროებდნენ, ყოველთვის ბიოგრაფიულ რომანს უწოდებდნენ, ჩემი მხრივ კი ცვდილობდი, ასევე ყოველთვის შემესწორებინა, რომ „თუ სანუთრომან დამამხოს“ მხოლოდ ისტორიული ცდა გახლდათ და არა ბიოგრაფიული რომანი, რადგანაც ამ ჟანრის ქმნილებას აღნაგობაც შესაფერისი უნდა ჰქონდეს — არა კმარა მართოდენ შინაგანი სივრცე და მასშტაბურობა, თორმეტ თაბახს მაინც უნდა მოიცავდეს. ეს კი მხოლოდ შვიდი თაბახი იყო და ამაოდ შემახსენებდნენ მაგალითებს, როდესაც სამ და ოთხთაბახიან თხზულებათ ავტორები რომანისტებად ცხადდებოდნენ ჩვენს ქართურ რეალბაში. განა რა საქმე მაქვს ფსევდომწერლებთან, მაინცდამაინც ძალადრომანისტობით დავმგვანებოდი.

ის კი არა, გადახალისება-შეესებაც ვერ აქცევდა რომანად.

თავიდან რომ გამიხარდა საპარლამენტო კომისიის დასკვნითი დოკუმენტის გამოჩენა, აკი მისმა გაცნობამ გამიფანტა ილუზიები, რომ „თუ სანუთრომან დამამხოს“ შესაძლოა რომანად მექცია.

და კონსტანტინე გამსახურდია-უმცროსიც უნდა შეგუებოდა, თუმც გულდაწყვეტილი, რომ მისი კომისიის ნაშრომ-ნადაგი რამდენიმე ფურცლად თუ აისახებოდა ჩემს თხრობაში.

რაკილა რედაქციასთან თანამშრომლობდა, არცთუ იშვიათად გვსტუმრობდა... რაზე აღარ ვსაუბრობდით, მაგრამ „დასკვნით დოკუმენტზე“ კრინტსაც აღარ ძრავდა, ეგაა, წიგნად რომ გამოიცემოდა „პრეზიდენტ ზვიად გამსახურდიას საქმის“ სახელწოდებით, მეც მისასხვრებდა ერთ ეგზემპლარს...

ერთხელაც გაუზიარებდი ჩემს მოსაზრებას, რომ კარგი იქნებოდა, თუ ფეისბუქზე გამოქვეყნებულ საზოგადოებრივ-პოლიტიკურ თუ ლიტერატურულ-კულტუროლოგიურ პოსტებს თავს მოუყრიდა, რამდენიმე რკალად დალაგებდა, ერთიანად გადახედავდა რედაქციული თვალსაზრისით და ცალკე წიგნად გაამზადებდა.

ჭკუაში დაუჯდებოდა ეს რჩევა და ასწრაფდებოდა: ახლავე შინ გავიქცევი და უკვე ჩავუჯდები, რაკილა ასეთი შთაბეჭდილება დაგრჩენია, რომ არა ღირს ის გამოხმაურებანი დასაკარგად, ეგებ მართლაც ვაქციო დოკუმენტურ მატრიანედ ჩვენი დროისაო.

და უეცრად, ისე, რომ მანამდე ამაზე არც მიფიქრია, გამომშვიდობებისას ვეტყვოდი:

— ხომ არ გეუბნებიან, რომ „პრეზიდენტ ზვიად გამსახურდიას საქმე“ კომპოზიციური აგებულებით „დათა თუთაშხიას“ ჰგავს?

— ეტყნებიან, როგორ არა.

— ერთმა გითხრა თუ რამდენიმემაც? — რატომღაც დავინტერესდებოდი.

— მოიცა... ერთი, მეორე, მესამე... რამდენიმე ყოფილა.

იმ წუთას არც არაფერი, მაგრამ შინ დაბრუნებული ერთბაშად ავფორიაქდებოდი.

ფორმა... დიახ, ფორმა უკვე მიგნებული გახლდათ იმ თხზულებისა, რომელზეც ხელი მქონდა ჩაქნული. ის ფორმა, რომელიც უკვე აღარ მოითხოვდა არაფერს, გარდა იმისა, რომ ჩემი თხრობის ყალიბში მომექცია კონსტანტინე გამსახურდია-უმცროსისა და მისი კომისიის მონაპოვარი.

და ეს იქნებოდა არა დამოუკიდებელი ქმნილება, არამედ მეორე ნაწილი „ზვიად გამსახურდიას ბედისწერისა“, სავარაუდოდ, შვიდი-რვა თაბახის მოცულობის... ეგებ მეტისაც.

ის ისტორიული ცდა?

ეს — დეტექტიური ცდა.

და ერთმანეთთანაც კარგად მორიგდებოდნენ და ერთიან კომპოზიციურ ჩარჩოშიც მოექცეოდნენ.

მაინც რომანად იხსენიებდნენ იმ ტანმორჩილ წიგნს და ახლა მართლა ბიოგრაფიულ რომანად წარმოდგებოდა, რომან-დილოგიად, დაწყებული თხრობა დევნილი პრეზიდენტის ცხოვრების მიმწახრს რომ უნდა დაეგვირგვინებინა, მისი ცხოვრების ასი დღის ქრონიკას... ძველი ხიბულას საიდუმლოებას რომ უნდა განემსჭვალა ეს უკიდურესი განცდებით აღვსილი დღეები...

„წუთუ არაფერში გამოგადგებაო?!“ — თვალბში ეწერა კონსტანტინე გამსახურდია-უმცროსს. და მე უმწეოდ ვიჩეჩავდი მხრებს გუნებაში, ვიდრე... ვიდრე ის სპონტანური ფრაზა დამცდებოდა...

ჰამლეტი თუ პიესას შეთხზავდა სიმართლის გამოსარკვევად ანუ მამის მკვლელობის საიდუმლოს გასახსენლად, ეს დოკუმენტურ წყაროებს უყრიდა თავს, მაგრამ მოჯადოებულ წრეში ექცეოდა მისი თავდაუზოგავი ძიება. და კონსტანტინე გამსახურდია-უმცროსის მიერ მიგნებას მამის აღსასრულის ნამდვილი გარემოებებისა შესაფერისი გამოძახილი არ მოჰყვებოდა საზოგადოებრივად.

ეჰ, სხვა რაში ჰქონდა ბედი ზვიად გამსახურდიას, მაინცდამაინც აქ რომ გამართლებოდა?!

I.

— „დათა თუთაშხიასავით“ წიგნი გამოვიდა.

ამას კონსტანტინე გამსახურდია-უმცროსს ეტყოდნენ და... ცნობისნადილითაც მიაჩერდებოდნენ, ნეტა რას იტყვის, თვითონაც თუ დანახავს მათ შორის საერთოსო.

— მართლა ჰგავს, ხომ იცი!..

გაუკვირდებოდა, გონებაში მზერას რომ გადაავლებდა უკვე წიგნად გამოცემულ დასკვნით დოკუმენტს, საქართველოს პირველი პრეზიდენტის ზვიად გამსახურდიას გარდაცვალებასთან დაკავშირებული საკითხების შემსწავლელი საქართველოს პარლამენტის დროებითი კომისიის მიერ მომზადებულს, საბოლოო სახე ამ კომისიის თავმჯდომარეს რომ მიენიჭებინა, ტრაგიკულად აღსრულებული პრეზიდენტის უფროს ვაჟს, და უკვე ფეისბუქზეც დაედო ყველასათვის ხელმისაწვდომად, ვისაც ამ იდუმალელებით მოცული ამბის სიღრმეში შეღწევა სურდა და ყველა იმ ნიუანსის გათვალისწინება, რისი გამორკვევაც ჯერჯერობით გახლდათ შესაძლებელი.

საიდუმლო... საიდუმლოდვე რჩებოდა?

თითქოს... აღარც, თუ ამ მასალების კონსტანტინე გამსახურდიასეულ ანალიტიკურ განსჯას ღრმად და ყოველმხრივ ჩაუკვირდებოდა, თუმც ისიც აშკარაა, რომ დაბეჯითებით მაინც ვერ დაედასტურებინა ზვიად გამსახურდიას მკვლელობის უტყუარობა, თუმც თანდათან ამორებდა თვითმკვლე-

ლობის ვერსიას, რომელიც ისედაც საჭოჭმანო ჩანდა, ახლა კი კიდევ უფრო საეჭვო და ნაკლებ დამაჯერებელი ხდებოდა.

ფეისბუქზე გაცნობისას ეს მოსაზრება — „დათა თუთაშხიას“ ჰგავსო — არავის გასჩენია, ყოველ შემთხვევაში კომისიის თავმჯდომარისათვის არავის გაუმჟღავნებია, მაგრამ აგერ წიგნის სახეს შეიძენდა თუ არა, არაერთი მკითხველი გაუზიარებდა ამ დაკვირვებას.

„ვაჰ, მართლაც როგორ...“

კომპოზიციური აღნაგობის მხრივ ვერც გააჩნევდი, თითქოს თარგად „დასკვნითი დოკუმენტისათვის“ განხაურებული რომანი დაედო.

თუმც ეს წიგნი „პრეზიდენტ ზვიად გამსახურდიას საქმე“ ვერ ჩაითვლება ერთი კაცის ნაღვანად.

მაგრამ... ის რა — „დათა თუთაშხია“ — ჩაითვლება რო?!

ამჯერად ჩემი მხრივ რაიმეს თქმას ავერიდები, საგულისხმო ის უფროა, რომ ზვიად გამსახურდია დაბეჯითებით ირწმუნებოდა: არ არის ჭაბუა ამირეჯიბი ამ რომანის ერთპიროვნული ავტორი.

ერთპიროვნული არა?

მამ რალაც მისი დაწერილიც ყოფილა.

მაგრამ რამდენია ეს „რალაც“? ან დარწმუნებით შეიძლება თუ არა მათი მონიშვნა?

ზვიადი ციხის ამბების აღწერას უთმობდა მხოლოდ ჭაბუა ამირეჯიბს ამ რომანიდან, მართოდენ ამ მონაკვეთს: ისეთი სუსტია, ეჭვი არ შეგეპაროთ, რომ ნამდვილად მისი დაწერილი იქნება, რომ ამოაგდოთ, „დათა თუთაშხიას“ ამით არაფერი დააკლდება არც კონცეფციურად და არც სიუჟეტურად, ის კი არა, კიდევ მოიგებს, ამორფულობისაგან გათავისუფლდება. ამ მონაკვეთის გარეშეც ორი კაცის ნამუშევარი ჩანს ეს რომანი, ოღონდ ჭაბუა არცერთია. სად მოვიცალო, თორემ ფილოლოგიური ანალიზით ამის დამტკიცება არ გაძნელდება. არა, ციხის ამბები რომ ზედმეტია, ამაში ყველა დამეთანხმება, დიდი ანალიზი არც სჭირდება.

— ნამდვილი ავტორი ვინ არის მთავარი სიუჟეტისა?

— ეჰ, ეგ რომ ვიცოდე... ჭაბუა რომ არ არის, ამის თქმა კი შემიძლია.

— ინტერპოლატორი ხომ მაინც გამოდის?

— ინტერპოლატორი უდავოდ, ოღონდ იმ ყაიდისა, ოდნავადაც რომ ვერ უახლოვდება მთავარ ტექსტს... სად მოვიცალო, სად!.. „ვეფხისტყაოსნის“ ინტერპოლატორებს ვდიო თუ „დათა თუთაშხიასი“... ოღონდ ესეც არის — „ვეფხისტყაოსნის“ არცერთ ინტერპოლატორს არ უკადრია, მთლად მიეთვისებინა ეს პოემა, თავიანთ ადგილს სჯერდებოდნენ, ამან კი... ვის უყოყმანოდ სჯეროდა მისი სიტყვები.

ვინ იჭვნულად შეჰყურებდა.

„კონსტანტინეს მეტოქედ დაინახა, ამან გააგულისა და ძირს უთხრის!.. თუ არა, თქვას, ვინ არის ნამდვილი ავტორი!.. თქვას და დაამტკიცოს!..“

ვინ სრულებით არ უჯერებდა, მაგრამ ხელს აძლევდათ საქილიკო-სასაიროდ და ჭორების ასამოქმედებლად და იქ ჭაბუას რომ უთანაგრძობდნენ ფარისევლურად: ზვიადი ეს რას კადრულობსო, — სუფრებსა თუ რედაქციათა დერეფნებში სხვა სასაცილო არც აღარაფერი ჰქონდათ.

ივსებოდა ახალ-ახალი მასალებითაც, ანეკდოტისებურნით, სულს უბერავდნენ ამ ანეკდოტებს მახვილოგონიერად შერაცხილი ადამიანები, თანამოქალაქეთა აბუჩად ასაგდებად სული რომ ძვრებათ ხოლმე... და უკვე ისე ტრიალებდა ეს ყოველივე, ახსენებდნენ „დათა თუთაშხიას“ და... მეტი აღარც აღარაფერი იყო საჭირო — ვინ ილიმებოდა და ვინ იგუდებოდა სიცილით...

ამ კალამბურ-ანეკდოტებიდან ყველაზე ეფექტური საიუმოროდ მაინც ეს მეჩვენებოდა:

— „დათა თუთაშხია“ ჭაბუას დაწერილი კი არის, როგორ არა, მაგრამ... ეგ არ არის ჭაბუაო!..

საიუმოროდ რატომაც არა...

თავის ჩანაწერებში ჭაბუა ამირეჯიბიც გაიხსენებდა იმ ეპიზოდს, საიდანაც მოედებოდა ეს ხმა მკითხველ თუ არამკითხველ საზოგადოებას.

ერთ სუფრაზე თამადას, რუს თანამოქალაქეებთან ერთად ეგრეთნოდებულ ბამ-ზე რომ ემოგზაურა, უნდა მოეყოლა, თუ როგორ შეხვედროდა შემთხვევით სასადილოში ნაპატიმრალთა მოქეიფე კამპანიას, ოთხ-ხუთ კაციანს, რომელთაც ეთქვათ, ცხონებული ჭაბუკა ამირეჯიბი აგერ არის დამარხულიო. და ირონიულად გაიცინებდნენ ამისი გაოცების — როგორ თუ დამარხული, ცოცხალია, თბილისში ცხოვრობს და მწერალიაო — პასუხად: ეგეც ვიცით, მაგრამ ნამდვილი ჭაბუკა აგერ მარხია, ეგ თბილისელი კი აფერისტია, ჭაბუკას ნაწერები მოჰპარა და ნამდვილი ჭაბუკას დედას შეუთანხმდა, შენს შვილად მალიარეო. და არც „დათა თუთაშხია“ მაგის დაწერილიო.

ჭაბუა ამირეჯიბს ძალიან ესახელებოდა, რასაც მაშინ თამადას განუცხადებდა და ხშირადაც იმეორებდა მხრების შეთამაშებით:

— ჩემსა და შენს შორის ის განსხვავებაა, რომ შენ კიდევ ხუთ წიგნს დაწერ და არცერთზე არ იტყვიან, მაგის დაწერილი არ არისო.

ვინაობას არ გაამხელდა თამადას — გურამ ფანჯიკიძე რომ გახლდათ, და დიდ გამოცემლობას რომ განაგებდა, ჭაბუკაც მიაკითხავდა: საიუბილეო თარიღი მისრულდება, ერთტომეულის გამოცემა მეკუთვნის და აგერ „დათა თუთაშხია“ მოგიტანეო.

ის კი პასუხად ასე მიუგებდა:

— იცი რა არის, უფლება არა გვაქვს, ერთტომეულში ერთადერთი ნაწარმოები იყოს შეტანილი, მოთხრობებიც დაურთე და ასე გამოცეცეთ.

მოიქუფურებოდა სტუმარი:

— მოთხრობების დართვა არ მინდა!..

— ჩემზე არ არის დამოკიდებული, თორემ იყოს მარტო ერთი რომანი... ისე მოთხრობების დართვა რატომ არ გინდა?

— მე იმაზე უარი ვთქვი.

გაიცინებდა გურამ ფანჯიკიძე:

— შე კაი კაცო, რაც მართლა შენი დაწერილია, იმაზე უარს ამბობ და ამ ვილაცის „დათა თუთაშხიას“ რომ მაცემინებ შენი სახელით, როგორი რა გამოდის?!

ჰაიიი!..

ნაძალადეგად გაიცინებდა სტუმარი, თუმც გულში ჩაითქვამდა: ჩემზე იყოსო!..

კულუარები გაიბუღებოდა ამ ხმებით, ავანსცენაზე კი სრული ტრიუმფით აგრძელებდა სვლას ეს რომანი და მერე მისი კინოვერსია, სულ უფრო შორს რომ გასცილდებოდა საქართველოს საზღვრებს (სადღა გვექონდა, მაგრამ მაინც!...) და რუსეთში რომ აღიარებდნენ (მედიასერიანი ფილმის ჩვენებისას მთლად მიაცივდებოდნენ და მიეჯაჭვებოდნენ ტელეეკრანებს!), მსოფლიო გზებსაც შეუყვებოდა.

იქ ვინ ან რალა გადაუდგებოდა წინ, თუმც აქ ერთ „კვანტს“ ჭაბუა ამირეჯიბის გავლენისა და მოხერხებულობის კაციც ვერ აირიდებდა, ვერ გადალახავდა — რუსთაველის პრემიაზე წარდგენილ რომანს გააშავებდა ჟიური და ჩუმ-ჩუმად ამ მოქმედებას ასე ახსნიდნენ: გამოჩნდეს ნამდვილი ავტორი და... ვინ არის ამ ჯილდოს დამნაშაველი!..

ისე ჟიურის ყველა წევრი სათითაოდ უთანაგრძობდა: ეს რა ჰქნეს, ეს როგორ იკადრეს, ესენი ვინ ყოფილან... ეს ხომ სამარცხვინო შავ ლაქად დარჩება ამ პრემიის ისტორიაში!..

ვითომდა შავი ლაქებით არ გადავსებულიყო ამ ჯილდოს ისტორია იმთავიდან ამთავამდე.

„ნეტა ამათგან რომლებმა გამწირეს?..“

— ნამდვილი ავტორი ვინ არის? — ცნობისმოყვარეობა არ ასვენებდა მკითხველს.

მხრებს იჩეჩავდა ზვიად გამსახურდია.

„ეგ რომ ვიცოდე!..“

ჰოი, რარიგ სძულდა ჭაბუა.

იმას — არანაკლებად.
ღირსების სასამართლოზე საბოლოოდ წაეკიდებოდნენ ერთ-მანეთს, მათი შერიგება ყოვლად შეუძლებელი რომ შეიქნებოდა. ეს რა სასამართლო იყო?

იატაკევემა ჟურნალში „საქართველოს მატინე“ ზვიად გამსახურდიას სუკ-ის აგენტად მოიხსენიებდა ნიკო ყიასაშვილს, ვისთანაც არა ჰქონია ცუდი ურთიერთობა, ის კი არა, ბატონი ნიკო ურედაქტორებდა მისი თარგმანების კრებულს „ამერიკელი პოეტები“... და აი, უეცრად... და ძალიან რომ გაგულისდებოდა ნიკო ყიასაშვილი, ღირსების სასამართლოზე გამოიწვევდა ზვიად გამსახურდიას: ან დამიმტკიცე, ან ჟურნალშივე მომიბოდიშეო.

მიხეილ კვესელავას ბინაში გაიმართებოდა ეს ფარული სამსჯავრო, თუმცა თვითონ ბატონი მიხეილი თავს აარიდებდა დასწრებას — შეკრებილთ განუცხადებდა: მე თავი დამანებეთო, — და დემონსტრაციულად მიატოვებდათ, სხვა ოთახში გავიდოდა და ცხვირსაც აღარ შემოჰყოფდა, ვიდრე მოშულარნი არ დაიშლებოდნენ.

ერთი მხრივ: ნიკო ყიასაშვილი, ძმები კაკაბაძეები — ნოდარი და ზურაბი, ჭაბუა ამირეჯიბი, ალექსანდრე გვახარია.

მეორე მხრივ: ზვიად გამსახურდია, ვიქტორ რციხილაძე.
— რა საბუთი გაქვს, სუკ-ის აგენტობას რომ მწამებ? — პირდაპირ დაინწყებდა ნიკო ყიასაშვილი.

— როგორ თუ რა, — არ შეეშუებოდა ის, — ოთხი წელი მუშაობდი ინგლისში საბჭოთა საკონსულოში, ასეთ სამუშაოზე კი სუკი არავის აგზავნის, თუ ყოველმხრივ არ არის შემოწმებული და უკვე კარგად განვრთნილი და გამოცდილი მათი დავალებების შესრულებაში.

ეს რაღაცის თქმას დააპირებდა პასუხად, მაგრამ ჭაბუა ჩაერეოდა:

— ეგ არაფერს ნიშნავს!.. სულაც არ არის აუცილებელი, მაინცდამაინც მათი აგენტი იყო. უმეტესობა, გეთანხმები, ასეა — აგენტი, მაგრამ ყველაზე გავრცელება ცილისწამებაა და, თუ სხვა საბუთი არაფერი გაქვს, უნდა აღიარო, რომ ამ კაცს ცილი დასწამე!..

— შენ საერთოდ რა ხმას იღებ? — მოუტრიალდებოდა ზვიადი.

- რას ჰქვია, რა ხმას ვიღებ? — იუკადრისებდა ჭაბუა.
- რას ჰქვია და იმას ჰქვია, რომ ციხეში „ნასედკა“ იყავი!.. ოთახში სამარისებური სიჩუმე ჩამოვარდებოდა.
- რა თქვი? — ფერს დაკარგავდა ჭაბუა.
- რაც გაიგონე.
- გაიმეორე, თუ ბიჭი ხარ!
- გავიმეორებ, შენი მეშინია თუ რა — „ნასედკა“ იყავი, „ნასედკა“... კიდევ გინდა გითხრა?!

ახლა უკვე ავარვარდებოდა ჭაბუა ამირეჯიბი და წამოდგებოდა:

— მოგაჭრი მაგ ლამაზ თავს და მამაშენს გავუგზავნი.
მერე კი იძახებდა, ეს ისე ვთქვი, სიტყვის მასალადო, მაგრამ იმ წუთას ისე გაფიცდებოდა ჰაერიც კი, ისე გაითანგებოდა იქაურობა, ყველაფერი იყო მოსალოდნელი...

არადა... შემსრულებელი გახლდათ.
— მოიცა, ჭაბუა... არ გინდა, ჭაბუა... — აქეთ-იქიდან კი შემოსდახებდნენ, მაგრამ დიდადაც არ გამოიდებდნენ თავს. „მოაჭრას და მოაჭრას... მოვისვენებთ და ეგ იქნება... ჰა, რაღას უცდის...“

თუმცა ყველაფერი ერთბაშად უნდა ჩაშოშინებულიყო. წამოქორნილი ჭაბუა თავის შეყოვნებასა და კვლავ სკამზე დაჯდომას მოგვიანებით იმით ახსნიდა: ზვიადის თანხლები რომ წამოდგა, აქეთ-იქით ორი რევოლვერი მოუჩანდა ქამარში და არ ღირდა შებმაო.

ვიქტორ რციხილაძე ამ სიტყვებს რომ შეიტყო, არსენასავით ჩაიცივებდა წელი-წელი: არავითარი იარაღი არა მქონია, და ფეხზეც არ წამოვმდგარვარ, მხოლოდ წამოვიწიეო, ეგ არის და ეგ, იმათთან ანკი რა იარაღი მჭირდებოდაო.

ისე დაშორდებოდნენ ერთმანეთს, ვერ მორიგდებოდნენ. ესენი გამოიგდებდნენ კარს და წამოვიდოდნენ: ხომ წავაკეცეთ თავისი აგენტობაო.

ისინი ერთხანს შერჩებოდნენ: ხომ გამორჩნდა, რომ არავითარი საბუთი არ გააჩნია და უგვანი ცილისწამება იკადრაო.

— მე რომ არ მიმეცა ვიზა, გვერდით რომ არ დავდგომოდი, წიგნს ეგრე ადვილად კი ვერ გამოსცემდა, — ჩიოდა ნიკო ყიასაშვილი.

— უმადურობა გიკვირს? — ამშვიდებდნენ და ვერ ამშვიდებდნენ მეგობრები, და ის კი ვერ დაეჯერებინათ: ჭაბუას როგორ გაუბედა „ნასედკას“ დაძახება, არა, ეტყობა, მასობრივი ჰიპნოზი დაგვეუფლა, ყველას ერთობლივად რომ მოგვეჩვენაო.

წლები რომ გადაიკეცებოდა და ზვიად გამსახურდია აკაკი ბაქრაძის ერთ პოლემიკურ სტატიას („მკვახე შეძახილ“) გამოეხმაურებოდა კრიტიკულად, თუმცა ფინალური სტრიქონებით ერთგვარად გაანელებდა კრიტიკის სიმძაფრეს: გისურვებთ, კიდევ მრავალგზის მოგენოდებინოთ ჩვენი მკითხველი საზოგადოებისათვის ასეთი ცოცხალი აზრით სავსე, სასარგებლო კამათის გამომწვევი წერილებიო, — გიორგი სააკაძის კულტზე სიტყვის ჩამოგდებისას — როდესაც ამ კულტის დამკვიდრებას გაუთანაბრებდა ეროვნული პარამუნების გამოწვევას ანუ ადამიანის გასახრწნელად და გადასავარებლად მისი ისტორიული წარსულის გაყალბებას, თავის ჭეშმარიტ გმირებს ბოროტმოქმედებად და უნიათო კაცუნებად რომ უსახავ, მედროვეებსა და მოლაღატებს კი გმირებად — თვალსაჩინოებისათვის მოიგონებდა ერთი რაპუელის განცხადებას: თამარ მეფის ბნელ სასახლეში დატრიალებული ბნელი საქმეების გახსენება დღეს აღარ არის საჭირო ლიტერატურაშიო, — და კიდევ ფილმ „დათა თუთაშხიას“ ტენდენციას, ამავე მიზანს რომ ემსახურებოდა და რომლის მიხედვითაც რუსეთმა XIX საუკუნეში თურმე „გაათავისუფლა“ საქართველო ბაგრატიონების ბატონობისაგან, სამეფოს გაუქმებითა და სახელმწიფოს მოსპობით.

— კომენტარები ვგონებ ზედმეტია, — დასძენდა ზვიად გამსახურდია.

ის ფრაზა, რომელსაც ასე აღეშფოთებინა, სცენარისტის მიერ კი არ იყო ჩამატებული კინოფილმში (განსხვავებით დათას გააბრავენების მიზეზისაგან, სრულიად სხვადასხვაგვარად რომ არის წარმოჩენილი წიგნსა და ფილმში), არამედ პირდაპირ გადასულიყო რომანიდან და... მაშ რაღა სერიალს ახსენებდა, ბარემ წიგნი დაემონუმებინა, უცნობი ავტორის რომანიდან ჭაბუა ამირეჯიბისეული ეს ინტერპოლაცია?!.

ამ ფორმულირებით რომ მოეხზო, აცდებოდა ესეის მთავარ გეზს და სულ სხვა თემას შემოიტანდა, რომელიც იმ წუთს არ სჭირდებოდა. პოპულარულ რომანზე ხელაღებით ამის თქმა: ჭაბუა მარტოა დენ ინტერპოლატორიაო, ზედმეტ დისკუსიას გამოიწვევდა მკითხველში — მთლად დარწმუნებული არ გახლდათ, რომ ცენზურა ნებას დართავდა „მკვახე შეძახილს“ ექოს“ გამოსაქვეყნებლად, მაგრამ გულის სიღრმეში მაინც ეიმედებოდა... და ხელნაწერის სახითაც რომ გავერცელებინა, მაშინაც ვაითუ გაენაწყენებინა არაერთი თავისი მომხრე.

ასე დაწერასაც არ მოინდომებდა: ჭაბუა ამირეჯიბის „დათა თუთაშხიას“...

ერთმანეთთან ვერაფრისდიდებით ვერ აკავშირებდა ამ გვარ-სახელსა და ამ რომანს, უფრო ზუსტად, იმაზე მეტად არა, ვიდრე ნანუჩა ციციშვილი გახლდათ „ვეფხისტყაოსნისათვის“ — რუსთველის ნათქვამში ბევრი რამ შეურევია და წმინდა რამ აუმღვრევიაო, — მწვავედ რომ ედავებოდნენ და ამხელდნენ ძველი დროის მწერლები.

ამიტომაც ყველაზე მარჯვე გამოსავალი აღმოჩნდებოდა კინოფილმის ხსენება.

ასეთ დროს ვალდებული არა ხარ, ან რეჟისორი დაასახელო და ან სცენარისტი.

და ქვეტექსტში მიაწინებდა თავის დამოკიდებულებას, გუნებაში რომ ერთხელ კიდევ დაექადებოდა: დადგება შენი დროცო...

და იმავე სტატიებში ერთხელაც დაუბრუნდებოდა... კინო-ფილმს და კვლავაც ძალიან მწვავე კონტექსტში, „შეგნებულად გამიზნულ თამაშს“ რომ ახსენებდა და განმარტავდა, თუ რას გულისხმობდა:

— რაც უფრო მეტად დაამცირებ და გააბიაბრებ შენს ერს, მის ისტორიულ როლს და მის კულტურას, გარკვეული „ინსტანციები“ მით უფრო დაგაფასებენ.

ამის მაგალითად იკმარებდა „ლაშარელას“ ავტორის აღზევებასა და... ფილმ „თუთაშხიას“ ტრიუმფს, მათთან ერთად კი უნიჭო და მდარე ლიტერატურის პროპაგანდას საზღვარგარეთ, ფრჩხილების გახსნას მკითხველს რომ მიანდობს.

გრიგოლ აბაშიძის გვარ-სახელსაც რომ არ იხსენიებს? მაგრამ ხომ გარკვევით წერს: „ლაშარელას“ ავტორი.

და ლოგიკურად და ბუნებრივად მის გვერდით ასეც შეიძლება აღენიშნა: „დათა თუთაშხიას“ ავტორი.

უეცრად კი... კვლავ ფილმი. თითქოს რომანს ნაკლები ტრიუმფი ჰქონოდა.

მაგრამ ზვიად გამსახურდია „დათა თუთაშხიას“ ავტორს კი არ ედავება, არამედ... ინტერპოლატორს. და ისევ და ისევ სერიალს გააბიაბრებდა.

ინტერპოლატორს ჩინებულად თუ რაიმე მოეხსენებოდა, როგორ უნდა გაეკვლია გზა მისი გვარ-სახელით გამოცემული რომანისათვის. და საამისოდ თუ საკუთარი ერის დამცირება და გაბიაბრება დასჭირდებოდა, მისი ისტორიული როლისა და კულტურის, რას დაგიდევდა — ტრიუმფად უღირდა.

— ჯეიმზ ჯოისმაც ხომ განირა ირლანდია თავისი რომანისათვის? — ვილაც ამასაც შეახსენებდა. არა გამართლებად, ცხადია, ირლანდიელი მწერლისა, არამედ ეროვნულობისა და ზოგადესთეტიკური რწმენის შეჯახების ნიმუშად, ჯოისი ამ მხრივ ერთხანს უკიდურესობაშიც რომ გადავარდებოდა და გამოექცეოდა სამშობლოს, ვიდრე მოუნდებოდა და სულაც მოწყურდებოდა საკუთარ ფესვებთან დაბრუნება, გარეგნულად მოულოდნელ ნახტომად რომ მოჩანს მანძილი „ულისესა“ და „ფინეგანის ქელებს“ შორის.

— ჯოისის ბედისწერა სულ სხვაა... მაგრამ ამას თავი რომ დავანებოთ, მან ხომ საკუთარი რომანისათვის განირა, სხვის დანკრილს კი არ ამოეფარა სარგებლის საშოვნელად... ვეთანხმებით თუ არ ვეთანხმებით, იგი უანგარო კაცი იყო და ეს არ დაგვაგინყდეს!..

საქმეში ჩახედულ ადამიანებს არ გააკვირვებდათ ზვიადის მიერ აქცენტის გადატანა ფილმზე და არც მისი ქვეტექსტი გამორჩებოდათ, მაგრამ ის კი ძალიან გააოცებდათ, აკაკი ბაქრაძის დოკუმენტურ რომანში „მწერლობის მოთვინიერება“ გვერდიგვერდ ასეთ პასაჟებს რომ იხილავდნენ იმ დებულების ნათელსაყოფად: 50-იანი წლებიდან მწერლობამ ზნეობრივი პრინციპების გადასინჯვა დაიწყო. უფრო სწორად, ქრისტიანული ზნეობრივი იდეალისაკენ მიბრუნდაო.

ერთი მხრივ ნოდარ დუმბაძის „კუკარაჩა“, რომელშიც უბნის ინსპექტორი სახარებას კითხულობს. თუმცა ყველაფერი შეიძლება წარმოიდგინო კაცმა, გარდა ერთობლიობა მილიციელისა და სახარებისა, მაგრამ მწერალს ხომ აქვს უფლება ოცნებისა ქრისტიანულ კაცთმოყვარეობაზე, რომელსაც სოციალისტურ სინამდვილეში ვერ ხედავდა.

და მეორე მხრივ... „დათა თუთაშხია“, რომლის ზნეობრივი დასკვნაც ქრისტიანულია: არა ჰქვიათ კაცი ესე და აჰა, ნიჭი თქვენ, გარდაქცევისათვის სიკეთედ ბოროტებისაო.

ასე ერთად უფრო თვალშისაცემია, რომ „კუკარაჩას“ ჰყავს ჩვენთვის ცნობილი ავტორი, ხოლო „დათა თუთაშხიას“ — არა. და ისე გამოდის, რომ აკაკი ბაქრაძე თავს არიდებს ფსევდოავტორის დასახელებას, ნამდვილი ავტორის ვინაობა კი ვერ გაუმჟღავნებია — ან წარმოდგენა არა აქვს და ან დაზუსტებით ვერ უთქვამს.

კი მაგრამ, ეს კრიტიკოსი არ იყო, რამდენიმე წლის წინათ ვრცელ ნარკვევს რომ უძღვნიდა ამ რომანს? გამოწვლილივით, დეტალურ ანალიზს მისი იდეური მრწამსისა, სწორედ ქრის-

ტიანული თვალთახედვით წარმოსახულს და სათაურსაც შესაფერისს რომ შეურჩევდა — „ტარიგი ღმრთისაი“?

აკაკი ბაქრაძეს არა სჩვეოდა აღმატებულ ეპითეტთა დახვევა თუ ემოციის გამოვლენა ლიტერატურულ სტატიებსა თუ ესეებში, მისი სტილური მანერა ყოველთვის თავშეკავებით გამოირჩეოდა, ასე რომ, თუკი ზერელედ შევუდარებთ ამ ნარკვევს სხვა კრიტიკოსთა წერილებს, „დათა თუთაშხიას“ ირგვლივ ჩამომწკრივებულთ, რალაც განსაკუთრებულ სამწერლო მოვლენად რომ შენაცხავდნენ ამ რომანის გამოქვეყნებას, შესაძლოა მოგვეჩვენოს, რომ კრიტიკოსი დიდად აღფრთოვანებული არ დარჩენილა, მონონებით მასაც მოსწონს, მაგრამ ისეც არა, თაყვანისმცემელთა კოჰორტას შემატებოდეს. მაგრამ თუ ჩაუკვირდებით ანალიტიკური აზროვნების პროცესსა და შინაგან სიმზურვალეს, აღმოვაჩენთ, რომ „ტარიგი ღმრთისაი“ ერთიანი დითირამბია, რომანის მთავარი გმირის სახებას ამაღლებული შარავანდით რომ მოსავს:

— როგორც ჩანს, ყოველი კაცის გვაში ღვთაებრივი სიყვარული უნდა ჩასახლდეს, ის ზნეობრივი იდეალი რომ განხორციელდეს, რომელსაც დათა თუთაშხიას პიროვნება განასახიერებდა.

ამ ერთიანი დითირამბის, პანეგირიკის ფონზე აკაკი ბაქრაძე თავს უფლებას მისცემდა, კრიტიკული შენიშვნა გამოეთქვა რომანის ზოგიერთი თავის მიმართ: უნდა ვიფიქროთ, რომ ისინი ზედმეტიაო.

უშუალოდ რომელ მონაკვეთს გულისხმობდა?

— მაგალითად, ციხეში მომხდარი ამბოხების აღწერა. თავისთავად ჯანსიერი საინტერესოდ არის დანერილი (ამის საბუთად მარტო კლასიონ კვიმსაძის სახეც კმარა), მაგრამ, ჩემი აზრით, ეს თავი იმ ფუნქციას ვერ ასრულებს, რისთვისაც არის რომანში.

ეს ციხე მიკროსახელმწიფო რომ გახლდათ, ამას მიგნება არ სჭირდებოდა, აშკარადაც იყო ნათქვამი რომანში და ისედაც გარესახელმწიფოს ყველა ნიშან-თვისება თვალნათლივ ვლინდებოდა აქ.

— იმ გარესახელმწიფოს კარგად იცნობს დათა თუთაშხია. ბუნებრივია, არც ციხის ანუ მიკროსახელმწიფოს სამყაროა მისთვის უცნობი და ახლისმთქმელი. არც ის ადამიანებია სხვანაირი, რომელნიც ციხეში შეხვდნენ დათას. ორთაქალის ციხეში დათას პიროვნების გამოვლენა ახალი მხრიდან არ ხდება. არც დათას მოუხდენია აქ რაიმე ზეგავლენა სხვების სულიერ სამყაროზე.

მაშ... მართლაც ზედმეტი ყოფილა და ესაა!..

ყოველ შემთხვევაში არგუმენტი საკვებით დამაჯერებელია და გასათვალისწინებელი. და თუ სხვა თავებს — სადაც ამბავი სხვადასხვაა, მაგრამ აზრობრივი შინაარსი ერთი და იგივე — აღარ ჩამოუთვლიდა, იგულისხმებდა, რომ თუკი ავტორი დაინტერესდებოდა, პირადადაც მოახსენებდა კრიტიკულ შენიშვნებს. ან ეგებ ჭაბუა ამირეჯიბს თვითონაც ამოეცნო დანამდვილებით, რომელი მონაკვეთები ტოვებდა ტავტოლოგიისა და გაჭიანურების შთაბეჭდილებას, რათა რომანის საგულდაგულო რედაქციისას მათ შელეოდა.

ერთ გარემოებასაც მიაქცევინებდა კრიტიკოსი მწერალს ყურადღებას: რამდენადაც საინტერესოდ და მიმზიდველად იხატებოდნენ მამაკაცები „დათა თუთაშხიაში“, იმდენად უინტერესოდ და ფერმკრთალად — ქალები.

შენიშვნები იმ მიზანს ემსახურებოდა, რომ რომანი კიდევ უფრო სრულყოფილი და შთაბეჭდავი გამხდარიყო და მწერალს არ უნდა გაძნელებოდა რედაქციული ჩარევა... ოღონდ თუკი არ გაიზიარებდა კრიტიკოსის მოსაზრებებს, აკაკი ბაქრაძე ხომ არაფერს ითხოვდა და აძალბებდა — და რომანი კვლავინდებურად იმ სახით გამოიცემოდა, როგორც პირველად იხილავდა მკითხველი.

სანყენი ოდნავადაც არაფერი გახლდათ შენიშვნებში, მიუთმეტეს — სახოტბო პათოსის ფონზე. და „ტარიგი ღმრთისა-

ის“ ავტორი მოელოდა, რომ მწერალი კმაყოფილებით გაეცნობოდა ნარკვევს „მნათობის“ ფურცლებზე და მადლიერებით აღივსებოდა იმ ადამიანის მიმართ (თანაც რარიგ პოპულარულის!), ვინც ასერიგად უწყობდა ხელს რომანის აღზევებას.

ტელეფონის ზარი არ გახმინდებოდა კრიტიკოსის ოჯახში. „აღბათ რომ შემხვდება, მაშინ დამიმაღლებს!..“

და აგერ კიდევ შეეყრებოდნენ ერთიმეორეს და... აკაკი ბაქრაძე სახეგაბადრული რომ გადადგამდა ჭაბუა ამირეჯიბისაკენ ნაბიჯს, ის... ძალიან ცივად მიესალმებოდა და არქარელებული ნაბიჯით გამოიდებოდა.

ეს სახტად დარჩენილი მიაჩნდებოდა მის ზურგს.

ცივი სალაში იმას ნიშნავდა: ზრდილობას რა ვუთხრა, თორემ ამასაც არ უნდა ვიმეტებდეთ.

და შინ ნიწნამხდარად დაბრუნებული აკაკი ბაქრაძე სასწრაფოდ გადმოიღებდა თავის ნარკვევს და მკაცრი თვალით ჩაიკითხავდა თავიდან ბოლომდე, იქნებ უნებურად გამეპარა რაიმე სანწყინო.

ვერაფერს აღმოაჩინდა, გარდა იმ უწყინარი შენიშვნებისა.

„ორმოცთაბახიან რომანს ორი-სამი თაბახის ამოკლება განა რას დაუშავებს!.. ბოლოსდაბოლოს ნუ შეკვეცავდა და ეგ იქნებოდა...“

მერელა უნდა მიხვედრილიყო ამ უჩვეულო ბიოგრაფიის კაცის განაწყენების მიზეზს.

ეს მაშინ, როდესაც ისიც ეჭვით შეხედავდა ჭაბუა ამირეჯიბის ავტორობას.

და იცინებდა და რას იცინებდა აკაკი ბაქრაძისებური გულიანი სიცილით.

— რის ამოღებასაც ვურჩევდი, ზედმეტი-მეტი, ის არის მხოლოდ მაგის დაწერილი და ეწყინებოდა, აბა რა იქნებოდა... კიდევ კარგად მომითმინა... არადა, აშკარად ჩავარდნილია ეს მონაკვეთები. ციხის ამბოხების ამბავი რა დასაწერი იყო — გაჭიანურებული და არაფრისმთქმელი!..

— ზვიადი მართალი ყოფილა?

— მართალი ყოფილა, მართალი... მაშინვე დაგვეგლო ყველას ყური მისთვის, კარგი იქნებოდა.

პირდაპირ გალაშქრებას მოერიდებოდა ჭაბუას ნინალმდეგ, თუმცა სულ სხვა ნარკვევში, გურამ დოჩანაშვილის რომანის — „სამოსელი პირველი“ — ანალიტიკურ განსჯას რომ მიეძღვნებოდა, ისეთ პასაჟს ჩართავდა ფინალურ ნაწილში, ყველა მიხვდებოდა, „დათა თუთაშხიასადმი“ აღტაცებულ დამოკიდებულებას რომ აბიბრუებდა. ქვეტექსტი ისეთი გამჭვირვალე გახლდათ, დიდი რამ მიხვედრა არც სჭირდებოდა.

ერთი გარემოება შეიმჩნევა დღეს ქართულ მწერლობაში, რაც დასაგმობად მიმჩნეოდა, — რომ აღნიშნავდა, დასაგმობს იმას უნდებოდა, რომ თუ რომელიმე მხატვრული ნაწარმოები მოწონებას დაიმსახურებდა, მის მიმართ ჩნდებოდა ნეკროლოგიური მადლიერების განწყობლება, აღტაცებით ცრემლმორეული, ქუდმოხდილი შეეყურებდით მას და, თუ რაიმეს დაწერდით ამ ნაწარმოებზე, მხოლოდ და მხოლოდ ხოტბა უნდა გვეთქვა. როგორც ნეკროლოგია მიჩნეული უხერხულად გარდაცვლილის ნაკლის აღნიშვნა, აქაც გვიძნელდებოდა ხარვეზებზე ლაპარაკი.

— ის კი გვაინწყდება, რომ მხატვრული ნაწარმოები ცოცხალი ორგანიზმია და, როგორც ყოველ ცოცხალ არსებას, აქვს თავისი ავ-კარგი. არც ის უნდა დაგვაინწყდეს, რომ ცოცხალ არსებებზე ნეკროლოგის დაწერა შეურაცხყოფაა, დამცირებაა. ყურადღება უნდა მივაქციოთ იმასაც, რომ ბრმა აღტაცება და ბრმა გმობა ერთნაირ შედეგს იძლევა — აზრის უმოძრაობას. ეს კი მწერლობის უბოროტესი მტერია.

ეს რამხელა და როგორი განზოგადება მიიჩნებოდა ამ რომანისადმი გამოჩენილ უჩვეულო ხმაურს, ერთიანად გამსჭვალულს ამ განცდით, ამ სიამაყით: ხომ შეიქმნა საქვეყნო წიგნი, ამდენი ხანია რომ ველოდით, და აჰა, ახდა თაობების ოცნებაო.

გამოეცლებოდა აკაკი ბაქრაძე ამ ბრმა აღტაცებას, მწერლობის უბოროტეს მტერს.

არადა, რომანს აკი სერიალიც ამოუდგებოდა გვერდით.

თარგმანები კიდევ თარგმანებად — ახალი პერსპექტივა რომ გადაიშლებოდა ჭაბუა ამირეჯიბის წინაშე და უკვე ნობელის პრემიასაც შეეთამაშებოდა გუნებაში, თორემ გარშემო რომ აღარავის მიიჩნევა თავის ტოლად და სწორად, ჩვენს კლასიკურ ლიტერატურასაც გახედავდა და გაზომავდა ამ თვალთ და თავის ფარდად... მარტოდენ შოთა რუსთველს დაიგულედა... და ჯერ მხოლოდ ნაცნობ-მეგობრებში რომ გაამაჟღავნებდა ამგვარ თვითრწმენას, მერე და მერე საჯაროდაც აღარ მოერიდებოდა: ძველმა საქართველომ „ვეფხისტყაოსანი“ შექმნა, ახალმა საქართველომ — „დათა თუთაშხიას“.

სწორედ ასე, მესამე პირში... თანაც — ახალმა საქართველომ...

და ჩაიცინებდა, ჩახაზულს რომ მიუტანდნენ აკაკის ბაქრაძის ნარკვევის იმ პასაჟს, ნეკროლოგიური მადლიერების განწყობილება დასაგმობად მიმჩნეოდა.

დაე დაეგმო იმას ბრმა აღტაცება — დამცირებააო, შეურაცხყოფააო... კენჭადაც არ დახვდებოდა წინ „დათა თუთაშხიას“ ტრიუმფის გზაზე... თუ უნდოდა, კვლავაც ციხისა და კიდევ ერთ-ორ ეპიზოდშიც ეჩხირკედელავა კრიტიკოსს და ემეორებინა: თავის ფუნქციას ვერ ასრულებს და ზედმეტი-მეტი... იმას თუ ეზედმეტებოდა, ამისთვის გახლდათ ძვირფასი — ციხის წარსულის გამახსენებელი, მძაფრად და ხელშესახებად. და ისეთსაც რას აზიანებდა რომანის არქიტექტონიკას, რატომ შელეოდა და დაუნანებლად რატომ ამოეკვეთა მთლიანი ქსოვილიდან.

აკაკი ბაქრაძე აკი თავისებურად ახსნიდა ამ მონაკვეთთა ხელშეუხებლობის მიზეზს: მაგის დაწერილი მარტო ეგ არის და რა ნააშლევინებს, როგორც გინდა დაუსაბუთოო!..

თავის მხრივ კი ჭაბუა ამირეჯიბის გვარ-სახელსაც გამოტოვებდა, „დათა თუთაშხიას“ ხსენებას რომ დაისაჭიროებდა. ან ეგებ შეგნებულადაც მოეხმო ამ რომანის სათაური, რათა მკითხველი დაეფიქრებინა: ყველა თხზულებას ავტორთან ერთად რომ იხსენიებს მთელს წიგნშიც და აგერ, ამ მონაკვეთშიც, ამ ერთადერთ შემთხვევაში რატომ უნდა გამოეტოვებინა მწერლის გვარ-სახელიო?!

უფრო შორს ჯერჯერობით ველარ მიდიოდა.

„როგორ ვერ მოვიცლი საამისოდ, რომ ჯერ მარტო სტილური ანალიზით დავამტკიცო სხვადასხვა ავტორის არსებობა... სულ ცოტა — ორის, და შესაძლოა — სამისაც... ამასობაში კი რაღაც საბუთი — მოგონება, დღიური, ბარათი — როგორ არ აღმოჩნდება ნამდვილი ავტორის დასადგენად... ნუ-თუ კვალი პირწმინდად ნაშლილია?!“

მერე ისე უნდა არეულიყო ქვეყანა და დაჩქარებულიყო საზოგადოებრივ-პოლიტიკური პროცესები, სადაა მოიცლიდა „დათა თუთაშხიასათვის“, ამ მოვლენათა შუაგულში რომ იტრიალებდა და სამხედრო გადატრიალების შემდეგაც არ მოაკლდებოდა საზრუნავი და სათავშისაცემო, რუსთაველის საზოგადოების პრეზიდენტი სულაც საქართველოს რესპუბლიკის პრეზიდენტობას რომ მოინდომებდა და ედუარდ შევარდნაძეს მოეველინებოდა ერთ-ერთ კონკურენტად... და ასეთ მარცხსა თუ ჩაფლავებას ვერაფრისდიდებით ვერ ივარაუდებდა საპრეზიდენტო არჩევნებში, არამცთუ ედუარდ შევარდნაძე, ჯუმბერ პატიაშვილიც სადღაც შორს რომ ჩამოიტოვებდა, თვალსაც რომ ვერ მიახვედნდა.

და ისე გაუტყდებოდა გული, ჯერ ისედაც სკეპტიკოსს, გაერიდებოდა ყველასა და ყველაფერს და აღარც „დათა თუთაშხიას“ აუფორიაქებდა გონებას. თქმით კი იტყოდა ერთი-ორჯერ: როგორ არ მოვიცლი ჯერ მარტო სტილური ანალიზისთვისო, — მაგრამ უკვე უნიათოდ, ძველებური თავდაჯერებითა და შემართებით — ველარ, და აშკარად ეტყობოდა, რომ დაუნერელი დარჩებოდა ეს ნარკვევი, იქნებ მხატვრულ-დოკუმენტური წიგნისთვისაც — „ჩემი თაობა“ — ნავარაუდები, მაგრამ წამოწყებით თუ წამოიწყებდა ამ მონოგრაფიას,

ფრაგმენტებსა და მონახაზებში რის დაწერასაც მოასწრებდა, არსად აღმოჩნდებოდა „დათა თუთაშხიას“ სტილურ ნაკადთა ანალიტიკური განსჯა-შეფასება.

— გეეჭვებათ, რომ ჭაბუასია ეს რომანი?

გაიცინებდა:

— ეჭვიც არ მეპარება, რომ ჭაბუასია არ არის.

— და მაშ ვისი?

— ეჰ, ეგ რომ ვიცოდე!..

ზვიად გამსახურდია აღარ იყო სამზეოზე.

აკაკი ბაქრაძესაც უნდა გაეხურა წუთისოფლის კარი.

ჭაბუა ამირეჯიბის სახელს კი კვლავაც უნდა ეგრგვინა და „დათა თუთაშხია“ სულაც ოფიციალურად წარედგინათ ნობელის პრემიის მოსაპოვებლად — ქართული ლიტერატურის ინსტიტუტი ყველაზე უმჯობესად მას რომ ცნობდა თანამედროვე ქართველ მწერალთაგან... და თუმცა პრემიის ირგვლივ შემოგარსულ წრეებს ვერ გადალახავდა, ჭაბუა თავს იმით ინუგეშებდა: საქართველოს რომ არ იცნობს დასავლეთი, მეც იმიტომ დავიჩაგრე, თორემ აბა ძლიერი სახელმწიფო ვიყოთ და მე კი პარიზში ცხოვრების საშუალება მქონდეს, მაშინ ვნახავდით, ვინ გადამისწრებდაო.

ეჭვი მაინც ბრუნავდა, გადი-გამოდიოდა და ბურავდა კულუარებს, ჟურნალისტებიც რომ დააცხრებოდნენ ამ საკმაზს და მოინდომებდნენ სენსაციურ მასალად ექციათ... და ხან ერთი მოადგებოდა ოთარ ჩხეიძეს, ხან მეორე, ხანაც მესამე... და შეკითხვა თითქოს შეთანხმებულად მოემზადებინათ, ერთსა და იმავეს რომ იმეორებდნენ:

— რომ ამბობენ, „დათა თუთაშხია“ ჭაბუა ამირეჯიბის დაწერილი არ არისო, თქვენ რას იტყვით?

— მეც მსმენია, როგორ არა, მაგრამ საბუთი არავის წარმოუდგენია, უამისოდ კი უნდა მოვერიდოთ ამისთანა ლაპარაკს. ხუმრობით, ვისაც ეხალისება, დაე იხუმროს, მაგრამ სერიოზულად არა ღირს... ეჭვი არ მეპარება, რომ „წყნარი დონის“ ნამდვილი ავტორი მიხეილ შოლოხოვი კი არა, თეოდორ კრიუკოვია, თეთრგვარდიელი მწერალი (სხვათა შორის, ამის კვალი დარჩენილია ამჟამინდელ ტექსტში), მაგრამ ჩვენში ყოველად უსამართლოდ დასწამეს ცილი ჯერ ალექსანდრე ყაზბეგს და მერე კონსტანტინე გამსახურდიასაც...

— როგორ... კონსტანტინესაც?

ალექსანდრე ყაზბეგზე სმენოდათ, მაგრამ ეს რალაც ახალი იყო მათთვის.

— მაშ — კონსტანტინესაც, „მთვარის მოტაცება“ მიითვისა, ინტერპოლატორი უფროა, ვიდრე ნამდვილი ავტორიო, მაგრამ მე ყოველთვის მეცინებოდა, ამას რომ ამბობდნენ.

— „დათა თუთაშხიასაც“ იქნებ „წყნარი დონის“ ბედი ერგო?

— ჭაბუა აღიარებული მწერალია და არამართო ჩვენში და უსაბუთოდ უნდა მოერიდოთ მის ირგვლივ ჭორების გავრცელებას... ისედაც ტანჯული კაცია... საერთოდაც, ჩემგან იცოდეთ — ჩამდენმა ერთი ცოლდა ჰქნა და დამბრალებულმა ათასიო. ბრძნული ანდაზაა და მის სიბრძნეს დაუფჯეროთ.

— არ იზიარებთ იმ აზრს, რომ ციხის ეპიზოდი და ერთი-ორი სხვაც ამოვარდნილია რომანის მთლიანობიდან?

— ეგ უთუოდ ასეა, შედარებით სუსტია რამდენიმე მონაკვეთი, მაგრამ ამით არ დამტკიცდება ის, თქვენ რისი დამტკიცებაც გნებავთ. ამხელა რომანი ყველა მონაკვეთი, ყველა პასაჟი ერთნაირი მხატვრული სიძლიერისა რომ არ იყოს, რა მოხდა მერე „დონ კიხოტში“ არ არის ყველა თავი ერთნაირი შთამბეჭდაობისა და „დათა თუთაშხიასაგან“ რატომ ითხოვთ?.. ერთადერთი, რაზეც მწყდება გული, ბაგრატიონებზე ის რამ დაანერინა: რუსეთმა საქართველო მათი ბატონობისაგან გაათავისუფლაო, — და ახლოს რომ ვიყო ჭაბუასთან, უსათუოდ ვეტყვოდი და ვთხოვდი, ახალ გამოცემებში ამოეშალა ეს სტრიქონი... ასეა თუ ისე ამით დავასრულოთ, არ მსიამოვნებს ასეთ თემაზე ლაპარაკი.

— სტილურმა ანალიზმა რომ დაამტკიცოს სხვადასხვა ავტორის არსებობა?

— ჯერ გამოჩნდეს ასეთი ანალიზი... მანამდე კი გთხოვთ, ჩამოეხსნათ ამის ჩხრეკას. ყოველ შემთხვევაში, მე ნულა მომმართავთ.

არქიტექტონიკა მოსწონდა ამ რომანისა ოთარ ჩხეიძეს: კარგ ფორმას მიაგნო, — და ეს ჯერ კიდევ მაშინ, როდესაც დასაწყისს გამოაქვეყნებდა „ცისკარი“.

და განსაკუთრებით ხიბლავდა მუშნი ზარანდიას სახე, როგორც მხატვრული მიგნება და სიახლე ჩვენს ლიტერატურაში, გაორებული კაცი, ვინც ვითომდა თავისი ქვეყნის სიყვარულით მიიწვეს იმპერიაში რაც შეიძლება მაღალი თანამდებობის დასასაკუთრებლად, ჩემს სამშობლოს ამ თანამდებობის სიმალლიდან უფრო შევენევი და გამოვადგებიო, მაგრამ რეალურად მზადაა ერი შესწიროს საკუთარ კარიერას, რაკილა სხვაგვარად სრულიად წარმოუდგენელია ასეთი აღზევება შენი ქვეყნისათვის მტრულად შემართულ სახელმწიფოში, თუკი შენი ერის ინტერესებს არ გაყიდა.

— ღრმად და შთამბეჭდავად არის წარმოსახული ეს სახე... ეს რომანი ეგ არის სწორედ — მუშნი ზარანდია, თორემ უიმიოდ დათა თუთაშხია ვერ ასცილდება უსისხლო ყაჩაღის მოარულ მოდელს, მითუმეტეს, არსენა ოქლაშვილის შემდეგ — ვერა ჩრდილავს და ვერც დაჩრდილავდა იმ პერსონაჟს. ისე მაინც რა არის, რამხელა ეპოსია „არსენას ლექსი“, მიხეილ ჯავახიშვილმაც ვერ გადააჭარბა, „არსენა მარაბდელი“ ვერ აზიდა იქამდე... ვერც „დათა თუთაშხია“ აიზიდებოდა, მუშნი ზარანდია რომ არა... ესეც ამძაფრებს თხრობას და კონფლიქტსაც უფრო გამომსახველს ხდის, ამ ორი პერსონაჟის ჭიდილზე რომ არის აგებული კომპოზიციური ქარგა...

ნეტა თვითონ ჭაბუა ამირეჯიბი რას ფიქრობდა ამ პერსონაჟზე?

მთლად ასეთ მნიშვნელობასაც არ ანიჭებდა, მაგრამ ერთგანზომილებიან სახედაც არ მიიჩნევდა — ბოროტების მოარულ გამოხატულებად, და კიდევ განაცხადებდა ერთხელ: მუშნი ზარანდია არც დადებით, არც უარყოფით გმირად არ დამინერიაო. აბა, მაშ?..

— დაეხატე კაცი, როგორც უნდა იყოს იმ ვითარებაში, როგორმიც იგი მოქმედებს. ბევრი შეხედულება გამოითქვა, თუ როგორია მუშნი ზარანდია, მაგრამ არავის უთქვამს, რომ იგი სხვაგვარ კაცად უნდა დამეწერა.

ცოტა ბუნდოვანი განმარტება კი არის, მაგრამ ამჯერად მთავარი ისაა, რომ რთულ, არაერთმნიშვნელოვან გმირად წარმოუდგენია.

სხვათა შორის, სწორედ ხასიათის ამ სირთულეს „ჩაავლებდა“ თენგიზ არჩვაძე, მუშნი ზარანდიას მრავალგანზომილებიან პორტრეტად რომ გამოკვეთდა ტელესერიაში.

იმ არგუმენტის პასუხად რალა შეიძლება თქმულიყო, აი, რომაო...

როდემდე უნდა ყოფილიყო შეჩერებული მკითხველი ამ ერთადერთ რომანს ასეთი აღიარებული და პოპულარული მწერლისაგან?

მურმან ლებანიძე ამ არგუმენტის გასაბათილებლად რომ შეიმართებოდა, ამიტომაც გამოუძებნიდა ამგვარ გამართლებას ჭაბუა ამირეჯიბის ხანგრძლივ შემოქმედებით პაუზას:

— ღმერთო, შეგცოდეთ და, რალა აქვს დასაწერი, რალა უნდა დაწეროს, სულაც რომ ხელები ჯიბებში ჩაიწყოს, ეგების სჯობდეს-მეთქი, — ასეც ხომ მიფიქრია!

ხოლო ოთარ ჩხეიძე:

— რომ ახირებიან, ახალს რატომ აღარაფერს წერსო, რა მოხდა თუ ვეღარ წერს — ზოგი ადრე ამთავრებს წერას და ზოგიც გვიან, ამით არც არაფერი მტკიცდება. მერეა და, ეგებ დიდტანიანს წერს ახალსაც და გამოჩნდება, რატომ უნდა ააჩქარო!.. იმისთანა ბიოგრაფია აქვს, მასალა არ უნდა მოაკლდეს... ჯერ მარტო მისი ცხოვრებაა გამზადებული რომანი, სტენოგრაფისტის მეტი რომ აღარც აღარაფერი სჭირდება...

— თუ მართლა მაგის დაწერილია „დათა თუთაშხია“.

— არ გინდა, შენ ნუ აჰყვები ამ ლაპარაკს, თუ რაიმე რეალური საბუთი არ იქნება თავს.

— მე ისე... ხუმრობით...

— ხუმრობითაც არ გინდა... ცუდად ჩამოგართმევენ და არ გინდა... მოეშვი...

— ზვიად გამსახურდიას არა სჯერა... აკაკი ბაქრაძეს არა სჯერა...

— იოლად ვერ გადაატარებ მათ მოსაზრებებს, მაგრამ ეს მაინც ზეპირი ლაპარაკია... დასაბუთონ და... შენს გურამ დოჩანაშვილს ხომ სჯერა ჭაბუას ავტორობა.

— ოოო, იმას როგორ არა...

— ხომ ხედავ?! ისე რაც დასაფარი არ არის, არც დაიფარება და დრო მიუჩინს ყველას თავთავის ადგილს.

— ოთხტომიანი „მძიმე ჯვარი“ დავწერე და ეს ორტომიანი „დათა თუთაშხია“ რა გახდა ამისთანაო, — უკვირდა რევაზ ჯაფარიძეს, — მე მოგიკვდეთ, ანტონ ფურცელაძის „მაცი ხვითას“ თუ სჯობდეს რაიმეთი... უნდა დავწერო, აუცილებლად უნდა დავწერო წერილი „მაცი ხვითაზე“. ჯერ მისი მნიშვნელობა წარმოვჩინო, დასავიწყებელი რომ არ არის, მეერ კი უკვე „დათა თუთაშხიასთან“ მისი შედარებაც შეიძლება...

ჩამდენის კისერზე ერთი ცოდვა გახლდათ.

დამბრალებლისა — ათასი.

და დროს უნდა მიეჩინა ადგილი ყველაფრისათვის და ამოსატივტივებელიც იმას ამოეტივტივებინა, თუნდ დასამალად დედამინა გადაფარებოდა!..

ეს დრო კი ისე მიიზღაზნებოდა, ხეწმითა და სვენებ-სვენებით, ვიდრე ერთბაშად ამლელვარდებოდა, აჩქარდებოდა და ეპოქებს გადაგვაქროლებდა და ამ უჩვეულოდ ასწრაფებული დროის სათავეში ზვიად გამსახურდია აღმოჩნდებოდა.

II.

— „დათა თუთაშხიასავით“ წიგნი გამოვიდა.

კი მაგრამ, რა საერთო შეიძლება ჰქონოდათ:

ერთი მხრივ — რომანი, სათავგადასავლო ყაიდისა.

მეორე მხრივ — ოფიციალური საგამოძიებო მასალები, სახელწოდებაც რომ შესაფერისი შეიჩრქოდა: „პრეზიდენტ ზვიად გამსახურდიას საქმე“.

არადა, თვალმისაცემი აღმოჩნდებოდა მსგავსება ჯერ მარტო გარეგნულადაც — კომპოზიციური აღნაგობის თვალსაზრისით.

და შინაარსობრივადაც არანაკლებად.

დეენა, ტყე-ღრუმი ნონიალი, ალყა, თავდალწევა, დისკრედიტაციის მცდელობა ათასგვარი ჭორის მეშვეობით, გამოძიება, პოლიცია, უშიშროება, სროლა, სისხლი, იდუმალებაში გახვეული აღსასრული... და კიდევ — მოლოდინი, რომელიც...

ნაკლებ სათავგადასავლო კი არ აღმოჩნდებოდა საგამოძიებო მასალების კვალდაკვალ აღდგენილი რეალური სურათი, თუნდ წინააღმდეგობრივი მასალების, სხვადასხვა მონათხრობი ხან ოდნავ და ხანაც საკმაოდ მკვეთრადაც რომ შორდებოდა ერთმანეთს.

და რა გასაკვირია, დეტექტიური მოტივები თუ განწყობილებანი რომ იელვებდა ერთგანაც და მეორეგანაც.

არქიტექტონიკა ხომ...

ის კი არა, არქივში მოძიებული მასალებითაც უნდა შევსებულიყო „დათა თუთაშხიას“ თხრობა — პორუჩიკ ანდრიევსკის დღიურები იქნებოდა, დაკითხვის ოქმი თუ შვანგირაძის პატაკი, და კიდევ სხვადასხვა ფერის — თეთრი, ვარდისფერი, ყვითელი — რვეულებითაც, კვლავ დღიურებსა თუ მემუარულ ჩანაწერებს რომ გვაცნობდა ნინო თავყელიშვილი-შირერისას, უმთავრესად კი მაინც პერსონაჟთა მრავალფეროვანი გალერეა უნდა აღბეჭდილიყო მკითხველის მესხიერებაში, ავტორი

პანოპტიკუმად რომ მოიხსენიებდა და გმირთა ქანდაკებებს საკმაოდ რელიეფურად გამოჰკვეთდა, ყველა ერთობლივად დათა თუთაშხიას ცხოვრების ეპიზოდებს რომ უტრიალებდა და მისი ხასიათის თვისებებს წარმოაჩენდა, ამასობაში კი არანაკლებ — და ეგებ უფრო მეტადაც — საკუთარ პორტრეტებს წარმოსახვდნენ, თიყვა ძაძუა იქნებოდა, ალექსი სნეგირი, ნიკიფორე ბუბუტიშვილი, მოსე ზამთარაძე, ქუჯი თორია, გიგო ტატიშვილი, ირაკლი ხურციძე, ნიკანდრო ქილია, ბეგლარ გვალია, ტორი მიქაშაურია, ბექარა ჯეირანაშვილი, დიმიტრი კოდაშვილი, ქალბატონი თიკო ო-ნი, შალვა ზარანდია, სალომე ბაზიერაშვილი-ოდიშარიასი, რობერტ ხაპლანი, შალვა თუხარელი, ვანო ნათოფრიშვილი თუ ვასო გოდერძიშვილი.

ყველა ეს მონათხრობი კი უნდა დაეკავშირებინა და მოხდენილადაც შეეკრა გრაფი სეგედის ვრცელ ჩანაწერს, ღრმა ანალიტიკურ განსჯას, რომელიც ფრაგმენტებად დანაწილებულიყო და მთელს რომანს გამოსდევდა.

ეს — იმ წიგნში.

ხოლო ამ მეორეში:

საქართველოს მთავარი პროკურატურის არქივში დაცული №7494802 სისხლის სამართლის საქმის მასალებიდან ამოკრებილი ჩვენებანი და დროებითი საპარლამენტო კომისიის გამოკითხვები და მასთან ერთად ზუგდიდის კომენდანტის ბადრი ზარანდიას დღიური ქმნიდა პერსონაჟთა იმ მრავალფეროვან გალერეას, პანოპტიკუმად რომ წარმოდგებოდა და გმირთა ქანდაკებებსაც საკმაოდ რელიეფურად გამოჰკვეთდა, ყველა ერთობლივად ზვიად გამსახურდიას ცხოვრების უკანასკნელ ეპიზოდებს რომ უტრიალებდა და მისი პიროვნული ხასიათის თვისებებს წარმოაჩენდა, ამასობაში კი არანაკლებ — და ეგებ უფრო მეტადაც — საკუთარ პორტრეტებს წარმოსახვდნენ, შალვა (ბაჩუკი) გვანცელაძე იქნებოდა, ლუდმილა აბშილაგა-ლურნკაია, კარლო ლურნკაია, ვალიკო ზარანდია, ნათელა ავალიანი-ზარანდია, რობერტ (რობინზონ) მარგველანი, ჯუმბერ (ზაურ) ჩუხუა, ანატოლი ჩუხუა, ანზორ მებონია, კარლო გუჩუა, ზურაბ გუჩუა, ჯონსონ კვარაცხელია, გოჩა კეკელიძე, ზაზა ბურჯანაძე, თენგიზ კიტოვანი, იგორ გიორგაძე, თენგიზ სიგუა, ჰამლეტ გულორდავა, მურმან ნაქაძე, თემურ გაბუნია, ლევან ჩაჩუა, ზაზა ოქრუაშვილი, რომეო კუჭუხიძე, ვალტერ შურლაია, სოსო თორია, ვახტანგ ზარანდია, ირანდა კალანდაძე, მარინა ზარანდია, გივი თაქთაქიშვილი, ავთანდილ რცხილაძე, ბელა შალვაშვილი, გიორგი სარია, არსენ მესხია, დავით ქარდავა, ნუკრი ლურნკაია, არკადი შონია, გოდერძი მებონია, კახა მოლაშხია, მამრიკო ზარანდია, კახა მიქაია, ბადრი გოგელაშვილი, თამარ ძნელაძე, ნანა ზულიაშვილი, ლამარა კერვალიშვილი თუ ნორა ნიკოლაძე-ლომსიანიძე.

ჩაერთოდა ფრაქცია „XXI საუკუნის“ მიმართვა საქართველოს გენერალური პროკურატორის გაა მეფარიშვილისადმი.

აგრეთვე კომისიის მიერ მოწვეულ სპეციალისტ-მედიკოსთა დასკვნები.

მოზრდილ ნაწილად კი — რუსეთის ფედერაციის თავდაცვის სამინისტროს ჩრდილოეთ კავკასიის სამხედრო ოლქის მე-16 სასამართლო-სამედიცინო და კრიმინალისტიკური ექსპერტიზების სახელმწიფო ცენტრის ექსპერტთა კომისიის დასკვნა.

ყველა ეს მონათხრობი კი უნდა დაეკავშირებინა და მოხდენილადაც შეეკრა კონსტანტინე გამსახურდია-უმცროსის ვრცელ ჩანაწერს, ღრმა ანალიტიკურ განსჯას, რომელიც რამდენიმე მოზრდილ მონაკვეთად დანაწილებულიყო და მთელს წიგნს გამოსდევდა.

თუ რაიმე არ უფიქრია დროებითი საპარლამენტო კომისიის თავმჯდომარეს, უპირველესად — ეზრუნა მხატვრულ-დოკუმენტური წიგნის სრულყოფილებაზე. მისთვის მთავარი და უმთავრესი გახლდათ, დეტექტივობა ეკისრა და თვითონ გამოეძიებინა საქმე, იდუმალებით რომ მოცულიყო და... უნუგეშოდ მიტოვებულიყო... და რაც დრო გავიდოდა, მითუფრო შეიზურებოდა ჯანლით. მოსასწრები მალე უნდა მოსწრებული-

ყო და აჰა, ისიც კვალში ჩაუდგებოდა იმ ტრაგიკულ გზას, მა-
მამის რომ გაველო თავისი ჯვრის ზიდვისას გოლგოთაზე.

ყველა ადამიანი თავის ჯვარს მიეზიდება გოლგოთაზეო,
— ირწმუნებოდა შერვუდ ანდერსონი, ამ თვალთ რომ ზო-
მავდა ყოფით გარემოსაც და თავის პერსონაჟებსაც.

ზოგნი მაინც — განსაკუთრებით, კანთიელად რომ მოჩან-
და ეს ზიდვაც და გოლგოთაც და დრო-ჟამი კიდევ უფრო გა-
ასხივოსნებდა მათ სვლას, წყვილი რომ უნდა გაეფატრა და
ადამიანთა სსოვნას შემორჩენოდა მითად და ლეგენდად, უკვე
რომ ველარც დაეჯერებინა, წარმოსახვას შეეთხზა ეს ხატე-
ბანი თუ... ეს სურათები ხორცშესხმულ პიროვნებებს გი-
ცოცხლებდა თვალწინ.

მითოსი გამოსდევდა კაცობრიობის ცხოვრებას და თავის
წიაღში იხვევდა ადამიანებს, რომელთაგან ზოგიერთს
ამოტყორცნიდა და კიდევ ერთხელ ააფორიაქებდა საზოგა-
დოებრივ ცნობიერებას და აანთებდა ეროვნულ სულში მინავ-
ლულ ნაკვერჩხლებს დაფარული ენერჯისა და თვითმყოფა-
დობის ყველაზე მკვეთრი ნიშნებისა.

მითოსს თავისი წეს-კანონი მოეპოვება.

ყოფით რეალობას — თავისი, და დეტალიზების იმ წყურ-
ვილით აღვსილი, მისაახლოებლად რომ გიბიძგებს იმ მოვლე-
ნებთანაც, მძიმე ჯვრის ზიდვა რასაც ჰქვია, იესო მაცხოვრის
მაგალითით შთაგონებული.

მითოსი იკმარებდა ხატს გოლგოთაზე ამავალი მონამისა,
ამჯერად საქართველოს პირველი პრეზიდენტის სამოსში
რომ გამოხეულიყო.

ყოფითი რეალობა კი არაერთი გარემოებისა და რეალის
დაზუსტებას ითხოვდა, საზოგადოებრივი ცნობისწადილი კი-
დეც თავისას ესწრაფოდა და... თუ ვინმეს უნდა ეტვირთა საი-
დუმლობით შემოგარსული ტრაგიკული აქტის გახსნა — ბო-
ლოსდაბოლოს მკვლევლობის მონმენი ვხდებოდით თუ თვითმ-
კვლევლობისა, უთუოდ იმ პიროვნებას, ვინც ისედაც არ გა-
ჩერდებოდა და ვერც გაძლებდა ამ საიდუმლოს გაუფანტა-
ვად, და აგერ პარლამენტი ოფიციალურადაც მიანდობდა დე-
ტექტივის როლს და იმ პირობებსაც შეუქმნიდა, დროებით სა-
გამოძიებო კომისიას რისი უფლებებიც ჰქონდა.

ვაი, რომ მოვადგოებული წრის იქით თავისი ნებით არავინ
გადაუშვებდა.

თუმც ეს უფლებებიც რალაცას ნიშნავდა ანალიტიკური
გონებით დაჯილდოებული და სიმართლის მიკვლევის წყურ-
ვილით ანთებული ადამიანის ხელში.

ეს „რალაც“ საბოლოოდ აგერ წიგნადაც მოიყრინა თავს.

კონსტანტინე გამსახურდია-უმცროსი სისხლის სამართ-
ლის საქმის მასალებს რომ გულდასმით გაეცნობოდა, შერ-
ჩევდა და ამოკრებდა იმ ნიმუშებს და ფრაგმენტებს, რომელ-
ნიც ისეთ გარემოებებსა თუ დეტალებს უმზეურებდნენ თა-
ვისდაუნებურად, მოჭიდებდა რომ შეიძლებოდა.

კენჭებად თუ გამოდგებოდა და მეტი არა?

კენჭი რა — ცოტას ნიშნავს?

ის წინააღმდეგობანი, რაც უკვე იჩენდა თავს პროკურა-
ტურის მიერ მოძიებულ მასალებში, კვალზე დადგომას ვიად-
ვილებდა და გამოკითხვათა გაგრძელებას — უკვე იცოდი,
ვისთვის მიგემართა და შეკითხვები როგორ შეგერჩია.

უფრო გაღრმავებოდა წინააღმდეგობანი ამ ახალი მასა-
ლებით შევსებისას?

მით უკეთესი!...

მოსაკიდებლად უფრო მყარი ადგილი გიჩნდებოდა ფეხქვეშ.

თუ რაიმეზე არ უფიქრია, უპირველესად — ეზრუნა მხატ-
ვრულ-დოკუმენტური წიგნის სრულყოფაზეო.

სულ წიგნის ჯავრი არა ჰქონდა?!

მაგრამ მარჯვედ მოკრებილი ჩვენებანი და გონებამახვი-
ლურად წარმართული გამოკითხვები ერთიან ქარგაში რომ
მოექცეოდა და კომპოზიციურ ღერძად დეტექტივად გარდა-
სახული კონსტანტინე გამსახურდია-უმცროსის ფიქრი გა-

მოჰყვებოდა, დახვეწილი ესთეტიკა და ლიტერატურის კანო-
ნების ღრმა მცოდნის, „პრეზიდენტ ზვიად გამსახურდიას საქ-
მე“ თავისთავად დაემსგავსებოდა მხატვრულ-დოკუმენტურ
რომანს, წარმტაცად საკითხავ თავგადასავალს, ამ ჟანრის
ბევრი თხზულება რომ ვერ დაუდგებოდა გვერდით.

და თუმც კონსტანტინე გამსახურდია-უმცროსი ტიტულ-
ზე მხოლოდ კომისიის თავმჯდომარეაა მოხსენიებული და
მარტოდენ წინასიტყვაობად ნაგულისხმევი სტატიის —
„დღეს, ოცი წლის შემდეგ...“ ავტორად, სინამდვილეში იგი
ისეთი რომანის შემქმნელად წარმოგვიდგება, „დათა თუთაშ-
ხიას“ ძალდაუტანებლად რომ წამოგაგონებს — და არამარტო
არქიტექტონიკით, კომპოზიციური აღნაგობით.

ზვიად გამსახურდიას აღსასრულიდან ოცი წლის შემდეგ
უნდა გამოცემულიყო პარლამენტის დროებითი კომისიის ეს
დასკვნითი დოკუმენტი და, რა გასაკვირია, წინასიტყვაში გა-
ეღვა ამ რიცხვს, მითუმეტეს, თუ მისთვისაც და ყველა ჩვენ-
განისთვისაც საყვარელი რომანის ასოციაციას იწვევდა:
ალექსანდრე დიუმას „ოცი წლის შემდეგ“, რომელიც შესაძ-
ლოა „სამ მუშკეტერს“ ვერ შეედრებოდეს, რის უშუალო გაგ-
რძელებადაც ჩაფიქრებულიყო, მაგრამ თავისთავად ჩინებუ-
ლი სათავგადასავლო რომანი გახლდათ.

ეს ისე, მართლაც ასოციაციურად, სიყმანვილის ფიქრებსა და
სიზმრებს შეზავებული წიგნის სათაურიც რომ იწვევს ხოლმე,
თორემ სხვა რამ მინიშნებას არ ვარაუდობდა ოფიციალური დას-
კვნითი დოკუმენტი, კომისიის თავმჯდომარისდა მოულოდნე-
ლად და გასაოცრად, იმ ჟანრის რომანთა რიგში რომ ჩადგებოდა.

იმას — ისტორიული ერქვა.

ამას — დოკუმენტური დაერქმეოდა.

სინამდვილეში კი ერთსა და იმავეს გულისხმობდა ორივე
— ხანი რომ გამოხდებოდა, ესეც ხომ ისტორიულ თხზულე-
ბად გადაიქცეოდა.

ანდა „დათა თუთაშხიასაც“ რომ უსადაგებდნენ ისტორიუ-
ლის იარლიყს, რაკილა მოქმედება XIX-XX საუკუნეთა მიჯნაზე
გაშლილიყო, აგერ XXI საუკუნის დამდეგიდანვე — ან უფრო
ადრიდანაც — ჩვენს თვალწინ დატრიალებული საზოგადოებ-
რივ-პოლიტიკური მოვლენები ისტორიული არ გახდებოდა?

და მამ „პრეზიდენტ ზვიად გამსახურდიას საქმეც“ სათავ-
გადასავლო რომანადაც წარმოდგებოდა შთამომავლობის
თვალში და ისტორიულადაც, თუკი შეიძლებოდა მისთვის რო-
მანი გვეწოდებინა.

თურმე — რატომაც არა.

დოკუმენტების სიუხვე თავისებურებაა ამ რომანისა, ავ-
ტორის წარმოსახვას დიდ გასაქანს რომ არ მისცემდა, მაგრამ
რა აუცილებელია ფანტაზიის ამოქმედება, როდესაც დოკუ-
მენტები თვითვე იჩენენ შესაფერის აღმაფრენას და, სურთ
თუ არა, მაინც მიგიძღვიან საიდუმლოს შუაგულისაკენ?!. თა-
ნაც, რარიც სუნთქვისშემკვრელი ნაბიჯებით...

ალექსანდრე დიუმას „ოცი წლის შემდეგ“ რასაც გვაცნობ-
და, არაერთი ეპიზოდი მტკიცედ ჩაბეჭდილიყო ჩვენს ცნობი-
ერებაში, ხოლო კონსტანტინე გამსახურდია-უმცროსის „ოცი
წლის შემდეგ“ იმ მხრივ აღმოჩნდებოდა განსაკუთრებით ღი-
რებული, რომ ყველა არსებულ მასალასა და უშუალოდ კომი-
სიის მიერ ჩატარებულ მოკვლევასა და მოსმენა-გამოკითხვა-
ზე დაყრდნობით დასტურდებოდა მთავარი და უმთავრესი:

საქართველოს პირველ პრეზიდენტს თვითმკვლევობით
არ დაემთავრებინა ცხოვრება.

ნუთუ კომისიას ისიც გამოერკვია, თუ სად მომხდარიყო,
როგორ, რა ვითარებაში, უშუალოდ ვის ჩაედინა და რა იარა-
ღით მკვლევობა?

არა, ამდენი აღარ...

მაგრამ ეს არც დაესახა მიზნად და საამისო ასპარეზიც არ
გააჩნდა, რადგანაც ის საგამოძიებო ორგანოს არ წარმოად-
გენდა და არც საგამოძიებო მოქმედებათა უფლებამოსილება
მიენიჭებინათ მისთვის.

ეს დოკუმენტი საპარლამენტო სესიის გადამწყვეტილებით გადაიგზავნებოდა საქართველოს მთავარ პროკურატურაში, რათა გამოძიება დაწყებულიყო.

დოკუმენტს თან ერთვის სია იმ პირებისა, რომელთა გამოკითხვა — სხვადასხვა მიზეზის გამო — კომისიას ვერ მოეხერხებინა, არადა, მათ შესაძლოა მეტად ძვირფასი ცნობები მიწოდებინათ გამოძიებისათვის საქართველოს პრეზიდენტის სიცოცხლის უკანასკნელი დღეების ირგვლივ.

ისე კი თითქოს საკვლევადიებო არც არაფერი გახლდათ და ყველას ბუნებრივად უნდა მოჩვენებოდა გამოძიების შეჩერება.

მთავარი მოწმეები, რომელნიც ზვიად გამსახურდიას ახლდნენ მონამებრივი გზის უკანასკნელ მოსახვევში — ზუგდიდის, ნალენჯიხისა და ხობის რაიონებში მიმოსვლისას 1993 წლის 7 ნოემბრიდან 28 დეკემბრამდე — თავთავიანთი მონათხრობისას უმეტესწილად საუბრობდნენ თვითმკვლელობაზე, რომელიც აღსარულა პრეზიდენტმა მარტო, მათგან დაფარულად, ცეცხლსასროლი იარაღით (პისტოლეტი „სტეჩკინი“) სოფელ ძველ ხიბულაში, ლუდმილა და კარლო ლურნკაიების სახლში.

როდესაც ისინი გაიღვიძებდნენ, ზვიად გამსახურდია უკვე გარდაცვლილი დახვდებოდათ.

დაახლოებით ამავე მიმართულებით მიჰყავდათ საუბარი დანარჩენ მოწმეებსაც, რომელნიც დაკავშირებულნი იყვნენ პრეზიდენტთან იმჟამად, იმ საბედისწერო დღეებში.

არც კონსტანტინე გამსახურდია-უმცროსი და არც კომისიის დანარჩენი წევრები არ დაიჩემებდნენ, რომ მოწმეები ცრუობდნენ და ზვიად გამსახურდია უსათუოდ მოკლული გახლდათ.

არამცთუ არ გამოირიცხავდნენ თვითმკვლელობის შესაძლებლობას, ძიების დაწყებისას ამოსავლად სწორედ ამ გარემოებას გამოიყენებდნენ.

ეგაა, მის შემომწმებას შეუდგებოდნენ.

თავისთავად რალაც უჩვეულოდ და დაუჯერებლად არ მოჩანდა ოფიციალური ვერსია, იმთავითვე გამოცხადებული და მერეც მკაცრად შენარჩუნებული ედუარდ შევარდნაძის მთელი მმართველობის განმავლობაში.

ვითომ მართლაც რატომ არ შეიძლება თავი მოეკლა კაცს, ვინც:

დამარცხდა სამხედრო თვალსაზრისით.

აღმოჩნდა სასტიკი დევნის პირობებში — თავს აფარებდა სოფელ-სოფელ და ტყე-ტყე, მაგრამ განა როდემდე?..

მღევრები კვალში ჩადგომოდნენ, ყურთან გრძნობდა გაავებული ნაგაზების სუნთქვას, არც შიმშილი აკლდა და სიცივისაც ძლივს უმკლავდებოდა.

მაგრამ ავადმყოფობისათვის როგორღა ეშველა საამისოდ ყოვლად შეუფერებელ გარემოში?

სულ უფრო მეტად ექცეოდა ჩიხში, საიდან თავდაღწევაც ლამის სრულიად შეუძლებელი ხდებოდა?

სწორედაც რომ!..

და როდემდე ეცადა ან იმ „ლამისს“ მოლაუჭებულს და ან შეგუებულს, გისოსებს მიღმა მომინვეს სულის ამოხდომაო?

და ერთადერთი გამოსავალი ესლა რჩებოდა — აგერ „სტეჩკინი“ და მისი ჯანი!..

მაგრამ...

საიდანღაც მოტივტივებდა ეს „მაგრამ“ მის ჭირისუფალთა და მოთაყვანეთა ცნობიერებაში, ეჭვი ფუთფუთებდა, სულ უფრო იზრდებოდა და ძალას იკრებდა... და მითუფრო აუცილებელი გახლდათ, არ აპყლოდი ემოციებს და გულდასმით, ნაბიჯ-ნაბიჯ შეგემონებინა ეჭვის უტყუარობა, ახალ გზაზე რომ გაგიყვანდა.

ეს ახალი გზა ჯერ ისევ ლაბირინთი გახლდათ?

თუმც გორგალის წვერს თუ იგდებდი ხელთ, რალას დაგაკავებდა თუნდ ლაბირინთი და მის ტალანებში უკვე ისე იგრძნობდი თავს, როგორც გზაშარაზე.

ოღონდაც როგორმე ეს გორგალის წვერი...

და ოღონდაც სულ ოდნავ აჩქარებასაც მორიდებოდი.

ამ მხრივ კონსტანტინე გამსახურდია-უმცროსს არ აკლდა არც თავშეკავება და არც მიუკერძოებლობის შენარჩუნების უნარი, გულისთქმის ჩახშობას რომ ეცდებოდა და ცივ გონებას ნაიმძღვარებდა წინ, რათა ეს ყოველივე არამარტო ხალხისათვის ყოფილიყო სანდო და დამაჯერებელი, არამედ პირადად მისთვისაც.

ეჭვის ნასახიც რომ აღარ დარჩენილიყო. ცხრა ტომად იდო ეს საქმე პროკურატურაში.

არა კმაროდა, ძალიან არა კმაროდა ეს ცხრა ტომი და ამიტომაც გაშლიდა დროებითი კომისია თავის საქმიანობას მონათხრობთა და ჩვენებათა შესავსებად და დიდძალ მასალასაც მიამატებდნენ ახალ მოსმენა-გამოკითხვათა სახით.

და სულ უფრო ბლომად დაგროვდებოდა მოწმეთა მონათხრობში წინააღმდეგობანიც და შეუსაბამობანიც, სულ უფრო და უფრო რომ გააღვივებდა ეჭვს ოფიციალური ვერსიის მოჩვენებითი დამაჯერებლობის თაობაზე.

მათ აღნუსხვას თვითონვე ჩაუჯდებოდა კომისიის თავმჯდომარე.

თუ დეტექტივობა ეკისრა, ბარემ ბოლომდეც მიეყვანა დედუქციური მეთოდის მომარჯვებით.

ედგარ ალან პო რომ უყვარდა ძალიან და მისი პოეტური შედეგის — „ყორანი“ — ჩინებული ქართული ორეულის შექმნით ამ სიყვარულს რომ დაადასტურებდა, თურმე მისი დეტექტიური ციკლის მთავარი გმირის სამოსელშიც უნდა გახვეულიყო და მისებური ანალიტიკური და გონებამახვილური ხედვით შედგომოდა უამრავი ქვიშიდან ოქროს მარცვლების გამოჩენვასა და ერთმანეთზე გადაბმას.

რალა იგი და რალა ოგიუსტ დიუპენი!..

რასაც ედგარ პო მზატვრული წარმოსახვით ქმნიდა, კონსტანტინე გამსახურდია-უმცროსი ყოფით რეალობაში ახორციელებდა და... მერე თუნდ ვინმეს მოეკიდა ხელი მის გადასაცქევად პერსონაჟად — დეტექტიურ მოთხრობაში შემოეყვანა, თუ როგორ მიჰყვებოდა მამის სიცოცხლის მიმწუხრს და აღადგენდა იმ სურათს, ყველაზე ახლოს რომ უნდა მდგარიყო სინამდვილესთან.

თვითონ კი არ დაგიდევდა ამას, მაგრამ თავისთავად კი მოხდებდა ასე ადრე თუ გვიან, მითუმეტეს, ანალიტიკურ განსჯასთან ერთად იმ მასალებსაც ფეხქვეშ რომ გაგვიფენს სასამართლო-სამედიცინო ექსპერტიზის ინსტიტუტის დასკვნასთან ერთად, გარდაცვალების მიზეზად ახლო მანძილიდან ნასროლი ტყვია რომ სახელდებოდა.

წარმოაჩენდნენ იმას, რისი დადასტურებაც არ ეეჭვებოდათ — ტყვია ახლოდან იყო გასროლილი... და ამერიდან დაე სხვებს ეკვლიათ, იარაღი ზვიად გამსახურდიას დასუსტებულ მარჯვენას ეყვრა თუ ქილერის შემართულ ხელს... ჩაკეტილ ოთახში თუ... გზაშივე...

ჯერ კიდევ მაშინ აუფარფატდებოდა ხილვაში ყორანი, ეს ავისმომასწავებელი ფრინველი, ედგარ პოს ლექსს რომ ჩაუჯდებოდა, რათა თავისი ვერსიაც შეემატებინა ქართულ თარგმანთა კოლექციისათვის, მის შემდგომაც რომ უნდა გაგრძელებულიყო მეტ-ნაკლებად წარმატებული ცდები. ფარფატი კი იმას მოჰყოლოდა, მთელი არსებით რომ შთაინთქმოდა ამ ლირიკულ სამყაროში და ხელშესახებად შეიგრძნობდა პოეტის განცდებს, თავბრუდამხვევსა და შემადრწუნებელს, რაკილა სატრფოს აჩრდილი ტრიალებდა მის გარემოში, ამ ტრაგიკული შემოქმედისა, გამობა-კილვა არც სიცოცხლეში რომ მოაკლდებოდა და არც აღსასრულის შემდეგ — გუბურაში რომ იპოვნიდნენ მის გვამს, გალოთებულისა და მანანწალად ქცეულის.

ისეთი ცხოვრების წესი ჰქონდა ედგარ პოს, ვერც იჯერებდნენ, ამხელა ერუდიცია როდის უნდა შეეძინა, მაგრამ რაც ამკარად გახლდათ, რანაირად უარყოფდნენ, და მერე და მერე გაკვირვებით შეჰყურებდნენ ფრანგ პოეტებს, პოს სახებას ფარზე რომ აზიდავდნენ და მისგან შთაგონებულებად და მის მონაფეხებად გამოაცხადებდნენ თავს შარლ ბოდლერიც, სტეფან მალარმეც და პოლ ვალერიც.

— აღარასოდეს! — გაიძახოდა ყორანი და სულს უყინავდა ლირიკულ გმირს ეს სიტყვაც და ეს ყრანტალიც, არაფრის იმედს რომ არ უტოვებდა. თუმცა ეს შეუუბნებელი არ ეუბებოდა მის ავ ყრანტალს და გულამოვარდნილი ისწრაფოდა სატრფოს აჩრდილისაკენ.

აღარასოდეს... აღარასოდეს... აღარასოდეს...

ჯერ თვითონ ასე მწარედ გახმინებული სიტყვა და მერე მისი მონოტონური განმეორება, თითქოს ლურსმნებს გაჭედებენ შუბლშიო.

და უმცროსი კონსტანტინე ხელშესახებად გრძნობდა, რას განიცდიდა ზვიად გამსახურდია იმ დღეებში...

ლურსმნები ეჭედებოდა შუბლს, ხელ-ფეხი უკვე ჯვარს რომ მისალტვოდა, და ყრანტალიც ეწვნოდა ლურსმნის ისედაც შემადრწუნებელ ხმას.

აღარასოდეს... აღარასოდეს... აღარასოდეს...

და ახლა შვილსაც რომ უნდა მოვლენოდა ყორანი — უკვე მეორედ, ლექსის თარგმნისაგან განსხვავებულ ვითარებაში, მამის აჩრდილიც რომ ამოესვეტებოდა თვალნი და შესთხოვდა სიმარტლის მიგნებასა და გამომზეურებას.

ჰამლეტს რა უჭირდა — ნამდვილ ვერსიას მამის აჩრდილი სთავაზობდა და ჭაბუკს ისლა დარჩენოდა, ამ ვერსიის უტყუარობა ყველასათვის დამაჯერებლად და თვალსაჩინოდ ექცია. ეს პროცესიც საძნელო გახლდათ, მაგრამ ამოსავალი ხელთ ეყარა და მხოლოდ გზა უნდა მოეძებნა მის გასაცხადებლად ძალმომრეობის პირობებში, როდესაც არამარტო ხელისუფალს, არამედ ბევრს არ აძლევდა ხელს ჭეშმარიტი სურათის აღდგენა და უფროსი ჰამლეტის სიკვდილის უტყუარი გარემოებებისა და მიზეზის გამორკვევა.

კონსტანტინესათვის კი ამოსავალი ოფიციალური და... ყალბი ვერსია უნდა ყოფილიყო, რადგანაც დუმდა ზვიადის აჩრდილი, შორითშორად მოელანდებოდა და გადაიკარგებოდა, და მხოლოდ მზერა მიანიშნებდა რალაც საგულისხმოს, ისიც ყორნის ფრთებს რომ უნდა გადაეფარა.

აღარასოდეს... აღარასოდეს... აღარასოდეს...

ისე მაინც რომელ ქარგაზე შეიძლება ასხმულიყო ის დღეები, თავისი, საკუთარი გოლგოთისაკენ სვლის გარეგნული ანაბეჭდები?

მისი და მის თანმხლებთა გადაადგილების მარშრუტის ღერძზე, კომისიის დასკვნით დოკუმენტს თვალნათლივ რომ უნდა აღედგინა და წიგნის გარეკანზეც საგანგებოდ მოთავსებულიყო, როგორც ერთგვარი კარიბჭე იდუმალებაში შესაბიჯებლად, თუკი დაგანებებდა იდუმალება მთლად გადმოფარჩავენას თუ არა, რალაც-რალაცების გამომჟღავნებას მაინც.

დევილი პრეზიდენტი 1993 წლის 1-დან 4 დეკემბრამდე თავს შეაფარებდა სოფელ მუჟავას, არჩილ და ზაურ ანთიების ოჯახს. დროულად გაფრთხილების წყალობით რამდენიმე საათით ადრე დატოვებდა ამ ოჯახს, თუმცა მისი გამგზავრება ვერ უშველიდათ მასპინძლებს — მათ ოჯახს დაარბევდნენ და გაანადგურებდნენ;

4-დან 5 დეკემბრამდე სოფელ ფახულანს მიადგებოდა, გულიკო გუჩუას ოჯახს;

5-6 დეკემბერს სოფელ პალურში დაყოვნდებოდა, სოფელ ლიას მახლობლად, გივი პაჭკორიას ოჯახში;

6 დეკემბერს სოფელ ლიას ესტუმრებოდა — ჩიგო გუჩუას ოჯახს;

6-დან 9 დეკემბრამდე გურამ სამუშიას ოჯახშია, სოფელ ტყაიაში;

9-დან 12 დეკემბრამდე პალმირო თორდიას ოჯახს უნდა გაენია მისთვის მასპინძლობა, სოფელ ჩხორიაში;

12 დეკემბერს გონელი თორდიას უნდა შეეფარებინა, სოფელ ზედა ენერში;

13 დეკემბერს სოფელ ნაცატუში იმყოფებოდა, გიული გაბედავას ოჯახში;

13-14 დეკემბერს სოფელ ობუჯს მიაკითხავდა, ჰამანდა მესხიას ოჯახს;

14-დან 22 დეკემბრამდე სოფელ ჯალრაში დაყოვნდებოდა, ანზორ მეტონიას ოჯახში;

22-დან 25 დეკემბრამდე ჯონსონ კვარაცხელიას უნდა შეკედლებოდა, სოფელ ჯიხაშკარში;

27 დეკემბრიდან ახალი წლის 1 იანვრამდე ძველ ხიბულაში უნდა მოეთქვა სული, კარლო ლურნკაიას ოჯახში, და... იქ ქრებოდა კვალი ცოცხალი ზვიად გამსახურდიასი, 1 იანვარს მის ნეშტს სოფელ ჯიხაშკარში რომ გადასვენებდნენ, ჯონსონ კვარაცხელიას ოჯახში, და იქვე დაკრძალავდნენ.

დავრდომილ სხეულში ხომ რამხელა განცდები იბოხოქრებდა, რას აღარ მიანყდებოდა ფიქრი თუ გრძნობა, ყველაზე დიდი იმედოვნებიდან ყველაზე დიდ სასონარკვეთამდე შემორკალავდა, ვიდრე უკანვე დატრიალდებოდა და მღელვარება შთანთქავდა თვალთ ხილულ გარემოს, იმასაც რომ იწოვდა მზერა, მინის ყოველ გოჯს იბეჭდავდა მეხსიერება და გონების თვალი კი განაზოგადებდა და გაასიმბოლოებდა იმ ტერიტორიად, ჩვენი ისტორიული საცხოვრისი რომ მოიცავდა, ვიდრე ორ ზღვას შუა შემოჭედვას ვიყაბულებდით.

დავრდომილ სხეულში?

კომისიის თვალნიც ცოტა სხვაგვარი სურათი წარმოადგებოდა — არა, პრეზიდენტი რომ ავად გახლდათ, ეს ამკარა იყო და არც არავინ აპირებდა უარყოფას, მაგრამ... ხომ არ გაზვიადებულიყო მისი სნეულება?

თითქოს... ისე ავადაც არ უნდა ყოფილიყო, როგორც წარმოაჩენდნენ.

და ის გარკვეული გეგმებიც რომ ცნაურდებოდა, გამოზამთრებას როგორ აპირებდა?

ფრაგმენტი ფრაგმენტს ებმოდა, სურათი სურათს, ეპიზოდი ეპიზოდს და მკაფიოდ იკვეთებოდა, თუ როგორი თანმიმდევრობით მიჰყვებოდა პრეზიდენტი იმ ჩანაფიქრს, 1993 წლის 24 სექტემბრიდან რომ დაესახა — გროზოდან ზუგდიდში დაბრუნების შემდგომ.

რა ამოდ ცდილობდა აფხაზეთის ფრონტის შენარჩუნებას სექტემბრის მინურულს, დაქსაქსულ სამხედრო ძალთა გაერთიანებას.

ვილა დაანებებდა კვლავაც პოლიტიკურ მოვლენათა სათავეში მოქცევას.

ახალ ხელისუფლებას, სამხედრო გადატრიალების ტალღაზე მოსულს, აფხაზეთის მხარის დაკარგვა ერჩივნა ზვიად გამსახურდიას კვლავინდებურ აღზევებას.

ასლან აბაშიძე თავისას ცდილობდა — ბოზოყვათის მოლაპარაკების წყალობით ეგებ შესაძლებელი გამხდარიყო სამხედრო მოქმედებათა შეწყვეტა და ერთობლივი არჩევნების გამართვა.

ამასობაში დასავლეთ საქართველოს რამდენიმე ქალაქსა და რაიონულ ცენტრში უნდა გამოცხადებულიყო ზვიად გამსახურდიას ხელისუფლების აღდგენა.

უკვე ქუთაისიც დგებოდა კანონიერი პროცესის რიგში და მისი დაბრუნება შეუძლებელი სულაც არ ჩანდა.

რალაც იმგვარი სცენარი შეიძლება გათამამებულიყო, თითქოს ყაბულდებოდა კრემლი პოლიტიკურ მოვლენათა იმგვარად წარმართვას, რაც ჯერ კიდევ 1921 წლის თებერვალ-მარტის დღეებში იყო განზრახული — ფილიპე მახარაძეს თბილისი და აღმოსავლეთ საქართველო რომ უნდა დაეკავებინა, ქუთაისი და დასავლეთ საქართველო კი ნოე ჟორდანიას ხელთ დარჩენილიყო.

მაშინ ეს ასე არ მოხდებოდა.

აღარც ამჟამად — ედუარდ შევარდნაძის ხელთ ლიხს აქეთა საქართველო რომ დაეტოვებინათ, ლიხსიქითა კი ზვიად გამსახურდიასათვის დაეთმოთ.

გარინდებულიყო რუსეთის ხელისუფლება — აფხაზეთისა და შიდა ქართლის დიდი ტერიტორიის მიტაცებას კმარობდა და მხოლოდ თვალს მიადევნებდა ზვიად გამსახურდიას მომხრეთა ტრიუმფალურ მსვლელობას. ჯერ დასაწყისს, მაგრამ...

ედუარდ შევარდნაძე უნდა დაეფრთხოთ და აეძულებინათ, თანამეგობრობის წევრ ქვეყნებს შორის საქართველოც მოექ-

ცია. მოდერნიზებულ იმპერიას ესწრაფოდნენ, საბჭოთა კავშირის ნანგრევებზე ახალი ძლევამოსილი სახელმწიფოს აღდგენა ეოცნებებოდათ და უსაქართველოდ ამ ოცნებას ფრთა შეატყდებოდა. ქვეყნის ახალი ხელისუფალი შეეცდებოდა ქართველი ხალხის მისწრაფებისათვის გაენია ანგარიში და რაც შეიძლება გაეჭიანურებინა ამ დოკუმენტზე ხელმოწერა პარლამენტის თანხმობით, რათა ეგებ მანამდე ამერიკის შეერთებულ შტატებს სულ უფრო მოემარებინა წელი და რუსული სამხედრო ექსპანსია შეეჩერებინა? არ მისცემდა გაჭიანურების უფლებას კრემლი, რადგანაც ამერიკის შესაძლო მომძღვრება რუსეთსაც ამინებდა და მამ დროულად უნდა მოესწროთ მოსასწრები.

ჰოი, მართლაც რას შეფიქრიანდებოდა და დაფრთხებოდა ედუარდ შევარდნაძე!..

ზვიად გამსახურდიას შემჩერებელი რომ ვერ იქნებოდა, დიდი რამ მიხვედრა არა სჭირდებოდა — ისე დაძრულიყო, ისე მოისწრაფოდა თბილისისაკენ... ამიტომაც კრემლი უნდა ამოეყენებინა გვერდით — უთუოდ და უთუმიცაოდ. და კიდევ ითხოვდა ადმირალ ბალტიმის შემოსვლას ფოთში და ამ ინტერვენციას, რუსეთის საზღვაო-სადესანტო ძალების მიერ ხორც-შესხმულს, შეზურავდა მეგობრული დახმარების სახელით.

კიდევ მსხნელებად შემოვიდოდნენ და... მიმოფანტავდნენ ზვიად გამსახურდიას მომხრეებს.

ისევე, როგორც 1921 წლის 25 თებერვალს მოგვევლინებოდა მსხნელებად XI არმია, ქართველ ხალხს რომ გაათავისუფლებდა ნოე ჟორდანიას „დიქტატურისაგან“.

ახლა ზვიად გამსახურდიას „დიქტატურისაგან“ აკი „დემოკრატიულ რევოლუციას“ გადაერჩინა ქართველი ხალხი, და ფოთიდან შემოჭრილ ჩამომავალთ XI არმიისა ევალებოდათ „დემოკრატიული რევოლუციის“ მონაპოვრის შენარჩუნება, რათა „დიქტატორი“ აღარ მიეშვათ ქვეყნის სათავეში.

გადამწყვეტ როლს რუსი ადმირალი შეასრულებდა, ედუარდ შევარდნაძის მომხრენიც ძალიან რომ გათამამდებოდნენ და კიდევ ჩაუდგებოდნენ კვალში ზვიად გამსახურდიას, ვინც აფხაზეთში კი გადაასწრებდათ, მაგრამ იქ ვერ დაიყაბულდნენ ახალ შეთავაზებაზე: ეცნო აფხაზეთის დამოუკიდებლობა.

საზღაურად თავშესაფარს ხომ უბოძებდნენ, ის კი არა, შესაძლოა კვლავ გაეკვალათ გზა წართმეული ხელისუფლებისაკენ. რა „შესაძლოა“, ნამდვილად უნდა ჰქონოდა ამოგების იმედი. რაო, უარს განუცხადებდათ?

მამ კეთილი ენება და სამეგრელოს დაბრუნებოდა, მის ტყეებსა და მგლების ყმოილს, რაც არ მოაკლდებოდა სულის ამოხდომამდე.

ჰაერს მიჰქონდა მისი განზრახვა, დაკავშირებოდა პარტიზანთა მიმოფანტულ რაზმებს, შეეკრა, ეწინამძღვრა და უკანონო რეჟიმს შეწინააღმდეგებოდა, ვიდრე სული ედგა პირში, მის კანონიერებას არ აღიარებდა და არა.

შევარდნაძის ხელისუფლება კვლავაც არალეგიტიმური რჩებოდა ხალხის თვალში, თუმც 1992 წლის ნოემბერში როგორღაც მოებათ თავი ახალი არჩევნებისათვის და მიეღწიათ იმისათვის, რომ დასავლეთის ქვეყნებს ეცნოთ მისი მმართველობა.

ვიდრე ზვიად გამსახურდია სამზეოზე იმყოფებოდა, პრეზიდენტის სავარძელი ედუარდ შევარდნაძისათვის გამუდმებულ რყევაში იქნებოდა და როდის გამოეცლებოდა საყრდენი, ვერავინ იტყოდა.

საქართველოს უშიშროების იმჟამინდელ მინისტრს იგორ გიორგაძეს ჩვენი ქვეყნიდან გასაქცევ-გადასახვეწად რომ გაუხდებოდა საქმე და რუსეთი გადააფარებდა თავის მონყალე კლტას, ჩვენებაში აღიარებდა, რომ ზვიად გამსახურდიას დევნაში ჩაერთვოდა ორი ჯგუფი:

ერთი — შინაგან საქმეთა სამინისტროსი, გენერალ ვია გულუას და შსს მინისტრის შოთა კვირიას ხელმძღვანელობით;

და მეორე — უშიშროების სამინისტროსი, მინისტრის მოადგილე ავთანდილ იოსელიანი რომ ჩაუდგებოდა სათავეში.

იმის მიხვედრას, რომ ეს დევნა ვერ განხორციელდებოდა რესპუბლიკის უმაღლესი პოლიტიკური ხელმძღვანელობისა

და სახელმწიფოს მეთაურის ედუარდ შევარდნაძის გარეშე, დიდი რამ გამჭრიახობა არა სჭირდებდა.

პარლამენტის დროებითი კომისია შეეცდებოდა მასთან შეხვედრა-გასაუბრებას, მაგრამ იგი უარს განუცხადებდათ შეხვედრაზეც კი... ბოლოსდაბოლოს, დაწერილი შეკითხვები მაინც რომ გაეგზავნათ?! ახლოსაც არ გაიკარებდა არც მის ნევრებს და არც რაიმე შეკითხვას, რითაც აგრძნობინებდათ, არაფერი, სრულიად არაფერი მაკავშირებს იმ ამბავთან და ნურც ეცდებით მიმატმასნოთო.

რა — რომ სტუმრებოდნენ, რაიმეს ნამოაცდენინებდნენ? სიტყვიერად — ვერც ვერაფერს, მაგრამ...

სიტყვით არც კლავდიუსს ნამოსცდებოდა რაიმე, ეგაა, სპექტაკლს რომ შეჰყურებდა, ჰამლეტის მიერ შეთხზულს, თუმც ისე შემოპარებულს სცენაზე, თითქოს იტალიურად დაწერილიყო, გული ვეღარ გაუძლებდა დანის ახალ ხელმწიფეს და... ცივცხელად მიატოვებდა სპექტაკლს.

გაუმართლებდა ფსიქოლოგიური გათვლა ჰამლეტს. კლავდიუსის შემფოთება — გარეგნულად იქნებ არც გამჟღავნებულნი — ისეთი მეტყველი აღმოჩნდებოდა, მამის აჩრდილს რომც არ გაემხილა თავისი აღსასრულის მიზეზი, სპექტაკლის ეს მითოვებაც კი მტკიცე საბუთი იქნებოდა ტახტდაკარგული უფლისწულის ხელში, საბოლოოდ ერწმუნა ნამდვილი მკვლელის ვინაობა და მისთვის გულში შიშიც ჩაეთესა.

თავს იგულზბრყვილოვება ჰამლეტი: გონზავოს ამბავია, იტალიელებთან მივაგენიო.

კონსტანტინე გამსახურდია-უმცროსს არაფრისდებოთ არ მიეცემოდა საშუალება „იტალიაში მიკვლეული გონზავოს ამბავი“ გადმოეშალა ედუარდ შევარდნაძის წინაშე, თუ როგორ განუცხადებს შუა საუკუნეების რომელიღაც იტალიური სამთავროს ახალი მბრძანებელი ძველი ხელისუფალის შესაპყრობად გაგზავნილ ცენტურიონთა უფროსს: ცოცხალი არა მჭირდება!.. კომისია გახლდათ, საგამოძიებო ორგანო ხომ არა, აქედნელებინათ ედუარდ შევარდნაძე წარმდგარიყო — თუნდაც მოწმის სტატუსით — გამოძიების წინაშე.

არამცთუ იგი, რამდენიმე მაღალჩინოსანიც ისე გაერიდებოდა კომისიის ნევრებთან შეხვედრას, არც მათი მოსმენადაკითხვა მოხერხდებოდა. კონსტანტინე გამსახურდია-უმცროსს სხვა გზა არც გააჩნდა — მათ კეთილ ნებას უნდა მინდობოდა.

ისინი კი... კეთილ ნებას არ გამოიჩინდნენ. ამიტომაც მოპოვებული მასალები უნდა ეკმარა და ისევ და ისევ ეწხრიკა სხვადასხვა ნიუანსის გამოსავლენად, კიდევ ახალი წინააღმდეგობა-შეუსაბამობებისა, პრეზიდენტის ჩაცმულობას რომ ეხებოდა ბოლო დღეებში, მის გადაადგილებას, მის მდგომარეობას სანოლში, თვითმკვლელობისა თუ მკვლელობის იარაღს... კიდევ იმ გარემოებას, ყველა ნივთმტკიცება რომ განადგურებულიყო მთავარ მოწმეთა მიერ... და კიდევ...

ნივთმტკიცებათა ასე პირწმინდად გაქრობა რას უნდა ნიშნავდეს, არა?..

გადაულახავ ზღუდეს მისდგომოდა კომისია.

მაგრამ მთავარი ისაა, რომ წლების შემდეგაც გაამართლებდა მისი თავმჯდომარე კვლევის მიმართულებას: სწორი გახლდათო.

ედგარ ჰოს მიერ აღმოჩენილი და ათასგზის შემონმებული დედუქციური მეთოდი კიდევ ერთხელ უნდა შემონმებულიყო ლოგიკურობის, ფაქტების ურთიერთშესაბამისობისა და დამაჯერებლობის მიხედვით, შემდეგ კი თანდათან გამორიცხულიყო გამოსარიცხი.

— კომისია, ცხადია, შეგნებულად მოერიდა რაიმე ვერსიის დადებას, ვინაიდან ასეთი რამ მხოლოდ კონტრაპროდუქტიული იქნებოდა.

ვერსიას — ოფიციალურად შერაცხვის თვალსაზრისით, თორემ ისე კანთიელად ცნაურდებოდა კომისიის თავმჯდომარის დეტექტიური ძიება — ანალიზიდან, უფრო დამაჯერებელიც რალა უნდა ყოფილიყო.

ოცი წლის შემდეგ...

კონსტანტინე იმედოვნებდა, რომ სათანადო პოლიტიკური ნების შემთხვევაში ჯერაც მოიძიებოდა საკმაო საშუალება საქმის გამოძიებისა ხელშესახები შედეგებით.

თვითონ აკლდა გულს, თორემ...

ეამაყებოდა, რომ პირუთვნელი აღწერისათვის ოდნავადაც არ ელაღატა, რადგან ეს არც მას შეჰფეროდა და არც საქართველოს უდიდეს ტრაგედიას XX საუკუნის მიწურულს.

მითუმეტეს: — იგი ჩვენი ისტორიის ნაწილია, საიდანაც ჩვენი სახელმწიფოებრიობის განვითარებისა და დემოკრატიის გაღრმავების გზაზე ბევრი რამ შეიძლება ვისწავლოთ.

ეს მაინც რა იყო, პარლამენტის დროებითი კომისიის დასკვნითი დოკუმენტი რომანის იერს რომ შეიძენდა და სულაც „დათა თუთაშხას“ დაემსგავსებოდა არქიტექტონიკით?!

და ეს მაშინ, როდესაც თუ რაიმეზე არ იფიქრებდა კომისიის თავმჯდომარე, დოკუმენტისა და შემდგომ წიგნის კომპოზიციურ სრულქმნილებაზე — ნეტა კი სიმართლე დადგენილიყო და რას დაეძებდა, სათავგადასავლო რომანს დაემგვანებოდა თუ არა.

1 დეკემბრიდან 1 იანვრამდე.

საიდუმლოებით იქ იბურებოდა გზასავალი, ზედ ახალი წლის მიჯნასთან.

იქ იკარგებოდა, ქრებოდა კვალი და... გრძელდებოდა მხოლოდ მგლების ყმუილი, უკანასკნელი მელოდია ზვიად გამსახურდიას ყურთასმენისათვის.

გაგრძელება შემდეგ ნომერში

თათია შენგელაია

დანარილი
მაჩვენე!

ჩამოთვავ. საფლავზე დახვავებულ ყვავილებზე თოვლი უხვად დევს, ალაგ-ალაგ თუ მოსჩანს წითელი ვარდების გაუშლელი კოკრები, აქა-იქ სითეთრიდან იხედებიან მწვანე ფოთლებიც. ათოვს დანთებულ სანთლებს...

— ახლა მოვრჩეთ მემუარებს და ვილაპარაკოთ ჭრელ ხბოზე, — თქვა ბაბუამ.

— მაინც რაზე? — იკითხა ირმამ.

— ვინ სად დაიმარხება!

— აუ, დაინყეს ისევ...

— შენ, მართალია, არ გიყვარს, თათუჩა, ჩვენს სიკვდილიადაზე საუბარი, მაგრამ ეს ოჯახში უნდა ითქვას. თქვენთვის არ მითქვამს, მაგრამ აქ მცხოვრებმა ყოველ მეორე ადამიანმა იცის, ეს თქვენს ჩამოსვლამდე გადაწყვეტილი მქონდა, დროა თქვენც იცოდეთ უკვე.

ბაბუაჩემი — ნოდარ წულეისკირი 1991 წელს ჩამოვიდა საცხოვრებლად წერაქვში, მე და დედა კი — 1996-ში.

დედამ მანიშნა, გაჩუმდიო და მეც გავიყურსე.

— ვთქვათ, მოვკვდი, ახლა კი არა, მერე, ხომ უნდა დავიმარხო, — თქვა ბაბუამ.

— მამა, მინის ზევით არავინ დარჩენილა, ერთი ლენინი და...

— და მეორე ვარლამ არავიძე! — ხუმრობითვე მიუგო მამამ შეილს.

მემუარების საათი ყოველთვის მიყვარდა, მაგრამ მამის ბავშვი ვიყავი და „ვინ სად დაიმარხო“ ვერაფრით ვიტყვდი.

— თათუჩა, ცხოვრება ასეა, ოდესმე მოვკვდები, აბა, ცას ხომ არ გამოვეკერები. ჰოდა, როცა ეს მოხდება, არსად ნამათრიოთ, განსაკუთრებით პანთეონში, — თქვა და ჩვენს, უფრო კი დედაჩემის, რეაქციას დაელოდა.

— რადგან დაინყე, მითხარი, მამა, მაგ თემაზე შენი აზრი უნდა ვიცოდე, — თქვა ირმამ და სიგარეტს მოუკიდა. დუმილი გაჭიანურდა, ირმამ თავის ხის გამოთლილ საფერფლეში ჩააფერფლა, სიჩუმეში სიგარეტზე მისი ცერის დაკვრის ხმაც კი მკაფიო იყო.

— ჰოდა, მეც გეუბნებით ორივეს, ჩემ მიერ გაშენებულ ბაღში, ალუბლების ხეივნის ბოლოს, ვაშლი რომაა, დიდი ვაშლი, ჩემი დამცნობილი, აი, იმ ხის ძირას დამმარხეთ.



ნოდარ წულეისკირი, თათია შენგელაია, ირმა წულეისკირი, ნინო ჩხიკვიშვილი წერაქვი, 2001 წელი (ნათელა გრიგალაშვილის ფოტო)

— ეზოში? — გავიკვირვე.

— ეს შენ გიკვირს, თათუჩა, თორემ სამეგრელოში ხშირია შემთხვევა, როდესაც მიცვალებულებს საკუთარ ეზოებში კრძალავენ. — დედაჩემმა ერთი ღერი ჩანვა, ჩაფერფლა და მეორეს მოუკიდა.

— ასი წლის მერე, როცა ირმა აღარ იქნება, — თქვა ბაბუამ და შემომხედა, — იქვე დაკრძალავ ჩემ გვერდით. აი, როგორც გამსახურდიებს აქვთ, ისე გვექნება ჩვენც. სახლი იმის საშუალებას გაძლევს, აქ მერე მუზეუმი გააკეთოთ. მიხეილ ჯავახიშვილთან რომ მოვლენ, ეგებ ჩემთანაც გამოიარონ...

არცთუ ისე იშვიათად მიწევდა „ვინ სად დაიმარხებას“ მოსმენა მემუარების ბოლოს.

წერაქვის სკოლაში მუშაობის დასრულების შემდეგ დედაჩემთან ერთად გადავედი მარნეულში, ბაბუა კი აგრძელებდა სოფლის ჭირნახულით ჩვენს მომარაგებას. თავისი ბაღი მანამ არ მიატოვა, სანამ ინსულტი არ დაემართა. როგორც კი მომჯობინდა, ისევ ძველებურად უნდოდა წერაქვში ყოფნა, მაგრამ ჩვენ აღარ გავუშვით. ერთად ამოვდიოდით დასვენებებზე. სიმართლე გითხრათ, სამივეს გვეჯავრებოდა მარნეულში ცხოვრება, უბრალოდ მე და დედაჩემს იქ საგანმანათლებლო საქმიანობის გამო გვიწევდა ყოფნა, ფუძე სახლი კი მუდამ ეს იყო.

ორიოდე წლის წინათ დედაჩემი გარდაიცვალა. ერთი კი გაუქძალიანდი ნათესავებს, დედა წერაქვში უნდა დაკრძალა-მეთქი, მაგრამ მერე დავიდარაბისთვის ძალა აღარ მეყო.

ხალხი გაიკრიფა, ორმოციც გადავიდა, ზის მოხუცი შვილმკვდარი მამა და ქვითინებს:

— ნუთუ ისე უნდა მოგვედო, რომ ირმას საფლავზე ვერ მივიდე. საბურთალოს სასაფლაოს ზედმეტად ვინრო კიბეები აქვს, ინსულტგადატანილი ბერიკაცისთვის კი შეუძლებელი იყო იმ კიბეებზე ასვლა-ჩასვლა.

გადიოდა დრო, მივათრევდით დღეებს. ამ დროს გამოჩნდა დალოცვილი ზვიად კვარაცხელია და მაღლიანი გამომცემლობა „ინტელექტი“, რამაც მწერლის მარჯვენა ხელად მაქცია — ვმუშაობდით ჩანაწერებზე, „აფთრების“ მეორე ნაწილზე და ბაბუამაც ამ ქვეყნისაკენ გამოიხედა.

11 თებერვალს, შუადღისას გამოვეხმაურე სამზარეულოდან, ისვენებდა, სადილის დრო იყო, პასუხი არ გამცა...

თითქოს მეორედ მომიკვდა დედა. ახლობელთან განშორება ყველამ ვიცით, რაოდენ დიდი ტკივილია — მე დღეს ვემადლიერები უფალს მათთან გატარებული წლების გამო.

დარეკვა, ახლობლებისა და მეზობლების მოცვინა, სოფელში გადაძახილება.

ნოდარ წულეისკირს ქართველიანი ცხოვრება ჰქონდა და დაკრძალვაც ასეთი არგუნა ღმერთმა. პირველი დღიდან ნათესავების ზარები და მითითებები, პანთეონში უნდა დაიკრძალოს, ან მისი მეუღლის გვერდით, თუ არადა — მაშინ სამეგრელოშიო. ჩემი პასუხი ყველა ზარზე ასეთი იყო — ეს მოხდება მისი ანდერძის მიხედვით! შემომითვალეს, ჩამოვალთ და ცხედარს წავიღებთო. საშენგლავიო, ჩემი საახლობლო და სოფელი წერაქვი შემართული ელოდნენ პირველ „შეტაკებას“. ვითარება შევტყობინეთ მეუფეს და საპატრიარქოს. ნათესავებისა და ბაბუაჩემის სიტყვის დამცველთა პოზიციების შეჯახება უჩემოდ მოხდა, რადგანაც შეუძლოდ გავხდით და სასწრაფოს გამოძახება გახდა საჭირო. ბაბუაჩემი სახლის პირველ სართულზე ესვენა, მე მეორე სართულზე ვიყავი გამოტყობილი და ექიმები მჩხვლეტდნენ. გააფთრებული ბრძოლა ბაბუას დანაბარების შესრულებისათვის გაგრძელდა, ყოველი შემთხვევისათვის, მიუხედავად იმისა, რომ ყოველ ღამე 4-5 ბიჭი, რომლებიც ბაბუას დირექტორობისას სწავლობდნენ წერაქვის სკოლაში, ღამეს ათენებდნენ ცხედართან, მე რომ წამეთვლიმა. თვალს ადევნებდნენ გზას. დედაჩემის უახლოესი მეგობარი ქეთინო და მისი ოჯახი არ მშორდებოდნენ ერთი წამითაც. ამ ვითარებაში ნათლიაჩემმა, შორენამ ჩამოგვითანა უწმინდესისა და უნეტარესის, ილია II-ის ლოცვა-კურთხევა, რამაც გააძლიერა თითოეული ჩვენგანი:

გამოვთქვამთ გულისტკივილს ბატონ ნოდარ წულეისკირის გარდაცვალების გამო. მან რთული და წინააღმდეგობით სავსე ცხოვრების გზა განვლო, მაგრამ არასოდეს უღალატნია ეროვნული და ზნეობრივი პრინციპებისათვის და ეს სულისკვეთება მის შემოქმედებაშიც ნათლად აისახა. ქვეყნის ერთგულმა მეცი-

ხოვნემ თავისი ბოლო განსასვენებელიც ამ ნიშნით შეარჩია და განუყოფელი საქართველოს ერთგვარ სიმბოლოდ იქცა.

ალვავლენთ ლოცვებს ბატონ ნოდარის უკვდავი სულისათვის, რათა უფალმან სავანესა მართალთასა დაანესოს იგი, ხოლო მის ახლობლებს მიაწიჭოს მშვიდობა და მხნეობა სულისა.

სრულიად საქართველოს კათოლიკოს-პატრიარქი ილია მეორე

ერთ დღესაც, პანაშვიდის დასრულების მერე, ღამის 11 საათზე, სახლის შორიანხლოს ისმის მამაკაცის განწირული ყვირილი.

— მასპინძელოო!

ალბათ მომეყურა-მეთქი, გავიფიქრე.

— მასპინძელოო! — ძახილს ბრაზი შერეოდა, მეზობელის ბიჭს ვთხოვე, გახედე, ალბათ სახლამდე ვერ მოაგნო, უცხო იქნება და შემოიყვანე-მეთქი.

მალევე დაბრუნდა მეზობლის ბიჭი, ვიღაც ქუჩის გადაღმა მდგარა მანქანით, სადაც ასფალტი მთავრდება, ჩვენი სახლი შემოსახვევშია, — ასე მითხრა, ჭირისუფალი გარეთ გამოვიდეს, ტალახია და ვერ შემოვალო.

„მომიტყვეთ, ბატონო, ბნელოდა და ვერ გამოვედი“.

დადგა მძიმე დღე, გასვენება. ამ დღეს რამდენიმე საათით ადრე ჩამოსულებმა გამილანძღეს გვერდში მდგომი ხალხი!..

მწერლის გასაცლილებლად მისი უამრავი პატივისცემელი მოვიდა, ითქვა გამოსათხოვარი სიტყვები, ხალხში დარიგდა მისი ერთ-ერთი ბოლო წიგნი „ოცი წელი წერაქვში“, მეუფე გიორგიმ (ჯამდელიანი) პანაშვიდი გადაიხადა, მერე კი ყველა გავუყვივით გზას და ნოდარ წულეისკირი დაკრძალეთ მისი ანდერძის მიხედვით, მისსავე მონიშნულ ადგილას, ვაშლის ძირას.

მარნეულის მუნიციპალიტეტის გამგეობის დახმარებით, ჩინებული სუფრა გაიშალა. საფლავთან დარჩნენ მესაფლავენი, მათ ჩემი ნათლულების მამა ჯონი კვიციანი თაოსნობდა.

— აქ რატომ მარხავთ ამხელა ადამიანს? — უკითხავს, როგორც მერე მომიყვინენ, კოხტად ჩაცმულ ქალს.

— ასე დაგვიბარა, გვიანდერძა და მის სიტყვას ვასრულებთ, ქალბატონო, — მიუგო ჯონიმ.

— დაწერილი მაჩვენე ეგ ანდერძი, დაწერილი მაჩვენე! — მოუთხოვია გაგულისებულ ქალბატონს.

მინდა ყველამ იცოდეს: ბაბუაჩემს ინსულტი ჰქონდა გადატანილი, მარჯვენა მხარის დამბლის გამო სიცოცხლის უკანასკნელი ათი წელი ვერ წერდა. მისი საწერი ხელი მე ვიყავი — ბოლო ორ წიგნზე ერთად ვიმუშავეთ!

ყველა იმ ადამიანისადმი თავმოდრეკილ მონივნებას გამოვხატავ, ვისაც ნოდარ წულეისკირი უღირდა — მწერალი, რომელიც თავისი სახლის ეზოში, ვაშლის ძირას დაიკრძალა და აქედან მრავალთათვის სანთლად ანთია.

21.02.2015, წერაქვი

გამოფენა — მიქვნილი გიორგი ლეონიძისადმი

საქართველოს ლიტერატურის მუზეუმის დარბაზში გიორგი ლეონიძის დაბადებიდან 115 წლისთავისადმი მიძღვნილი გამოფენა გაიმართა, რომელიც თვენახევარი გაგრძელდება. მისი დათვალიერება შესაძლებელია ყოველდღე, 11-დან 6 საათამდე, კვირა-ორშაბათის გარდა. საექსპოზიციო დარბაზში მუზეუმის ფონდში დაცული გიორგი ლეონიძის ფოტოები, რომლებიც 1910-იანი წლებიდან თარიღდება, ხელნაწერები, მემორიალური ნივთები და სხვადასხვა ნაწარმოების ილუსტრაციები გამოიფინა. ასევე იყო ჟურნალი: „გრდემლი“, „საფირონი“, „ცისფერი ყანები“, გიორგი ლეონიძის თარგმანი გოეთედან.

გამოფენაზე მრავლად იყო ცისფერყანწელთა ჯგუფური ფოტოები, ასევე — კაფე „ქიმეირონის“ ფოტოც, რომელიც ცისფერყანწელებმა დაისაკუთრეს. ფოტო, რომელიც 1930 წელს

გადაიღეს სოფელ სიმონეთში, მასზე ასახული იყვნენ სერგო კლდიაშვილი, გიორგი ლეონიძე, შალვა აფხაიძე, ტიცინა ტაბიძე და პაოლო იაშვილი (რომელსაც გადაძლილი ჰქონდა სახე, რადგანაც თავი მოიკლა პიროვნული ღირსების გადასარჩენად).

გიორგი ლეონიძე თვითმყოფადი, ერთ-ერთი უმნიშვნელოვანესი, ღრმად ეროვნული პოეტი გახლდათ. მისმა ადრინდელმა ლირიკულმა შედევრებმა იმთავითვე განსაზღვრა პოეტის როლი XX საუკუნის ქართულ პოეზიაში. ნაყოფიერად იღვწოდა ლიტერატურათმცოდნეობაშიც. იყო ქართული ლიტერატურის, განსაკუთრებით ძველი ქართული მწერლობის მკვლევარი, ძველ ხელნაწერთა და უცხოურული მძიბეული და გამოცემული.

30-იან წლებში მისი ინიციატივით დაარსდა მთაწმინდის მწერალთა მუზეუმი, რომელიც მოგვიანებით საქართველოს სახელმწიფო ლიტერატურულ მუზეუმად გადაკეთდა.

სალი გუსარაშვილი

მაკა კვერენჩილაძე-კარტიზერი

„მეტი ქვედა“

— თქვენი აზრით, რა არის უკიდურესი გაჭირვებული მდგომარეობა?

— უკიდურესი გაჭირვებული მდგომარეობა, სულიერი სიმართლევით.

— სად ისურვებდით ცხოვრებას?

— უკვე იმდენ ადგილას ვიცხოვრე და ვიმოგზაურე, ამ კითხვას პასუხი მხოლოდ ასე შემიძლია გავცე: აყვავებულ, წარმატებულ, ნათელი ფერებით, სიკეთით და ბედნიერებით საცხე საქართველო — ჩემს სამშობლოში.

— რა არის უმაღლესი ბედნიერება?

— ბედნიერება სხვადასხვანაირია. უმაღლესი ბედნიერება სულის, სხეულის და გონების ერთიანობაა. რასაც ფიქრობ, რასაც გრძნობ და რასაც აკეთებ, ერთი და იგივე რომაა...

— თქვენი საყვარელი ლიტერატურული პერსონაჟები?

— დათა თუთაშხია... სამართლიანობა.

— თქვენი საყვარელი ისტორიული პერსონაჟები?

— ილია ჭავჭავაძე. ილიას სიტყვები რომ შეეცმინათ, ან ახლა მინც ისმენდეს ქართველი ერი, უფრო გაკეთილშობილდებოდა და წინსვლა დაეცყოდა საქართველოს.

— თქვენი საყვარელი მხატვარი?

— ჯან გოგი, მისი ფერები, იმპრესიონიზმი მიესადაგება ჩემს სულს.

— თქვენი საყვარელი კომპოზიტორი?

— ბეთჰოვენი, ალბათ, დიდებიდან... ზოგადად, მიყვარს ყველა მუსიკა, რომელიც სულში კეთილ ნოტებად იღვრება. თანამედროვეებიდან გია ყანჭელია ასეთი.

— რომელ თვისებებს აფასებთ ყველაზე მეტად კაცში?

— სიძლიერე, სამართლიანობა, პასუხისმგებლობა, იუმორის გრძნობა, ქალის დაფასების უნარი. ვაფასებ მამაკაცს, რომელსაც შეუძლია ქალის სიძლიერის აღიარება.

— რომელ თვისებებს აფასებთ ყველაზე მეტად ქალში?

— ქალი უნდა იყოს ძლიერი და ამავე დროს, სუსტი; ქალური სინაზით, საინტერესო, ჭკვიანი, იცოდეს საკუთარი თავის ფასი; იცოდეს როდის, სად და რა უნდა თქვას.

— რომელი ადამიანური სათნოებაა თქვენთვის უფრო მომხიბლავი?

— თავმდაბლობა. სიკეთის კეთების უნარი, როცა არაფერს ელი საპასუხოდ.

— თქვენი საყვარელი საქმიანობა?

— წერა და ადამიანებთან ურთიერთობა.

— თქვენთვის ნაცნობი რომელი ადამიანი გინდოდათ ყოფილიყავით?

— ეილინ როკფელერი. ესაა ადამიანი, რომელსაც უმაღლეს მატერიალიზმსა და შესაძლებლობებში აღზრდილს, აქვს უმაღლესი სულიერება, აფასებს ადამიანს, მის სულს, ნიჭს. რომელსაც ეყო გამბედაობა, ამოეთქვა საკუთარი ტკივილი და ამით სხვების ტკივილიც მოურჩენია.

— თქვენი ხასიათის მთავარი თვისება?

— ხალისიანი, ოპტიმისტური, იმედიანი.

— რას აფასებთ ყველაზე მეტად მეგობრებში?

— ერთგულებას, თანადგომას.

— თქვენი მთავარი ნაკლი?

— ზედმეტი ემოციურობა და ზედმეტი ზრუნვა სამყაროზე. ყველაფერს მე ვერ გამოვასწორებ. (ვიცინი)

— თქვენი წარმოდგენა ბედნიერებაზე?

— ბედნიერი ვარ, როცა ჩემიანები ბედნიერები არიან... მზე რომ ლამაზად ასხივებს, ბედნიერებისაგან დაფერინავ.

— რა იქნებოდა თქვენთვის ყველაზე დიდი უბედურება?

— ღმერთმა, ნურავინ გვიმოყოფოს ცუდად!

— როგორი გინდოდათ ყოფილიყავით?

— მინდოდა ცოტა ნაკლებად მიაბიტი ვყოფილიყავი.

— თქვენი საყვარელი ფერი?

— მწვანე — იმედის, სიკეთის, ახალი დასაწყისის, სიძლიერის ფერი.

— ყვავილი, რომელიც ყველაზე მეტად გიყვართ?

— ვარდი — ზენიტია.

— თქვენი საყვარელი ფრინველი?

— არწივი — სიამაყე, სიძლიერე, შეუპოვრობა, თავისუფლება...

— თქვენი საყვარელი მწერალი?

— ჯერომ სელინჯერი, მასსოვს ის გრძნობა, ბავშვობაში მისი კითხვისას რომ მიგრძენია.

— თქვენი საყვარელი პოეტები?

— გალაკტიონი. ვგრძნობ მის თითოეულ სიტყვას, სულის ტკივილს, რომელიც ამ სიტყვებს ამოათქმევინებდა.

— საყვარელი ლიტერატურული გმირი ქალები?

— შეყვარებული ჯულიეტა.

— საყვარელი გმირები რეალურ ცხოვრებაში?

— წამებული გმირი იყო მამაჩემის დედა, მარგალიტა, რომელიც იმისთვის დააპატიმრეს კომუნისტებმა, ქმარი რატომ არ დაასმინეო... ასეთივე გმირები იყვნენ კიდევ უამრავი ქართველი ქალები და მათი დახვრეტილი მართალი ქმრები.

— საყვარელი გმირი ქალი ისტორიაში?

— ქეთევან წამებული.

— საყვარელი სახელები?

— სანდრო, ნიკა, ლევანი, ჩემი ბიჭების სახელებია და მიყვარს.

— რას ვერ იტანთ ყველაზე მეტად?

— ტყუილს, უსამართლობას, არასაინტერესობას, დროის უაზროდ ფლანგვას.

— ისტორიული პიროვნება, რომელმაც თქვენი ზიზი დაიმსახურა?

— ზიზი ზოგადად არ ვიცი და არც მსურს, ვინმე მეზიზილდოდეს, მაგრამ თუ მაინცდამაინც უნდა ამოვარჩიო, ესენი იქნებიან, სტალინი, ლენინი, ბერია, ორჯონიკიძე, შიტლერი და ყველა დიქტატორი და ტირანი, რომელიც ებრძვის სულიერებასა და ადამიანობას.

— საომარი მოქმედება, თქვენი აზრით, ღირსი მეტ-ნაკლები ალტაცებისა?

— დიდგორის ბრძოლა.

— რეფორმა, რომელსაც თქვენ განსაკუთრებით უმაღლეს შეფასებას აძლევთ?

— ადამიანთა თანასწორობასთან დაკავშირებული ნებისმიერი რეფორმა.

— ნიჭი, რომელსაც გინდათ ფლობდეთ?

— მინდა ვმღეროდე, ვხატავდე და ვუკრავდე გიტარაზე. (ცოტა ბევრს ვნატრობ?)

— როგორი გინდათ რომ გარდაიცვალოთ?

— მშვიდი, ისევე, როგორც დედა.

— თქვენი სულიერი მდგომარეობა ამჟამად?

— არეულ-დარეული. ორ კონტინენტს შორის ფრენით, ორი ქვეყნის ცხოვრებით დაღლილი სული ცდილობს გაერკვეს, საით მიიღივებს... მისთვის ჟანგბადი და წყალი, მასულ-დგმულბელი საზრდოები საქართველოშია. მაგრამ ამავე



დროს, სხვა მისიაც დაკისრებია, კავშირი გააბას ამ ორ სამყაროს შორის და იბრძვის, ორივე მისიას გაართვას თავი.

— ქმედებანი, რომლებიც თქვენს შემწყნარებლობას იმსახურებენ?

— შეცდომა, რომელსაც მიხვდებიან და აღიარებენ.

- თქვენი დევიზი?
- ყველაფერი კარგად იქნება!
- თუკი ოდესმე შეხვდებით ღმერთს, რას ისურვებდით, რომ მას თქვენთვის ეთქვა?
- ყოჩაღ, მაკა!

თამარ რაზმაძე

ქალქვა

ქვა იყო და გამჩენისგან არც არაფერს ელოდა, „ადამიანს დამამსგავსე“, — მხატვარს ევედრებოდა. ქვა იყო და სიცოცხლეზე, სიყვარულზე ფიქრობდა, თითქოს მართლა იცინოდა, თითქოს მართლა ტიროდა...

უცხად არ გაქცევებულვარ. ეს ნელ-ნელა დამეწყო. სადღაც, ტვინის ხვეულებში ნაგრძობმა რომელიღაც წერტილის ანვამ მაუნყა, თითქოს რაღაც ტკაცანისმაგვარი რომ უსწრებდა წინ.

პირველი ტყუილი რომ დამწამეს, ყალიბში ჩასხმული თხევადი ფოლადივით გამიმავრდა ის წერტილი. გონებაში ტყუილის მომჩმბავი გოგონაც იქ „იჯდა“ და იქვე ჩარჩა, გაიყინა ჩემთვის. მერე კი მისი ხსოვნის არე უპანანინეს ქვის წერტილად მექცა. მას მერე რაღაც ამდაგვარს პერიოდულად ვგრძნობდი. დროის დინება თუ სხვა მლელვარებანი ამ შეგრძნებას სამწვადეზე დანიავებული ფოთლებიანი ტოტით მიყურებდა, ვერ ვამჩნევდი, დარდი თანდათან როგორ მიშეშებდა თმით ტვერდაგრაგნილ თავს.

ძნელი აღმოჩნდა; გაქცევებულმა კისერმა იმის საშუალება აღარ მომცა, გვერდით გამეხედა ხოლმე, გარეშემო მოვლენები თუ ხალხი რეალურ სილუეტებში დამენახა. ვხარობდი თუ ვტიროდი, წირი არ შემცვლია. ასე გადიოდა თეთრ მარმარილოდ თავკისერგაქცევებულობის დრო. თავად არაფერი ვიცოდი. როცა მიყურებდნენ და ერთერთს გადაუჩურჩულებდნენ, ვერ ვხვდებოდი, რაზე ლაპარაკობდნენ.

ქვაქცევის ნიშნები პირველად მაშინ შევამჩნიე, მე და ცისფერთვალეებამ ბოლოს რომ ვისაუბრეთ. როცა მივხვდით, ჩვენს ურთიერთობას გაგრძელება არ ენერა, რომ გზავჯარედინზე გამოცდისათვის შეგვახვედრა განგებამ და გზები იყრებოდა. ვერაფერი ვუთხარი, მხოლოდ ცრემლი გადმომიგორდა თვალიდან — ცხელი, მწველი. მიწაზე კრისტალადქცეული დაეცა, გაგორდა. ცისფერთვალეებამ დახედდა და მას გაჰყვა. ცრემლმა გზა უჩვენა... ერთი კი ჩაილაპარაკა წასვლისას — „ჩემი კრისტალი გოგოო...“

საბედისწერო მზერამ რომ მომათბო და მოგვიანებით ტაძარში საქონილო გვირგვინები დაგვადგეს, შარბათი გვასვეს და ერთ ჭერქვეშ ბუდის ასაგებად ყველაფერი თბილი მოვფუთნე, მაშინ გავლხვი.

როცა მის მიერ ხელშეწყობილი ვნმენდლი ჭერის კუთხეებში აბლაბუდებს და კისკისში ვფანტავდით ყოფით სირთულეებს, როგორც ჩამონმენდისას მოყოლილ, ჰაერში გაბნეულ მტვრის პანია ნაწილაკებს, ახლოს, სულ ახლოს ვგრძნობდი ცას... როცა დილაობით ოთახის კარის თაღში მოციაგელიმილიანს ან ჩემს ტუმბოზე დატოვებულ ბარათებს ვხედავდი: „მზეო, მალე მოვალ, არ მოიწყინო“, „გილოცავ დღესასწაულს,



გენაცვალე“, თეთრი ჩიტებივით აჩირადდნებდნენ ეს ქალაღები მთელ დღეს. ნაჩუქარი ვარდების დაფრქვეული სურნელი ოთახში გონისწამლებად ტრიალებდა. როცა ხან მე ვაძინებდი ოფლით დანამულ შუბლზე ხუჭუჭა თმებდაყრილ ჩვენს პატარას და ხან ის, ყოველ კვირას ვადღესასწაულებდით მის თითოეულ ამოჭრილ კიჭს, როცა ყველა კაქტუსი გაყვავილდა სახლში, ერთმანეთს ენაცვლებოდა ახალი წლები და ხარობდა ჭერი, როცა ერთად ნამარხულეებს პირს სასიამოვნოდ გვიშუშავდა ტაძარში ზიარების შემდეგ მეგობარი სტიქაროსნის მოწვედილი, ორმაგად ტკბილი მდულარება, ცა ისევ ჩამოდიოდა ჩემთან და გულში მიკრავდა... ხარობდა მისადმი მიძღვნილი ლექსებით, მისი ნაჩუქარი საყურეებით რომ ვიმშვენებდი თავს და ერთმანეთით გაფერადებულ დილა-საღამოებს ვსუნთქავდით, არარა იყო ყინვა თუ ხვატი, გემრიელობდა პირველად ნამზადები სადილიც კი, მაშინ თვალებიდან კრისტალების ცვენის ამბავი საერთოდ გადამავიწყდა...

გაჯიქდა მერე ჩვენი სახლის საათი, გაჩერდა. ყრუ გუფუნით ავმა ჟამმა ჩამოჰკრა; ბუდის ნგრევა რომ დამიწყეს, ვიგრძენი, რაღაც უხილავი ძალა თითქოსდა მხრებში ჩამაფრინდა, რომ ვეჯავჯავებინე და სახსრებში გავეტეხე. მომინდა მინისთვის ტერფები დამეკრო, ძვრაც რომ ვერ ეყოთ. ვეცადე, მხრები გამემშეშებინა. ძვალწვრილი ვარ, არ მეგონა თუ შევძლებდი, მაგრამ გამომივიდა და მხრები ლამის თავად გავიქვავე.

როცა ის უთვალეებო სახით მიყურებდა და ჯვრისწერის დროს შესმული შარბათის სიტკბოს ივინყებდა, ცრემლები არსებული ტემპერატურის გამო იატაკზე უკვე გაყინულნი, ბროლებად ცვიოდნენ...

სარკის წინ ტრიბუნასთან გამომსვლელის რეპეტიციას გადაიოდა და დღეში ათჯერ მანც მეკითხებოდა, ხომ მოუხდებოდა ამ ამპლუას? ანდა როგორ ტონალობაში მოეწყო მომავალში კაბინეტი (როგორც მოგვიანებით გაირკვა, სურ-

ვილის ასრულების პრეტენდენტთან ერთად გადიოდა ამ რეპეტიციებს თურმე). გულის გარშემო წრიული ტკივილების შეგრძნება დამწყობ და დანთებული კელაპტრების სითბო მშველოდა; ჩემში დანყებული სიმყარე მუცელსა და შიგნულს რომ არ მოსდებოდა. მოგვიანებით მაინც ასე მოხდა. სისულელის გამო წაკამათებულს თმაში რომ ჩამაფრინდა, ისე ამილაპლაპდა მარმარილოდქცეული ბეჭები, როგორც ფლორენციის ქუჩებში პირიდან წყალმდინარე, ეშვებგადმოყრილ ლომებთან მჯდომ გაშიშვლებულ ფემინას. რა გემართება?!

— ვკითხე ერთხელ კედლისკენ პირმიქცეულს. გველნაკებნივით მომიბრუნდა — „Ух, я готов на подлости, ух, я готов на гадости, но лишьбы всё захватить к своей великой радости, но лишьбы всё захватить к своей великой радости, к своей великой радости!“ — შემომბღვირა კარაბას-ბარაბასადქცეულმა. გავშრი, გავეცალე. ვხედავდი, არ უხუმრია. ამას მერე ელვისებური სისწრაფით დაცლილი არყის ბოთლების კვირეულები მოყვა.

ხმაურით მიეწყვენ ცუდი დღეები ერთმანეთს და ფანჯარასაკრულს ჩავლილი ბედნიერი აპრილის ხელმეორედ დაბრუნების უიმედო ლოდინმა მაგრძნობინა მოშურნეთა მოწკურული თვალების სინავსე... სიკვდილის უღმობელმა ამოსუნთქვამ ყინვისებრ მოხატა სახლის სარკმელი და მხოლოდ თეთრმანდილმობურული ღვთისმშობლის მანუგებელი გალობა გამაგონა სიზმრად დამბადებელმა... მივხვდი, დასასრული რომ ახლოვდებოდა და იმასაც, მეორე ნახევრის ღალატის მიუხედავად, მართოს რომ უნდა გამეჩნია უღელი — პალატაში სიციხით გათანგულის მაგივრადაც.

როცა სნეულის შველა სათუო გახდა, მერე უეცრად გამდიდრებული ქალის შესაძლო შარავანდედი დამადგა თავს, ტურჩის კუთხეებში ბალნიანი და ჭორაობისას ნერწყვის საჩვენებელ-ცერა თითებით მწმენდავი დედაკაცები ამ შარავანდედმა დააფრთხო. ისეთი ზანზარი დაანყებინა მათი ჩხუბისას ჭურჭელს, ზრიალის სმენისას ცელულიტის საწინააღმდეგო ღვედივით მივიღა სულსა თუ სხეულში გამამაგრებელ-გამაქვავებელი ხმები. მათგან ნასროლ ისრებს რბილ თიხად დარჩენის შემთხვევაში ვერ ავიცდენდი. დავძაბე სხეული და ხერხემლის მალეებს ტკაცანით ჩაყოლილ სიმყარეს ჩვეულებრივად ვითვლიდი. როგორღაც გადავრჩი. ბროლები კი მცვიოდა თვალებიდან...

როცა სახლის ზღურბლს რწმენაგაცამტვერებულმა ყელზე დარჩენილი, მტკივანი ნათითურებით გადავაბიჯე, ოთახის სიბნელეშიც კი დავინახე, „ტურჩებალნიან“ დედაკაცს სიხარულით რომ უელავდა თვალები!.. ბინიდან ჩემი ნივთების გაზიდვისას ხერხემალი და ზურგი წელამდე ისე ჩამიქვავდა, აღარც მიკვირდა, იხსელა და იმსიმძიმე ჩანთებს როგორ ვეზიდებოდი. დღეთა სვლა არ დამითვლია.

ის იქ იწვა გაქვავებული... მე — ბავშვობისდროინდელ სახლში და ვგრძნობდი, ერთი ნაბიჯი რომ არის რბილ, სულშთაბერილ თიხადშეგრძნებიდან ქვადქცევის შეგრძნებამდე. ოლონდ ისეთ ცივ ჰაერს ვაგემოვნებდი ამ დროს სასულეში, ყინვასავით რომ მწვავდა.

„ზედმეტი“ ნაბიჯის გადადგმა აკრძალული იყო. საკუთარ თავზე ინიციატივის აღებას და იმაში დარწმუნებას, რომ მის

ბაგეებთან მიტანილი სარკე აღარ დაიორთქლებოდა, არავინ მომცემდა. ჩავიცვი, გავედი. შემაჩერეს: „საკუთარი ნების განა ავტომატის ჯერის ბოლომდე ჩარახრახების ტოლფასი იქნება, კონცერტის და ცირკისო“. შავადშესუდრული ადგილზევე დავრჩი და ნაცრისფრად სახეგადაღბნილი, ამაზრუნე მარტის ცას განმარტოებულმა გასრესილი ყვირილით ავაბჯინე ხელები. ღრუბლები შევაჯანჯღარე ცრემლებისთვის, მაგრამ აღარ ჰქონდათ აღარც თავიანთთვის, აღარც ჩემთვის. ღამით ლიბრგადაკრული და გადაგლუვებული ქანდაკების თვალებით დავხედე სანოლს და მივხვდი, ხანდახან მინა რომ უფრო თბილია, ვიდრე ლოგინი. როგორც ჩავნექი, ისე გამომძვინვარა, არ გავნძრეულვარ. დილით დავინახე, როგორ ხტოდა, ფეთქავდა ჩემს ხელის ზურგზე ძარღვი. ძალიან გამიკვირდა.

ნახევრადქვადქცეული სხეულის ტკივილების გამო ღამეები არ მეძინა. ხალხი — „რა ღამაზად არის გამოქანდაკებულიო“ — ჩურჩულებდა. შესაშური რა იყო — ბუდე რომ დამინგრის, ნგრევაში მოყოლილს ცხვირი წამემტვრა.

მივხვდი, ვქვავდებოდი. მასწავლებლებს შეეჩივლე. მზერა მოუთბათ, თანაგრძობით აევისოთ. „ასე იცისო“, მითხრეს, „შეეჩივე, ეცადე, კიდევ უფრო გამაგრდე, სიმძიმის და სიმძიმეს ნაკლებად იგრძნობო“. შევეცადე. ამას დაქალის მკაცრი განაჩენიც დაემატა: „რას მიყურებ?! საყვარელი გაიჩინე! ძეგლს მაინც არავინ დაგიდგამსო“. ცოტათი გავბრაზდი. ცოტათი, ღამის კიდევ მომინდა ქვადქცევა.

გამოჩნდა ისევე იგი ქალი. ვერ მოისვენა, თავზედი უნდოდა ჩემთვის უწყვეტინებინა იმის ცოლობის გამო და ზეადმართა „ღირი-ჟორის ჯოხი“.

რა აღარ მოიგონეს, რა აღარ შეთხზეს!.. ზოგი ყურში გესლით მიჩურჩულებდა, ზოგი ჭორს სხვების დასანახად გვერდზე ნერწყვივით ისროდა, ზოგიც ზურგში ტყვიასავით მახლიდა, მაგრამ ბეჭებზე ნაკანრები მრჩებოდა მხოლოდ. ვიცდენდი, არ მესობოდა. გამაქვავეს და რაღას ვგრძნობდი!.. ღაფი

ვესროლოთო, გადაწყვიტეს. დამიწყეს სროლა. წამოვიდოდა დედაჩემის და ანგელოზთა ცრემლი, ჩამომბანდა ტალახს, ან მზე გამოანათებდა, ჩამომადნობდა მხარ-კისერზე მიმხმარგოროხებს და ვინყები ისევ ბზინვავს.

მოვიდა მერე ერთი ღვთისნიერი კაცი, თავისი ხელით ნაკეთი დიადემა მოიტანა, „მაღალი შუბლი აქვს, მოუხდებაო“, თქვა და მომარგო თავზე. ამაზე სულ გადაირიგნენ. მომხსენი, თუ ღმერთი გწამს, არ მინდა-მეთქი — ვუთხარი. გაელიმა. „არც ვიფიქრებო“ — თვალით მანიშნა და წავიდა. სწრაფად შემეზარდა დიადემა თავზე და დავრჩი ასე. მომცვივდნენ მერე და იმ პანანინა კვარცხლბეკის მონგრევა მოისურვეს, რომელზეც ვიდექი. მეგობრები შემომეშველნენ — ნახევრადმიშველნი. იფიქრეს, „მათ ჩავაცვათ, ეს შიშველი დავტოვოთ. ისინი ჩვენთან ვალში იქნებიან, ამას მიატოვებენო“. ასეც მოხდა (სუსტი ადამიანი). არ გამეკვირვებია, არ მიტყრია. მხოლოდ სიმძიმის შეგრძნებამ შემახსენა თავი — სიმაგრე წელიდან თუქოებს ჩაუყვა და მიხრა-მოხრა შემიფერხა. სახლს მივეჯაჭვე. ამაოდ იდგა დედაჩემი ჩემი ცრემლების მომლოდინე. იცოდა, ასე ვიშვებდი, მაგრამ ველარ. არც მხიარული ვიყავი, არც მწუხარე. ჩემსკენ ნასროლი ქვებადქცეული სიტყვების კრობას ვგრძნობდი სხეულზე. მგონი ერთ ლოდადქცეულ ქალს მოვავადი.



მხატვარი
გიორგი ქართველიშვილი

უჩა ზაქაშვილი

ფოკუსი

ცოცხალი და კრემის მომზადება

გოჩას ცხენსაც გოჩა ერქვა. გოჩას ცხენი მაშინ მოჰარეს, როდესაც თავი უკვე კაცი ეგონა. გოჩამ შვილსაც გოჩა დაარქვა. მეორეს, თორემ პირველი გოგო ჰყავდა.

გოჩას თავი კაცი მაშინ ეგონა, როცა სხვებს მონყენილი ჰქონდათ ამ ტვირთის თრევა.

გოჩას კაცები არ აინტერესებდა, თორემ მის ცოლსაც გოჩა ერქმეოდა. გოჩამ სხვა სახელებიც იცოდა, მაგრამ ოჯახის ტრადიციას და სახელს არასდროს ლალატობდა...

„სიკვდილის მერე მარტო სახელი რჩება“ — ეუბნებოდა ხოლმე გოჩა პაპა გოჩას.

გოჩამ უნივერსიტეტის დამთავრებიდან რამდენიმე თვეში ქალაქის მუნიციპალიტეტში დაიწყო მუშაობა.

მანამდე კი, მუშაობის დანყება რომ იოლი არაა, იოლად მიხვდა გოჩა. ყველა ვაკანსიაზე შეჰქონდა საბუთები. ტესტებს უმკლავდებოდა, მაგრამ გასააუბრების ეტაპი ზედმეტად ზეციური აღმოჩნდა მისთვის.

გოჩა სანათესაოში, საგვარეულოში და იმ სოფელშიც, სადაც მისი მამა გაიზარდა, ერთადერთი იყო, ვინც უმაღლეს სასწავლებელში ჩააბარა და დაამთავრა.

მოგვიანებით, გოჩამ ისიც გაიგო, რომ სანათესაოში ერთადერთი იყო, რომელმაც რაღაცას მიაღწია და მერე ციხით არ დაასრულა კარიერა.

გოჩა პაპა ერთხელ ისე დათვრა, გოჩას მოუყვა, დიდი გოჩა პაპა როგორ გახდა ალქიმისკოსი, რომელიც საბჭოთა დროშიდან ქართული სისხლის მიღებას ლამობდა.

9 მაისი იყო, საქართველოს მთავრობა ულოცავდა ომში გადარჩენილებს, რომელიც რაიონის გამგებელი მათთვის უფასო კარაქსა და წინიზურას არიგებდა, პრეზიდენტი აცრემლებული სახით გულზე მჯიღებს იცემდა.

და გოჩამ გააცნობიერა, რა ყალბია სამყარო.

გოჩას სრულფასოვან იმედგაცრუებამდე ჯერ კიდევ მთელი სამყარო ამორებდა.

გოჩამ უნივერსიტეტის დასრულების შემდეგ ავტონანილების ბაზრობაზე დაიწყო მუშაობა.

გოჩა თავსაც აჯერებდა და სხვებსაც, რომ პროფესიით მუშაობა კი შეეძლო, მაგრამ მანამდე უბრალო ხალხთან ურთიერთობა გამოცდილების შესაძენად სჭირდებოდა.

იმ დროს გოჩას უკვე სჯეროდა, რომ ყველაფერში თუ არა, რაღაცაში პირველი თუ არა, მეორე მაინც იყო.

გოჩას ბაზრობაზე „გამოსირებულს“ ეძახდნენ, რადგან კლიენტებს ფულს არ უტეხავდა.

გოჩას შეეძლო მთელი დღე ხელფასზე ემუშავა, არაფერი მოეპარა, არავინ მოეტყუებინა.

გოჩას შეეძლო მთელი ცხოვრება დაშლილი ავტონანილების გამყიდველად ემუშავა, მაგრამ ავტომანქანების დაშლა ისწავლა და უკვე ბაზრის იერარქიაშივე ამაღლდა.

გოჩა ბაზრობის მეზობლების თვალში კვლავ ამაღლდა, როდესაც მისი ლექსი ავტონანილების გამყიდველთა მძიმე ყოფის შესახებ ქალაქში ცნობილ ლიტერატურულ ჟურნალში დაიბეჭდა.

ბაზრობაზე ეს ამბავი ყველამ გაიგო. ზოგი ამაცობდა და ვინც არ ამაცობდა, მხოლოდ იმიტომ, რომ ურითომ ლექსების ლექსობას ჩიოდა: „ილია, ვაჟა, გალაკტიონის შემდეგ როგორ შეიძლება ვერლიბრისთვის პოეზია ეწოდებინათ?“ გოჩა ბუკოვსკის ასხენებდა, ვითარცა შაქრო მალადოის ზონაზე, როგორც პრესტერ ჯონს ჯვაროსნების კრებაზე, ვითარცა უკერბერგს ფეისბუქზე. ისინი კი დუმდებოდნენ, კისერს იფხანდნენ და ბოლოს მაინც ეკითხებოდნენ: „ეგ ვინ ჩემი ბაბასილია?“

ვცდილობდი მევლო, ბუნება შემეგრძნო: მზე, ჰაერი, ავთოფათებული ფილტვები. ჩემს სახლთან, ეზოში ვხედავდი ბალღობის მეგობრებს — ლუდისა და არყის ცარიელი ბოთლებით ხელში მოფარფატებდნენ. დამორცხვებულთ, რაღაცნაირი დაღდასმული მზერით, მისალმების ვერგაბედვით. ახლა მხოლოდ მათი თვალები მეუბნებოდა, როგორ გავზრდილ-გავლამაზებულვარ, მაგრამ ხომ ვგრძნობდი, როგორ მაქვავებდა მათი ამბავი... ვიცავდი ულმობელ(ნი) შერისხული ღრუბელივით დაგვდგომოდა თითქოს თავს, ამ დღეში რომ ჩავეყარეთ. პანტაფუნტით მიწვედა მათ პანაშვიდებზე სიარული, უკეთესი რომ ველარაფერი მოეფიქრებინა მათს ამ ყოფაში დედაბუნებას...

ან სიხარულის მცდელობა ვინ გაცადა, ან მეგობართან იანვრის ყინვაში ბუხარს მიფიცხვებით ერთად ნაცხობი „ოლაღების“ მირთმევა!.. შეიკრნენ ისევ, ხალხიც მიიმატეს და საერთო ბალღაში ჩაიღვარეს ძარღვებში. ისევ კბილებში ცრილი სიტყვების კორიანტელი დააყენეს, ფართოდ დახუჭეს თვალები და ნიღბების შერჩევას შეუდგნენ. ცდილობდნენ, თვალებზე ხელები აეფარებინათ ჩემთვის. მაინც ყველაფერს ვხედავდი. გაკვირვებით არა, სინანულით ვიმეორებდი: „უჰ, სტენლი, სტენლი!..* რა მართალი იყავი-მეთქი!..“ ამ ნიღბებს მიღმა სახეთა შეცნობა კი ლამის ყოველდღიურ მოვლენად მიქცეის.

მუხლებში ქვადატანებული გუნდების შეგრძნება მაშინ დამეწყა, ყველა ინილო-ბინილოს გამზიარებულთან იმის გასარკვევად რომ მივედი, რად გარბული, ზურგს რად მიჩვენებ, რა მოხდა-მეთქი?!.. „კარი ღიაა და შეგიძლია ნახვიდეო“ — მითხრა. თვალი ამარიდა... კედელზე კი, საყურეებისსაკიდ პატარა კაუჭზე სწორედ ის ნიღაბი შევნიშნე, რომლის დანახვასაც ველოდი — ოცდაათი ვერცხლისფერი ბისერით იყო მოქარგული და საოცრად ბრჭყვიალედა...

ისეთი მსუბუქი წამოვედი იქიდან, აღარც სიმძიმე იყო, აღარც სიმძიმე. სასულეში მყინავდა ოლონდ რაღაც. ერთ მთლიან, ერთგვაროვან ქვის ხეულად ვიქეცი. ვხედავდი, მუხლისთავებიდან ტერფებამდე როგორ აჭრელდა რუხნარევი თეთრი მარმარილო — სიმძიმემა მაინც გაჟონა სადღაცინდან და თეთრს მუქი შეერია... ვერაფერს ვგრძნობდი, გარდა ისევ გულის გარშემო შემორჩენილი წრიული კენწვლისა... ქვადექეული ნასროლი სიტყვები უშნოდ დამხვავებოდა მხრებზე. ვერაფერი მოიფიქრეს, მაგრამ (მადლობა უფალს), კიდევ ერთმა ღვთისნიერმა მკითხა, რა მსურდა — დამეწერა (შემატყო, საუბარი მიჭირდა). მოქანდაკის მიერ სხეულიდან ზედმეტი ქვების მოშორება კითხოვე.

მოიყვანა ღვთისნიერმა ის კაცი. მომაჩერდა ისიც ოსტატის თვალით და რომ არ მტკენოდა, ისე ფრთხილად ამათალა სხეულში ჩაზრდილი ქვები. გულმკერდამდე რომ ჩავიდა, ვერბილე. გარშემოყოფთ გაოცებით შეხედა — მარცხნივ, მკერდის ღრმულიდან გულის ფორმის ცოცხალი სხეული დაინახა — დასისხლული (წრიული ტკივილების მიზეზიც ეს იყო, ეტყობა)... „ასეთი რამეც ხდებაო?!“ — აღმოხდა გაოცებულს. მხოლოდ ღვთისმომიშმა კაცმა დაუქნია თავი და ანიშნა, არავისთვის ეთქვა ეს ამბავი...

* სტენლი კუბრიკი — კინორეჟისორი

ამ ერთგვარი კრიტიკის ფონზე გოჩა მიხვდა, რომ ავტონაწილების გამყიდველები პორნოჟურნალების გარდაც კითხულობენ რალაცას, რომ უნივერსიტეტის მერე აქაც შეიძლება მაღალ მატერიალზე საუბარი და საკუთარი მალაზია გახსნა.

გოჩას მალე მოაკითხეს.

ზაზა მისი უნივერსიტეტელი, თანამდებობის პირი, თანატოლი და მეგობარი იყო.

უთხრა: კარლო ჰქვიაო. ფოკუსებს ატარებსო, დიდი ვიგინდარაო, უნდა გამოვიჭიროთო.

გოჩამ საკუთარი მალაზიის წინ მდგარი ფერმიხილი ჭადრის გაქრობის სანაცვლოდ ფული გადაუხადა კარლოს.

კარლომ სამსახური დაკარგა.

გოჩას კვლავ უხმეს და ქალაქის მუნიციპალიტეტში დასაწყებინეს მუშაობა. იმ დეპარტამენტში, სადაც ზაზა ახალი დანიშნული იყო უფროსად და სადაც მანამდე კარლო ფოკუსებს ატარებდა...

იმ ოთახში, რომელშიც გოჩა დასვეს, ყველა კარლოზე ბჭობდა. „გეგეტ ჯიგარ კაცს ვერსად ნახავდი“, „კიდე კაი, ცეცხლზე არ დანვეს და სამსახურის დაკარგვას ვინლა ჩივის?“ „ეე, რა დავლიეთ იმ დღეს, რა მოვიღბინეთ, რა იცოდა სანყალმა, ვინ გადაუხდის ბანკის ვალებს“, „მონტაჟი იქნება, შოუ უნდა ხალხს და აჩვენებენ“, და ა.შ. ვილაცამ ისიც კი უთხრა გოჩას: „სადაც შენ ზიხარ, ზუსტად მანდ იჯდა ისიც!“

გოჩას გაორება სჭირდა. ერთი მხრივ, ამაყობდა, რომ ილუზიონისტის გამოჭერაში მიიღო მონაწილეობა, მეორე მხრივ, კი სტანჯავდა გოჩა პაპას მონათხრობი დიდ გოჩა პაპაზე.

გოჩამ დიდხანს იწვალა, მაგრამ გაორება არ დასრულდა.

მამა გოჩა ხშირად მოძღვრავდა: „სახელმწიფო სამსახური ჯობია, ეგ მუდმივია, მთავარია არაფერი დააშავო. გაიზრდები, გამოცდილებას შეიძენ და მერე ყველაფერი გექნება.“

გოჩას სჯეროდა მამის, მაგრამ აბა რა იცოდა მამამ, რა გზით მოხვდა მისი შვილი სამსახურში?

გოჩას თანამშრომლებმა, აბა, რა იცოდნენ სიკვდილმისჯილი ჭადრის ისტორია, რომელიც ისევ თავის ადგილზე იდგა და გაქრობის უსასრულო მოლოდინით ისტერიული ფოტოლცვენა სჭირდა! რა იცოდა ჭადარმა, მის გაქრობაზე რა ამბები დატრიალდა?!

გოჩამ იცოდა, რომ რაც გააკეთა, მხოლოდ სიმართლისთვის, მხოლოდ კანონიერებისთვის.

გოჩა აცნობიერებდა, სამსახურის დაწყება ამჯერად გასაუბრების ეტაპის გადალახვის გარეშე რატომ გახდა ასე იოლი, მაშინ როცა, რამდენიმე თვის წინ იმავე სამსახურში იმავე ხალხმა და ზაზამაც გასაუბრების ეტაპზე კრიჭა შეუკრა.

და ერთ მშვენიერ დღეს საგანგებო თათბირზე შემოვარდნილმა რეალიზმის დეპარტამენტმა დააპატიმრა ზაზა და კიდევ სხვა რამდენიმე თანამშრომელი ფოკუსთა რეციდივის გამო. სპეცსამსახურის თანამშრომლებმა დაპატიმრებულთა მოქმედების სქემა ისე დამაჯერებლად გაშიფრა, რეალისტი იყავი და ნუ დაიჯერებდი: „მ.კ. ზ.კ.-სთვის ფოკუსის ჩასატარებლად იყენებდა ლატენტურ ხერხებს. კერძოდ, ჯერ ზ.კ.-ს სახლის ლიფტს იძახებდა, კაბინაში დებდა ორ სამშენებლო ბლოკს, მათ ქვეშ კი — ქალაქში გახვეული ძველ გაზეთებს. შემდეგ ლიფტს ზ.კ.-ს სართულზე გზავნიდა. 4 სართულის ავლისთანავე ლიფტში ზ.კ.-ს უკვე დოლარებად გადაქცეული მაკულატურა ხვდებოდა. დამნაშავეებმა ეს სქემა ილუზიონისტობის დასამალად გამოიყენეს, მაგრამ ჩვენი დეპარტამენტის მიერ კაბინაში დამონტაჟდა სათვალთვალო კამერები, რამაც დეტალურად დააფიქსირა ილუზიონისტური ნომერი“.

გოჩას გაორება გასამდა. პირველი და მეორე დარჩა იგივე. დაემატა სამშობლოს, როგორც მთლიანის, გლობალური აღქმის დეგრადაცია.

გოჩას სჯეროდა, რომ იმ გზით, რა გზითაც სამსახური იშოვა, რეალიზმის მიმდევრები წარსულს ებრძოდნენ და ახლის შენება იყო მიზანი.

ზაზას დაჭერა რაღას ნიშნავდა? რეალიზმის მარცხს, თუ კონკრეტული პიროვნების მარცხს? თუ გოჩას მარცხსაც?

გოჩას მარცხი სიამაყის ყოველგვარ მიზეზს ამსხვრევდა. ამიტომ მოცემული პასუხებიდან ზაზას პიროვნული მარცხის ვერსია ამოირჩია.

ზაზა ახალმა უფროსმა შეცვალა. გოჩამ სცადა ახლიდან დაჯერება. სხვა გზა არც იყო.

მამა გოჩა მოძღვრავდა: „შენ დონეზე ფოკუსებს არ დაუშვებენ. დაილალა ხალხი განუხორციელებელი იმედების ლეჭვით, და შენ უნდა აჩვენო მათ, რომ მინაზე დგახარ, საქმელს ჭამ, კუჭში გადიხარ, შარდავ, მოკლედ უნდა



დაანახო, რომ ადამიანი ხარ, იმიტომ, რომ ხალხი შენ გხედავს, შენნაირებს ეკონტაქტება და პირველ რიგში შენს ფოკუსებს ვერ აიტანს.“

გოჩამ ისწავლა თვალის არიდება, განზე გადგომა და მარტო თავის საქმის კეთებაზე დაინყო ფიქრი.

მალე სამშობლომ გოჩას მანქანა უყიდა, ხელფასი გაუსამმაგა, ტელეფონზე სასაუბრო დრო ჩაურიცხა და მივლინებებით ევროპაში ამოგზავნა. გოჩამ მადლობა იმით გადაუხადა მას, რომ ცოლი მოიყვანა და ორი შვილი გააკეთა. „მესამეზე ვფიქრობ“ — ამბობდა ხოლმე სხვადასხვა თავყრილობაზე, მამულიშვილური სიამაყით. „ერს გამრავლება სჭირდება“, „პატრიარქის ნათლული იქნება“ — ეხმაურებოდნენ და უწონებდნენ ფიქრის საგანს.

გოჩა ბევრჯერ დაანინაურეს და არც ერთხელ დაუქვეითებიათ.

გოჩამ დისერტაცია დაიცვა და დოქტორი გახდა.

გოჩამ სახელფასო დანაზოგით მინის ნაკვეთი შეიძინა და ზედ გოჩა პაპას ნაჩუქარი ცხენი დააბა.

გოჩამ გააცნობიერა, რომ როდესაც არ ხარ ილუზიონისტი, ხარ თავისუფალი ყველა ეპოქაში, ნებისმიერ სივრცესა და გარემოში. არ გეშინია და ტკბები. შენ გარშემო თუნდაც ტყეები კორპუსებად იქცეოდნენ, მდინარეები კანალიზაციის მილები ხდებოდნენ და მწვერვალებზე ერთჯერადი პარკები დაფრიალებდნენ — შენ გარშემო შენ არ ხარ!

გოჩამ უნივერსიტეტში ლექციების კითხვა დაიწყო.

გოჩა კანონებს წერდა და მას პარლამენტი ყოველგვარი შენიშვნების გარეშე იღებდა.

ჰოდა, გოჩას თავი კაცი ეგონა.

იმ შაბათს გოჩამ ცხენით გასეირნება გადაწყვიტა, მაგრამ გოჩა ნაკვეთში აღარ დახვდა.

უფრო მეტიც, ქურდებს ცხენის შემოღობილი ეზოდან გასაყვანად ლობის ერთი მონაკვეთი მთლიანად მოერღვიათ. დროებითი შესასვლელი

მოეწყობო. ზუსტად კარის გვერდი იყო გამონგრეული ლამის ოთხი მეტრის სიგანეზე. ნანგრევებზე კი ფიცრები დაეწყობო მანქანის გადასაყვანად. გოჩა სატივროთო მანქანით წაყვანათ.

ალფოთებულმა პოლიციამი დარეკა. იმათ ცხენის ფოტო, საკუთრების დამადასტურებელი მოწმობა, ვეტ-ალრიცხვაზე აყვანის საბუთი და აცრის ცნობა მოითხოვეს. გოჩას არც ერთი ჰქონდა.

მეზობლებს ჩამოუარა და გამოჰკითხა, რამე ხომ არ შეუნიშნავთ. იმათ, რა დროს ცხენია, მოჩვენებითი რეალიზმის რეჟიმი დაინგრა და ანი გადავალთ ნამდვილ რეალიზმში!

მართლაც, რა დროს გოჩას ცხენის ძებნა იყო?

ზუსტად იმ წამს, როცა გოჩამ სამსახურში წასვლა გადაწყვიტა, მესიჯი მიიღო:

„მანც მოკვდები, ნაძირალა!“

გამოცნობა და კრების წასმა

გოჩას სამუშაო კაბინეტის მაგიდაზე მორიგი შეტყობინება დახვდა ანტიილუზიური დეპარტამენტიდან. ეს იგივე რეალიზმის დეპარტამენტი იყო, შეცვლილი სახელით და გაზრდილი უფლებამოსილებით. ანტიილუზიური დეპარტამენტის წესდებით ილუზიონისტის ცნებაც დაეზუსტებინათ: „ილუზიონისტი განიმარტება ორი გავებით. პირველი, ვინრო მნიშვნელობისა და აღნიშნავს ფოკუსის ჩატარების მცოდნეებს, მეორე, ფართო მნიშვნელობით განიმარტება და გულისხმობს ნებისმიერ პირს, რომლის საქმიანობა ან არსებობა ილუზიებს უკავშირდება“. ამდენად, ანტიილუზიურ დეპარტამენტს გარდა ჩვეულებრივი ილუზიონისტებისა უნდა გამოეყვანათ ილუზიებთან კავშირში მყოფი ნებისმიერი პიროვნება, მათ შორის ალქიმიკოსები, მუცელმოგვები, ტყირპის მსტურები, ნიშმიჭვრეტელები, ხატის მეენები, მსახურალები და ჰიპნოზიორები. ასევე, ყველა ვინც თავად არ გახლდათ ამნაირი, მაგრამ ამ ყველაფრის ტირაჟირებას ახდენდა.

გოჩას პირველად არ იბარებდნენ რეალიზმის ტესტის ჩასაბარებლად და იცოდა, რასაც ითხოვდნენ მისგან. მას თავი უნდა ემზადებინა ილუზიონისტობაში, უნდა ელიარებინა რომ ილუზიების მსახური იყო და სამაჯერ ხმამაღლა წარმოეთქვა: „ადრე თუ გვიან წარმოსახვითი ყველაფერი იმსხვრევა მანც, მე კი დღესვე განვეშორები ილუზიასა“. რა უნდოდა ამის გაკეთებას, მაგრამ გოჩას 30 წლის ასაკში იმის აღიარება, რომ წლების წინ სასტიკი შეცდომა დაუშვა, არ სურდა. აბა, როგორია, შენს თავს და ანტიილუზიურ დეპარტამენტს გამოუტყდე, რომ საუკეთესო წლები დახარჯე კვირაში შვიდი დღე 24-საათიან მუშაობაში, რალაცის გვეროდა, რალაც მიზნისკენ მისწრაფოდი და უცებ, ბრაჰ! ილუზიონისტი ყოფილხარ! 30 წლის ასაკში თითქოს ახალი ცხოვრების დაწყებაც არ უნდა ყოფილიყო რთული, მაგრამ წარსულდამოკიდებულება არ უშვებდა წინ... მართლა სისხლი გადაუსხეს? ილუზიის, სიყალბის, ხალხის გაბრუნების, შუბლის ძარღვის განყვეტის სისხლი?

„ლოკალურად მხოლოდ შენს უწყებაში, შენს კონკრეტულ დეპარტამენტში მომხდარის გამო კი არა, არამედ მთელ ქვეყანაში, მთელ კავკასიასა და ახლო აღმოსავლეთში განვითარებული მოვლენების გამოც კი იხარშები! ფოკუსი ჩაატარეს, რომლილაც მუნიციპალიტეტის გარე განათების თანამშრომლებმა და ყვითელი ნათურები ლურჯად ანათებს? იხარშები! ვილაცის მამა ექიმებმა ვერ გადაარჩინეს? იხარშები, იმიტომ რომ ცუდი ფოკუსი ჩაატარეს! ქურდი დაიჭირეს? იხარშები, იმიტომ, რომ რეალიზმის მიმდევარი დაიჭირეს! ახალაშენებული ობიექტი გახსნეს? იხარშები, იმიტომ, რომ ერთი და იგივე გახსნეს მეშვიდედ!“ — ახსენებოდა გოჩას მისი ან გარდაცვლილი თანამშრომელი გივის სიტყვები, რომელიც პენსიაში გასვლის დღესვე გარდაიცვალა და თითქოს ასე რალაცნაირად, სამშობლოსთან ვალმოხდილი წავიდა — პენსიაც კი არ აუღია. გოჩას ახსოვდა სტუდენტობა და ის პერიოდი,

როცა სახელმწიფოსთვის შრომა ფოკუსებთან ასოცირდებოდა. მერე ყველაფერი შეიცვალა. გოჩა ფოკუსებს არ ატარებდა, მაგრამ ამის სანაცვლოდ ხარშვის თმენა ევალბოდა! რა იცოდა გოჩამ, რომ ხშირ შემთხვევაში ამ ხარშვას ზაზასნაირი, ანუ ყოფილი მისნაირები დაუდებდნენ სათავეს. გოჩამ კვლავ შეტყობინებას შეხედა და მიხვდა, რომ მის წინ იდო ხარშვის განახლებული მეთოდი, რომელიც მხოლოდ მისნაირ ჭიჭყინებზე ვრცელდებოდა. ყველას, ვისაც ოდესღაც სიტყვა ეთქმოდა ქვეყნის კურსში, ახლა ევროკავშირის ექსპერტები, უფლებამცველები, ადვოკატები და ვილაც ჩემალალას მრჩევლები გამხდარიყვნენ. მათთვის ერთგულების დამტკიცების ადამიანური და ვაჟკაცური მოვალეობა კი მხოლოდ გოჩასა და მისნაირებს შერჩენოდათ, ე.წ. ილუზიონისტთა ყრმებს, ჰიპნოზიორთა მოწაფეებს, მუცელმოგვთა ჩმორებს, მაგრამ ამყვებს იმის ცოდნით, რომ ნეტარ არიან სიმართლისთვის დენილნი, რამეთუ მათ დამკვიდრონ სასუფეველი!

„შენი დედა უნდა ვატირო, ჩამო ფოიეში“ — ახალი მესიჯით შეახსენეს თავი გოჩას. გოჩას რატომღაც ავტონაწილებს ბაზრობაზე მდგარი ჭადარი დაუდგა თვალწინ.

— ყბაჩაც გაურეალისტებიათ მაგ ჩემისებს! — თავი შემოყო ლიად დარჩენილი კარიდან თანამშრომელმა.

— რა არ იყო? — ჰკითხა, ისე, რომ თვალი არ მოაშორა საქართველოს გერბიან ფაიფურის სტატუეტს.

— კი იყო, მარა საჩვენებლად. თან ყოფილი ჩვენები ეუბნებოდნენ ჩვენკენ გადმოდიო და რომ არ გადავიდა ეს გაუჩაღიჩეს მაგ ახვრებმა.

— ისევეც უაღრესად შეწუხებულ გოჩას აღარ გააჩნდა დამატებითი ფერი, ყბაჩას გამო განცდილიც სახიდან აერეკლა. თუმცა „ჩვენები ეუბნებოდნენ, ჩვენკენ გადმოდიოშიც“ — იდო გარკვეული ემოციური გაურკვევლობა, აზრობრივი ბუნდოვანება და ეს ერთგვარი გულგრილობა არ გამეტყუებოდა.

— გუშინ ვუყურებდი თოქშოუს. ვილაც ტიპი ყოფილა რეკორდსმენი, 32-ჯერ დატესტესო, მაგრა აპიარებდნენ. და რა პონტია, შენზეც თქვან. ხალხი გაგიცნობს და რამე. ევროკავშირი გაიგებს, ალფოთდება, ვიზას მოგცემენ, წახვალ ოჯახით, აინყოფ ცხოვრებას. — ამხნევებდა პეტრე მუცელმოგვობაში ბრალდებულთა ქომაგი და თავადაც მუცელმოგვობისთვის გასამართლებული.

— 32-ჯერ? — უინტერესოდ იკითხა გოჩამ.

„სულ კაბინეტში როდემდე იჯდები შე ვირთხა?“ — წაიკითხა გოჩამ ახალი შეტყობინება და პეტრეს შეხედა, რომელიც საუბარს განაგრძობდა:

— შენ სამეულში მანც გახვალ და ვეტყვი ჩვენებს, რომ უთხრან ჩვენებს, რომ იმათ თქვან, რომ ჩვენც გვყავს ეგეთი ტიპი, — ამბობდა ისეთი შემართებით თუ სიამაყით, თითქოს 28-ჯერ რეალიზმზე კი არ შეამონმეს, ფრონტის წინა ხაზზე დაჭრეს გოჩა, 28-ჯერ დააბრმავეს სიმართლისთვის და 28-ჯერ მოჰპარეს გოჩა!

პეტრე წავიდა. გოჩას ტელეფონზე დაურეკეს.

— ჩამოხვალ, თუ ამოგივარდეთ მანდ, შე პიდარასტო? — ღრიალებდა ვილაც მთელი ხმით.

— ჩამოვალ, დამელოდეთ აბა, ერთი, — სხარტად უპასუხა და ფეხზე ისე წამოდგა, ვითარცა აჩრდილთა სამეფოს დარაჯი კერპერის ზესკელში ამოსაყვანად მომართული ჰერაკლე.

— გაიგე, ვინ გახდა ჩვენი ახალი უფროსი? — ქირქილებდა პეტრე.

— ვერ მოგიშორე შენ, რაა... — ჩაიდუდლუნა გოჩამ.

— არ გაინტერესებს?

— კი.

— კარლო, ჩვენი ყოფილი...

გოჩას ნერწყვი გაუშრა, გაცხელდა, მაგრამ გაცეცხლების ნიშანწყალი არ დატყობია. პირიქით, უცნაური სიმშვიდე იგრძნო.

ისევ ტელეფონმა დარეკა:

— ნანჩო ვარ, თქვენი ძიძა, გოჩას პამპერსი აღარ ჰქონია და რომ გამოენვას, რა ექნა? სიცხიანია, ვერც ვტოვებ და ვერც ეზოში ჩამყავს, რომ ვიყიდო. დილის მერე ვერ გამოვუცვალე. გამოენვება, თუ არ მომიტან, — ესმოდა ძიძის ხმა ყურმილში, გოჩა კი უკვე ფეხზე იდგა და ლიფტისკენ გარბოდა. ფოიეში რომელიღაც მოგებუ-ლი ომის ვეტერანები დახვდნენ.

— ეს სირი ნახე, მართლა ჩამოვიდა? მოდი აქ შენი დე-და... — ატეხეს ღრიალი და მისცვივდნენ. ორი დაცვის ბი-ჭი ამოდ ცდილობდა ვეტერანების დაშოშმინებას. რისი ვეტერანები იყვნენ, განა? პირტიტველა დაცვის ბიჭებიც ზემოდან დააყოლეს. პატრულის მრავალი ეკიპაჟისა და სპეცრაზმის მოსვლამაც არ უშველა. ვეტერანები ყველა-ზე ინვედნენ. განსაკუთრებით ინვალიდის ეტლზე მჯდო-მი აქტიურობდა, ყავარჯენს სამურაის ხმალივით იქნე-და. მიცვივდა ყველა ტელევიზია, ტვ რეალნიუსის გარდა.

— ესეთებს გამო დაქუცმაცდა ქვეყანა და მერე მოდის და ჩვენი საძმოდან ერთ ვეტერანს ხის უნებართვო მოჭრის გამო ცულის კონფისკაციას უკეთებს! ამას არავის შევარ-ჩენთ. ეს არავის შერჩება. ცულია ჩვენი რეალიზმის სიმბო-ლო, ამაშია ჩვენი ძალა. — ქადაგებდა ინვალიდის ეტლზე მჯდო-მი და თან ყავარჯენს გოჩას ურტყამდა. შემდეგ თავისიანებს მი-უტრიალდა და დასჭეხა: «ცული მოვიტან ცუნცულასა, ხელეჩოს და წაღუნასა, ხესაც მოვჭრი ხის ძირსაცა, შენც შეგჭამ და შენს შვილსაცა!» — ბოლო ორი ფრაზა ყველამ ერთხმად დაიგუგუნა.

სულმიხდილმა გოჩამ დრო იხელთა და კედელ-კედელ გაი-პარა შენობიდან. ისევ დარეკა ტელეფონმა. ძლივძლივობით ამოიღო ჯიბიდან. ყველაფერი სტკიოდა.

- დღეს ორზე უნდა მოხვიდეთ, — ჩაესმა ნაცნობი ხმა.
- შესვენებაზე გავდიოდი.
- აქ დაგასვენებთ, არა უშავს.
- ეგეთი სასწრაფოა?
- უსასწრაფოესი. ახლავე წამოდით.

„და რომ გამოენვას?“ — უკანასკნელად შეენინაღმდეგა გოჩა თავს, ილუზიონისტებს და ანტიილუზიონისტებს ერ-თად... მერე ძიძას დაუმესიჯა: „ვერ გამოვდივარ. იქნებ მეზო-ბელს სთხოვო!“ და რეალიზმის მორიგი სუანის ჩასატარებ-ლად ილუზიონიზმის წინაღობა მებრძოლი დეპარტამენტის შენობაში შეაბიჯა. იქ მას არავინ სცემდა. იქ უფრო ფსიქოდე-ლიური სუანის მოლოდინი უნდა ჰქონოდა. გოჩას ყელში ჰქონდა ამოსული ერთი და იმავეს გამოერება. მუცელზე იმ-დენი ფოტო გადაუდეს, იმდენჯერ გააშუქეს რენდგენზე, სა-დაცაა დასხივებას მიიღებდა. ამ გზით მისი მუცლით მეზლაპ-რეობის პოტენციალი იზომებოდა. მრავალჯერად ტესტების შედეგად ამ კომპონენტში 9 პროცენტი აიღო. როგორც დე-პარტამენტის მთავარი ექსპერტი იაზა ვესტბრუკი ამბობდა: „5-7 პროცენტით ნებისმიერი ჩვენთაგანი მუცლით მეზლაპ-რეა, რაშიც დამნაშავე ჭიპია. ვისაც პატარა ჭიპი აქვს, მისი პოტენციალი 2-3 პროცენტამდე ჩამოდის. სიდიდის შემთხვე-ვაში კი უმნიშვნელოდ იზრდება. ამიტომ გოჩას რეზულტატი მისაღებია“. შემდეგი ტესტი სიმართლისთვის თვალის გასწო-რებას შეეხებოდა. დაუჯდებოდა გოჩას ვილაც და უყვებოდა ათას სისულელეს, ექსპერტები კი მის რეაქციას აკვირდე-ბოდნენ და იმის მიხედვით, თუ როგორ რეაგირებდა ის მო-ნათხრობი სისულელის ქეშმარიტ მონაკვეთებზე ასკვნიდნენ, რომ გოჩა სიმართლისადმი ინდეფერენტული პერსონა გახლ-დათ. მომდევნო ეტაპი მოიცავდა გარდასახვის უნარს. აქ მონმდებოდა რამდენად შეეძლო გოჩას სიტუაციის შესაბამი-სად მიმიკების შეცვლა. მონიტორზე აყურებინებდნენ ჯერ სასტიკი მკვლელობის სცენას, შემდეგ აღვირახსნილ სექსს, მერე საპარლამენტო არჩევნების პროცესს ან რამე კომიკურ სიტუაციას და შენიშვნებს დავთარში ინერდნენ. 28-ჯერ ჩა-ტარებული ტესტის შემდეგ გოჩას შესახებ დასკვნაში ნათქვა-



მხატვარი კოტე თევდორაძე

მი იყო, რომ ის ზომიერად ცვალებადია, რაც გოჩას საშუა-ლოდ რეალისტობას ნიშნავდა.

ამჯერად ნაცემმა გოჩამ ხელახალ შემონმებაზე უარი თქვა და მისმა თვალებმა თავისით მოძებნა იაშას კაბინეტი. ენამ თავი-სით იმეტყველა სიმართლე და არაფერი სიმართლის გარდა. ხელ-მა თავისით დასვა ავტოგრაფი აღიარებითი ჩვენების ბოლოს.

გოჩამ რეალიზმი მიიღო და წესისამებრ, დეპარტამენტის გასასვლელში ქეშმარიტების წყაროდან ერთი ჭიქა ცივი წყა-ლი შესვა.

გოჩა სამსახურში აღარ დაბრუნებულა. ჯერ ავტონანილე-ბის ბაზრობაზე მივიდა და გაქრობის მოლოდინით ჩამოქცნა-რი ჭადარი მოჭრა, მერე ცხენის საძებნელად წავიდა...

ნამცხვარი

— ახალი ნამცხვარი გამოვაცხვე, დედი, მოდი გაგასინჯო, — მომაძახა დედაჩემმა, როცა სასტიკ ნაბახუსევზე სამზარე-ულოში შევაბიჯე.

- რა ნამცხვარი, მინერალური გამომიღე მაცივრიდან, რა.
- ამდენი ვინვალე და შენ არც სინჯავ, რა წესია, მოდი, სულ ერთი ლუკმა.
- აღარ ვანყენინე. უხალისოდ ავიღე კვერცხის ფორმის ბის-კვიტი და პირისკენ გავიქანე. გემრიელი კრემი ჰქონდა.
- კარგია? შენი მოსახელე რომ დადის, მემანვნე, იმან მასწავლა.
- გოჩა?
- ჰო, ცხენი რომ ჰყავს.
- ის ცხენი დედალი ხომ არაა, ნეტა?
- რა შუაშია ეგ?
- ცხენის მანონს ხომ არ ყიდის-მეთქი, გავიფიქრე.
- რეებს ბოდავ. ისეთი წესიერი კაცია.
- წესიერი კი არა, ვიცი მე, ვინცაა ეგ. და შენთან რა ნამ-ცხვრები აუტყვია, რომელი შენი დაქალი ეგაა. სხვა რამე ხომ არ უნდა შენგან?
- ოოოო, კაი, რა შუაშია ეგ. ყოველ დღით მოაქვს მანო-ნი, დაგავინყდა?

დედაჩემს აღარაფერი ვუთხარი და მემანვნე გოჩას მოსა-ძებნად წავედი. თუ ილუზიონისტს მაგრა გაძუყნიდი და სო-ციალურ ქსელში მასთან ერთად გადაღებულ ფოტოს ატვირ-თავდი, კაი მაყუთს იხდიდნენ რეალისტები. ლუდის დაღვეის სხვა პრასვეტი არც მქონდა...

ბ-ნო როსტომ, მოგესალმებით და იმედი მაქვს, არ გავანზილებ თქვენს მოლოდინს... ბუნებრივია, ყველა ერთი დონის ვერ იქნება, მაგრამ ვერ შეველიე და სრულად გიგზავნი... ფაქტობრივად, აქ არის ყველა რობაი, რაც ორ-სამ თვეში დავწერე... ბ-ნი სოსო ჭუმბურიძის შეგულიანებამაც განაპირობა, (ცალკე წიგნად გვაქვს გამოცემა ჩაფიქრებული...) მეტი სერიოზულობით მოვკიდებოდი რობაიების წერას... მოკლედ, თქვენს სამსჯავროზეა 70 რობაი... დანარჩენი თქვენ იცით...



ელგუჯა მარღია

სიყვარულის რობაი

თუმცა ბევრია საფიქრალი და სანუხარი, მაინც ყოველდღე გახსოვდეს და შენ თავს უთხარი: მთავარი არის, სიყვარული აღარ ჩაგვიქრეს და სამუდამოდ გიზგივებდეს გულის ბუხარი...

ღიმილის რობაი

მინანური იოსებ ჭუმბურიძის წიგნზე „ღიმილი დედოფალ ანასი“

სხვა სილამაზე აციკროვნებს დედოფლის ღიმილს, სხვა არის მისი პოეზიის მზე(ცა) და სხივიც... და უნებურად მახსენდება ახლა ჯოკონდა, - იმ ამოუცნობ ღიმილს მიღმა რა ცრემლი ღვივის.

სახლის რობაი

ნატო კორსანტიას

თითქოს გამტყდარა, მარტოობით გული დაღლია, ხსოვნის საუნჯე, - ეს ხომ შენი რეჩხის სახლია... ამ ეზო-კარის მოდარაჯე ხეჭეჭურები რტოებს გიქნევენ ბავშვობიდან და გეძახიან...

შემოდგომის რობაი

ბრუნავს დრო-ჟამი... შემოდგომაც თავის მსხვერპლს ითხოვს, - სცვივა ფოთლები... ეპარება სიცივე-სითბოს; ნახევრად შიშველ ტყეს რომ ვუმზერ, ასე მგონია, - მიწიერ ცოდვებს იბერტყავენ ხეები თითქოს...

ფოთოლცვინის რობაი

ზღაპარია ბურიანი და ბუნება - გადარჩენა, ნეტავ ვიყო მეც მიწია, რომ ვიცოდე მისი ენა... ინურება შემოდგომა... ვეფიცხები ბუხრის სითბოს, - მოგონებებს მიფერადებს სევდიანი ფოთოლცვინა...

სირცხვილის რობაი

ინტერნეტში ვნახე რეზო ინანიშვილის გაპარტახებული სახლ-კარი (სოფ. ხაშში)...

აღარც სახლია საყვარელი და აღარც ეზო, არც საფერავის სუნი გვათრობს, ნაცნობი ეგზომ... მამულის სარკე, მშობლიური თქვენი ხაშშია, - რა გითხრათ და რით გაგახართ, ბატონო რეზო?!

იუდას რობაი

რემინისცენცია ქართული ანდაზის მიხედვით

ადამიანში თვალხილული მძვინვარებს მხეცი, თივაშიც აღარ იმალება ღველფი და ცეცხლი... იუდასავით თავს არ იკლავს ყველა გამცემი, - მათ სინდისს აღარც ოცდაათი ამძიმებს ვერცხლი...

წყალობის რობაი

ჩემი დის გარდაცვალებიდან ოცდამეთხუთმეტე დღეს ბარბარე მარღიაც დაიბადა - უმცროსი ძმის პირველი შვილიშვილი...

დარდს - სიხარული შეუნაცვლე... (ცრემლის მათარად გვექცა გული და ძნელი გახდა ტანჯვის ატანა...) ამ უდიდესი წყალობისთვის გამადლობ უფალო, - გადასარჩენად მოუვლინე ოჯახს პატარა...

ლაკვირვების რობაი

მანანას...

მზე-სიყვარულის ორბიტაზე ვტრიალებთ მსგავსად სხვა პლანეტების...და არცა გვაქვს სხვა სივრცე, სხვა გზა... შენს გულს და თვალებს ვაკვირდები მრავალი წელი, - ვით უსამანო გალაქტიკას შორიდან „ნასა“'...

მომთენის რობაი

რემინისცენცია ქართული ანდაზის მიხედვით

ვერ გაახარებ ერთნაირად ბაღში ყველა ხეს, რაც უნდა იყო, განთქმული და ბრძენი მებაღე... ყველა სიკეთის გასაღები არის მოთმენა,- ბედნიერების კარსაც მხოლოდ ასე შეაღებ...

ჰაზის რობაი

კონსტანტინე ჯოჯუას

ხან საჭრეთელი გვეჭირა და ხან სატევარი, მარადიული დაგვებდა მტერი-მღევარი... დღეს საქართველო აჩეხილი ვაზივით ჰგოდებს,- უფალს მადლობა, ინურება მაინც მტევანი...

დაფიქრების როზაი

რემინისცენცია ლეონარდო და ვინჩის თემაზე...

ირგვლივ რაც ხდება კლოუნადა, ნამდვილი ცირკი, ამჯერად უფრო მაფიქრებს და ნაკლებად მიკვირს... სულით ბრმა ველარ დაინახავს ნამდვილ სიკეთეს, - ვინც სათნოებას სთესავს, ხშირად სიძულვილს იმკის...

სიმართლის როზაი

რემინისცენცია ქართული ანდაზის მიხედვით

ველარ დამალავ ბოროტებას, როგორც ხალთაში შუბს...ორატორიც ვერ გახდები ბრძენი ფარტაზი... სიმართლეს ვერსად გაექცევი, თანაც გახსოვდეს, - გაქცეულს მხოლოდ ერთი გზა აქვს, მღევარს -ათასი...

ორმოს როზაი

რემინისცენცია ქართული ანდაზის მიხედვით

დრო მკურნალია... თუმცა მრავალ „ურნმუნო თომას“, ველარ უშველა უებარმა წამალმა - დრომაც... ვინც ირჯება და მონდომებით სხვას უთხრის ორმოს, - უმჯობესია, ამოთხაროს თავისი ზომა...

პოეზიის როზაი

რემინისცენცია პლატონის „სოკრატეს აპოლოგიის“ მიხედვით

ვინც ურჩია და პოეტების ნაღდი გვარ-ტომის, მხოლოდ ღმერთთა ერთადერთი მათი პატრონი... გავიმეორებ, - პოეზია არის სიმშაგე, ოღონდ ღვთიური, - რასაც ამბობს ბრძენი პლატონი...

გამთლიანების როზაი

აღარ იქნება სახელმწიფოს დაფრთიანება, სანამ ვიყოფით „ჩვენთან-მათიანებად“... რადგან გარედან ამოძრავებთ ინტერესები, - შიგნიდან უნდა ამ ქვეყანას გამთლიანება..

სამეგრელოს როზაი

განსაცდელშია საქართველო... მოირყა ბურჯი, რაც თავი მახსოვს, ემატება სირცხვილის ხურჯინს... სამეგრელოში არ ეძებოთ მტერი - აზონი, უპირველესად სამეგრელო - ეს არის ქუჯი.

ხვსურათის როზაი

ბერდია არაბულს

შენ გამახსენე ბარისახო ახლა, ბერდია, მიყვარს ქართველი, ვინც საკუთარ ფესვებს შეზრდია... ჩვენი მთა, ჩვენი ხევსურეთი, უფლის მადლია, - სხვა ძალა და ბარისთვისაც სხვა იმედია...

ხანძრის როზაი

ვინლა იხსენებს არტემიდას ტაძრის ოსტატებს, ხელოვნება რომ უკვდავყვეს და დროს გამოსტაცეს... ეს რა ხანძარი გააჩაღე მარადიული, - ფიდასივით უკვდავი ხარ შენც - ჰეროსტრატე!!!

დასჯილის როზაი

ხან ბილიკია ეს ცხოვრება, ხან-ბენვის ხიდი, ღირსებით გავლას, გამძლეობა სჭირდება დიდი... სხვა რა უნდა თქვა... დასჯილია ადამიანი, - ტანჯვით მოსული ქვეყანაზე, ტანჯვითვე მიდის...

ალადასტურის როზაი

დავწურე ჩემი ეზო-კარის ალადასტური, არც მეგობრების მეშინია, ძმაო, არც სტუმრის... ბუხრისპირს უყვარს ამ დალოცვილს ტკბილი ღლინი და ერთმანეთის სიყვარულის წრფელი დასტური...

მშობლების როზაი

გარდაგვეცვალა უმცროსი და... მოგვიცვა სევდამ და დავრჩით სამნი...ახლა ვფიქრობ, ყველაზე მეტად საბრალო არის ქვეყანაზე ორი მოხუცი, - სასაფლაოსკენ მაცქერალი მამა და დედა...

იმაღის როზაი

ბევრმა ქვეყანა დაივიწყა და ღრმად შეტოპა, ყველაზე უკეთ გვეხერხება ნგრევა, ყბედობა... თქმულა: იმედი ბოლოს კვდება, მაგრამ გახსოვდეს, - გამარჯვებები აღარ მოაქვს უიმედობას...

ვედრების როზაი

მტერსაც ეს უნდა, დაგვშალოს და კვლავ იბატონოს, როგორც სჩვევია, უსაფუძვლოდ გვტანჯოს, დაგვტოროს... უფალო, შენ ხარ ერთადერთი ჩვენი პატრონი და გვედრები, ლაბირინთში არ მიგვატოვო...

სინანულის როზაი

დავეხეტები ტყე-ღრე, თუმცა მანუხებს მუხლი, შუახნის კაცი, მე ჩემს ასაკს ქედს აღარ ვუხრი... დასანანია, როგორ სწრაფად გარბის ცხოვრება, — თანდათან როგორ ახლოვდება სიბერის მწუხრი.

ბუტაფორიის როზაი

თვალყურს ვადევნებ ხალხის ჩივილს და მათ ფორიაქს, რალაც კეთდება...თუმც ყველაფერს ცუდი ფონი აქვს... გვიქადაგებდნენ, სახელმწიფო ავაშენეთო, - ხელში კი შეგვრჩა სახელმწიფოს ბუტაფორია...

სამკიბრის როზაი

წავიდა ცაში ფირცხალავა, ჩვენი გურამი,
 უფალი განსჯის... განიკითხავთ სხვები ნურავინ...
 ღირსებით შემკულს, მომდურავი არა ჰყოლია,
 დარჩა სახელი, რაც არ უნდა თქვან სამდურავი...

სიფრთხილის როზაი

ვინც ხმას იმაღლებს, განა ყველა პატრიოტია,
 პოლიტიკური ქაოსი და ქარაშოტია...
 გამართებს სიფრთხილე, მოძმეებმა აღარ შეგჭამონ, -
 როგორც მგლის ხროვამ უხვირო მგელი ტოტია...

სამშობლოს როზაი

განგებამ ასე ისურვა და მიბოძა ნება,
 რომ პირში გითხრა სათქმელი და შენც იგრძნო შეება:
 სამშობლოს თავთან ნურასოდეს გააიგივებ, -
 მოკვდავი მიდის... სამშობლო კი - მარადის რჩება.

მოლაღატის როზაი

ბევრი რამ ხდება ქვეყანაზე... ჰო, ჰორაციო,
 ისეთი რამეც, რასაც ვეღარ იტევს რაციო...
 მოლაღატე ხომ ისედაც ზნედაცემულია, -
 სჯობს, მოიცილო და საჯაროდ არ დაამცირო...

მაღლიერების როზაი

არ ინუნუნო არასოდეს... შენი ცოდვები
 მოინანიე... მოიშორე გულზე ლოდები...
 ამ ქვეყანაზე ცოცხალი რომ დაიარები,
 დააფასე და სხვა სიმდიდრეს ნუ ელოდები...

სიბრძნის როზაი

ჩასაფრებული არაკაცი მუდამ ქილიკებს,
 პირში გილიმის და გინაღმავს გზას და ბილიკებს...
 მტრის გამრავლება არ მოითხოვს ჭკუა-გონებას, -
 ბრძენი მაშინ ხარ, თუკი მტერი შემოირიგე...

უმაღურობის როზაი

ღვანლი, მამულის ერთგულება ვის დაუფასავთ
 ცოცხლებს... სამშობლო გვანსენდება ნადიმ-სუფრაზე...
 ჩვენც არაერთი პატრიოტი ისე მოვკალით,
 როგორც ბერძნებმა ხობისწყალზე მეფე გუბაზი....

გამცემის როზაი

მოციქულები - გულმხურვალე უფლისკაცები,
 სიკეთისათვის წამებულნი, ნაგვემ-ნაცემნი...
 ერთგულება და სიყვარული სადაც ივანებს, -
 იუდასავით იქვე არის ერთი გამცემიც...

დედამინის როზაი

დედა დავარქვით...დედასავით გვზრდის და ტრიალებს,
 მაგრამ არ გვიყვარს ორგულ შვილებს - ადამიანებს...
 და იმ ერთადერთს არ ვპატრონობთ, არ ვუფრთხილდებით,
 რაც გვაცოცხლებს და საფლავითაც გვაერთიანებს...

პროტასტის როზაი

მკვლელეხო, მძულხართ!.. მეპატიოს ეს განრისხება,
 მეზიზღებით და ჯოჯოხეთიც თქვენი ინყება...
 საცოდავებო!.. როცა ბრძანებს ჩვენი უფალი, -
 „არა კაც კლაო“, - დედაკაციც იგულისხმება...

სახელის როზაი

მართალი კაცის სინდისი და ჭკუა-გონება,
 უსამართლობა-ბოროტებას არ ემონება...
 გქონდეს ქონება და არ დაგრჩეს ქვეყნად სახელი, -
 დაიმახსოვრე, ეს ცხოვრება ნუ გეგონება...

პერიგების როზაი

სად გისაფრთდება აფთარივით, რაღას გაიგებ,
 ცხოვრება...უნყის მარტოოდენ არსთა გამრიგემ...
 თარნაკის* კერძად გადაქცეულ ადამიანებს,
 მიტევება და სიყვარული თუ შეგვარაიგებს...

მოთმინების როზაი

აღარ დაკარგო არასოდეს რწმენა, ღირსება,
 სამართლიანი ქმედების და განსჯის თვისება...
 გვასწავლის ღმერთი, მოთმინება არის მთავარი, -
 მაგრამ გვასხოვდეს, მოთმინების კოკაც ივსება...

ფულის როზაი

მრავალისათვის ფული გახდა რწმენაც და ღმერთიც,
 ხელის ჭუჭყია, - ბევრი ამბობს, - მოიცათ ერთი...
 არც გაფხეკილი კაცი ვარგა, არც ფულის მონა, -
 სჯობს, გქონდეს ფული, რა თქმა უნდა, ცოტაზე - მეტი.

გულგატახილობის როზაი

პოლიტიკური მოიღრუბლა ვხედავ ამინდი,
 აგურთან ერთად, საცემი გვაქვს თავში კრამიტი...
 თუმცა აგვევსო მოთმინების ბევრჯერ ფიალა, -
 მაგრამ რად გინდა?.. შეიცვალა რამე ამითი?

პირთხების როზაი

ბევრი ვირთხაა, - გიპასუხებ თუ მეკითხები,
 ვირთხა-მეგობრებს, როგორ ვუძღვნა ხოტბის სიტყვები...

* ეშმაკი(მეგრ.)

როდესაც გემი იძირება, გამიგონია, -
თურმე გარბიან ტრიუმიდან სწრაფად ვირთხები...

გზასაცდენილის როზაი

რემინისცენცია ფრენის ბეკონის თემაზე...

გზასაცდენილი მორბენალი ვნახეთ მრავალი,
პრეზიდენტებმა დაგვახურეს თავზე ყავარი...
დაიმახსოვრე, გზასაცდენილ მართონელზე
უფრო სწრაფია ხეიბარი - სწორად მავალი...

ღვინის როზაი

ნახევრად იუმორესკა

აღარ მიმიღეს ღვინის კლუბში...ველარ ვისრულებ
მე გულისნადილს...ხარბედია რადგან მიწუნებს...
ღვინის სიყვარულს, ღვინის კლუბი განა მასწავლის?-
დალოცვილ ღვინოს ამის გამო ვერ შევიძულებ...

ღანახვის როზაი

ნახევრად იუმორესკა

პროზაიკოსი ჩვენი ლაშა, პოეტი - რატი,
მიდი-მოდიან... ასეთია იმიჯი მათი...
ხატისაგან განსხვავებით, ველარ ხედავენ,
პოლიტიკოსის მზე ამოდის, თუ მართლა ჩადის...

ცრემლის როზაი

ომარ ხაიამ, შეიწყალე ჩემი როზაი,
მეც შენი ერთი შეგირდი ვარ და მეგობარი...
მთავარი არის სიტყვითა და ლექსით იცოცხლო
და ცრემლიანი დაილიოს შესანდობარი..

ენის როზაი

სიმართლის მთქმელი უნდა იყო მტკიცე მხედარი,
გაბედული და უშიშარი, შორსგამხედავი...
ხანდახან ენაც ისე უნდა დაიმორჩილო, -
როგორც ულაცი თავნება და გაუხედნავი...

უფსკრულის როზაი

წინ გაიხედე, ბრმასავით რომ აწყდები კედელს,
მხოლოდ საქმით და მონდომებით მიიღებ შედეგს...
არ დაივინყო, ამ ცხოვრებას ახლავს უფსკრულიც,-
მგონი ცხადია, რაც იქნება უფსკრულის შემდეგ...

უმოქმედობის როზაი

უფალმა ყველას დაგვაკისრა ჩვენ-ჩვენი ვალი,
გვექონდეს სახელი, ღირსეული დავტოვოთ კვალი...
დაიმახსოვრე, - უმოქმედოდ ისე გაქრები, -
როგორც უეცრად გაფანტული ნისლი და კვამლი...

„ბეჩავის“ როზაი

*ტრისტან მახაურს
(ბეჩავ ფშაველს)*

შემოიკრიბე ძველი განძი - ნაღდი კრისტალი -
ხალხური ლექსი ნაქარგი და ნაგვირისტალი...
არ ხარ ბეჩავი, მაგრამ ასე არ იჯავრებდი, -
შენი იზოლდაც რომ გეპოვა, ჩემო ტრისტანი...

თავისუფლების როზაი

არაფერს ნიშნავს განძეული, თუნდ შენი წონა,
თუ გბოჭავს ქსენფი, - რა აზრი აქვს სიმდიდრის ქონას?...
რად გინდა გერქვას უკვდავი და ბრძენი ეზოპეც,-
თავისუფლებას ვერ ეღირსა სანყალი მონა...

სიტყვის როზაი

იოსებ ჭუმბურიძეს

გავიმეორებ, რაც მრავალჯერ სხვაგანაც მითქვამს,
დამეთანხმება, ვისაც უყვარს მოსმენა, კითხვა:
ბევრი რამ კარგი იწერება... ქუხს ორატორი, -
მაგრამ ცოტაა გულწრფელი და მართალი სიტყვა...

ხსოვნის როზაი

თემურ ფირცხალაიშვილს

ველარ გაუგო ნუთისოფელს აზრი და გემო,
უფლის ნებაა, ვინ ახაროს, ვინ უნდა გვემოს...
მართლაც ჩიტივით გაგვიფრინდა ახალგაზრდობა,-
უკვე ხსოვნიდან მესიტყვება, „სანყალი თემო“...

იმიჯის როზაი

მხოლოდ მართალი ცხოვრებით და თმენა - სიდინჯით,
თანდათანობით ყალიბდება ნაღდი იმიჯი...
ისე ჭირდება ადამიანს კარგი სახელი, -
როგორც სახლს მყარი ბალავერი, ანდა ხიმინჯი.

სისარულის როზაი

შემოდგომა... გამობრწყინდა დილა მზიანი,
სხვა სილამაზით ეგებება მზეს ბურიანი...*
რა ცოტა უნდა ადამიანს სისარულისთვის
და რა უძლები არის მაინც ადამიანი...

თხოვნის როზაი

არ დაივინყოთ მამის თხოვნა, გიორგი, ბექა,
ქვეყანა ჩვენი ერთგულებას მოითხოვს თქვენგან...
გახსოვდეთ, სადაც იბადება ადამიანი, -
იქ არის მისი მამული და ოცნების მექაც...

* სააგარაკო დასახლება



ნანა ქელეხიძე

დაგვიანებული საახალწლო

რატომ უნდა მოსულიყავი?
 მხოლოდ უნდა გაგეცინა და გეთქვა -
 ამაღამ ახალი წელია.
 ამაღამ სულელი ადამიანები სურვილებს უთქვამენ
 და უფრო სულელებს მათი ასრულების სჯერა.
 რატომ უნდა მოსულიყავი?
 მხოლოდ უნდა გეთქვა -
 შენ ჩემო სულელო, სულელო ქალო,
 ოდესმე მოვალ და მოგიტან ყვავილს,
 ყვავილი იქნება თოვლივით მშვიდი,
 ყვავილი იქნება თეთრი და ციდა.
 შენ ჩემო უცხო და უცნობო ქალო,
 ცხოვრება არავის დაგვაცდის მოსვლას,
 ცხოვრება არც წასვლას დაგვაცდის ვინმეს,
 ყოველთვის წრეზე და უმიზნოდ ვივლით.
 შენ ჩემო შორო და არასდროს ჩემო,
 ამ ერთხელ ჩაუთქვი სურვილი ჩემზე,
 ამაღამ ზამთარი ჩაუთქვი სურვილს,
 ამაღამ სურვილი ჩაუთქვი სურვილს:
 მოვიდე და მხარზე მომაცრდნო თავი,
 მოვიდე და თავზე დაგადო ლოყა.
 და მერე ორივე დავხუჭავთ თვალებს
 და მერე სიზმრები თოვლივით მოვლენ...-
 შენ მხოლოდ ასეთი რამ უნდა გეთქვა,
 რატომ უნდა მოსულიყავი,
 როცა სულელი ადამიანები სურვილებს უთქვამენ,
 როცა უფრო სულელებს მათი ასრულების სჯერა,
 როცა სულ მალე ახალი წელია?

ანონსი

ეს იქნება საინფორმაციო გამოშვება.
 არანაირი ემოციები.
 არავითარი ცრემლები და გულისწასვლები.
 მხოლოდ ფაქტები-
 ჩემზე და შენზე.
 გაკაფულ თუთებზე.
 ხის ძირას ტოტებში მიმალულ სხეულებზე,
 ერთად რომ დანვინენ და

მერე აღარასოდეს გათენდა.
 ერთად რომ დანვინენ და
 მერე აღარასოდეს დაღამდა.

ეს იქნება კრიმინალური ქრონიკა.
 თუ როგორ მოვკალი მე სიყვარული.
 თუ როგორ მომკლა მე სიყვარულმა.
 რომ ეს იყო დუელი,
 ერთდროული, ზუსტი გასროლით.
 რომ გვერდით იდექი შენ
 და ნაბიჯები გადათვალე მის სასარგებლოდ.
 რომ სადღაც ვინექი მე,
 სიყვარულისგან შენგრეული შუბლით.

ეს არ იქნება შემეცნებითი პროგრამა,
 სერიალებს მიჯაჭვული ადამიანებისთვის.
 ეს იქნება მოდელირებული გამოშვება
 შეშლილებისთვის,
 რომლებიც წვანან ძალიან მშვიდად, -
 მხარზე დაყრდნობილი ლოყით.
 ნელზე მოხვეული ხელით.
 და არავითარი ემოცია,
 მხოლოდ ფაქტი-
 გაფრენამდე მფეთქავი გულები.

პირისპირ

ჩემი სიყვარული ლოთია.
 ჩემი სიყვარული ნელ-ნელა კვდება.
 მას შეუძლია შეჭამოს მიწა.
 მას შეუძლია ტალახში იწვეს
 და მაინც იყოს ყველაზე მაღალი.

ჩემი სიყვარულია ლოთია.
 ჩემი სიყვარული ვერ იტანს ცხადს.
 მას შეუძლია შემახოს ხელი,
 მას შეუძლია მომხვიოს ნელზე,
 მას აქვს უფლება ჩემი სხეულის.

ჩემი სიყვარული ლოთია.
 და ჩემთვის არის ყველაზე ნამდვილი.
 და როცა ყველა გარიყავს თავისგან -
 მე შემიძლია ბოლომდე გაყვე -
 და არაფერზე აღარ ვიფიქრო.

ჩემი სიყვარული ლოთია.
 და ზოგჯერ, ხდება, მიყვება სიცოცხლეს,
 და ხდება,
 ზოგჯერ სიკვდილზე მიყვება
 და არასოდეს ამბობს სიყვარულს.
 მე ამ დროს ვხდები მისი სიფხიზლე,
 მე ამ დროს მისი თვალები ვხდები -
 მივინწყებული და მარტოსული.

* * *

ამინდი 1. ჯვარი

მედიდგულებიო, ბედმა, მედიდქალებიო,
 ვერ გადააღწევო მასთან, უცხო მთებს გადაღმა,
 მთებიც მინააო, ბედმა, მინა - ავიაო,
 მხარზე ჯვარი აქვსო, მარცხნივ, შენგან დამალული.

მედიდქალებიო, ბედმა, მეჯიუტებიო,
ნატკენ ფეხზე არის ძნელი ზოგჯერ ჩამოყრდნობა,
ჩაიჩეხებითო მერე, უცებ, ჭიუხებში,
მერე - დადგებაო ღამე შავი, ყორნისფერი.

გესიკვდილებაო, ბედმა? გეიმქვეყნებაო?
მაინც მარტო ხარო, იცი, განაპირა.
რა აიხირეო, ქარის დევნა, ყვავილები?
დაიმახსოვრეო - გერგე სამგლე, სატიალე.

ნუ მექალებიო, ბედმა, გირჩეე დაივიწყო-
როგორ გაუყვავო ბილიკს, თითქოს ცა მიჰქონდა,
სიზმრად მიუხვალო, მენდე, ძილში მიუხვალო
და ტუჩებს შერჩები მოტკბო გემოდ, შაქარივით.

მედიდგულებიო, ბედმა, მეავქარებო.
მედიდქალებიო, ბედმა - გეიმქვეყნებაო?
ერთხელ, თვალებიდან, როგორც ჩიტებს ამოგაფრენ
და მზეს გაგაყოლებ ქერის შორი ყანებისკენ.

ამინდი 2. თოვლის ლოცვა

შენი შავი მთები, თეთრი თოვლი,
შენი შავი მთები, თეთრი თოვლი,
წუხელ ფეხშიშველმა დავიარე,
წუხელ თმაგაშლილმა დავიარე.

ცივი იყო მთები, შორი იყო
და სიკვდილი, სანამ მე ცოცხალი.
შენი შავი ცხენი შუბლზე თოვლით,
შემომხვდა და დიდხანს მიყურებდა.

წაველ ფეხშიშველი, თმაგაშლილი,
შენი ცივი ქალი, თოვლის ქალი,
ჩემი წილი თოვლი მოვფხოჭნე და
წაველ, თავდახრილმა წავიყოლე.

წავიყოლე შენი და ხელები,
წავიყოლე შენი და მკლავები,
ჩავუთქვი და თუკი ამისრულდი,
ჩავუთქვი და მერე თუ არ მოვკვდი,

მაინც შენთან მოვალ, თუ არ მოვკვდი,
სანამ, თუ არ მოვკვდი, თუ არ მნახე,
შენი თეთრი ქალი შუბლზე თოვლით,
შენი თოვლის ქალი, გულში მინით.

ამინდი 3. ღამე

*ამალამდელო ღამეო,
ნურც გათენდები მალეო.
ხალხური*

„ამალამდელო ღამეო,
ნურც გათენდები მალეო“.
მისი მკლავები - მზეები,
მისი მკლავები - ჩემს წელზე.

მოვა სიზმარი - შავ ცხენზე.
მოვა სიზმარი - წამილებს,
შავი სიზმარი მომკლავს და
წამილებს მერე შავ მთებში.

მნატრობდეს ვერსად მხედავდეს,
მნატრობდეს ძვლებში ვამტვრევდე.
ვახსოვდე - ვერ დამივიწყოს,
ვახსოვდე - ვერ დამივიწყოს.

მისი თვალები - მერცხლები,
მისი მერცხლები - მდევრები.
მისი მკლავები - მზეები,
მისი მზეები - ჩემს წელზე,

წამყვება, როგორც სარტყელი,
წამყვება - ალში დამახრჩობს...
ამალამდელო ღამეო,
შენ არ გათენდე არასდროს.

არბაგზაჰნილი „მესიჯებიდან“

* * *

სისულელეა, პირველი, ან ბოლო სიყვარული,
მოგონილია...
არის უნარი-
ორ ხეს შუა გაბმულ თოკზე შეგეძლოს გავლა.
და თუ ერთხელ მაინც შეძელი,
განწირული ხარ -
მთელი ცხოვრება ინარჩუნო წონასწორობა.
ალარ არსებობს პირველი, ან ბოლო გავლა
გაჭიმულ თოკზე,

როცა ჩნდება ის ერთადერთი,
აი, ამ წუთას, რომ გაკავებს მაშველ ჯოხივით
და სადღაც, მაღლა,
გეხმარება გადარჩენაში.

* * *

რა ცხრა მთა, ცხრა ზღვა, ცხრა ოკეანე-
ნეტა თავს გარეთ გამატანინა შენი ლოდინი,
თუნდაც ჩემი მკლავის მანძილზე,
მზერის მანძილზე,
გაფიჩხული, მკვდარი მხეცივით გამათრევირა.
არც მოვაცლიდი მინიდან აკრულ ბალახებს, ფოთლებს,
სასწრაფოდ ორმოს ამოვთხრიდი სადმე, ხის ძირში
და ჩავფლავდი პანიკურ შიშით-
არ გაახსენდე,
უცებ თვალი არ გაახილოს.

* * *

მინაყრილივით მილაგია მუხლზე ხელები
და არ ვიცი საით წავიღო.
ჩემი მუშტად შეკრული თითები,
ჩემი ორი მდუმარე საფლავი.
მოდის,
თეთრი ხეები დამირგე და ერთად ვიცივით:
“ვაი, დედოფალ ტყემლების ბრალი...
ვაი, დედოფალ ტყემლების ბრალი...”
საფლავებივით მილაგია მუხლზე ხელები
და ვაკვირდები.
ისე დამძიმდნენ - ვერ ავნიე,
ყურებამდეც ვერ მივიტანე,
რომ ჩამესმო შენი დუმილი.

* * *

სასაცილოა ბედთან ბრძოლა,
როცა ქუჩაში მხრებზე გადამძვრალ კანით დგახარ
და ხორმაკ ქარს მარილი და ფოთლები მოაქვს.
სასაცილოა ყველა ვითომ განცდილი გრძნობა
და ყველა ვითომ თავგანწირვა,
როდესაც დგახარ
და არ გახსოვს არცერთი სახლი,
სადაც მიხვალ და გელოდებიან.

აი, ისეთი სიყვარულები:
მწიფე ბალივით კუნწულა, ლამაზი.
აი, ისეთი,
სხვამ რომ უნდა ჩამოგიკრიფოს,
შენ კეკლუცად გამოართვა და
საკუთარ თავით კმაყოფილმა დააგემოვნო.

ზოგი ასეა:

რაც უნდა თითის ნვერებზე იარო,
რაც უნდა ფრთხილი გკონდეს ნაბიჯი -
წვივებს ყოველთვის ჭინჭარი დაგიკბენს.
ასეა ზოგი სიყვარული -
ცივი ქვა უნდა გასაყურებლად.

რა მარტივია ზოგჯერ სიკვდილი -
არც რამე ფოტო,
სადაც ერთად მზის ჩასვლას უცქერთ.
არც შენახული წერილების
ფერმკრთალი დასტა -
არანაირი სახსოვარი.
ყველაზე დიდი სიმშვიდეა,
როცა გული ცარიელია.

სულის ამოსვლა კი ლიმონის განურვას მოჰგავს -
ბოლო წვეთზე შეგაყრუოლებს ციებასავით
და გადღაბნილი კედლების ფონზე
მზე სურათივით გაგახსენდება.

ნატა ვარადა

ტკივილის დებუსტატორი

გვინახავს, ცხადლივ თუ არა ეკრანზე, თუ როგორ აგე-
მოვებენ ღვინოს ან კულინარიულ შედეგს ადამიანები. მა-
თი სახეები შთამბეჭდავია და გემოებზე ჩვენებურ წარმოდ-
გენებს კიდევ ერთხელ ამყარებს — სიცოცხლის მთავარი
გამოცანა ტკიპობაა გემოვნებათა.

პოეზიაშიც არის ძირითადი ინსტინქტი — არც მეტი, არც
ნაკლები — ვნებები. დიახ, პირველყოფილი ვნება, რაც ადა-
მიანის თავს დატრიალდებოდა, სავარაუდოდ, ეს სიკვდილ-
სიცოცხლის რებუსის ამოხსნა იქნებოდა, ხოლო პოეზიის
პირველ ლაბორატორიაში კი სიცოცხლის უკვდავების
ძეგლს მოაჩუქურთმებდნენ. „სიკვდილის ყველა კარი ჩარა-
ზეთ“. თუმცა თანამედროვე ქართულ პოეზიაში გამოჩნდა
ახალი სახელი, ქალი პოეტი, რომელმაც სცადა მოეყოლა
სიკვდილის ევოლუციის შესახებ.

ერთხელ სიკვდილი ადგა და სიცოცხლედ იქცა. მხო-
ლოდ სიკვდილით შეიძლებოდა ადამიანური ვნებების,
ტკივილების დამარცხება და პოეტმა სცადა პოეტური,
მხოლოდდამხოლოდ ლექსთა სხეულში გამოეკრა სიკვდი-
ლი და მოხდა რაღაც, ათასწლეულებისთვის დამახასიათე-
ბელი — სიკვდილმა განიცადა მუტაცია, ფერი იცვალა და
სახეცვლილი მხიარულების გარსში გამოკვართული წარ-
მოგვიდგა.

ნანა ქელეხიძის ტრაგიზმი არ არის თავსმობხეული, ნა-
ძალადევი.

იგი არ გაურბის ადამიანებისთვის საძულველ თემებზე
წერას, მისი მთავარი მახასიათებელი და, ასე ვთქვათ, პოე-
ტური ნიშა იქნებ ზუსტად ეს ტკივილის პირდაპირობაა.

ზოგ პოეტს ეშინია სიტყვების. ეშინია ლექსის წინასწარ-
მეტყველების, ამიტომაც მათ ლექსებს ხელოვნურობის გუ-
ლისამრევი ნაძალადევი განცდები ეტყობა. მოზღანდული
კაბის ნაკერებივით ამჩნევია ეს ნაძალადევი „მხიარულება
და მოგონილი იავნანები“. ყვავილები ჩითის კაბაზე, ჩიტუ-
ნები კრიალა ცაზე, მდინარეების ანკარება, რწმენის და უფ-
ლის ხავერდივით გადაკვრა მათ სულელებზე, და ეს ყველაფე-
რი ყალბი. პოეტ ნანა ქელეხიძეს კი არაფერში სჭირდება
მისტიკურ სიკვდილის ბინდში გამოიგონოს და სხვის ტყავში
შეძვრეს, რათა პოეტის სახელი მოიპოვოს.

2014 წელს მკითხველი ნანა ქელეხიძის სადებიუტო წიგ-
ნის „საშუალამო“ (საუნჯე) გაეცნო, „ჩვენი მხერღობის“
დღევანდელ ნომერში კი ახალ ლექსებს წაიკითხავს.

პოეტი ამ პუბლიკაციაშიც ნაცადი პირდაპირობით წარს-
დგება ჩვენს წინაშე, საკუთარი განუმეორებელი გლოვისფე-
რი სიხასხასით.

ვიდრე მკითხველი დააგემოვნებს სიყვარულის, როგორც
სიკვდილის თავსატეხის ამბავს, ამ ციკლის რამდენიმე შიდა
ღინებზე შევაჯ(ჩ)ერებდი თვალს.

არის ასეთი ლექსი „პირისპირ“ და მისი პირველი სტრი-
ქონი: „ჩემი სიყვარული ლოთია“. გსმენიათ სადმე?! დიახ.

**ჩემი სიყვარული ლოთია,
ჩემი სიყვარული ნელ-ნელა კვდება.
მას შეუძლია შეჭამოს მიწა.
მას შეუძლია ტალახში იწვეს
და მაინც იყოს ყველაზე მაღალი.**


ქართულ პოეზიას მრავალი ეტაპი, დრო-ჟამის თავისე-
ბურებანი, სტალინური თუ კომკავშირული ტალახ-ცენზურა
გადაუტანია, მაგრამ ახლა ბევრად შიშისმომგვრელის მოსა-
ნელებლად უნდა შეემზადოს. ჩვენ გვსმენია, რომ სიყვარუ-
ლი აგვამალლებს და მოგვწონს. მაგრამ შესაძლებელია სიყვა-
რულის თვისება იყოს, „ტალახში იწვეს“ და „ყველაზე მაღა-
ლი იყოს“. ასეთი თამამი ექსპერიმენტებით ნანა ქელეხიძე
ქართული პოეზიის მოყვარულებს გეთავაზობს კიდევ ერთ,
საინტერესო ვერსიას სიტყვის ძალა-ჯადოს თილისმობისას.

ამასთან, ნანა ამ ტკივილის, შავი პოეზიის, თუ ასე შეიძ-
ლება ითქვას, ტერენტი გრანელისეული ხაზის უეჭველი
გამტარ-გამგრძელებელია. თუმცა უფრო მეტად მისი ხმა
და მახასიათებლობა თუშური კილოკავია, რომელიც ამ
ულამაზესი კუთხის ნატირობის მსგავსია. ვინ თუ არა, და-
ლასის მოძახილის ჯიშის და გენის გამგრძელებელი დანერდა
ასე სიკვდილის როკვას, ახლებურად და თანამედროვედ.

ისიც უნდა ითქვას, რომ ნანა ქელეხიძე ადგას ექსპერიმენ-
ტების, ძიებების და საკუთარ თავში არსებულ გაუფალ გზას.
გზას, რომელიც ნამდვილი პოეზიის მთავარი მაგისტრალია და
უმთავრესი, სიტყვების ჯადო-თილისმით სწორედ რომ სიკვ-
დილის ევოლუციისა და მისი, როგორც სიცოცხლის ბრწყინვა-
ლების მიმნიჭებელის ხმით ნატირობის მოძახილით ამოიქმა.

**მედიდგულებო, ბედმა, მეავქარებო.
მედიდქალებო, ბედმა — გეიმეყენებო?
ერთხელ, თვალებიდან, როგორც ჩიტებს ამოგაფრენ
და მზეს გაგაყოლებ ქერის შორი ყანებისკენ.**

ადამიანი მიწა იყო. ადამიანი მიწა არს.



მალხაზ
მაჭავარიანი

თბილისის მზის ქვეშ

შოთა ჩანტლაძეს

დღეს ზესტაფონში აღმოსავლეთის ქარი ქრის
და ქუჩებს თბილისური ელფერი დაჰკრავს...
მზეც მოიტაცა ქარმა თბილისიდან
და იმერეთის ცაზე გაამეფა

დღეს (7.12.2014):

ზესტაფონში თბილისური ამინდია
და მზისფერი სურნელი შეიგრძნობა...

დეკემბერი

ზამთრის დღის ტილოზე
ტოტების შტრიხებს ვუმზერ
ფანჯრიდან:

რუსული რომ არ გცოდნოდა,
იმ იმპერიას ვერ მოივლიდი.
ინგლისურის გარეშე
ველარც ოცნებობ...

საკუთარი თავისთვის ვერ მოგივლია
აქ,
საქართველოში
დაბადებულს ბავშვობა ისრაელში
უნდა გაგეტარებინა...
ყრმობა და ახალგაზრდობა
დიდ ბრიტანეთსა და შტატებში...

(სიბერეს ავსტრიაში გაატარებდი...
და მერე —
სიკვდილის წინ, კვლავ სამშობლოში
დაბრუნდებოდი)...

თუმც ბედნიერებისთვის ისიც კმარა,
რომ:

ზამთრის დღის ტილოზე
ტოტების შტრიხებს უმზერ ფანჯრიდან,
რაც პიკასოს დახატულ
ფიროსმანს გაგონებს...

მართობა

ჩემ თავთან ერთად ვმოგზაურობდი
და შენც მხვდებოდი აქა-იქ ხშირად...
თუმც სულ საკუთარ თავით ვტკბებოდი,
როგორც ნარცისი მდინარის პირას.

(შთამბეჭდავი აეროპორტები
და დაუვინყარი ფრენა-დაშვება.
კატასტროფის მოლოდინში:
უკანასკნელი სურვილი —
სტიუარდესა.
ბევრჯერ რეისი: სოჭი-ოდესა.
და სხვა მრავალი რეისები
პირდაპირი თუ სატრანზიტო.
ავტოსადგურები და საზღვაო პორტები.
რკ. სადგურები და მოსაცდელი დარბაზები.
სისხლგამყინავი მიუსაფრობა,
ცათამბრუნებელი.
ხმაურშერყენილი დილის ქუჩები
და ლამეების ელ.ნათელი ანდე(რ)გრაუნდი...
ბრბოში გათქვეფა,
და თავის პოვნა.—
ანარეკლები დიდ ვიტრინებში
და):

სულ საკუთარ თავით ვტკბებოდი,
როგორც ნარცისი მდინარის პირას...

DEPRESSION

ფიქრით და ცხელი ღამით დაღლილი
ჩიტების ბალეტს ვუმზერ ხიდიდან—
დასრიალებენ გლუვ ზედაპირზე
შავი მდინარის
თუ
დაფრინავენ—
დასრიალებენ გლუვ ზედაპირზე
შავი მდინარის,
რომლის მშვიდ ტალღებს ყვირილა ჰქვია,
მუქი ჩიტები...
„კვამლია წყალზე ,
ცეცხლი ზეცაში“—
რად მახსენდება ეს მისამლერი,
ჩემი ჰიპობის დროს რომ მიყვარდა
და დღესაც ხშირად შორით ჩამესმის,
ჩემს შავ მდინარეს როცა დავყურებ
ან
ცეცხლს ვმზერ ცაში — ანმყოს მომავალს...

ნაში

...ის არ ელოდა კარს მიღმა ღამეს,
და უცებ შეკრთა გაღებულ კართან —
შეკრთა ბავშვი
(თუმც... არ შეიმჩნია,
რომ შეეშინდა წამით სიბნელის:
ასე ერთბაშად რომ ჩაუქრია
გარეთ სინათლე).
და გაიღიმა...

პატრას

მამლის ყივილით თენდება დილა,
ამ დროს სამყარო ნაცრისფერია:
ხშირად ვყოფილვარ სიკვდილის პირას,
შენთან (იმქვეყნად) სულით მელიან.
აქ კი,
შენივე ის განსაცდელი,
რასაც მაგონებს დილით ყივილი—
იყო,
არის
და იქნება მწველი,
ცრემლების დენა და სიმძიმელი...

ხილვა


წმინდა საფლავზე ცეცხლი გადმოდის,
ცეცხლით იზიდავს სინმინდე ყველას.
მასსოვს სურნელი ბავშვობის ოდის
და დიდ ეზოთი თეთრი ენძელა.—
მასსოვს...
და ხსოვნა -წარსულით ვცხოვრობ,
წარსულად იქცა ის მომავალი.
თითქოს ჩამესმის მზეების ქორო
და მწვავს შორეულ სიმღერის ალი...
ბნელით დაფარულ მოგონებებში:
ფიქრით ელვარებს სულის სანთელი.
მარად ერთად ვართ,ცაო,მე და შენ,
და ეს — ხილვაა გასახარელი...

შახვა

ერთი დედა მზისა ვართ
მე და ჩემი ბალი—
ასსოვს ,რაც მაგონდება
ამინდებით დალილს...
და ერთ არსად ქცეულებს
გვეხება და ანცობს
სიო ამოების,
გარდასულს რომ არ ცნობს...

ლექსი

მე ლექსმა მშვა და ლექსივე მომკლავს,
სისხლის სისხლია მისი სიტყვები...
ისაა მხოლოდ ,მომავალს რომ ჰგავს—
იმ დროს,
როდესაც აღარ ვიქნები
და წაიკითხავს ამას უცნობი
მკითხველი (მუდამ მცოდნე და ბრძენი),
რომ ლექსი არის ვარდი უჭკნობი
და უხილავი მზის მონაბერი...



ემელიანე-რეზო ადამია
გლეხის ეზო-კარი (ფრაგმენტი)

არჩილ ლიბრაძე

ფიქრები ვაჟა-ფშაველას გარდაცვალებიდან ასი წლის თავზე

2015 წელს 100 წელი სრულდება ვაჟა-ფშაველას გარდაცვალებიდან. უდიდესი ვაჟასადმი სიყვარული ქართველ ხალხში, იგი მსოფლიოშიც აღიარა, ცნობილია მისი ტრავიკული ცხოვრების გზა — სამწუხაროდ, ვაჟა-ფშაველა არაა ჯეროვნად დაფასებული და გარკვეულწილად მისი „ჩაგვრა“ დღესაც გრძელდება.

1. საშველი არ დაადგა თბილისში, ხორავას ქუჩის 9 ნომერში მესამე სართულზე, „ძმები რაზიკაშვილების“ სახლ-მუზეუმის გახსნას, სადაც როგორც ცნობილია ვაჟას უმცროსი ძმა-სანდრო ცხოვრობდა, იქ ხშირად იკრიბებოდნენ ძმები რაზიკაშვილები და იმდროინდელი ქართული ინტელიგენციის წარმომადგენლები. სანდროს ვაჟასთვის ცალკე ოთახი ჰქონდა გამოყოფილი, ვაჟა აქ ზოგჯერ თვეობით რჩებოდა და ქმნიდა შედეგებს. 1942 წელს სანდრო რაზიკაშვილი გარდაიცვალა, მის ოჯახს გაუჭირდა და ორი ოთახი გაყიდა. შემდგომში იმდროინდელმა მთავრობამ ბინა გამოისყიდა და იქ ვაჟას მემორიალური მუზეუმი მოაწყო, რომელიც გიორგი ლეონიძის სახელობის ლიტერატურის მუზეუმს დაუქვემდებარა. განუკითხაობის წლებში, კერძოდ 1995 წელს ბინის დაკარგვის საშიშროების მოტივით, მოხდა ბინის პრივატიზაცია და ის მუზეუმის დირექტორს ქ-ნ გულიკო რაზიკაშვილს გადასცეს საკუთრებაში. ამჟამად განუკითხაობა დასრულებულია და საჭიროა მუზეუმი თავის ნამდვილ პატრონს — ქართველ ხალხს და ლიტერატურის მუზეუმს — დაუბრუნდეს, რაც ჩემის აზრით პრობლემას არ წარმოადგენს, მით უმეტეს როცა გულიკო რაზიკაშვილის შთამომავლები პრესითა და ტელევიზიით ვაჟასადმი უდიდეს სიყვარულს გამოხატავენ, — მაგრამ მუზეუმის ფუნქციონირებისათვის აღნიშნული ფართობი საკმარისი არაა და საჭიროა კიდევ მოსაზღვრე ორი მობინადრის გამოყვანა და მათი დაკმაყოფილება ალტერნატიული ფართობით, თუ სახელმწიფოს გაუჭირდება მათი მოთხოვნები დაკმაყოფილება, მაშინ საჭიროა შეიქმნას სპეციალური ფონდი, გაკეთდეს სათანადო რეკლამა, და დიდი იმედია, რომ ქართველი ხალხი შეძლებს ამის მოგვარებას.

ამ საკითხზე საინტერესოა საქართველოს კულტურის სამინისტროს წერილი აკადემიკოს თენგიზ ონიანისადმი, დათარიღებული 1997 წლის 19 მაისით

საქართველოს მეცნიერებათა აკადემია,
საქართველოს მთიანეთის კომპლექსური
შესწავლის კომისიის თავჯდომარეს
აკადემიკოს თენგიზ ონიანს

ბატონო თენგიზ!

სამინისტრომ განიხილა თქვენი წერილი რაზიკაშვილების სახლ-მუზეუმის შესახებ, რაზედაც გაცნობებთ შემდეგს: აღნიშნული მუზეუმი გაიხსნა 1988 წელს, როგორც ლიტერატურის სახელმწიფო მუზეუმის ფილიალი, იმ იმედით და დაპირებებით, რომ მოზინდრეთა გაყვანის ხარჯზე მუზეუმი შემოიმატებდა ფართს. ქვეყანაში შექმნილი მდგომარეობის გამო მუზეუმის გაფართოება ვერ მოხერხდა, ფართის სიმცირის (28 კვ. მ.) მიზეზით ვერ მოეწყო ექსპოზიცია, უფრო მეტიც, დაკარგვის საფრთხე შეექმნა ექსპონატებს. სწორედ ამ მიზეზით იქნა გადატანილი ექსპონატები ლიტერატურის სახელმწიფო მუზეუმში, მაგრამ არა „სარდაფში ჩაყრილი“, როგორც წერილშია ნათქვამი, არამედ ფონდსაცავში, სათუთად შენახული და აღწერილი. რაც შეეხება მუზეუმის გაუქმებას — წლების მანძილზე მუზეუმის უმოქმედობის, უსასხრობის, მოზინდრეთა გაყვანის უპერსპექტივობისა და ქსელის შემცივრებასთან დაკავშირებით, სამინისტრომ დააკმაყოფილა ლიტერატურის მუზეუმის კომისიის მოთხოვნა და 1995 წლის 17 თებერვალს №022/129-8 წერილით გააუქმა მუზეუმი.

ამასთან გაცნობებთ, რომ შენობის გაქირავების ან გაყიდვის საშუალება ნამდვილად არ არსებობს და რაზიკაშვილების მემკვიდრენი მზად არიან მოზინდრეთა გაყვანის შემდეგ ისევ ალსდგეს მუზეუმი და მოეწყოს ექსპოზიცია.

მინისტრის მოადგილე გ. ბუნიია

წერილი ბევრ ეჭვებს ბადებს, მითუმეტეს როცა დღეისათვის ექსპონატთა ნაწილი მაინც დაკარგულია (ძირითადად ავეჯი), ხოლო თუ ფართობის გადაცემა ვაჟა-ფშაველას მემკვიდრეებისათვის გახდა საჭირო, რატომ არ გადასცეს ის ვაჟას ძირითად მემკვიდრეებს, მის შვილიშვილებს, ლევანის შვილებს — ლუკა, ქე-

თევან და ეკატერინე რაზიკაშვილებს, რომლებიც 1997 წელს სამივენი ცოცხლები იყვნენ.

სასიკეთოდ უნდა ითქვას, რომ ხორავას ქუჩის იმ ნაწილს სადაც რაზიკაშვილები ცხოვრობდნენ და მოღვაწეობდნენ, „ძმები რაზიკაშვილების“ სახელი მიეკუთვნა. დამზადებულია შესაბამისი ტრაფარეტებიც, რომლებიც ინახება ქ-ნ ლელა რაზიკაშვილთან. კარგი იქნება თუ თბილისის მერიის სამსახური დროზე დაამონტაჟებს მათ.

2. სერიოზულადაა მისახედი ვაჟა-ფშაველას სახლ-მუზეუმი, წლების განმავლობაში მუზეუმი უპატრონოდ ან ვაიპატრონის ხელში იყო, დაკარგული და განიავებულია უნიკალური და შეუფასებელი ექსპონატები. თმა ყალყზე დაგიდგება, როცა ვაჟა-ფშაველას შთამომავლებს უსმენ, ისინი მოგვითხრობენ თუ როგორ გამოჰქონდათ მათ, ვისაც ხელი მიუწვდებოდა ვაჟა-ფშაველას სახლ-მუზეუმის გასაღებზე, მუზეუმიდან ნივთები და უდიერად ხმარობდნენ ყოველდღიურ ყოფაში. მაგალითად, სპილენძის ქვაბს იყენებდნენ იატაკის სანმედი ტილოების გასარეცხად — შენიშვნაზე საკმაოდ ლოგიკურად პასუხობდნენ — „რა ვქნათ, ტაშტი არა გვაქვსო“, ვაჟას ხანჯალი გაჰქონდათ ტყეში ფიჩხის დასამზადებლად — „რა ვქნათ, ცული არა გვაქვსო“... კომენტარები ზედმეტი!

სხვადასხვა დროს განიავებულია ექსპონატები ვაჟა-ფშაველას სახლ-მუზეუმიდან, — მათ შორის ვაჟას ხმალი; თოფი; ქამარ-ხანჯალი; ფარდაგები; ლაჭაურას მუზარადი... იმედია, მათი დიდი ნაწილი საქართველოშია და საზღვარგარეთ არაა გატანილი. საჭიროა ამ ექსპონატთა მოძიება, შექცევა, აღრიცხვა და თანამედროვე ტექნიკური შესაძლებლობებით სამედოდ დაცვა, ისინი ქართველი ხალხის საკუთრებაა, თუ ვაჟა-ფშაველას სახლ-მუზეუმს ნამდვილი და ღირსეული პატრონი გამოუჩნდა, იმედია, მუზეუმიდან გატანილ ექსპონატთა მფლობელები მათ დაუბრუნებენ ქართველ ხალხს.

(პირადად ვიცი, რომელ ოჯახებში ინახება ხანჯალი და ვერცხლის ქამარ-ხანჯალი, ისინი შესანიშნავი ქართველი პატრიოტები არიან, მაგრამ მათ დღეს ასეთი პასუხი აქვთ: — „ჩვენზე უკეთესად ამ ნივთებს ვერავინ დაიცავსო“, და ვაი, რომ მართლები არიან).

3: ვაჟა-ფშაველა ნამდვილად იმსახურებს, რომ იგი ეროვნულ ვალუტაზე იყოს გამოსახული. რა და როგორ, ამაზე მსჯელობა იქნება საჭირო. შეიძლება მოვჭრათ 100 ლარიანი კუპიურა ვაჟას გამოსახულებითაც, გვექნება მსოფლიოში აღიარებული ორი ქართველი გენიოსის (შოთა და ვაჟა) ერთი და იგივე ნომინალის კუპიურა, რაც სიმბოლურიც იქნება და მსგავსი ანალოგები სხვა ქვეყნებშიც არსებობს.

ანდა მოიჭრას ახალი ნომინალის კუპიურა, მით უმეტეს, როცა მოვინდომეთ ეს შევქცეული (მხედველობაში მაქვს 200 ლარიანი — ქაქუცა ჩოლოყაშვილის გამოსახულებით.)

4. დასადგენია ვაჟა-ფშაველას დაბადების თარიღი, მაშინ როცა თვით ვაჟამ საკმაოდ მკაფიოდ დაგვიბარა: „თუ ბიოგრაფია ინერება, უნდა დაინეროს სიმართლით, ნამეტნავად სიყალბე უნდა შესწორდეს ჩემ სიცოცხლეშივე, რადგან იგი ჩემი სიკვდილის შემდეგაც იბარტყებს საკმაოდ. მე დავიბადე სოფელ ჩარგალში 1862 წლის 15 მაისს“. ვფიქრობ აქ საკამათო არაფერია, ამავე აზრისაა ვაჟალოგთა დიდი უმეტესობა.

(როცა საქმემ მოითხოვა, ვაჟას მეტრიკა გადაკეთდა — 1861 წლის 14 ივნისი — საეკლესიო წიგნის თავიდან გადაწერა კი პავლე რაზიკაშვილისათვის, რომელიც იმ პერიოდში ჩარგლის წმინდა გიორგის ეკლესიის მღვდელი იყო, პრობ-

ლემას არ წარმოადგენდა. ასეთი პრაქტიკა რომ არსებობდა ეს ნათლად სჩანს „რაზიკაშვილების მიმონერაში“ 2011. ლიტერატურის მუზეუმი. გვ. 252.)

თუ ვაჟა-ფშაველას დაბადების თარიღის გასწორება პრობლემებს შექმნის საერთაშორისო ორგანიზაციებში, იმას რა უშლის ხელს, რომ ეს თარიღი ჩვენთან, საქართველოში, მაინც მივიღოთ ოფიციალურად და ვაჟას დაბადების დღე ვიზეიმოთ იმ დღეს, როცა იგი სინამდვილეში დაიბადა — 15 მაისს. ბოლო უნდა მოეღოს ვაჟას სახელით პოლიტიკურ სპეკულაციას, დიდი ხანი არ გასულა მას შემდეგ, რაც სხვადასხვა პოლიტიკური პარტია „ვაჟაობას“ ცალ-ცალკე აღნიშნავდა. ვაჟა პოლიტიკური პარტიების კი არა, მთელი ქართველი ხალხის საკუთრებაა.

5: ყოველად დაუშვებელია, ვაჟა-ფშაველას მუზეუმის სასაფლაოდ გადაქცევა, ყოველგვარ საფუძველსაა მოკლებული იქ საფლავის არსებობა, როგორც ლიტერატურულ წრეებში საუბრობენ, მას ანალოგი არ მოეძებნა.

საჭიროა ვახტანგ რაზიკაშვილის საფლავის გადატანა მუზეუმის ეზოდან შესაფერის ადგილზე, და ეს პირველ რიგში მისმა შთამომავლებმა უნდა გააკეთონ, თუ ნამდვილად პატივს სცემენ ვაჟა-ფშაველას ხსოვნას.

6. ვაჟა-ფშაველას შთამომავლობა, სამწუხაროდ, მხოლოდ ასევე ტრაგიკული ბედის ლევან რაზიკაშვილის ხაზით გაგრძელდა, — დღეს ისინი ცხრამეტნი არიან და ძირითადად გორის რაიონში ცხოვრობენ, გასაგები მიზეზების გამო ისინი ყოველთვის ჩრდილში იყვნენ. სმირად იძულებულნი იყვნენ დაემალათ თავიანთი წარმომავლობა, არავითარი ყურადღება არ ღირსებიათ. მათი არსებობის შესახებ ქართულმა საზოგადოებამ არაფერი იცის. დროა ქართველმა ხალხმა გაიგოს მათი არსებობის შესახებ.

7. ვაჟა-ფშაველას გარდაცვალებიდან 100 წლის თავზე, ალბათ გამოიცემა საიუბილეო ტომეულები, — სასურველია გამოცემულ იქნას მაღალ დონეზე და, რაც უმთავრესია, კორექტურული შეცდომების გარეშე. ამ თემაზე ვაჟას სიცოცხლეშიც დიდი დავა ჰქონდა რედაქციებთან. საილუსტრაციოდ მოვიყვანოთ ამონარიდი „კვალისა“ და „ჯეჯილის“ რედაქტორებისადმი გაგზავნილი წერილიდან — „გიგზავნით ამ მასალას: ... კორექტურას გაუფრთხილდით. ...ამასთან გთხოვთ უმორჩილესად, ბგერა „მ“ დაიცვათ ჩემს ნაწერებში ისე როგორც მე ვხმარობ.“

კარგად მესმის, რომ ვაჟა-ფშაველას თხზულებათა ტექსტი ჯერ კიდევ არ არის სათანადოდ შესწავლილი და დადგენილი, ამ მხრივ დიდი შრომა გასწავლია ალექსი ჭინჭარაულმა, — გამოსცა კიდევ 1979 წელს ვაჟა-ფშაველას თხზულებანი ორ ტომად, სადაც შეცდომები გასწორებულია, კარგი იქნება რედაქტორები თუ ისარგებლებენ ამ და სხვა ანალოგიური გამოცემებით.

დაბოლოს, აქ ჩამოთვლილი პრობლემები, რასაკვირველია, ვაჟას საიუბილეო წელს მთლიანად ვერ მოგვარდება, მაგრამ მთავარია მოვინდომოთ, საფუძველი ჩაუყაროთ და ეროვნული საქმე ერთიანი ძალისხმევით დავასრულოთ.



სამშაბათს, 7 აპრილს
ქართული ლიტერატურის
ინსტიტუტის დარბაზში
ჟურნალ „ჩვენი მწერლობის“
თაოსნობით გაიმართება
განხილვა

მარინა ტურავას
წერილების კრებულისა
„ბარღვეული ლაბირინთი“

მომხსენებელი
ნანა კუცია
დასაწყისი 14 საათზე
კოსტავას 5



შეიძლება თუ არა ლექსის პირდაპირ სამღერად და-
წერა?

როგორ არ შეიძლება, აბა, ჩარგლელი გენიოსი რას
აკეთებდა, — გვიპასუხებს მკითხველი და მართალიც
იქნება, მაგრამ დღეს თითქოს ტრადიციაში აღარ არის,
ცხოვრებაც აღარ იძლევა საჭირო მოტივაციებს, სტი-
ლიც თითქოს მოძველდა.

და მაინც. ეტყობა ლექსისთვის ძველი და ახალი
პირობითი ცნებებია. თუ ფორმა ითხოვს, თუ განწყო-
ბაც არის და შესაძლებლობაც, რატომაც არა.

თავმას ჩოხელის ყველა ლექსი სიმღერაა. ისინი სა-
სიმღეროდ კი არ არის დანერგილი, არამედ უკვე მელო-
დიაა, ჰანგებია, ხმებია მთიდან ბარისკენ წამოსული პირ-
დაპირ, ლალად, უშუალოდ, თავისუფლად, თავისნებაზე.

მის ტექსტებზე სიმღერებს წერენ ცნობილი კომ-
პოზიტორები, ამ სიმღერებს ასრულებენ ცნობილი
მომღერლები და ანსამბლები. რადიოსა და ტელევიზი-
აში ყოველდღე გაისმის ეს ჰანგები. ხშირად ტექსტის
ავტორს არ ასახელებენ, მაგრამ რა მნიშვნელობა
აქვს, მისი ლექსებითაც ხომ ქართულობს ქართული
სიმღერა, ისევე, როგორც არაგვი არაგვობს ან იორი
იორობს თავანკარა შენაკადებით.

თავმას ჩოხელი 1967 წელს დაიბადა თიანეთის რაიონ-
ის სოფელ არტანში, ივრის ხეობაში. თუმცა ძირითად გულდა-
მაყრელია, შავი არაგვის ხეობიდან, ორივე კუთხემ მისცა
შთაბოძება და სულიერი საფანელი იმისათვის, რომ წე-
როს ლექსები და ემსახუროს ქრისტეს მოძღვრებას.

დეკანოზი თავმას ჩოხელი თბილისში, ჯვრის ძამის
ეკლესიაში სწირავს. მშობლიურ ქვეყანას ლექსითა და
ლოცვით უდგას მხარში და ამაში ხედავს ცხოვრების
აზრსა და მიზანს.

ძველ ბერძნულ ენაზე თავმასი საკვირველს ნიშ-
ნავს. როგორც ჩანს, ამ ლექსების ავტორს სახელიც
ეხმარება შესანიშნავი, მელოდიური რეჩიტატივების
შექმნაში. თუმცა მთავარი, რა თქმა უნდა, ღვთისგან
ბოძებული ნიჭია და კიდევ რწმენა იმისა, რომ, რო-
გორც თვითონ წერს, „სიყვარული არ ილევა, სიძულ-
ვილი მთავრდება“.

ამას წინათ გამოცემულ პოეტურ კრებულს „მამის
იავნანა“ დეკანოზმა თავმას ჩოხელმა სიყვარულის წიგ-
ნი უწოდა და მიუძღვნა ღვთისგან სიკეთით, სიყვარული-
თა და სილამაზით დაჯილდოებულ ადამიანებს. მისთვის
სიყვარული არის მიზიდულობის ძალა, რომელიც სამყა-
როს მთლიანობას იცავს. ამიტომ შემთხვევითი არ არის
ის წინასიტყვა, რომელიც მან თავის წიგნს წაუძღვარა:
„უფალი თვითონ არის სიყვარული. ყველა მოძღვარი
სიყვარულს ქადაგებს, ალბათ მეც სიყვარულის მოძღვა-
რი ვარ. მაშ, მიიღეთ ჩემი სიყვარული: ლექსებად, სიმღე-
რებად და კეთილ სურვილებად. მე თქვენ მიყვარხართ“.

თავმას ჩოხელი

დედოფლად მენატრებოდი

ფიქრები ქარად ვაქციე,
შენსკენ გამოვყევი ნიავსა,
დედოფლად მენატრებოდი,
თმაში განწავდი იასა.

მზიან ღამეებს გაჩუქებ,
შენი ვარ, შენი კვნესამე,
წამოდი, მთაში წაგიყვან,
ობლად დამრჩალა კესანე.

ცივ წყაროდ მეგულბოდი
მაგ თვალთა სხივი მწყურია,
შენს გულში ყინულს რა უნდა,
ჩემს სულში გაზაფხულია.

შავჩოხიანო ვაჟკაცო,
გშვენის თეთრონის ჭენება,
დამლია შორით ტრფიალმა
უძილოდ ცისკრის თენებამ.

მოდი, თუ მომავალი ხარ,
ჯავრად რად შამამეყარე,
მზევე, მწველო სიყვარულისა,
გულზე ყვავილად მეყარე.

შავს ღრუბელს ქარი გადაჰყრის,
დარში იმედი ღვიოდა,
იას ეხარა სიტურფით,
ცა ნამად ჩამოდიოდა.

ორღობაში ბოგო ვნახა

ორღობეში ბოგო ვნახე
მწველი მზისგან ვევენები,
ცისკარს აჰყვა სილამაზე
მოუკრეფავ მტევნების.

მოდიოდა უკარება
იად ჩამოიარა,
სუროსავით მეხვეოდა
სიყვარულის ხვიარა.

როცა ცაზე ცისარტყელა
ფერებს ააფრიალებს,
სიყვარული გაშლის აფრებს
მოსვლას დააგვიანებს.

როცა ვარდის ბადაგ-ბაგეს
დაეკონა ეკლები,
გულს ტკივილად მოეძალა
გრძნობის ანაბეჭდები.

მზემ ღრუბელი აიფარა,
უცხო გზებით იარა,
ცამ იწვიმა, წვიმის ცრემლმა
ნისლად გადაიარა.

ვინ დასთვალოს მაჯისცემა,
გულს შემორჩა იარა,
იის ბუჩქთან იასავით
გოგომ ჩამოიარა.

შენ, ჩემო სევდის ყვავილო

შენ, ჩემო სევდის ყვავილო,
ამომავლო ევლადა,
არა, არ მენატრებოდი,
შემასვი მწარე ხელადა.

გულს დაეწონა ტკივილი,
მინდორს გავიჭერ ველადა,
სევდისხალიან ყაყაროს
ვეტანე საკოცნელადა.

გაფრინდი, შავო მერცხალო,
ამბავს მომიტან ძნელადა,
ჩემი ცხოვრების გაზაფხულს
ლექსს ვანდობ საპოვნელადა.

მთას ვიდექ საიალალოს,
ბარს ჩამოვედი ვერადა,
ეგ შენი თეთრი მანდილი
გამიხდა გულის ძგერადა.

სურვილს სიცივე ებურა,
მსურდა მენახე ჩემადა,
არა, არ მენატრებოდი,
მიმარხდი საპოვნელადა.

გული ღელავს

გული ღელავს, როგორც ზღვაზე
მოლივილივე ტალღები,
ერთი კოცნა დაგენანა,
აღარ შემეყვარდები.

იის სურნელს დაგიფიცებ,
მენატრები კი არა,
მაგ სიცივემ ნატურფალად
გულზე გადამიიარა.

ცაზე გრძნობას ღრუბლით ვწერდი,
მაცნე მენატრებოდი,
ასე მღერენ სიყვარულზე
მხოლოდ ერთხელ გედები.

როცა დროის მაჯისცემას
მონატრება ახელებს,
ჟამს მიჰქონდა გულისტკენა,
დრო არქმევდა სახელებს.

გული ღელავს, თუმცა ზღვაზე
ლელვამ გადაიარა,
ჩემი ზედის კარიბჭესთან
სიყვარულმა იარა.

და როდესაც მაგ სიცივეს
სითბო უდგას თავდებად,
სიყვარული არ ილევა,
სიძულვილი მთავრდება.



სალომე კაპანაძე


კავკასიური ერთიანობა-თვითგადარჩენის უნიკალური კოდი

(„ორიოდე სიტყვა“ ზაზა ურუშაძის „მანდარინება“)

ადამის მოდგმა ვერასოდეს განიკურნება თვითსპობის სინდრომისაგან. მისი ყველაზე მკაფიო გამოვლენა საომარი რიტორიკაა, რომელსაც სამყაროს ინტელექტუალური ნაწილი პოსტ-ფაქტუმ განიხილავს, მაგრამ პრევენცია ყოველთვის უჭირს. შეგონებანი, რომელსაც ევროპელები „ყალბზე შემდგარ აზრებს“ უწოდებენ, მხოლოდ ერთეულებისათვის არის შესაძენი. სწორედ ისინი არიან „ჯვარზე გამსვლელები“ და მათი სიმცირეც იმ კანონზომიერებაში თავსდება, გოლგოთის მასურებლების სიმრავლეს რომ განაპირობებს. ინტელექტუალური შეუწყნარებლობისა და დეჰუმანიზაციის ფაზაში მყოფი საზოგადოების გამოსაფხიზლებელ ყველაზე ეფექტურ ინსტრუმენტად კვლავაც რჩება ფრიდრიხ ნიცშეს მიერ კაცობრიობის სინდისად აღიარებული კულტურა.

კინო ქართული კულტურის ის ნაწილია, რომელმაც ყველა ეპოქაში შეძლო — კომპრომისების პარალელურად — არ ელაღაბა თავისი სულიერი მისიისთვის. ბოლო ოცნლეულის განმავლობაში ქართული კულტურის ამ სეგმენტმა ადეკვატურად განელო ყველა ეტაპი, რომელმაც უზუსტესად აირეკლა სოციალურ-პოლიტიკური კატაკლიზმებით გამოწვეული ტკივილი და სულიერი დეკადანსი. ქართული კინოს სახელოვნო პროფილზეც გაჩნდა უგემოვნობისა და კინოპროფანაციის ღრმა ნაპრალები, რომლის ამოვსება გასართობი კინოინდუსტრიის სულგამოცლილი პროექტების ფონზე არ ყოფილა ადვილი. თუმცა მასურებელმა მაინც გაიმარჯვებინა შეძლო მკაფიო ზღვარის გავლება ნამდვილ და ფსევდოხელოვნებას შორის, შეძლო თავისი ესთეტიკური გემოვნების კორექტირება და ხელოვნებისადმი სწორი დამოკიდებულების კულტურა აღიდგინა. XXI საუკუნის ქართულმა კინომ საკუთარი წილი პასუხისმგებლობა აიღო კულტურის რესურსის „აკაც-თა შორის მშვიდობის დასამყარებლად“ მიმართულ პროცესში.

ზაზა ურუშაძე თავისი ფილმით „მანდარინები“ ამ პროცესის ერთ-ერთ საინტერესო მონაწილედ შეიძლება ვაღიაროთ. მის კინორასენალში ყოველთვის მოიძებნებოდა ის, რასაც ფრანც ბოასი „კულტურის სათვალეს“ უწოდებს და რომელიც განაპირობებს სამყაროს კულტურული უნივერსალიების სწორ ხედვას. ამათგან განსაკუთრებით მინდა აღვნიშნო 1998 წელს გადაღებული ფილმი „აქ თენდება“. ამ რეჟისორის „კულტურის სათვალეს“ შესწევს ადამიანის — ვაშლიჭამია და ძუძუმწოვარა არსების — სულიერი კორექტირების უნარი. მით უფრო ახლა, როცა მის შემოქმედებით მონაგარში „მანდარინების“ სახით ომისა და მშვიდობის თემა იკვეთება. ომი ის დროა, როცა ტომას ჯეფერსონისა არ იყოს, თავისუფლების ხე უნდა მოიწიფოს პატრიოტიზმისა და ტირანების სისხლით და ვიდრე ეს მოხდება, უნდა გავიხსენოთ, რომ ეს „კულტურის სათვალე“ ქართულ სახელოვნო სივრცეში ახლახან მოხდა ზაზა ურუშაძის ფილმს „მანდარინებს“ გააჩნია. მას შეუძლია ერთდროულად შეგძრას, გაგაღვიძოს და გარდაგვიმნას. ეს არის მისი „ღვანლი კეთილი“ იმის გასააზრებლად, რომ „ამ სამყაროში ბევრია გასაკეთებელი და ბევრია გასაგები“ (სამუელ ჯონსონი). კინოინდუსტრიის საქმიანმა ნაწილმა ფიქრისთვისაც მოიცალა, რადგან იმთავითვე ადეკვატურად აღიქვა ამ ფილმის შესაძლებლობანი. ესტონური Allfilm-ის მიერ დაფინანსებული „მანდარინები“ ოსკარზე ესტონეთის სა-



ზაზა ურუშაძე

ხელით ასპარეზობს, თუმცა Allfilm-თან ერთად ფილმს ქართული „კინო 24“-იც აწარმოებდა და თანაც პროდუსერები ესტონელი ივო ფელტი და ზაზა ურუშაძე არიან. მასურებლის ოვაციასაც მთავარი როლის შემსრულებლები, ქართველი და ესტონელი მსახიობები მიხეილ მესხი, გიორგი ნაკაშიძე, ლემბიტ ულფსაკი, ელმო ნუგანენი, რაიგო ტრასი და სხვები ინაწილებენ. „ოსკარების ფინალისტმა“ „მანდარინებმა“ შეერთებულ შტატებშიც მნიშვნელოვანი პრიზი მიიღო. მან ჰოლივუდის კინოაკადემიის მთავარ საზეიმო ცერემონიაში ერთი კვირით ადრე საერთაშორისო პრესის აკადემიის („იპა“) დაჯილდოებაზე უცხოური ფილმების კატეგორიაში წარდგენილ 10 საუკეთესო ფილმს შორის გაიმარჯვა.

Samuel Goldwyn Films-მა „მანდარინების“ სადისტრიბუციო უფლება შეიძინა, რაც ნიშნავს, რომ ზაზა ურუშაძის ნამუშევარს, რომელიც საუკეთესო უცხოელოვანი ფილმის ნომინაციაზეა წარდგენილი, ამერიკულ კინოთეატრებშიც უჩვენებენ. კომპანია აპირებს, შტატებში ქართულ-ესტონური პროდუქტის პრემიერა რაც შეიძლება მალე შედგეს, რათა ამერიკელმა კინომოყვარულებმა თვითვე შეძლონ ოსკარის ნომინანტის შეფასება. მათი გათვლებით, „მანდარინების“ რესურსი ამ თვალსაზრისით საიმედოა. მართლაც, ფილმის სანდოობა ამ თვალსაზრისით აშკარაა- 90-იანი წლების საქართველოში განვითარებულმა სიუჟეტმა უცხოელი მასურებელი იმ კრიტიკიუმების გათვალისწინებით უნდა დააინტერესოს, რომელიც კინოს, როგორც ხელოვნების, პროდუქტს ახლავს.

„მანდარინების“ მთავარი ძარღვი სწორედ იქ ფეთქავს, სადაც ეროვნული და ზეეროვნული ისე ერწყმის ერთმანეთს, რომ ამ უკანასკნელის მიმართ დელიკატურობას ოსტატურად ინარჩუნებს. ვალიროთ, რომ ამის ორგანიზება უაღრესად სენსიტიურ ქართულ რეალობაში ადვილი არ არის, რადგან ბოლო ოცნლეულია, ქვეყანა ეროვნული ღირსების გადასარჩენად იბრძვის. ასეთ ფონზე თამამად ღირს საუბარი ზაზა ურუშაძის ფილმის არამარტო მხატვრულ ღირებულებაზე, არამედ იმ სულიერ დანიშნულებაზეც, ურომლისოდაც კინოკრიტიკოსთა მხრიდან იშვიათად ჩნდება გამომხაურების მოტივირებული სურვილი.

კარგი მაცურებელი იმთავითვე შეინიშნავს, თუ როგორ ზედმინეებით რეალისტურად შეძლო რეჟისორმა აფხაზეთის ომით დაზარალებული პეიზაჟისა და დეკორაციების მორგება მთავარ სათქმელთან. ვისაც უნახავს აფხაზეთის ომის მრუმე პეიზაჟები, ის შეძლებს შეაფასოს სივრცე, რომელიც ზაზა ურუშაძემ ამ ნარატივისთვის გამოიყენა. აქ ყოველი ნივთი, ხე თუ ნაგებობა მეტყვევებს და ომის დრამატიზმის გასააზრებლად არის მოწოდებული. ინტერიერის ყოველი დეტალი სენსორულია და განსაკუთრებული დატვირთვის იძენს. ომს თავისი ფერი აქვს, თავისი სურნელი, ომს მზის სხივიც ისე აირეკლავს, როგორც სამყაროს მთლიანობას ეკადრება. ხეზე მსხმოიარე მანდარინის ყვითელი ნაყოფი, რომელიც დროდადრო ანათებს კადრში, თითქოს სიმბოლური გზავნილია დეჰუმანიზებული სამყაროსთვის. ომის ლაბირინთებში ჩაკარგული მშვიდობის, თანადგომის ნოსტალგიაა ფილმის ერთ-ერთი პერსონაჟის მარგუსის საზრუნავი მანდარინების გასაყიდად, რომელიც მთავარ-ქართველი და ჩეჩენი მეომრების ურთიერთობის ამბავს ფეხდაფეხ მიუყვება. „იცი რა ჰქვია ამ ომს? — მანდარინების ომი“. მარგუსის ეს ერთი შეხედვით უწყინარი, გულუბრყვილი კითხვა-პასუხი ნაწილობრივ იტყვის სათქმელს. ამ ფილმის გმირებს თავისი ენა აქვთ, საკუთარი თავის ნაკითხვისა და გახმოვანების ბუნებრივი უნარი. მანდარინის ნაყოფი აქ გაყიდული მშვიდობის სიმბოლოა, რომელიც თითოეულს ენატრება. მშვიდობის მონატრებაა დროდრო კადრში გამოჩენილი ივოს მშვენიერი შვილიშვილის — მარის — სურათიც, რომლისკენაც ნიკა თვალს აპარებს და მზერა უნათდება. ომი თითქოს სიყვარულის ნიღბიც ჩაუჯდა მის თაობას. ფილმში რამდენჯერმე მეორდება ეპიზოდი, როცა დაჭრილი ნიკა იმ დაზიანებულ კასეტას ამთლიანებს, სადაც მისი საყვარელი ჰიტები ჩანერილი. ამ პასაჟის ქვეტექსტი ნათელია — ნიკა ცდილობს არ დაკარგოს კავშირი იმ დროსთან, როცა ქვემეხები დუმდნენ.

„მანდარინები“ მთავარ სათქმელს პროლოგისა და ეპილოგის ბოლო კადრები ამთლიანებს. ფილმის დასაწყისში დურგალი ივოს მანდარინებისათვის ყუთებს აშლაშინებს. კამერა მოთმინებით, ახლო რაკურსიდან ადევნებს თვალს ამ პროცესს. ნიაზ დიასამიძის მუსიკა საოცარ თანაგანცდამია ამ ეპიზოდის სათქმელთან. ნიჭიერი რეჟისორის კიდევ ერთი ფუნჯის მოსმა და ამ ყოფით ეპიზოდს გამოაგნებელი დატვირთვა ენიჭება- იქნება ფიქრის განწყობა, მოლოდინი, რომ მისი შემქმნელები გართობაზე არ არიან ორიენტირებული. არ ვიქნები ორიგინალური თუ ვიტყვი, მაცურებელს მოეწონა ფილმი, რომელიც არასოდეს განებებს თავს. ლემბიტ ულფსაკის მიერ შექმნილი ფილმის ზნეობრივი გმირი იდეალურია იმ ჩანაფიქრისთვის, მან „მანდარინებში“ მორალის დომინანტი უნდა განაპირობოს. გაუტყებელი, სულიერად ძლიერი, ჭარმაგი ესტონელი ივო, რომელმაც ომის დროს არ დატოვა მშობლიური სანახები, მოთმინებით ცდილობს განდევნოს სიკვდილისა და შურისძიების აჩრდილი ქართველ და ჩეჩენ მეომარს შორის. ივო პირადი მაგალითია, რათა მათ შეგნებაში მორალურ-ზნეობრივი ფასეულობანი შურისძიებამ არ დათრგუნოს. ომის დროსაც შეიძლება ადამიანებს ბევრი რამ აერთიანებდეს. უაღრესად დაძაბულ, კონფლიქტურ გარემოში, როდესაც ფილმის გმირები დუმდნენ დროსაც სხეულის ენით გასცემენ მძულვარებას, ივოს მოთმინება არ ღალატობს. ჩეჩენსა და ქართველს შორის დაძაბული, მტრული ველია. ეს ის არის, რომელიც ყველაზე მეტად ეიმედება რუსეთის იმპერიას კავკასიაში. კავკასიელთა შორის კომუნიკაციური გაუცხოება ყოველთვის იყო მისი ოცნება და რეალური დასაყრდენი. მაცურებელი ხედავს, როგორი თანმიმდევრობით მართავს და ანეიტრალებს ივო ამ რეალობის შედეგებს. ჩვენ გამოაგნებელი გარდასახვის მონმენი ვხდებით, რომლის კულმინაციაც აშშ-ისა და რუსი ოფიცრების შეხვედრის სცენაში იყრის თავს.

კავკასიური ერთიანობის იდეაზე ორიენტირებული ეს პოზიტიური ეპიზოდი შეიძლება ჩაითვალოს მნიშვნელოვან გზავნილად კავკასიური დიალოგისთვის.

ფილმის ეს სცენა XI ს-ის ისტორიკოსის ლეონტი მროველის კონცეფციის მეტაისტორიული საზრისის გამოძახილია და ის ზოგადად ნიშანდობლივია ქართული კულტურისათვის. „კავკასიელთა პირველფენომენი და თაურხატი“ (გრიგოლ რობაქიძე) ფილმის ამ ეპიზოდში მკაფიოდ იჩენს თავს. კავკასიური კულტურული უნივერსალების სისტემამ ხელი შეუწყო ივოს ამოვესო უფესკრული ნიკასა და აშშ-ის შორის, მაგრამ მან ეს ვერ შეძლო რუს ოფიცერსა და აშშ-თან კონფლიქტის დროს. ივოს შეძახილი „ის თქვენიათ, ბიჭებო“ მასთან ვერ მიდის, იმიტომ, რომ რუსი ოფიცრისათვის არც ჩეჩენია „მისი“ და არც ქართველი. მორალური და ესთეტიკური კატეგორიების განსხვავებულობამ რუს ოფიცერს არ მისცა ჩეჩენის ნდობის შესაძლებლობა. დესტრუქციული აზროვნებით დავინრობულ საომარ სივრცეში უნდობლობა მოულოდნელი არ უნდა იყოს, თუმცა იდენტურ სიტუაციაში ჩვენ ვხედავთ, როგორი მყარია ნდობის მანდატი აშშ-ისადმი აფხაზი მეომრების მხრიდან. რეჟისორმა მართებულად მიაგნო ამ ისტორიული საზრისის გამოყენების აუცილებლობას- ივოს ჭერქვეშ სწორედ ქართველი და ჩეჩენი აღმოჩნდებიან. დრამა, რომელიც ამ უაღრესად მეტყვევებელ გარემოში ვითარდება, სრულად ავლენს იმ ტკივილიანი გაუცხოების მიზეზებს, რომელმაც აშშ-ის ცნობიერებაში ქართველის მტრის ხატი შექმნა. მტანჯველია აშშ-ის გარდასახვის პროცესი. ქართველებმა მას მეგობარი მოუკლეს, მაგრამ სწორედ ქართველი იხსნის მას სიკვდილისაგან. აფხაზეთიდან მიმავალი ჩეჩენი ნიკას მიერ აღდგენილ კასეტას უსმენს. სიმბოლური სცენაა- აშშ-ის ცნობიერებაში ჩრდილოელის მიერ გაბზარული ნდობაც ასე გამოთლიანდა.

ცალკე საუბრის თემაა მსახიობთა დასი, რომელთა წილი იმ ემოციური ფონის შექმნაში, რომელიც ფილმის ყურებისას იქმნება- უზარმაზარია. აქ არ არის მხოლოდ სახიობა- როგორც ასეთი. უმნიშვნელოვანესია რეალიზმი, რომელიც თაობის ფსიქოლოგიური პორტრეტის შექმნისას იგრძნობა. შესტიკულაცია, საუბრის მანერა, ინტონაცია, ლექსიკა- გიორგი ნავაშიძისა და მიშა მესხის მიერ შექმნილი ეს სახეები წარსულიდან თითქოს შეუცვლელად არიან გამოხმობილი.

ფილმის დასასრულს ივო კვლავ აშლაშინებს, თუმცა ეს უკვე მანდარინის ყუთი არ არის... მან ერთხელ უკვე დალია სიკვდილის სადღეგრძელო და შალაშინის დინამიკური როკვიდან ახლაც სიკვდილი გვიმზერს, რათა სიცოცხლის ფასი გვაგრძნობინოს. „ღმერთმა გიშველოს, სიკვდილო, სიცოცხლეს შენობს შენითა“ — არ გტოვებს ვაჟას განაზრებანი სიკვდილ-სიცოცხლის აპოლოგიაზე. ზაზა ურუშაძე იმ სულიერ-ესთეტიკური სივრციდან მოდის, სადაც ეს სტრიქონები იშვა და ამგვარი ფილოსოფიურ-თეოლოგიური ასოციაციები ფილმში მართლმოდენილი არ უნდა ყოფილიყო.

„ეს არავის ომი არ არის“ — ამბობს ერთგან ივო. ვფიქრობ, ფილმის უმთავრესი განწყობა მაინც აქ არის პროეცირებული, თუმცა დრამა, რომელიც ფილმში ვითარდება და რომელსაც ანტისაომარი რიტორიკა წითელ ზოლად მიყვება, არ აკნინებს გრძნობას, რომელმაც ნიკას თაობა თეატრის ავანსცენიდან ცხოვრების რეალურ სივრცეში გადატყორცნა. ზაზა ურუშაძის ფილმი „მანდარინები“ სწორედ მათ ეძღვნება — ომში დაღუპულ ლიმილის ბიჭებს, ვინც სამშობლოს განწირული დაძახილი მაშინვე გაიგონეს და არა იმით, ვისაც აკა მორჩილადის ერთერთი გმირის მსგავსად, „სამშობლომ კარგად არ დაუძახა“. ზუკა თუთბერიძე, ლევან აბაშიძე, გიორგი რევიშვილი, კახა ეზუხბაია, ლევან კორინთელი ამ ხმამ მიიყვანა ბრძოლის ველზე. მიშა მესხის მიერ შექმნილმა კინოგმირმა კიდევ ერთხელ გააცოცხლა იმათი სახეები, ვისაც კარგად ესმოდა, რომ სამშობლო მარტო ლხინი და ბედნიერება არ არის, ის ტკივილიცაა. ეს ფილმი არის შეხსენება იმისა, რომ ჩვენს ქვეყანას ჯერაც აცვია ტანზე ძაძა-ფლასი. ელვა ფოლადიშვილს დავესხსებთ: „რომ იმ ბიჭებს უსახელო საფლავებისთვის არ უბრძოლიათ და არც იმისთვის, რომ რომელიმე ჩვენგანმა მათ ობელისკზე, ენ-

კენისთვის ოცდაშვიდ რიცხვში, გვირგვინი დადოს. ჩვენ დაგვაინწყდა და დაგვაინწყეს უფრო მთავარიც — ვინც სიცოცხლე განირა ჩვენთვის, ჯერაც ვალში ვართ იმათ წინაშე და იმ ვალსაც გადახდა უნდა, თუნდაც იმისთვის, რომ მინაზე “დამარცხებულებს” ზეცაში მაინც აღარ შეგვრცხვეს ერთუთრის ნახვა და მათი ხილვა, ვინც აქამდე მოგვიტანა ჩვენი ქვეყანა, ის მინა, რაც დღემდე შეგვრჩა. იქ, ეშერაში, გაგრასა და გუდაუთაში ვილცა მოკვდა ჩვენი გულისთვის და ჩვენ ვალი გვაქვს გადასახდელი — მათი სულის, ღმერთისა და ქვეყნის წინაშე...”

ზაზა ურუშაძის „მანდარინებმა“ უცნაური განცდა დამიტოვა, თითქოს რეჟისორს სადღაც შემოენახოს ეს დამაჯერებლად ცოცხალი კადრები, თითქოს რეალურად ვიგრძენი აფხა-

ზეთის შემოდგომის სუსხნარევი სურნელი. კინოკრიტიკოსთა ყველაზე მკაცრ, შეუვალ ნაწილსაც ექნება უამრავი კითხვა, მოსაზრება. მასაც გამოუჩნდება ბევრი „მჩხრეკელი“, მაგრამ ფილმის ყურებისას მე — აფხაზეთის მკვიდრს — მცირედი პროტესტის გრძნობაც არ გამჩენია ფილმის ვირტუალური სამყაროს მიმართ და ეს უკვე გამოცდაა ამ ფილმისთვის.

მე დავბრუნდი იქ, საიდანაც არ უნდა წამოვსულიყავი 20 წლის წინათ. ეს იყო ჩემთვის მტანჯველი, მაგრამ სასიცოცხლოდ მნიშვნელოვანი განცდა. მე კიდევ ერთხელ გადავიმონმე სიფხიზლე და ერთგულება ჩემი აკრძალული ქალაქისადმი, ზეეროვნულის მაჯისცემაც მოვისინჯე და მაინც დავეთანხმე ლაო ძის — „თუმცა ომის მიზანი მშვიდობაა, ის მაინც უდავო ბოროტებაა“.

ლალი ურდულაშვილი

მზის სიყვარულის საგალობელი

მარიამ ნიკლაურის „ქარფიქრთა რბევით ნათქერ სამეფოში“ თანაბრად მონაცვლეობს ბერდედოს სიბრძნით აღსავსე ხმა და მზის სხივებთან მოკისკასე ყმანვილქალის წკრიალა ტონები. პირველი — დაუნჯებული ცხოვრებისეული გამოცდილების, ცოდნისა და გონიერებით განმსჭვალული ემოციის მაუნყებელია, მეორე კი — სიცოცხლის დაუმრეტელი ხალისით აღმვსები, ყველაზე ღრმა და მახლობლად შორეული ადამიანური იმპულსების წიაღიდან აღმოცენებული ცისა და მიწის ლაღადისი.

რას არ შეხვდებით ამ სამეფოში... სისხლხორცეულად განცდილი სამშობლოს ზამთრის თეთრი მინდვრებიდან „ამოფერთხილი იებით სავსე უბე“, ვარდისფრად აფეთქებული ხეთა ბილილები... დაეჭვებული და გამუდმებული ფიქრი იმაზე, ვაითუ „მასაც უჭირს საკუთარ თავში უფლის მიგნება?“

„ერთით მეტი მქნა, რო ღამის იქით გადამახედა“, — აი, ნატვრა და ოცნება პოეტისა, მაგრამ მარიამი უცილობლად ერთზე მეტია, თავისთავზე მეტი და აღმატებული საკუთარ შეცნობილ არსზე და იქნებ ვერშეცნობილზეც...

არა ოდენ ღელედ და ჩქერად კალმახებისა და „სანავარდოდ მზის ანგელოზთა“, იგი ერთ უწყვეტ, თავბრუდამხვევ, „აღმასებრ უფსკრულს“ მქროლავ მდინარედ ქცეულა, სიკვდილ-სიცოცხლის მთლიანობის მარადიულობად გარდასახულა. მის პოეზიაში ხანდახან გაკრთება მარად თანმდევი და ყოვლად ნაცნობი ადამიანური შიში, რომ ამ ქაოტურ, სულიერ ფასეულობდაკარგულ სამყაროში დიდია ალბათობა საკუთარი თავის დაკარგვისა, ადამიანური ძალმოსილების ნაცარმტვრად ქცევისა და მაშინ, სწორედ მაშინ ლექსად ნაღვენთი ქალის ვაჟკაცურზე უფრო ძლიერი და ომახიანი შეძახილი შესძრავს დარანებს:

ვი, იფხიზლე, ადამიანო, არ მოუხუჭო შენსაც თავს თვალი.

ანდა

დადექი, კაცო, დადექი და თავს შეეყუდე.

ეს ხომ პოეტურ სტრიქონებად ტრანსფორმირებული გარდათქმაა იმ შეგონებისა — ნუ დაკარგავ უფალს და საკუთარ თავს.

თავად პოეტისა და პიროვნების გაერთმთლიანებაც უზენაესი მრწამსით საცნაურდება მარიამისვე სიტყვებში:

ყელამდე ჩამხრჩვალ ვდგავარ ღმერთის და მოყვასის ვალში.



„მზის დაუქლომელი“ ის ციური და მეტაფორული მზეა, რომელიც პოეტის განცდათა ფლუიდებს სხივებად აფრქვევს და მკითხველის გულის „მწვანე გუბურებში“ უღამაზესი აზრის ცისარტყელად აირეკლება.

უნაზესი ქალური და, ამავე დროს, ლოღივით მძიმე და ყველაფრის წამლეკავი სულიერი ენერგია, გასაოცარ სიტყვაქმნადობად გარდაქმნილი, იღვრება მკითხველის გულსა და ცნობიერებაში. გიჩნდება განცდა, რომ ეს ყველაფერი შენი და შენშია, მაგრამ მაინც ბოლომდე ვერ მოგიხელთებია, უბრალოებისა და სიდიადის თანაგანცდის ტყვეობაში გრძნობ თავს და ადვილად ვერ უსხლტები.

...ჩამოდგება ზამთრისპირის უსაშველო სევდა... თან მოიყოლებს თოვლის თეთრ საბანს და „გულისპირზე დაგვადნება“ ცივ, წვრილ ზოლებად... ცაც დაიღრუბლება ნაცრისფერ ხბორებად, „ქვესკნელის ქერქამდე“ ჩაძვრება „ყინულის თვალი“ და თითქოს არსიდან ჩანს საშველი. ყველაფერი უკუნში ჩანთქმულა, გარინდებულა უკანასკნელი ამოსუნთქვის მოლოდინში, მაგრამ არა... არის ხსნა, არის იმედი, ნუგეში...სიფრიფანა ბალახის ღეროზე დაკიდებული სიცოცხლის ნიშატი... თავად ზამთარიც ხომ იმიტომ ჩამომდგარა, რომ კვლავ დაირნეს სიცოცხლის აკვანი:

შენამც იხარე, ზამთარო, თეთრად ურნიე აკვნებს.

შენამც იხარე, ზამთარო, თეთრად ურნიე აკვნებს.

და უცილებლად გიჩნდება ვაჟასეული სიტყვების ასოციაცია:

ღმერთმა გიშველოს, სიკვდილო, სიცოცხლე შევნობს შენითა.

„მზის დაუქლომელი“ პოეტის სულიერი მზის გამონათებაა და ამ მზის მარადისობის სადიდებელი.

მარიამ ნიკლაურის პოეზია იმ ღვთაებრივი მზიურობის ძალით აღვსილა, რომელსაც დაუქლომლად უნდა უგალობო.

ჯენიფერ სტეკჰაუსი — XVII საუკუნის გერმანული ლიტერატურის მთარგმნელი და მკვლევარი, ფულბრაიტის გრანტის ორგზის მფლობელი. სადოქტორო დისერტაცია დაცვა XVII საუკუნის გერმანული პოეტისა და დრამატურგის, ანდრეას გრიფიუსის შემოქმედებაზე ჰარვარდის უნივერსიტეტში. არის მისი ტრაგედიის „ქეთევან ქართველი“ პირველი მთარგმნელი ინგლისურ ენაზე.

ჯენიფერი 2011 წელს გავიდა სანტა კრუზში, კალიფორნიის უნივერსიტეტში ფულბრაიტის კვლევითი სტიპენდიით ყოფნისას. ამ დროისათვის „ქეთევან ქართველის“ ინგლისურ თარგმანზე მუშაობა კარგა ხნის დამთავრებული ჰქონდა, მაგრამ სპეციფიკურ ქართულ საკუთარ, ისტორიულ თუ გეოგრაფიულ ტერმინოლოგიაში, ტოპონიმიაში და მე-17 საუკუნის საქართველოს საკმაოდ რთულ ისტორიულ რეალობას და პერიპეტეიებში ბოლომდე ვერ გარკვეულიყო და ამიტომაც თარგმანის გამოქვეყნებას არ ჩქარობდა. მე შეძლებისდაგვარად გავეუწიე კონსულტაციები და ჩემი საკმაოდ მოკრძალებული ცოდნის ფარგლებში ერთგვარი ისტორიული ექსპურსი ჩავუტარე ქართულ ონომასტიკასა და ტოპონიმიაში, საქართველოს ისტორიასა და გეოგრაფიაში. ორიოდე შეხვედრა არ აღმოჩნდა საკმარისი მისი ცნობის-მოყვარობისა და ინტერესების დასაკმაყოფილებლად და ჩვენი თანამშრომლობა ამ საკითხებში დღემდე გრძელდება ელფოსტის საშუალებით. ორიოდე წლის შემდეგ, 2013 წლის შემოდგომაზე, ჯენიფერს ისევ შეეხვედი ვაშინგტონში, ფულბრაიტელთა მორიგ თავყრილობაზე, სადაც მან თავის გამოსვლაში სწორედ „ქეთევან ქართველის“ მისეული თარგმანისა და ჩვენი თანამშრომლობის შესახებ ისაუბრა.

ჯენიფერი ამჟამად მუშაობს გერმანული დრამატურგის კიდევ ერთი პიესის „ლეო არმენიუსი“ თარგმანზე, რომლის დასრულების შემდეგაც, გამომცემლობასთან შეთანხმებისამებრ, ორივე პიესა ერთად დაიბეჭდება და ინგლისურენოვანი მკითხველი პირველად გაიცნობს გერმანული დრამატურგის ამ ორ მნიშვნელოვან ნაწარმოებს.

ავტორის ნებართვით გთავაზობთ ანდრეას გრიფიუსის „ქეთევან ქართველის“ პირველი ინგლისურენოვანი გამოცემის მთარგმნელისეული წინასიტყვაობის ქართულ თარგმანს.

ჯენიფერ სტეკჰაუსი

ანდრეას გრიფიუსი და მისი „ქეთევან ქართველი“

გერმანელმა პოეტმა ანდრეას გრიფიუსმა (1616-1664), რომლის გარდაცვალებიდან თითქმის სამსაუკუნეა გასული, გერმანული ლირიკა და დრამა ახალ სიმაღლეზე აიყვანა მე-17 საუკუნეში. იგი საყოველთაოდ იყო აღიარებული როგორც მისი თანამედროვეების, ასევე მომდევნო თაობების მიერ, თუმცა ეს ესთეტიკური გემოვნების ცვლილებისა და ლიტერატურის გამომსახველობით შესაძლებლობათა განვითარების კვლადაკვალ მისი შემოქმედება ჩრდილში მოექცა. მიუხედავად იმისა, რომ უკანასკნელი სამი საუკუნის მანძილზე გერმანული პოეზიის სერიოზული ანთოლოგიებიდან იშვიათადაა გამოტოვებული გრიფიუსის ყველაზე გამოჩენილი სონეტები და ოდები, მისი დრამატურგიული ნაწარმოებები თითქმის სრულიად მივიწყებული იყო მე-20 საუკუნის დასაწყისამდე, როცა ბაროკოს ლიტერატურისადმი ინტერესის გაღვივებამ გრიფიუსი ხელახლა „გააცოცხლა“. სიღვივების შემდეგ დიდი მზარდ გატაცებას ის ფაქტიც მოწმობდა, რომ მისი ლირიკის, დრამატურგიისა და პროზის უამრავი გამოცემა დაიბეჭდა, მაგრამ, მცირედი გამონაკლისის გარდა, გრიფიუსის ნაწარმოებები მხოლოდ გერმანულ ენაზე იყო ხელმისაწვდომი. მისი სტილის საილუსტრაციოდ თარგმნილ მოკლე ნაწყვეტებს თუ არ ჩავთვლით, გრიფიუსის ოთხი ისტორიული ტრაგედიიდან არცერთის სრული ინგლისური თარგმანი დღემდე არ გამოქვეყნებულა. იმედია, ჩემი ეს წინასიტყვა და „ქეთევან ქართველის“ სრული თარგმანი ახალ და უფრო ფართო აუდიტორიას გააცნობს გრიფიუსის ნოვაციებს დრამატურგიაში. იგი სამართლიანად იმსახურებს „გერმანული ლიტერატურული დრამის ფუძემდებლის“ ეპითეტს.

შესავალი

1616 წელი შეიძლება ლიტერატურის ისტორიაში შესულიყო წლად, როცა „ვეროპის ლიტერატურული გენიის“ ესტაფეტა დიდი ინგლისელი პოეტისა და დრამატურგის, უილიამ შექსპირისაგან (1564-1616) მე-17 საუკუნის გამოჩენილ გერმანულ პოეტსა და დრამატურგს, ანდრეას გრიფიუსს (1616-1664) გადაეცა, მაგრამ დინამიკური და ყოველგვარი წინასწარ დადგენილი ნორმებისაგან თავისუფალი შექსპირისაგან განსხვავებით, გერმანელი პოეტი მკაცრი ესთეტიკური კანონების ჩარჩოებში მოექცა, რაც მისი ლირიკული პოეზიის ინტენსიურობასა და სილალეს ზღუდავდა და გადაულახავ უფესკრულს წარმოქმნიდა მისი დრამატურგიის პერსონაჟებისა და მკითხველის გა-

მოცდილებას შორის. იმის გამო, რომ მან ვერ შეძლო დაერღვია მისი თანადროული კონვენციები და თავის შემოქმედებაში უნივერსალური მითოსური ელემენტები, უღრმესი ემოციები და ზოგადკაცობრიული პლასტები წარმოეჩინა, მისი ნაწარმოებები განწირული აღმოჩნდა გარკვეული ხანის ნიმუშებად შემორჩენილი ლიტერატურის ისტორიას: დღეს მათ მხოლოდ ბაროკოს სტილის საილუსტრაციოდ თუ მოიშველიებენ. თითქოს თვითონვე ესმოდა, რომ ადამიანური ტრაგედიის გამოსახვის მისეული მეთოდი შეზღუდული იყო — პოეტი თავის ისტორიულ დრამებს Tragödien-ს კი არ უწოდებდა, არამედ — Trauerspiele-ს (იხ. Walter Benjamin, Ursprung des deutschen Trauerspiels [1928] ed. Rolf Tiedemann [Frankfurt a.M. 1963], p.51). მიუხედავად ამისა, წინამდებარე ნერილში ჩვენი მსჯელობის გასამყარებლად მის Trauerspiele-ს ანუ „სევდიან პიესებს“ „ტრაგედიებად“ მოვიხსენიებთ. მართალია, გრიფიუსს არასოდეს ღირსებია ეივონელი ბარდის დარი აღიარება, მაგრამ თავისი ნოვატორული ტალანტითა და მრავალმხრივი ლიტერატურული მოღვაწეობით უნიკალური ადგილი დაიმკვიდრა გერმანული ლიტერატურის ისტორიაში. ვიდრე შემდგომი საუკუნის გერმანული პოეტი უფრო ღრმად ჩასწვდებოდნენ ზოგადად ადამიანური გამოცდილების სიღრმეებს და იმ ლიტერატურულ ფორმებს შეიმუშავედნენ, რომელთა საშუალებითაც უკეთ შეეძლოთ გადმოეცათ თავიანთი აზრები და ადამიანური ვნებანი, გრიფიუსი რჩებოდა გერმანული ლიტერატურის ნამყვან ფიგურად თავისი ლირიკით, ტრაგედიებით, კომედიებით, სამგლოვიარო მიძღვნებით, საოპერო ტექსტებით, ლათინურენოვანი ეპიკური პოეზიითა და ჰოლანდიური, ფრანგული და ლათინური ლირიკული, დრამატული და პროზაული ნაწარმოებების გერმანულენოვანი თარგმანებით.

პიომგრაფია

პოეტის სირთულეებით აღსავსე სიჭაბუკემ მწვავე რელიგიური და პოლიტიკური კონფლიქტების ფონზე ჩაიარა. სწორედ ამ წინააღმდეგობრივ და ქაოტურ პერიოდში ჩამოყალიბდა მისი წარმოდგენა სამყაროზე როგორც vanitas mundi-ზე, რაც მთელ მის შემოქმედებას დაედო საფუძვლად. გრიფიუსი დაიბადა გლოგაუში (სილეზია) ლუთერანი პასტორის ოჯახში 1616 წელს, ოცდაათწლიანი ომის (1618-48) დაწყებამდე ორი წლით ადრე. გრიფიუსი ადრეულ ასაკში დაობლდა — 5 წლისაც არ იყო, მამა რომ დაკარგა, დედა კი 12 წლისას გარდაეცვალა. მომდევნო 6 წლის მანძილზე იგი ჯერ უფროს ნახევარდასთან ერთად ცხოვრობდა, შემდეგ კი მასზე ლუთერანი პასტორები, მისი მამობილი და ნახევარძმა, ზრუნავდნენ. იმ დროს მთელ სილეზიაში რელიგიური ომი მძინვარებდა და სილეზიელ პროტესტანტებსაც ხან ერთ ქალაქში ავიწროებდნენ, ხანაც — მეორეში, რის გამოც ოჯახი ხშირად იძულებული იყო ქალაქიდან ქალაქში გადაბარგებულიყო. ასეთი რთული ვითარების მიუხედავად, გრიფიუსმა ლიტერატურული

ტალანტი ადრეულ ასაკშივე გამოავლინა. საკუთარი ევლოგიების საჯაროდ კითხვამ და პირველმა ლათინურენოვანმა ეპოსმა (Herodis Furiae et Rachelis Lachrymae, Glogau, 1634) თავიდანვე მოუხვეჭა ნიჭიერი შემოქმედის რეპუტაცია.

პოეტის ცხოვრებაში ახალი ხანა იწყება 1634 წლის ზაფხულში, როცა იგი სწავლას იწყებს დანციგის გიმნაზიაში ორწლიანი პროგრამით. იმავდროულად გრიფიუსი აღმზრდელ-პედაგოგად მუშაობს შოტლანდიური წარმომავლობის კათოლიკე პოლონელი ადმირალის, ელიგზანდერ სეტონის ოჯახში, სადაც ინტელექტუალური ატმოსფერო სუფევს და ახალგაზრდა პოეტს საშუალება ეძლევა მონაწილეობა მიიღოს იმ დროისათვის აქტუალურ რელიგიურ და პოლიტიკურ საკითხებზე გამართულ ხშირ დისკუსიებში.

გიმნაზიაში გრიფიუსი, ერთი მხრივ, აკადემიურ ცოდნას ეწევა, მეორე მხრივ კი ლექსების წერითა და დრამების თარგმნითაა გატაცებული: ამ პერიოდში შექმნა პირველი სონეტები, მეორე ლათინურენოვანი ეპოსი, რომელიც დანციგის საქალაქო სათათბიროს წევრებს მიუძღვნა (Dei Vindictis Impetus et Herodis Interitu), და გერმანულად თარგმნა იეზუიტ პოეტთა მათიას კაზიმირ სარბიევსკის, იაკობ ბიდერმანის და ბერნარ ბაუჰუსის — ლათინურენოვანი პოეზია. სავარაუდოა, რომ დანციგშივე დაიწყო შემოქმედებითი მუშაობა დრამატურგიის თანხაში, თარგმნა რა ფრანგი იეზუიტის ნიკოლას კოზინის „მარადიული დედა ანუ წმინდა ფელისიტა“ მისი Tragoediae Sacrae-დან (1621). დანამდვილებით შეიძლება ითქვას, რომ კოზინის მარტიროლოგიურმა ტრაგედია მწორედ იმხანად მოახდინა გრიფიუსზე ზეგავლენა, ვინაიდან იეზუიტი დრამატურგის ნაწარმოების საკუთარ ეგზემპლარზე (რომელიც დღემდე შემონახული) თვითონვე წაუწერია თარიღი — 1634. დაბოლოს, გრიფიუსის ლიტერატურული მოღვაწეობა დანციგში მთავრდება მესამე ლათინურენოვანი ეპოსის (Parnassus Renovatus, დანციგი, 1636) გამოქვეყნებით, რომელიც ეძღვნება მის მფარველსა და კეთილისმყოფელს, გეორგ შონბორნერს. მეტიც, ეს ტექსტი გრიფიუსის შემოქმედებით განვითარების ახალი, მნიშვნელოვანი ეტაპის დასაწყისს მოასწავებს, რომელიც შონბორნერის — ამ აღიარებული სწავლულის — მამულში გატარებულ ორ წელიწადს უკავშირდება.

შონბორნერის სამი ვაჟის ტუტორად მუშაობისას ახალგაზრდა პოეტზე ღრმა და ხანგრძლივ ზეგავლენას ახდენს სახელგანთქმული სკოლარის მსოფლმხედველობა. გრიფიუსმა გაითავისა შონბორნერის სამართლებრივი და პოლიტიკური შეხედულებანი; მისი გადაწყვეტილება, შეესწავლა იურისპრუდენცია და იურიდიული პრაქტიკისათვის მოეკიდა ხელი, დიდწილად სწორედ მისი ამ მენტორისა და მეგობრის ზეგავლენით იყო განპირობებული, რომელსაც მამასაც უწოდებდა და Dicaeus-საც. შონბორნერმა ნახაზისა მისი ახალგაზრდა მეგობრის ლიტერატურული მისწრაფებანი იმით, რომ გრიფიუსს სონეტთა პირველი კრებულის გამოცემისათვის (დაიბეჭდა ლისაში, პოლონეთში, 1637 წელს) აზნაურის ნოდება მიანიჭა და პოეტი-ლაურეატის (poet laureate) გვირგვინიც უბოძა (თვითონ შონბორნერს ეს პატივი წილად ხვდა ჰელმშტედტში, 1603 წელს). შონბორნერის მოულოდნელმა გარდაცვალებამ 1637 წელს ერთბაშად დაუსვა წერტილი გრიფიუსის ინტელექტუალური გამდიდრების ბედნიერ ხანას. შონბორნერის მამულიდან პოეტის გამგზავრებით მთავრდება მისი განვითარების წლები გერმანიაში.

1638 წელს ახალგაზრდა სილვენილი მიემგზავრება ჰოლანდიაში, რათა სწავლა განაგრძოს ლეიდენის უნივერსიტეტში, იმდროინდელი ევროპის ერთ-ერთ გამორჩეულ, კულტურულად მრავალფეროვან და ინტელექტუალურად მდიდარ საგანმანათლებლო ცენტრში. იგი უნივერსიტეტში 26 ივლისს ჩაირიცხა და სამართლის, მედიცინისა და ფილოსოფიის შესწავლას მიჰყო ხელი. იმავდროულად, გრიფიუსი კერძო პრაქტიკასაც ეწეოდა და ისეთ ნაირგვაროვან საგნებს ასწავლიდა, როგორცაა მეტაფიზიკა, მათემატიკა, ფილოსოფია, გეოგრაფია, პოეტიკა, ასტროლოგია, ანატომია და ქირომანტია (ხელისფულზე მკითხაობა). ლეიდენში



ჯენიფერ სტეკჰაუსი და ირაკლი ცხვედიანი

გატარებული დროის (1638-1644) მანძილზე გრიფიუსმა ხუთი პოეტური კრებული გამოაქვეყნა. მდიდარი, ტოლერანტული და ცოცხალი ინტელექტუალური ატმოსფერო ხელს უწყობდა მის პოლიტიკურ და ფილოსოფიურ შეხედულებათა ჩამოყალიბებას, რომლებსაც მოგვიანებით მის მხატვრულ ქმნილებებში შეესხა ხორცი. ლეიდენშივე დაამყარა ახალგაზრდა გერმანელმა ერუდიტმა მყარი კავშირები ისეთ ევროპულ სწავლულებთან, როგორც იყვნენ: გროტიუსი, სალმასიუსი, ბოქსჰორნი, ვოსიუსი და ჰეინზიუსი. მომავალი დრამატურგი პირველად აქვე ეზიარა პროფესიულ თეატრალურ სამყაროს: ამსტერდამის ახალი სახელმწიფო თეატრი ჰოლანდიაში მის ჩასვლამდე სულ რაღაც რამდენიმე თვით ადრე გაიხსნა. მოგვიანებით გრიფიუსის დრამატურგიაზე გავლენას მოახდენს ვონდელისა და ჰუფტის დრამები. მის ადრეულ გატაცებას ჰოლანდიური თეატრის ისიც მოწმობს, რომ მან გერმანულად თარგმნა ვონდელის De Gebroeders („შვილი ძმა ანუ გიბეონიტები“), რომელსაც საკუთარი პროლოგი და ეპილოგი დაურთო. სავარაუდოა, რომ ეს თარგმანი გრიფიუსმა ლეიდენშივე დაასრულა, თუმცა იგი პირველად მხოლოდ მისი გარდაცვალების შემდეგ, 1698 წელს გამოაქვეყნა მისმა ვაჟმა, ქრისტიანმა. მისი ვაჟის გადმოცემით, გრიფიუსს თითქმის დაუსრულებია ხუთმოქმედებიანი პიესა ამავე თემაზე, მაგრამ ხელნაწერი გამოქვეყნებამდე დაკარგულა. ვონდელის პიესის გრიფიუსისეული თარგმნილი ვერსია დაიდგა ბრესლაუში 1652 წელს.

ლეიდენის დატოვების შემდეგ გრიფიუსი მოგზაურობს ევროპაში — ჯერ პარიზს ეწვევა (1644-45), შემდეგ იტალიას (1645), ბოლოს კი სტრასბურგს (1646-47), საიდანაც ისევ მშობლიურ სილვეზიაში ბრუნდება. საფრანგეთსა და იტალიაში გრიფიუსი უშუალოდ ეზიარა ანტიკურ და თანამედროვე ხელოვნებას, ამ ქვეყნების დრამატურგიასა და თეატრს, რამაც ხელი შეუწყო მის შემოქმედებით აღმასვლას. ჩრდილოეთ იტალიის თეატრების ტექნოლოგიურმა მიღწევებმა, როგორც იყო მაგალითად სცენების/დეკორაციების სწრაფი მონაცვლეობა, უზარმაზარი შთაბეჭდილება მოახდინა მომავალ დრამატურგზე. ასე მაგალითად, „ქეთევან ქართველი“ პირველი გერმანული დრამაა, სადაც ვხვდებით საგანგებო მითითებებს სცენების/დეკორაციების არანაწილებასთან დაკავშირებით. სტრასბურგში ყოფნისას მის ნიჭს უკვე გამოცდილებაც ემატება; აქ გადაამუშავებს თავის სონეტებსა და ოდებს (1646) და, რაც მთავარია, წერს და აქვეყნებს პირველ დრამატურგიულ ქმნილებას: ტრაგედიას „ლეო არმენიუსი ანუ უფლისწულის მკვლელობა“ (1646). „ლეო არმენიუსის“ წინასიტყვაში გრიფიუსი პირველად ასხენებს თავის განზრახვას — დანეროს ტრაგედია ქართველი

დედოფლის, ქეთევანის მარტვილობის შესახებ. „ქეთევან ქართველი“ გრიფიუსმა დაასრულა შტეტინში ვიზიტისას, როცა სილვიუსმა ბრუნდებოდა 1647 წლის შემოდგომაზე, თუმცა ეს ნაწარმოები მხოლოდ 1657 წელს დაიბეჭდა.

გერმანიაში დაბრუნების შემდეგ გრიფიუსმა უარი თქვა პროფესიონალიზმზე ჰაიდელბერგის, ფრანკფურტისა და უქსალას (შვედეთი) უნივერსიტეტებში და არჩია Syndikus-ად (ოფიციალურ იურიდიულ მრჩეველად) ემსახურა მშობლიურ ქალაქ გლოგაუში. აქ გაატარა ცხოვრების დარჩენილი 14 წელიწადი და მთელი ეს დრო თანაბრად შეაღია საჯარო სამსახურსა და შემოქმედებით მოღვაწეობას. მისი გვიანდელი ნაწარმოებებიდან ყველაზე მნიშვნელოვანია Kirchoffs-Gedancken („ფიქრები სასაფლაოზე“), Dissertationes Funebres. Oder Leich-Abdankungen („ველოგიები“), და ბოლო სამი ტრაგედია: Carolus Stuardus ანუ მისი უდიდებულესობის მკვლელობა (1649, რევ. 1663); „კარდენიო და სელინდე ანუ უდიდლო მიჯნურები“ (1654?) და „გულმონყალე იურისტი ანუ მომაკვდავი ემილიუს პაულუს პაპინიანუსი“ (1659). გერმანული ბაროკოს დრამის დიდოსტატი, რომლის ზოგიერთი ნაწარმოებიც მე-17 საუკუნის გერმანული ლიტერატურის უმაღლეს მიღწევათა რიცხვს ეკუთვნის, გარდაიცვალა მშობლიური ქალაქის სათათბიროს სხდომაზე 1664 წლის 16 ივლისს. ეპითეტი „der Unsterbliche“ („უკვდავი“), რომელიც მას Fruchtbringende Gesellschaft-ში განევრიანებისას მიანიჭეს, ნათლად აჩვენებს, თუ რაოდენ მაღალ შეფასებას აძლევდა გრიფიუსის ღვაწლს მისი თანადროული საზოგადოება.

მიუხედავად იმისა, რომ გრიფიუსის ოთხივე ისტორიული ტრაგედია ერთი ცალკეული პიროვნების მარტვილობას გვიხატავს კონკრეტულ ისტორიულ-პოლიტიკურ კონტექსტში, ისტორიული მოვლენების მისეული, გულმოდგინედ დოკუმენტირებული რეკონსტრუქცია მაღალი რელიგიურ-ფილოსოფიური თუ მეტაფიზიკური ჭეშმარიტების ილუსტრირებასა და ქადაგებას ისახავს მიზნად. მისი დრამების ორმაგი სათაურები აუდიტორიასა თუ მკითხველს დრამის დუალისტური ფუნქციის კონდენსირებულ ფორმულას სთავაზობს — სათაურის ნახევარი ისტორიულ თემაზე მიანიშნებს, მეორე ნახევარი კი — იმ მეტაფიზიკურ სათქმელზე, რომლის გამოხატვასაც ავტორი დოკუმენტური ისტორიული მასალის დრამატიზაციით ახერხებს. ორმაგი სათაურის გამოყენება გერმანული ბაროკოს დრამის ემბლემატური ფორმის ტიპური ნიშანია. ისევე როგორც მე-17 საუკუნის ემბლემატურ ლიტერატურაში კონკრეტული სურათი თუ ემპირიული მასალა დაფარულ და იმავდროულად უფრო ამაღლებულ მეტაფიზიკურ ჭეშმარიტებას გადმოსცემდა, გრიფიუსიც კონკრეტულ ისტორიულ-პოლიტიკურ მოვლენას (pictura) მეტაფიზიკური შინაარსის (subscriptio) გამოსახატავად იყენებდა.

მისი პირველი ორიგინალური ტრაგედიის Leo Armenius oder Fürstenmord („ლეო არმენიუსი ანუ უფლისწულის მკვლელობა“) ორმაგ სათაურში, ერთი მხრივ, ისტორიული თემა — მე-9 საუკუნის ბიზანტიის იმპერატორის ლეო არმენიუსის ამბავი — იკვეთება, ხოლო მეორე მხრივ, მოცემულია კომენტარი ამ თემაზე, რომელიც ისტორიული მოვლენის სუბიექტურ ინტერპრეტაციას (დაგმობას) წარმოადგენს. ბოლო ორი ტრაგედიის ორმაგი სათაურები — Carolus Stuardus oder Ermordete Majestät („ჩარლზ სტიუარტი ანუ მისი უდიდებულესობის მკვლელობა“) და Großmütiger Rechts-Gelehrter oder Sterbender Aemilius Paulus Papinianus („სახელგანთქმული იურისტი ანუ მომაკვდავი ემილიუს პაულუს პაპინიანუსი“) — არამარტო ისტორიულ-პოლიტიკურ მოვლენებს აირეკლავს, არამედ ამ მოვლენათა მეტაფიზიკურ შეფასებასაც. გრიფიუსის მეორე ორიგინალური ტრაგედიის — Catharina von Georgien oder Bewehrte Beständigkeit („ქეთევან ქართველი ანუ გაუტეხელი სიმტკიცე“) — ორმაგი სათაურიც ჯერ ისტორიულ-პოლიტიკურ მოვლენაზე მიგვანიშნებს 1624 წელს სიკვდილით დასჯილი ქართველი დედოფლის ხსენებით, შემდეგ

კი — ამ მოვლენის მეტაფიზიკურ განზომილებაზე. ამ ტრაგედიის სკრუპულოზური ანალიზი ნათელს ფენს იმ დრამატურ-გიულ მეთოდსა და მხატვრულ კონცეფციას, რომელიც გრიფიუსის ოთხივე ისტორიულ ტრაგედიას უდევს საფუძვლად. „ქეთევან ქართველის“ შინაარსისა და სტრუქტურის კვლევისას გასათვალისწინებელია გრიფიუსის ემბლემატური პრინციპი, ვინაიდან ტრაგედიის შეფასება დამოკიდებულია არამარტო პიესაში წარმოსახული კომპლექსური ისტორიულ-პოლიტიკური ინფორმაციის (pictura) გაგებაზე, არამედ — იმ მეტაფიზიკური სათქმელის ამოკითხვაზეც, რომლის გადმოცემასაც დრამატურგი ისტორიული ფაქტის დეტალური და, მისი აზრით, ზუსტი ასახვის საშუალებით იმედოვნებდა.

ისტორიის რეპრეზენტაცია „ქეთევან ქართველი“

დიდი ხნის მანძილზე ლიტერატურის კრიტიკოსები უგულვებლყოფდნენ იმ ესთეტიკურ პრობლემებს, რომლებიც გარდუვალად წამოიჭრება იმ შემთხვევებში, როდესაც გრიფიუსი კიდევ უფრო განავრცობს ისედაც ვრცელ დრამატულ მონოლოგებს მათში ისტორიულ-პოლიტიკური ფონის შესახებ დეტალური შემაჯამებელი ინფორმაციის შეტანით. გრიფიუსს სჯერა, რომ ისტორიული რეალობის ზუსტი გადმოცემა დრამატულ ტექსტში აუცილებელი წინაპირობაა უფრო მაღალი ჭეშმარიტების გამოსახატავად, რაზეც კონკრეტული ისტორიული ფაქტების ავთენტურობის დასადასტურებლად მის მიერ გამოყენებული უამრავი სქოლიოც მეტყველებს. ამგვარი სქოლიოები/შენიშვნები მის ყველა ისტორიულ ტრაგედიას თან ერთვის. მიუხედავად იმისა, რომ გრიფიუსი — ნახევრად ისტორიკოსი და ნახევრად დრამატურგი — „ქეთევან ქართველის“ მკითხველსაც აწვდის დამატებით ინფორმაციას პიესაში გამოყენებული მრავალი კონკრეტული ისტორიული დეტალის შესახებ, ეს ერთადერთი ისტორიული დრამაა, რომელშიც არ გვხვდება მინიშნება ავტორის ძირითად წყაროზე. ამკარაა, რომ „ქეთევან ქართველი“ გრიფიუსი ეყრდნობოდა მე-17 საუკუნის ნარატივს („Histoire de Catherine Reyne de Georgie et des Princes Georgiens, mis à Mort par commandement de Cha-Abas Roy de Perse“), რომელიც შეტანილია C.M. Sieur de St. Lazare-ს (კლოდ მალენგრი; Claude Malingre, 1580-1653) მოკლე ბიოგრაფიათა კრებულში Histoires tragiques de notre temps (პარიზი, 1635). ეს წყარო დეტალურად აღწერს პოლიტიკურ ვითარებას და ზუსტად განმარტავს, თუ როგორ აღმოჩნდა ქართველი დედოფალი შაჰ აბასის ტყვეობაში და საბოლოოდ როგორ იქცა მის მსხვერპლად. როცა გრიფიუსი იმეორებს ამ ინფორმაციას დემეტრესა (Demetrius) და ქეთევან დედოფლის დრამატულ მონოლოგებში, ის ან ვარაუდობს, რომ აუდიტორია (მკითხველი) უკვე იცნობს ქართულ-სპარსულ-რუსულ პოლიტიკურ ურთიერთობათა მთელ სირთულეებს 1624 წლამდე, ანდა მიაჩნია, რომ მის მიერ გამოყენებული ისტორიული მასალაც საკმარის ინფორმაციას მიაწვდის მას. რაოდენ საფუძვლიანიც უნდა ყოფილიყო ორივე ვარაუდი მე-17 საუკუნეში, თანამედროვე მკითხველი შეიძლება დააბნოს ჩახლართულმა მკვლელობებმა, უცნობმა გეოგრაფიულმა ტერმინოლოგიამ და საერთაშორისო პოლიტიკურმა ინტრიგებმა, რომლებიც, რაოდენ ირონიულადაც უნდა შევხედვს, სწორედ მაშინ იხლართება, როცა დრამატურგი ცდილობს ნათელი მოჰფინოს იმ ისტორიულ ფაქტებს, სიუჟეტს რომ უდევს საფუძვლად. იმის საილუსტრაციოდ, რომ გრიფიუსი ცდილობდა დაეცვა სიზუსტე ისტორიული ფაქტების დრამატულ მონოლოგებში ჩართვისას, უპრიანი იქნება, მოკლედ მიმოვიხილოთ ქეთევან დედოფლის ცხოვრებისა და მონაგებრივი აღსასრულის ისტორიულ-კულტურული ფონი, რომელიც აღწერილია ტრაგედიის უმთავრეს წყაროში.

ისტორიული წყარო

სენ-ლაზარის (Saint-Lazare) ისტორიული ნარატივის წინამდებარე მიმოხილვის მიზანია, „ქეთევან ქართველის“ მკითხველს გააცნოს ის გეოგრაფიული ტერმინოლოგია და ისტორიული ფიგურები, რომლებიც გრიფიუსმა უშუალოდ ამ წყაროდან ისესხა. ამ მიმოხილვის მიზანი არ არის დაადგინოს სენ-ლაზარისა თუ გრიფიუსისეული მონათხრობის სიზუსტე თანამედროვე ისტორიული მეცნიერების თვალსაზრისით; ის არც ქეთევან დედოფლის გაქცევის მცდელობისა და სიკვდილით დასჯის მისეულ დეტალურ აღწერას შეიცავს. უნდა აღინიშნოს, რომ გრიფიუსი ინფორმაციას ისტორიულ-პოლიტიკური ფონის შესახებ ორ ნაწილად ჰყოფს: იმ მოვლენების შესახებ, რომლებიც ქეთევანის დატყვევებამდე მოხდა, თვით დედოფალი მოუთხრობს რუსეთის ელჩს მესამე მოქმედებაში, ხოლო მისი დატყვევების შემდგომ მომხდარ მოვლენათა შესახებ დედოფალს ქართველი ელჩი აუწყებს პირველ მოქმედებაში. შესავლის შემდეგ, სადაც შაჰ აბასის „უზნეო და სასტიკი ვნება“ დედოფლისადმი შედარებულია ისეთ ცნობილ მიჯნურთა ავბედით და საბედისწერო გრძნობებთან, როგორცაა სემირამისი, პარისი, თეოდორიხი და სხვ., სენ-ლაზარის თხრობას გეოგრაფიული მდებარეობის აღწერით განაგრძობს. მისი გადმოცემით, საქართველო ოთხი სამეფოსაგან შედგება. თუმცაღა სენ-ლაზარის მიერ აღწერილი მოვლენები ამ სამეფოთაგან მხოლოდ ორში ხდება — ტეფლისა (Teflis) და ივერიაში (Yuerie; ეს უკანასკნელი ასევე „გურჯისტანადაც“ (Gurgistan) მოიხსენიება, ზოგჯერ კი სენ-ლაზარეცა და გრიფიუსიც მას უბრალოდ „საქართველოს“ (Georgia) უწოდებენ). (უნდა აღინიშნოს, რომ ტეფლისი, ფაქტობრივად, სამეფო კი არ იყო, არამედ — ქალაქი. ამ ქალაქი 1938 წლიდან „თბილისი“ (Tbilisi) ჰქვია და დღესდღეობით საქართველოს დედაქალაქია). სენ-ლაზარი აღნიშნავს, რომ მათი მდებარეობის გამო, ტეფლისი თურქეთის გავლენის სფეროს წარმოადგენდა, ხოლო ივერია (გურჯისტანი) — სპარსეთისას.¹ ქეთევან დედოფლის ცხოვრების რეგიონულ პოლიტიკურ ფონს ამ მომცრო ქრისტიანულ სამეფოებსა და მძლავრ მეზობელ მაჰმადიანურ სახელმწიფოებს შორის გამუდმებული ბრძოლა ქმნის (მიუხედავად იმისა, რომ სენ-ლაზარი და, აქედან გამომდინარე, გრიფიუსიც ამ ქრისტიანული სამეფოების მეთაურებს „მთავრებად“ (duke) მოიხსენიებს, ისინი, ფაქტობრივად, სახელმწიფოებს ედგნენ სათავეში და მეფის ტიტულს ატარებდნენ). იმ დროს, როცა თურქეთს აჰმედი, სულთან ოსმანის მამა, განაგებდა, ხოლო სპარსეთს — შაჰ აბას I, მთავარი სიმონი, უფლისწულ ალოვასას (Alovassa)² მამა, მართავდა ტეფლისს. მთავარი ალექსანდრე, უფლისწულების, კონსტანტინესა და დავითის მამა, მართავდა ივერიას. მთავარი სიმონი, რომელიც არ დაემორჩილა თურქებს, დამარცხდა მათთან ბრძოლაში და მის ვაჟთან, ალოვასასთან ერთად ტყვედ წაიყვანეს კონსტანტინონოპოლისი, სადაც იგი მოწამლეს. რამდენადაც ალოვასა ამ დროს მცირეწლოვანი იყო საიმისოდ, რომ მმართველობა თავის თავზე აეღო, სულთანმა იგი ტეფლისს მეურაბის (Meurab)³ თანხლებით წარგზავნა (სენ-ლაზარის კვალობაზე, გრიფიუსი ტეფლისის მმართველს [მოურავს] მოიხსენიებს როგორც მეურაბს (Meurab), თუმცაღა დადგენილია, რომ ამ მმართველის სახელი გიორგი სააკაძე იყო). როგორც ტეფლისის რეგენტმა, მეურაბმა დიდი სახელი მოიხვეჭა ბრძნული და სამართლიანი მმართველობით. თურქთა ქმედებების პასუხად შაჰ აბასი შეეცადა, ტეფლისი თავისი ჰეგემონიის ქვეშ მოექცია, ვინაიდან შიშობდა, რომ ამ პატარა სამეფოს შეიძლება აღიანისი შეეკრა თურქეთთან. სიმონის ხვედრის თავიდან ასაცილებლად მთავარი ალექსანდრე დათანხმდა, შაჰ აბასის მოკავშირე გამხდარიყო და მამინ მას მოსთხოვეს, მისი ვაჟი კონსტანტინე წარგზავნა სპარსეთში მძევლად. სპარსეთში კონსტანტინემ მაჰმადიანობა მიიღო, რის გამოც მამამისმა, მთავარმა ალექსანდრემ ივერიის ტახტის მემკვიდრედ მის ნაცვლად მისი ძმა, დავითი გამოაცხადა. დავითმა ცოლად შეირთო ქეთევანი. მათმა ვაჟმა, თამარასმა (Tamaras),⁴ მიუხედავად

იმისა, რომ იგი შაჰ აბასის ბრძანებით მძევლად იქნა სპარსეთს გაგზავნილი, შეინარჩუნა ქრისტიანული რწმენა. მამამისი ალექსანდრე და მისი ძმა დავითი სპარსეთში მიენვია, მოეკლა ისინი, ალედგინა თავისი კანონიერი უფლება ივერიის ტახტზე, სახლში ლაშქრით დაბრუნებულიყო და თავისი მიწაწყობის დაპყრობის შემდეგ ცოლად შეერთო მისი ძმის ქვრივი, ქეთევანი. კონსტანტინე დათანხმდა შაჰის წინადადებას და მამა და ძმა სიცოცხლეს გამოასალმა, რის შემდეგაც შაჰ აბასს მოუხდა იმ ქართველ მეომართა დაშორება, რომელნიც თან ახლდნენ სპარსეთში ალექსანდრესა და დავითს. შაჰმა ეს იმით მოახერხა, რომ ოჯახური კონფლიქტი ზედმეტ ღვინის სმას გადააბრალა. ამის შემდეგ კონსტანტინე ივერიის დასაპყრობად გაემურა არამარტო იმ 4 ათასი მეომრით, რომლებიც მამამისსა და მის ძმას ახლდნენ სპარსეთში, არამედ ასევე დამატებით 15 ათასი სპარსი მეზობლით. ქეთევანმა, რომელიც წინასწარ იყო ინფორმირებული ამ ლაშქრობის შესახებ, შეჰყარა 10-დან 12 ათასამდე მეომარი და თავისი ჯარი იმ ვიწრო გასასვლელში განლაგდა, რომელიც კონსტანტინეს უნდა გაეგლო ივერიაში მოსახვედრად. როცა მათი შეხვედრა შედგა, ქეთევანმა გაკვირვება გამოთქვა იმის გამო, თუ რაში სჭირდებოდა კონსტანტინეს იმ მიწაწყობის დაპყრობა, რომელიც მას ისედაც კანონიერად ეკუთვნოდა, და ისიც მიანიშნა, რომ შეიძლებოდა მისი ცოლიც გამხდარიყო. კმაყოფილი კონსტანტინე თავის ჯარს უბრუნდებოდა, როცა ქეთევანის მეომრებმა მას ზურგში ისარი ესროლეს. სპარსელებსა და გაერთიანებულ ქართულ ჯარს შორის მძვინვარე ბრძოლა გაიმართა, რომლის დროსაც ქართველებმა სპარსელებს თითქმის მთლიანად გააგვლეს მუსრი. შაჰ აბასმა ამ მოვლენით გამოწვეული მრისხანება დამალა და უფლისწული თამარასიც კი დააბრუნა ივერიის სამართავად, თანაც ქეთევანს შესთავაზა, მისი ვაჟი რაც შეიძლებოდა სწრაფად დაექორწინებინა. დაუჯერა რა შაჰ აბასის ნათქვამს, რომ მან სამართლიანად იძია შური ქმრისა და მამამთილის მკვლელობისათვის და ივერიას ახლა შეეძლო სპარსეთთან მშვიდობიანი თანაცხოვრება, ქეთევანი სარძლოს ძებნას შეუდგა. შეარჩიეს ტეფლისელი სადედოფლო და ახალგაზრდა ქალიც დათანხმდა თამარასს მითხოვებოდა, მაგრამ ალოვასამ, ტეფლისის მმართველმა, ამავე ქალის ცოლად შერთვა მოინადინა, რამაც დიდი ქიშპი გამოიწვია. სასძლომ, რომელსაც სურდა თამარასს მითხოვებოდა, მაგრამ ამავე დროს ვალდებულებები გააჩნდა ალოვასას წინაშე როგორც მის ქვეშევრდომს, თავი ციხესიმაგრეს შეაფარა და გამოაცხადა, რომ იმ უფლისწულს მითხოვდებოდა, რომელიც მას ბრძოლით მოიპოვებდა. აბასმა მარჯვედ ისარგებლა ამ ვითარებით და ფარულად ორივე მხარეს აქეზებდა და მხარს უჭერდა. ბრძოლის დღეს ალოვასამ წერილი გაუგზავნა თამარასს, სადაც იგი სინაზულს გამოთქვამდა, რომ მათი დაპირისპირება დაასუსტებდა ქრისტიანულ სამეფოებს ისედაც ძლევამოსილი მაჰმადიანი მეზობლების სახეიროდ. იგი განმარტავდა, რომ ბრძოლაში მხოლოდ შაჰ აბასის პირადი მოთხოვნით ებმებოდა და არა მხოლოდ — ქალის სიყვარულის გამო. რამდენადაც შაჰ აბასისაგან მხარდაჭერის პირობა თამარასსაც ჰქონდა მიღებული, იგი მიხვდა, რომ შაჰ აბასი ორმაგ თამაშს თამაშობდა და, ამდენად, აჯობებდა, თუ ორივე უფლისწული დაპირისპირებას თავიდან აიცილებდა და კონფლიქტს მშვიდობიანად მოაგვარებდა. თამარასმა შეირთო პრინცესა და ორივე სამეფომ უფრო მჭიდრო კავშირი დაამყარა თურქეთთან. შაჰ აბასის გასამასხრებლად სულთანმა სპარსეთს ელჩი გააგზავნა, რათა მას შაჰ აბასთან გაერკვია, ქართული სამეფოები თურქეთისაკენ იხრებოდნენ თუ სპარსეთისაკენ. შაჰ აბასმა, რომელმაც არაფერი იცოდა ახალი თურქულ-ქართული ალიანსის შესახებ, მათი ერთგულების დასამტკიცებლად ორივე უფლისწულს ჯარების სპარსეთში გაგზავნა მოთხოვა. მათმა უარმა, რაც ქართულ სამეფოთა პოზიციას ცხადყოფდა, შაჰ აბასი ძალიან დაამცირა და მან გადაწყვიტა, დაუყოვნებლივ დაეპყრო საქართველო. ალოვარდ ხანი (Alovard) და ყორჩი ბაში (Courchi Bachi; გრიფიუსთან — Curtzi Bassi), ის მრჩეველები,

რომელთაც ურჩიეს შაჰს პირადად არ მიელო მონაწილეობა ამ დაპყრობით ლაშქრობაში, სასტიკად დაისაჯნენ: პირველი მათგანი შაჰმა მოწამვლინა, მეორე კი გაამათრახებინა, ხოლო მისი ცოლისათვის თითები მოაგლეჯინა. ამის შემდეგ აბასი ივერიისაკენ გაეშურა. მას ქეთევანი დახვდა იმავე ეინრო გასასვლელში, სადაც კონსტანტინე მოკლეს. ამასობაში თამარასმა და მისმა ცოლმა ტეფლისს შეაფარეს თავი. ქეთევანის დანახვაზე შაჰ აბასმა რისხვა დაიციხრო და დედოფალს გაუმიჯნურდა, თანაც არწმუნებდა, რომ საქართველოს საფრთხე არ ემუქრებოდა და მოითხოვდა, ორმოცდაათი ქართველი დიდებული გამოცხადებულიყო მასთან ზავის დასადებად. დიდებულები მართლაც ეახლნენ შაჰს, თუმცა ისინი წვეულებაზე ამოხოცეს, დედოფალი კი დაატყვევეს. თამარასის ძიებაში აბასი ტეფლისს მიადგა. როცა მის შესახებ ვერაფერი ალოვასა და მეურაბი გაეშურნენ, შაჰმა ორივე დაატყვევა. აბასმა საქართველოს სამეფო დინასტიის უფროსი მემკვიდრე, რომელიც ისლამზე მოქცეულიყო, საქართველოს ახალ მმართველად დანიშნა. ალოვასა და მეურაბი, ამ უკანასკნელის ცოლსა, ვაჟსა და ასულთან ერთად ტყვედ წაასხეს სპარსეთში. იქ აბასმა მონამლა ალოვასა და, უხვი დაპირებებით დაიყოლია მეურაბი, ისლამი მიელო, მაშინ, როცა მეურაბის ცოლსა და შვილებს მეურაბისავე თანდასწრებით ნამუსი აჰხადა. როცა მეურაბის გამაჰმადიანებიდან კარგა ხანი გამოხდა და შაჰ აბასი უკვე დარწმუნდა, რომ მისი ბოლომდე ნდობა შეიძლებოდა, შაჰმა შესთავაზა მას სათავეში ჩასდგომოდა უზარმაზარ არმიას, რომელსაც საქართველოზე უნდა გაელაშქრა ორი მიზნით: 1. თან ხლებოდა შაჰის ასულს, რომელიც ცოლად უნდა გაყოლოდა ადგილობრივ მარიონეტ მმართველს; 2. ქართველებზე შურის საძიებლად მათგან მოყენებული შეურაცხყოფებისათვის შეეპყრო ყველა ქრისტიანი, გაემიძღვებინა ისინი და ერთმანეთზე ჯავჭავი გადაბმულნი წაესხა სპარსეთს, სადაც ისინი ასეთი არჩევანის წინაშე დადგებოდნენ — ან გამაჰმადიანება ან სიკვდილი. მეურაბი, რომელმაც არ იცოდა, რომ შაჰ აბასმა მისი მოკვდინების ბრძანებაც გასცა, გაუძღვა ლაშქარს საქართველოსაკენ, სადაც იგი ახსოვდათ კარგი მმართველობისათვის და ამიტომაც გულლიად და ხელგაშლით დახვდნენ. მეურაბმა პირობა მისცა ქართველებს, რომ მათ ზიანს არ მიაყენებდა და ამიტომაც განრისხდა, როცა ერთ-ერთმა სპარსმა საყრდამმა რამდენიმე ქართველი დიდებული მოკლა. შეიტყო რა, რომ სპარსი სარდალი შაჰის ფარული ბრძანებით მოქმედებდა, მეურაბი მიხვდა, რომ თვითონაც შეიძლებოდა აღმოჩენილიყო შაჰის ასეთი ორმაგი თამაშის მსხვერპლი. ამიტომაც მან შაჰის ბრძანება ქრისტიანების გადასახლებაზე დაკავშირებით ქართველ დიდებულთა ერთ ჯგუფს გაანდო და მათთან ერთად სპარსელთა განადგურების გეგმაც შეიმუშავა. მეურაბმა გეგმა წარმატებით აღასრულა და შაჰს წერილი გაუგზავნა, სადაც იგი ორპირობაში დაადანაშაულა, საკუთარი თავი კი ღვთის სამართლის აღმასრულებელ იარაღად გამოაცხადა, რომელსაც უნდა დაესაჯა იგი მის უზნეო ქმედებათათვის. აბასი უკიდურესად გამამძინვარა მოვლენათა ასეთმა განვითარებამ, მაგრამ იძულებული გახდა ხელი აეღო ქართველ ქრისტიანთა ჩაგვრაზე და საქართველოსთვის თავი დაენებებინა. საქართველოში მეურაბმა სპარსი სარდლების მოკვეთილი თავები სარებზე წამოაგებინა და წვეულებაზე შემოატანინა, სადაც თითოეული თავი გაკიცხა სადღეგრძელოებში მათ მიერ ჩადენილ ბოროტ საქმეთა გამო. მეურაბმა შეუთავალა თამარასს, დაბრუნებულიყო და საქართველოს მმართველობა ხელში აეღო, მაგრამ დევნილობაში მყოფი უფლისწული მხოლოდ მას შემდეგ დაბრუნდა, რაც მეურაბის შემთავაზების გულწრფელობაში დარწმუნდა. მაშინ მეურაბი თამარასთან ერთად კონსტანტინოპოლს გაეშურა და სულთანს მოკავშირეობა შესთავაზა. მეურაბი თურქეთში დარჩა და თურქებს ეხმარებოდა სპარსეთის წინააღმდეგ ბრძოლაში. სენ-ლაზარი თავის მონათხრობს ამთავრებს ვრცელი აღწერით იმ ამბისა, თუ როგორ შეეცადა თამარასი ტყვეობიდან გამოეხსნა დედა, რაშიც მას რუსეთის ელჩიც უწყობდა ხელს, გადმოგვცემს მამაცი დედოფლის სულიერ სიმტკიცეს და მის მონამბრევი აღსასრულს.

სენ-ლაზარის ისტორიულ ცნობებში ასახული ზემოთაღწერილი ყველა მოვლენა გვხვდება ან თვით გრიფიუსის დრამატულ ტექსტში, ანდა „ქეთევან ქართველისათვის“ თანდართულ შენიშვნებში. დრამატურგის მისწრაფება ისტორიული სიზუსტის დაცვისაკენ ნათლად წარმოაჩენს მის მრწამსს, რომ რეალურ ისტორიულ მოვლენებში თავს იჩენს თეოლოგიური პრინციპები და მეტაფიზიკური ჭეშმარიტებანი. სწორედ ქეთევან დედოფლის ცხოვრებასა და მონამბრევი აღსასრულთან დაკავშირებული კონკრეტული მოვლენების ამ მეტაფიზიკურმა საზრისმა შთააგონა გრიფიუსს, შეექმნა დრამატული ნაწარმოები.

მსახვრული დრამატიზაცია და მეტაფიზიკური ჭეშმარიტების გამოთქმა

გრიფიუსი თავისი პირველი დრამის Leo Armenius-ის შესავალს მიზნების შემდეგნაირი ფორმულირებით იწყებს: „რამდენადაც მთელი ჩვენი ერი საკუთარ თავს თავისსავე ფერფლში იმარხავს და ამოების თეატრად გადაქცეულა, მე ვალდებულად ვრაცხ თავს, წარმოგიდგინოთ ადამიანურ საქმეთა წარმავალობა ამ და რამდენიმე მომდევნო ტრაგედიაში.“ ამიტომაც გასაკვირი არაა, რომ „ქეთევან ქართველი“ იწყება მარადისობის ფიგურის დაშვებით ზეციდან მოკვდავთა სცენაზე (Theatrum Mundi), რათა მოკვდავთ აუწყოს ამსოფლიური ყოფის ამოების შესახებ (Vanitas Mundi), რითაც პიესა იმთავითვე იმ მეტაფიზიკურ ჭეშმარიტებას გამოხატავს, რომელსაც აუდიტორია ქეთევან დედოფლის მარტვილობის დრამატიზაციის საშუალებით უნდა ეზიაროს. მარადისობა აფრთხილებს აუდიტორიას, რომ ამქვეყნიური არსებობა ამაოა, ადამიანის ყოველი მისწრაფება განდიდებისაკენ კი — ილუზორული და ფუჭი, რის მაგალითადაც იკაროსის ამბავი მოჰყავს. ორივე — ტრაგედიის გმირი, დედოფალი ქეთევანი და ტირანი შაჰიც — ძალაუფლების უკუღმართობათა მსხვერპლი ხდება გრიფიუსის დრამაში, მაგრამ საბოლოოდ ისტორიულ მოვლენათა პოეტისეული რელიგიურ-პოლიტიკური ინტერპრეტაცია განსაზღვრავს იმ როლებს, რომლებსაც პოეტი მათ მიაკუთვნებს. ქეთევანი თმობს ტახტს, ქვეყანასა და სიცოცხლეს თავისი რელიგიური და პოლიტიკური მრწამსისათვის, მაგრამ ამგვარი მეთოდისეული ქრისტიანული თავისუფლების გამოვლენით იგი ნამებულის, მარტვილის სტატუსამდე მალღდება. აბასი, რომლის ცეცხლოვანი ვნება და თვითდისციპლინის ნაკლებობა ამქვეყნიურ უკონტროლო, ტირანულ ძალაუფლებას განასახიერებს, ათვალსაჩინოებს ნებისმიერი იმ ქმედების ამოებას, რომელიც უგულვებლყოფს და არღვევს ღვთიურ და ადამიანურ კანონს, ვინაიდან იგი სცენას ტოვებს როგორც ღვთაებრივი შურისგებისა და ადამიანთა ზიზლის საგანი. როცა მარადისობა ამ წარმავალი სამყაროდა თავის მარადიულ ზეციურ საუფლოში ბრუნდება, იგი აჯამებს სანიმუშო ღვაწლსა და გამარჯვებას ქეთევან დედოფლისა, რომელმაც გმირულად გაუძლო ამქვეყნად მისთვის მოვლენილ განსაცდელს და მარადიულ დიდებას ეზიარა:

მშვიდობით, მოკვდავთა თეატრო!
 მე ისევ ავმალდი ჩემს ტახტზე.
 ღირსეული დედოფალი მე თან მომყვება;
 ის უკვე ჭვრეტს უფრო მაღალ საუფლოს,
 ის ბორკილებშიც თავისუფალი იყო და არ იყო
 მიჯაჭვული მიწიერ საგნებს,
 იბრძოდა და იტანჯებოდა ეკლესიისთვის,
 ტახტისათვის, ქვეშევრდომთათვის.
 თქვენც, ვინც ასეთივე მაღალი იდეალებით ცხოვრობთ,
 გაძულდეთ მასავით ის, რაც ნუთისოფელში ხდება,
 მასავით უდრეკად გაიღეთ სისხლი,
 იცხოვრეთ და მოკვდით ღვთისათვის,
 ღირსებისათვის, მამულისათვის.
 (I, 81-88)⁵

ტირან შაჰ აბასის საპირისპირო ბედი აფრთხილებს აუდიტორიას, თუ რა საშინელება დაატყდება თავს მას, ვინც უგულვებელჰყოფს მორალურ კანონს, რელიგიურ ტოლერანტობას თუ პოლიტიკურ თავისუფლებას, რადგანაც იგი დაგმობილი იქნება როგორც ღვთის, ასევე კაცთა მიერ. შაჰის მიერ მოკლულ უფლისწულთა ქორო მიმართავს ღმერთს, განაჩინოს ღვთიური სამართალი და შური იძიოს შაჰზე:

**ო, მსაჯულო ამ სამყაროსი! ნუგეშო უფლისწულთა!
რამდენ ხანს უნდა იცადო კიდევ?
დროის ჯიბრზე, ჯიბრზე ღვთაებრივი სამართალისა,
სისხლისმსმელი კვლავ არხეინად, მორჭმით ზის ტახტზე.
ნუთუ, უფალო, არ გაიღვიძებ,
რომ ბოლო მოუღო მის სისასტიკეს და მძვინვარებას?
ნუთუ შურს არ იძიებ ჩვენი მოკვდინებისთვის?
ნუთუ სამართალს აღარ განაჩენ?
ნუთუ ამდენი ტანჯვა-ნამება
შენს გულს აღარ ეკარება, დიდო მსაჯულო?
ნუთუ დაუშვებ, რომ ერთი კაცის ნებასურვილით
მთელი სამეფოები ჩაიხრჩოს სისხლში?
შური იძიე, დიდო მსაჯულო!
გამოიღვიძე! მაღალო ღმერთო, გამოიღვიძე!
გამოიღვიძე! გამოიღვიძე!
იძიე შური! იძიე შური! იძიე შური!**

(II, 401-416)

ფინალურ სცენაში ნაჩვენებია ქეთევანის სიკვდილით დასჯის შემდეგ შიშით შეპყრობილი და გონარეული შაჰ აბასი — ეს არის, ალბათ, პერსონაჟის ემოციების ყველაზე დამაჯერებელი და რეალისტური აღწერა გრიფიუსის მთელს ორიგინალურ (ანუ, არა ისტორიული წყაროებიდან ადაპტირებულ) დრამატურგიულ შემოქმედებაში. შაჰის სინდისის ქენჯნა და გაუზიარებელი ვნება გარდაცვლილი დედოფლისადმი იწვევს აჩრდილის გამოჩენას, რომელიც გამოვს მას და უწინაწარმეტყველებს დიდ უბედურებას მინიერ ცხოვრებაში და მარადიულ წყევლას სიკვდილის შემდეგ:

**ტირანო! ზეცა ესწრაფვის შენს განადგურებას.
უფალი შეისმენს უმანკოდ დაღვრილი სისხლის ღაღადს.
შენი დაფნის გვირგვინი დაჭკნება!
შენს დაპყრობებს ბოლო მოეღო.
შენი ფუჭი დიდება გაქარწყლდება! სიკვდილი უკვე მოიწვევს
შენკენ, წყეულო. და მაინც, ვიდრე მოკვდები,
შენ იხილავ შენს სპარსეთს ომის ქარცეცხლში გახვეულს,
შენს სახლულს კი — განხეთქილების შხამით მოწამულს,
ვიდრე, ჩვილთა მკვლელ და სისხლის აღმრევო,
აუტანელო მტერთათვისაც, მეგობრისთვისაც, შენს სიცოცხლეს,
საშინელი ჭირით შემუსრულს, გადააბარებ მსაჯულს ყოველთა.
(V, 431-40)**

სენ-ლაზარის ისტორიული ნარატივის გრიფიუსისეული მხატვრული ინტერპრეტაცია იმ მორალურ იმპერატივს ეფუძნება, რომელსაც დრამატურგი ფრანგი მემატინის ისტორიულ ქრონიკაში ხედავს. გრიფიუსის თვალსაზრისით, ეს არის დიამეტრული ოპოზიცია, შეურიგებელი წინააღმდეგობა ქეთევანის მარტვილობასა და შაჰ აბასის მარადიულ წყევლას შორის. „ქეთევან ქართველი“ ამ მორალური იმპერატივის მხატვრული ხორცშესხმით დრამატურგი აფრთხილებს მაყურებელს, რომ საკუთარ ცხოვრებას უჭვრიტოს *sub specie aeternitatis*. ამ მიზნის მისაღწევად ავტორი მიმართავს ენის სიღრმისეულ შრეებს, იყენებს მხატვრულ სახეებს, ტექნიკასა და ნოვატორულ დრამატულ ფორმებს, რომელთა წყალობითაც „ქეთევან ქართველი“, ისევე როგორც გრიფიუსის სხვა ორიგინალურმა ტრავედიებმა, ადგილი დაიმკვიდრა როგორც მე-17 საუკუნის გამორჩეულმა ლიტერატურულმა მიღწევამ გერმანიაში. დღევანდელი თვალთახედვით ეს დრამა წარმოადგენს მე-17 საუკუნის ლიტერატურული ფორმების ერთგვარ კომპენდიუმს, რომელიც მხატვრულადაა ხორცშესხმული 30-წლიანი ომით გაპარტახებულ და დაქუცმაცებულ გერმანიაში გავრცელებული იდეები და წარმოდგენები ისტო-

რიის, გეოპოლიტიკის, რელიგიური და სოციალური/მორალური საკითხების შესახებ. გრიფიუსის თანამედროვენი ადეკვატურად აღიქვამდნენ ავტორის ძირითად სათქმელს — ტრაგედიის მაშინდელი მრავალრიცხოვანი დადგმები მის ადრეულ პოპულარობაზე მიანიშნებს. პირველი წარმოდგენა საზოგადოებას შესთავაზა ჯოლიფოუსის მოგზაურმა თეატრალურმა დასმა (Jollifous' traveling theatrical company) კიოლნიში (1651), და ამავე დასმა ეს წარმოდგენა ისევ გაიმეორა ერთი წლის შემდეგ ფრანკფურტში. 1655 წელს ტრაგედია დაიდგა სამეფო კარისათვის ვოლჰაუმი: იმ დროს დაბეჭდილი სამახსოვრო გამოცემა შეიცავს რვა საილუსტრაციო გრაფიურას, რომლებიც დრამის სხვადასხვა სცენას ასახავს. გრიფიუსს განზრახული ჰქონდა, რომ მისი პიესა დაედგათ მშობლიური სილეზიის სკოლებში. ჩვენთვის ცნობილია, რომ წარმოდგენა გაიმართა კიდევ ბრესლაუს გიმნაზიაში (Isabeth Gymnasium of Breslau) 1659 წლამდე, ვინაიდან პოეტი ახსენებს ამ დადგმას მისი დრამის *Papinianus* ლათინურ მიძღვნაში, რომელიც სწორედ 1659 წელს გამოქვეყნდა. ჰალეს გიმნაზიის ასი წლის იუბილე პოეტის გარდაცვალებიდან ერთი წლის შემდეგ, 1665 წელს, „ქეთევან ქართველის“ დადგმით აღინიშნა.

გრიფიუსის მეორე „სეკვიანი პიესის“, „ქეთევან ქართველი“, ჩემუელი ინგლისური თარგმანი, რომელიც მალე გამოქვეყნდება, იწვევს მკითხველს გერმანული ბაროკოს დრამის უნიკალურ სამყაროში. გრიფიუსი სპირიტუალური კონცეპტების ილუსტრირებას იმ ფაქტობრივ ისტორიულ მოვლენებზე დაკვირვებით ახდენდა, რომლებსაც გულდასმით არჩევდა მეტაფიზიკური ჭეშმარიტების გამოსახატავად. ჩემს თარგმანს საფუძვლად უდევს ტრაგედიის 1663 წლის რედაქტირებული გამოცემა. იმედი მაქვს, რომ ეს თარგმანი საიმედო გზამკვლევი აღმოჩნდება გრიფიუსის მხატვრულ სამყაროში მათთვის, ვინც არ იცის გერმანული ენა, და მათთვისაც, ვისთვისაც მიუწვდომელია მე-17 საუკუნის გერმანული. მიუხედავად იმისა, რომ გრიფიუსი ამაღლებული ალექსანდრიული სალექსო საზომითა და მყარი რითმული სქემებით ორიგინალის ტექსტს მძლავრ დინამიკას ანიჭებს, ჩემი ღრმა რწმენით, თავისუფალი დექლაციც ბუნებრივად გადმოსცემს ორიგინალის სათქმელსა და ტონალობას.

**ინგლისურიდან თარგმნა
ირაკლი ცხვილიანმა**

1. აშკარაა, რომ „ტეფლისში“ მთხრობელი ქართლს გულისხმობდა, ხოლო „ივერიაში“, იგივე „გურჯისტანში“, კახეთს (ეს და ყველა სხვა შენიშვნა ეკუთვნის ამ სტატიის მთარგმნელს).
2. მემატინანე გულისხმობს სიმონ I-ს, (1537-1603; ქართლის მეფე 1556-69 და 1578-99 წლებში), ხოლო „ალოვასაში“ უნდა იგულისხმებოდეს ლუარსაბი, რომელიც სინამდვილეში სიმონის შვილიშვილი და მეფე გიორგი X-ის ვაჟი იყო (და არა სიმონის მეორე ვაჟი ლუარსაბი, რომელიც არასოდეს ყოფილა ტახტის მემკვიდრე), შემდგომში მეფე ლუარსაბ II (1592-1622; ქართლის მეფე 1606-15 წლებში).
3. სინამდვილეში, სიმონის დატყვევების შემდეგ, 1600 წელს ტახტზე ავიდა მისი უფროსი ვაჟი გიორგი (1560-1606; ქართლის მეფე 1600-1606 წლებში), ხოლო ლუარსაბი მხოლოდ გიორგი X-ის გარდაცვალების შემდეგ, 1606 წელს გამეფდა.
4. იგულისხმება კახეთის მეფის, ალექსანდრე II-ის შვილიშვილი, მეფე დავით I-ისა და ქეთევან დედოფლის ვაჟი, თეიმურაზი, შემდგომში მეფე თეიმურაზ I (1589-1663; კახეთის მეფე 1606-48 წლებში; ქართლ-კახეთის მეფე 1625-32 წლებში).
5. ამ სტრიქონების და პიესის სხვა პასაჟების პნკარედული თარგმანი ეკუთვნის სტატიის მთარგმნელს.

ვასილ კიკნაძე

გაუნაღებელი სევდა

(შახვედრავი სერგო კლდიაშვილთან)

1956 წელი პოლიტიკური ცვლილებების ეპოქა იყო. პირველად საქართველომ დაიწყო მასობრივი რეპრესიების მსხვერპლთა რეაბილიტაცია. ამ საქმეში ვასილ მჭავანაძეს დიდ წვლილი მიუძღვის.

ხალხი პირდაპირ შოკში ჩავარდა, იმდენი რამ გაიგო უსამართლობის შესახებ. რკინიგზელთა კლუბში გამართულმა სასამართლო პროცესმა (1955) ბევრ საიდუმლოს ახადა ფარდა. ეს იყო თბილისური „ნიურნბერგის პროცესი“. არსებითად სტალინური სისტემის გასამართლება ხდებოდა. ნიკიტა ხრუშჩოვი თავად იყო დანაშაულებრივი სისტემის ნაწილი, მაგრამ შემდეგ ყველაფერი სტალინსა და ბერიას გადააბრალა. პროცესი თბილისში იმიტომ მოაწყო, რომ ქართველ ხალხს დაენახა, — რამდენი ათასი უდანაშაულო ქართველი გაანადგურეს სტალინმა და ბერია.

გამოჩენილ მწერალს ერის მარია რემარკს ეკუთვნის ცნობილი ფრაზა — „ერთი ადამიანის სიკვდილი ტრაგედიაა, — მილიონისა — სტატისტიკა.“

დღეს სტატისტიკურ, მშრალ ციფრად ჟღერს, როცა ვამბობთ, რომ საქართველოში რეპრესირებული იყო 250 ათასი კაცი. ეს განაცხადა სსრკ-ს გენერალურმა პროკურორმა რუდენკომ, თბილისში, რკინიგზელთა კლუბში გამართულ სასამართლოზე, რომელსაც მე ვესწრებოდი (საშვი ეროსი მანჯგალაძემ მომცა).

ერთ დღეს რუსთაველის თეატრში, ჩემს კაბინეტში შემოვიდა მწერალი სერგო კლდიაშვილი. ხშირად ვხვდებოდით ხოლმე ერთმანეთს. საინტერესო მოსაუბრე იყო, თუმცა ზოგჯერ ენას უკიდებდა. ფიზიკურად ჩემსავით კაფანდარა, გამხდარი, ფერმკრთალი კაცი იყო. რუსთაველის თეატრში 1937 წელს დაიდგა მისი პიესა „გმირთა თაობა“ (რეჟ. კუკური პატარიძე). პიესა ეხებოდა რეპრესიების პერიოდს. „ხალხის მტრები“, კონტრრევოლუციონერები, პატიოსან ადამიანებს აბეზღებდნენ. ადამიანები ერთმანეთს ეცილებოდნენ მხილებაში. რას არ უგონებდნენ სრულიად უდანაშაულო ადამიანებს. არ ვიცი, ბედის ირონია იყო თუ შემთხვევითობა, პიესაში ასახული ამბავი მწერლის ბიოგრაფიის ნაწილად იქცა. იმ დღეს, ჩემს ოთახში რომ შემოვიდა, ისეთი ამბავი გადახდენოდა, რომ ცოცხალ ადამიანს არ ჰგავდა, სახეზე მკვდრის ფერი ედო. ადგილს ვერ პოულობდა, ოთახში წრიალებდა. ვთხოვე დამჯდარიყო, არ დაჯდა, მეც ფეხზე ვიდექი. მხარზე ხელი მომხვია, საოცრად ნაღვლიანი თვალებით ისე მომაშტერდა, თითქოს რაღაც დიდ საიდუმლოს მიმხელდა და ჩემგან დახმარება უნდოდა.

- იცი, ახლა საიდან მოვდივარ?!
- საიდან, ბატონო სერგო?

— იქიდან!.. — ხელი გაიშვირა ძერჟინსკის ქუჩისკენ.

ძერჟინსკის ქუჩაზე „კავებე“ იყო. ყველას უსიამოვნო შეგრძნება ჰქონდა, ვინც ამ ქუჩაზე გაივლიდა. მართალია, მაშინ უკვე სიტუაცია შეცვლილი იყო, მაგრამ ინერციას ხომ დიდი ძალა აქვს!..

— რა გინდოდათ იქ?..

— დამიბარეს, მაჩვენეს დოკუმენტი, რომელ დღეს დამხვრიტეს!..

„თბილისური ნიურნბერგის“ პროცესზე იმდენი ტრაგიკომიკური ამბავი მოვისმინე, რომ ეს აღარ გამკვირვებია, მაგრამ როგორ გადარჩა?..

ბატონმა სერგომ მიაბოძა:

მის დასაჭერად მისულან სახლში. სახლი დაკეტილი დახვდათ, სერგო სოფელ სიმონეთში ყოფილა წასული. ჩეკისტები დასაჭერად მისულან, მაგრამ რადგან სერგო არ დახვდათ, გეგმის შესასრულებლად ქუჩაში სტაცეს ხელი ვიღაც უცნობს, ჩააგდეს მანქანაში და სერგო კლდიაშვილის სახელით დაიჭირეს... ციხეებში თურმე ახალი პატიმრისათვის ადგილი აღარ იყო. ახლად დაჭერილი „ხალხის მტერი“ იმავე ღამეს დახვრიტეს.

— მომილოცავს, — ბატონო სერგო, ნაჩუქარი წლებით გიცხოვრიათ, — ვუთხარი თანაგრძნობით, მაგრამ ერთობ ზერეულე იყო ტრაგიკული მოვლენისადმი ჩემეული დამოკიდებულება. იმწუთას სხვა ვერაფერი მოვიფიქრე, რა უნდა მეთქვა, ისე იყო ბატონი სერგო დამწუხრებული.

— ვასო, როგორ უნდა ვიცხოვრო, ჩემს გამო უდანაშაულო კაცი დახვრიტეს, ვინ იცის, რამდენი ადამიანი გაუბედურდა, ცოლი, შვილები... ვინ იცის... ვერასოდეს გავიგებ... — იქნებ კარგიც არის, რომ არ იცით, — ვითომ ტკივილის შესამლუშებლად ვთქვი.

— არა, ოჯახს მხარში ამოვუდგებოდი, დავეხმარებოდი... ვიგრძენი, ბ-ნი სერგო ფეხზე ძლივს იდგა. ვთხოვე და დაჯდა. სიტუაციის განსამუხტავად სერგოს ვუამბე „თბილისური ნიურნბერგის“ პროცესზე გაგონილი ერთი კომიკური ამბავი: საშინლად ნანამებ მიხეილ ჯავახიშვილს მოსთხოვეს დაე-სახელებინა თანამოაზრეები. ერთ-ერთ თანამოაზრედ თურმე გიორგი სააკაძე დაასახელა.

- სად ცხოვრობს? — ჰკითხა გამომძიებელმა
- ქარელის რაიონში...

გამოწერეს გიორგი სააკაძის დაპატიმრების ორდერი, ეძებდნენ ქარელის რაიონში.

— ბ-ნო სერგო, ხომ შეიძლება ვიღაცას მართლა რქმეოდა გიორგი სააკაძე?..

ამით ვცდილობდი დიდი დავით კლდიაშვილის ვაჟისათვის, ნაღდი მწერლისათვის როგორმე შემემსუბუქებინა ტკივილი!..

ეს ამბავი ბ-ნმა სერგომ თურმე იზა ორჯონიკიძესაც უამბო, როგორც იზამ მითხრა.

თეატრალური ინსტიტუტის თეატრმცოდნეობის ფაკულტეტის პირველი კურსის სტუდენტი ვიყავი, როცა „ლიტერატურულ გაზეთში“ გამოვაქვეყნე ვრცელი სტატია „საკოლმეურნეო სოფელი და ძველი ნისქვილის იდილია“. წერილს ასეთი სათაური გაზეთის რედაქტორმა გიორგი ნატროშვილმა გაუკეთა. დღესაც მიკვირს, საზოგადოებისათვის სრულიად უცნობ, პირველი კურსის სტუდენტს გაზეთის ნახევარი გვერდი როგორ დამითმო. წერილი პირველად ჩემს ჯგუფულ მეგობრებს ნ. გურაბანიძეს და თ. ჯანელიძეს წაუფუკითხე. გულუბრყვილობა ეგონათ, რომ წერილი დაიბეჭდებოდა. იმ წერილის დაბეჭდვის შემდეგ პარასკევი გამორჩეული, სასიამოვნო მოლოდინის დღე გახდა.

კრიტიკულმა წერილმა უცებ ბევრი მწერალი დამაახლოვა.

ხშირად მაგონდება ბესო ჟღენტის ნათქვამი: საქართველოში კრიტიკა უფრო ადვილია, ვიდრე ქება. ვისაც აკრიტიკებ, ის ერთია ნაწყენი და სხვები გახარებულები, ხოლო ვისაც აქებ — ის ერთია გახარებული და სხვები ნაწყენი.

ალბათ ამიტომ მაქებდნენ. ამის შემდეგ, სტუდენტობის წლებშივე მე და ჩემმა მეგობარმა ალექო შალუტაშვილმა ვაგბედეთ და ჩემთვის დღემდე გაუგებარი „პრინციპულობა“ გამოვიჩინეთ. რუსთაველის თეატრის ახალგაზრდა რეჟისორს აკაკი დვალიშვილს, რომელიც თეატრალურ ინსტიტუტშიც მუშაობდა, ვუთხარით, რომ მისი სპექტაკლის (სერგო კლდიაშვილი, „დღესასწაული საკრაულაში“) გაკრიტიკებას ვაპირებდით.

არ ვიცი, რა იყო ეს, — ახალგაზრდული რადიკალიზმი, თავის გამოჩენის სურვილი თუ უტაქტობა. აკაკის კარგად ვიცნობდით, მაშინ ინსტიტუტი პატარა იყო, პედაგოგებს და სტუდენტებს მეგობრული ურთიერთობა გვქონდა.

აკაკი დვალაშვილიმა გვითხრა: დანერეთ სპექტაკლზე, მაგრამ პიესის ავტორს ნუ გააკრიტიკებთო.

ასეც მოვიქცით. აკაკი კეთილშობილი და ჭკვიანი კაცი იყო და მთელი ცხოვრება ვემაღლიერები მარტო ამ ფაქტის კი არა, მისი მეგობრობის, მუდმივი თანადგომის გამო. ეს კი მხოლოდ ერთი დეტალია, რომელიც ხშირად მაგონდებოდა სერგო კლდიაშვილთან შეხვედრის დროს, თუმცა სპექტაკლის კრიტიკა, — «ცხოვრებას მონყვეტილი», განა პიესასაც არ ეხებოდა?

რუსთაველის თეატრში დაიდგა სერგო კლდიაშვილის პიესები: „გმირთა თაობა“, „გრაფის ქვრივი“, „შემოდგომის აზნაურები“.

1956 წლიდან დიდი პოლიტიკური და სოციალური ცვლილებები დაიწყო საბჭოთა კავშირში. მასობრივი რეპრესიების დროს დასჯილი ხალხის რეაბილიტაცია ყველას შეეხო. ხალხმა ცოტათი ამოისუნთქა. საბჭოთა კავშირმა აღიარა, რომ დაშვებული იქნა დიდი შეცდომები. მართალია, ნ. ხრუშჩოვმა რეპრესიები მარტო სტალინსა და ბერიას გადააბრალა (თავადაც აქტიურად მონაწილეობდა!), მაგრამ კომუნისტური პარტიის დიდი შეცდომების აღიარება თავისთავადაც პროგრესული მოვლენა იყო. ამიტომ უწოდებენ ამ პერიოდს „დათბობის“ ეპოქას.

რეპრესირებული რეჟისორი კუკური პატარიძე ახალი მოსული იყო რუსთაველის თეატრში, როცა გავიცანი. მელოტი თავი ჰქონდა. თავზე წარამარა ხელს იდებდა. შესამჩნევი იყო მისი ეს არაბუნებრივი ჩვევა. თეატრში გვიან გავიგეთ, რომ ეს პატიმრობის დროს თავში რტყმევის, წამების ნაკვალები ყოფილა (ორჯერ იყო რეპრესირებული).

კუკური პატარიძემ 1936 წელს დადგა სერგო კლდიაშვილის „შემოდგომის აზნაურები“. სპექტაკლი დაიდგა სანდრო ახმეტელის მოხსნისგან შექმნილ ურთულეს სიტუაციაში. დადგმა კლასობრივი ბრძოლის იდეოლოგიის სულით იყო გაჟღერებული. სცენაზე აზნაურების დაცინვასა და აბუჩად აგდებებს მაყურებელი ტაშით ხვდებოდა. მთავრობამ და პრესამ აქტიურად დაუჭირა მხარი წარმოდგენას. საბჭოთა იდეოლოგიის მთავარმა ტრიუმფამ, გაზეთმა „პრავდამაც“ ქებით მოიხსენია წარმოდგენა.

კუკური პატარიძე შემდეგ ორჯერ დააპატიმრეს, ერთხელ ფრანგული კულტურის პროპაგანდისათვის, თუმცა ფრანგი ავტორის არცერთი პიესა არ ჰქონდა დადგმული. კუკური პატარიძის თეატრში დაბრუნების შემდეგ, გადაწყვიტეთ (სალიტერატურო ნაწილის გამგედ ვმუშაობდი), რომ აღედგინა ოდესლაც წარმატებით დადგმული „შემოდგომის აზნაურები“.

აღვადგინეთ, მაგრამ ხალხმა არ მიიღო, უკვე სხვა დრო იყო...

მაშინ დაგუახლოვდი სერგო კლდიაშვილს. ხშირად მოდიოდა თეატრში. ჩემთვის პატივი იყო დიდი დავით კლდიაშვილის ვაჟთან, თავადაც მშვენიერ მწერალთან მეგობრობა. თეატრში ბატონი სერგოს ყოველი მოსვლა სიხარულს იწვევდა, თეატრისათვის ახლობელი ადამიანი იყო.

სერგო კლდიაშვილი ერთხანს რუსთაველის თეატრის სამხატვრო საბჭოს წევრიც იყო. გავაკეთებინეთ მისი მშვენიერი რომანის „მყუდრო სავანე“ ინსცენირება. პიესაზე ბევრი იმუშავა რეჟისორმა ლევან (რეზო) მირცხულავამ. ინსცენირებაზე მუშაობის პროცესში ჩემს ოთახში, თეატრთან ახლოს, სოლოლაკში ვხვდებოდით და გულდასმით ვიხილავდით თითოეულ სცენას, ჩასწორებულ ადგილებს უთანხმებდა ბატონ სერგოს. რეპეტიციები კარგად აუწყო, წარმოდგენას კარგი პირი უჩანდა. მართლაც, შეიქმნა სანტერესო აქტიორული სახები, კარგი იყო გურანდა გაბუნია, ლეილა აბაშიძე, განსაკუთრებით სერგო ზაქარიაძე, რომელიც პირდაპირ ზესტაფონელი რასტინიაკი (ბალზაკის ლოველასი გმირი) იყო. პროვინციულ მუსუს ზაქარიაძეს ეცვა მამლის ნისკარტივით წაწვეტილებული, კაუჭა ნითელი „აზიაცკები“. როცა ქალს ეარმეებოდა, უცებ



სერგო კლდიაშვილი

გაახსენდებოდა, რომ ცალ ფეხზე არ ეცვა და ცდილობდა მის დამალვას. ვირტუოზული ოსტატობით აკეთებდა ზაქარიაძე, დარბაზი ყოველთვის ტაშით აჯილდოვებდა.

თეატრი უცნაური სამყაროა, ზოგჯერ ვერ გაუგებ, რატომ მოსწონს მაყურებელს პრიმიტიული სცენა ან აშკარად დაშტამპული ხელოვნური გათამაშება. მაყურებლის ფსიქოლოგია ცალკე დიდი და რთული საუბრის თემაა.

„მყუდრო სავანემ“ კიდევ უფრო დამაახლოვა ბატონ სერგოსთან. მის სახლშიც არაერთხელ ვყოფილვარ მიწვეული (თერთმეტსართულიანში ცხოვრობდა), შესანიშნავი მასპინძელი გახლდათ, ჩვენებური იმერული ხაზგასმული ყურადღებით.

თეატრის საბჭოს სხდომებს თითქმის არ გამოტოვებდა, აქტიურ მონაწილეობასაც იღებდა საკითხის განხილვის დროს. სოფოკლეს „ოიდიპოს მეფე“ ჯერ არ დადგმულიყო, მხოლოდ დასადგმელი პიესათა რეპერტუარში იყო, მაგრამ სამხატვრო საბჭოს ერთ-ერთ სხდომაზე, როცა დეკადისათვის მზადების საკითხი იხილებოდა, სერგო კლდიაშვილმა განაცხადა: დარწმუნებული ვარ, „ოიდიპოს მეფეს“ წარმატება ექნებაო.

ასეც მოხდა. ღრმა არის შემოქმედის ინტუიცია, მითუფრო თეატრთან დაახლოებული მწერლისა.

სერგო კლდიაშვილი ურთიერთობებში რბილი კაცი იყო, ამიტომ გამაოცა, როცა ერთ-ერთ საბჭოს სხდომაზე შეებნენ დირექტორი პავლე კანდელაკი და თეატრალური ინსტიტუტის რექტორი ილია თავაძე. ილიას წესად ჰქონდა, საბჭოს სხდომაზე დირექტორის სიტყვის შემდეგ რალაც უნდა ეთქვა, სიტყვაში გამოსულიყო. მოკლედ, თითქოს ილია აჯამებდა სხდომას. პავლემ ბევრი ითმინა, ითმინა და ბოლოს იყვირა: შენ თავი ისევ ცეკას მდივნად ხომ არ გგონიაო. ილია გაცხარდა. სერგო კლდიაშვილიმა მხარი დაუჭირა პავლეს, სწორს ამბობსო. ამან სულ გადარია ილია და თქვა: მაშინ მე წავალ!...

ისე თქვა, დარწმუნებული იყო, სთხოვდნენ: არ ნახვიდეო, მაგრამ არავინ ხმა არ ამოიღო. პავლემ კი უთხრა — მიბრძანდითო. ილია წავიდა.

სერგო კლდიაშვილს დაბადებიდან 120 წელი შეუსრულდა. ჩვენს ურთიერთობაში ვერ ვგრძნობდი, თუ ჩვენს შორის ასეთი მნიშვნელოვანი განსხვავება იყო. მართლაც სანიმუშო გახლდათ სერგოს სისადავე.

ხშირად ვფიქრობ, რეჟისურის ახალმა თაობებმა მეტი ყურადღება უნდა მიაქციონ XX საუკუნის ქართულ მწერლობას. ემოციური შთაბეჭდილებები ხშირად დიდხანს რჩება ხსოვნაში.

ასე არ მაინყდება სერგოს სევდიანი თვალები, როცა მის მაგიერ დახვრეტილ უცნობ კაცზე ლაპარაკობდა.

მართლაც, მისი გაუხელებელი სევდა იყო...

„აფხაზეთი. ლიტერატურა და ხელოვნება“ ასეა დასათაურებული ეს ორიგინალური წიგნი, რომელიც აფხაზეთის ავტონომიური რესპუბლიკის განათლებისა და კულტურის სამინისტროს თაოსნობით გამოიცა, მისი შემდგენელ-რედაქტორი, ცნობილი ჟურნალისტი ნატო კორსანტია კი შესავალში აღნიშნავს კრებული მიზანს: აფხაზეთის დაფანტული სულიერების მოკრება, ამ სულიერებით ანთებული, საქვეყნოდ აღიარებული პიროვნებების, განურჩევლად მათი ეროვნებისა, შემოქმედების თავმოყრა, შემოქმედებისა, რომელიც აფხაზეთის მზით, წყლითა და ჰაერით არის ნასაზრდოები.

კრებული მოიცავს რუბრიკებს: ლიტერატურა (პოეზია, პროზა, დრამატურგია, კრიტიკა, ესეისტიკა, თარგმანები), ფოლკლორი, კლასიკური და საესტრადო მუსიკა, თეატრი, კინო, მხატვრობა, კალიგრაფია.

მოკრებილია მართლაც ზღვასავით ვრცელი მასალა და გაერთიანებულია აფხაზეთის მკვიდრ შემოქმედთა მონაგარი მასშტაბურ სურათად.


პარლამენტის ეროვნულ ბიბლიოთეკაში გაიმართა ამ წიგნის წარდგინება, რომელიც შესავალი სიტყვით გახსნა და უძღვებოდა ნატო კორსანტია. მან პირველი სიტყვა გადასცა აარ-ს განათლებისა და კულტურის მინისტრს დიმიტრი ჯაიანს.

შეხვედრაზე წიგნში წარმოდგენილ თითოეულ სფეროზე შთამბეჭდავად ისაუბრეს მწერალმა და პუბლიცისტმა მაკა ჯოხაძემ, მწერალმა და მეცნიერმა როსტომ ჩხეიძემ, პუბლიცისტმა იოსებ ჭუმბურიძემ, ვანო სარაჯიშვილის სახელობის თბილისის სახელმწიფო კონსერვატორიის პროფესორმა თემურ ელიავამ, მხატვარმა რადიო თორდიამ.

დამსწრეთა წინაშე თავიანთი შემოქმედებით წარდგენ წიგნში შესული მუსიკოს-შემსრულებლები: კომპოზიტორი ზურაბ მყავია, რომლის სიმღერები — „საქართველოს კარგად ყოფნა დამილოცე, ღმერთო“ და „თბილისი იყო ურთიერთობა კეთილშობილთა ყრმათა“ შეასრულა მომღერალმა მერაბ ვარდოსანიძემ; მომღერალი მიშო ელიავა — კონსერვატორიის პროფესორის, სოხუმელი თემურ ელიავას ვაჟი; აფხაზეთის სახელმწიფო საგუნდო კაპელის სექსტეტი — მარიამ პაჭკორიას, ნინა კოვზიაშვილის, ლელა გადრანის, თამარ ესებუას, ნონა კიკალეიშვილი-აქუბარდიასა და ელისაბედ თამაზაშვილის შემადგენლობით; ლადო ათანელის სახელობის საერთაშორისო კონკურსის პირველი პრიზის მფლობელი, თბილისის ზაქარია ფალიაშვილის სახელობის ოპერისა და ბალეტის სახელმწიფო აკადემიური თეატრის სოლისტი სალომე ჯიქია, მომღერალი დავით ჩაკაბერია.

მაკა ჯოხაძე

იველის კუნძული



როდესაც ადამიანს დიდი სულიერი სტრესი აქვს გადატანილი, მისი გული ან მთლიანად იხურება, ან სრულად იხსნება გარესამყაროსათვის. ასეთ დროს იგი ხედავს იმას, რასაც ყოფითობაში ჩართული, მოფუსფუსე ადამიანები ვერ აღიქვამენ.

აბსოლუტური გამხნილობა დიდხანს არ გრძელდება. დენის დარტყმას ჰგავს და დაახლოებით იმ ინტენსივობით მეორდება, საშინელი ჭექა-ქუხილის ჟამს ცა რომ გადაიხსნება და განათდება ბავშვობაში: მთელი არსებით გრძნობ, რომ იქ, ზევით, რაღაც დიიდი საიდუმლო ხდება, რომელიც შენთვის ჯერჯერობით დაფარულია.

ჩვენმა შვილებმა ჩვენთან ერთად გადაიტანეს ეს სულიერი სტრესები, თავიდან სეისმური ბიძგებით დაწყებული და მინისძვრებით დამთავრებული (დამთავრებული კი?!). ახალი თაობა დამფრთხალი და გაოგნებული უყურებდა ამ ეპოქალური ძვრებით შეშლილი სამყაროს ნაირ-ნაირ „გამოცხადებებს“, აქვე, ნაცნობი ქალაქის ქუჩებში, მოედნებზე...

მიუხედავად სასტიკი, მახინჯი ხილვებისა, მაინც მაღლიერი რჩები, რომ დეპრესიის უძირო ჭაობმა მდორე, ხაოიანი თათით არ დაითრია, დასახრჩობად არ გაიმეტა მთელი თაობა. ბევრი გადარჩა, ბევრს აუხილა თვალი, გამოაფხიზლა. დაიმსხვრა ილუზია, რომ დედამიწაზე მოარული ადამიანები ერთმანეთს ვხედავთ, ერთმანეთს ვიცნობთ. სამაგიეროდ რაღაცაზე აშკარად მიგვანიშნა. უცნობი მოხაზულობით და მოულოდნელი ჩვენებებით უძველესი იეროგლიფებით ნამდვილი გამოწვევა მოგვინცო.

„ძალიან საინტერესო დროში გვინევს ცხოვრება“. დღევანდელ საქართველოში ხშირად გამიგია ეპოქის შეფასების ეს „ინტელექტუალური“ დიაგნოზი.

ვისთვის საინტერესო, ვისთვის საბედისწერო. ვერაფერს იზამ. ზოგი ცხოვრებას როგორც თეატრს, ისე აღიქვამს და მაყურებლის სტატუსს იფერებს. ზოგიც გამუდმებით როლებს ცვლამია. ეს სიბრძნე კი არა მხოლოდ ასაკთან, გამოცდილებასთან ერთად მოდის.

არსებობენ ბუნებით იმთავითვე ადაპტირებული ადამიანები, რომელთაც ყველა-ნაირ სიტუაციაში, ყველა დროში, ყველა რეჟიმში შესწევთ ლავირებისა და „გადარჩენის“ უნარი. მე მაინც მგონია, რომ ასეთი ადამიანები ეგოცენტრისტები არიან. მხოლოდ საკუთარ თავზე ფიქრობენ. უკეთეს შემთხვევაში, მათი ფიქრისა და ზრუნვის რადიუსი უახლოეს წრეს, ოჯახის წევრებს მოიცავს მხოლოდ. შემიმჩნევია — ასეთები ფრთხილები, მფრთხალები, ხშირად სასტიკები და შურისმაძიებლები არიან.

სხვას იქნებ ეპატიება კიდევ, მაგრამ ნამდვილი პოეტი (ხელოვანი) ვერ იქნება ვერც ფრთხილი, ვერც მფრთხალი. მისი გულის კარი ღიაა. ვინ არ შედის და გამოდის ამ კარში. ეს გული მიმღები და განმცდელია ყველაფრისა, რაც ირგვლივ სამყაროში, მის საცხოვრისში, მის სამშობლოში ხდება. ამიტომ არღვევს სიბრძნის კანონს — ოქროდ მონათლულ დუმისს. ამიტომ ვერ ეგუება უსამართლობას, უწესობას, ჩაგვრას, დაცინვას, ღირსების აყრას...

ერთი კია, ისეთი განცდა ჩნდება, რომ ამაზე აღარც ფიქრობენ და აღარც წერენ (იქნებ თავდაცვის ინსტიქტი?) დღეს და არა იმიტომ, რომ ამაზე ფიქრი და წერა რთული და სახიფათოა, ფილიგრანულ სიზუსტეს მოითხოვს და ე.წ. „ახალი ტალღის“ წარმომადგენლები საქმეს იოლდებენ, არამედ, უბრალოდ, თითქმის აღარ არსებობს საკუთარ თავში ჩაბრუნების აღარც სურვილი, აღარც ენერჯია, დრო, მოთხოვნილება და, რაც მთავარია, ნ ე ბ ე ლ ო ბ ა.

ჩვენი ქვეყანა! — უხსოვარი დროიდან დარდათა შორის ყველაზე კეთილშობილი დარდი. არა მასშტაბისა და სიღრმის გამო, დროისა და სივრცის ნიშნებით დასეტყვილი აბსტრაქცია, არამედ კონკრეტული, ხელშესახები, პოეტის ფიქრით მოსავადებული, თიხის სურაში ჩასხმული ბადაგი, ჩაღვრილი და შედედებული ჩვილის ტანში, მოხუცის ტორსში, რომელსაც ტაძარი უფრო ეთქმის, ვიდრე სხეული.

ჩვენი ქვეყანა ბიბლიური დატირება დაშრეტილი მადლის, დახოცილი შვილების, ფერნასული სინათლის სვეტის. პოეტის სევდა გამქრალი სიკეთის, დამშრალი ჭების, გაშავებული სულების, ძვლების, ტყვიისფერი მრუმე ზეცისა და ამღვრული ნაკადულების გამო...

„როდემდე გაძლებს ასე მაინც? მაინც როდემდე?“ — აი, დარდი ნამდვილი პოეტის,

ჩვენი ქვეყანა! — ინდივიდუალური, კონკრეტული, ხელ-შესახები. „ახლები“ აღარ არიან ინდივიდუალურები, კონკრეტულები. ისინი უღიმღამო „თავგანწირვით“ ეთამაშებიან სიტყვებს და ზოგადობით ერთობიან.

მათი „აფეთქება“ საახალწლო შუშხუნებივით ერთჯერადი და სულმოკლეა, როგორც ყველაფერი ხმაურიანი, ამიტომ აღარ ხდება სიტყვათა შეუღლება, აღარ იბადებიან მათი შვილები: აზრები და მეტაფორები.

სამაგიეროდ, ჩნდება ტექსტები — ტრამალებივით გულის გამანვრილებელი და ერთფეროვანი.

მეტაფორა პოეტის ხსოვნაა. ხსოვნა კი გამძიმებს, როცა წრები ტრიალებს, როცა ერთ ადგილს ტკეპნი. უმეტაფორო პოეზია დავინწყებისთვისაა განწირული.

„ახლებს“ ეს აწყობთ, მათი ამბიცია კონფორმიზმზე შორს ვერ მიდის.

როცა არაფერი გახსოვს, ე.ი. როცა არაფერი იცი, უფრო იოლია ცივილიზაციის სახელით ახალი გვინების აღმოჩენა თავის უცნობი ტომებით; მგრძნობიარე, ემოციური, ველური აბორიგენებით...

მეტაფორა პოეტის ღია ჭრილობაა. ამიტომ ნებისმიერი განაკანრი ცხვირში მუშტის ამორტყმასთან ასოცირდება და სისხლდენასავით საგანგაშოა.

ამიტომ ომში წასვლის სიხარული („ომში წასვლა მას უხარის...“), ანდა დუელი დაცული ღირსება ისეთივე ბარბაროსობაა მათთვის, ისეთივე შორეული და გაუგებარი, როგორც ლამანჩელის ქარის ნისქივლები, როგორც სევდა გალაკტიონის „მოუნათლავი ბავშვები სკოლისკენ მიიჩქარიან“.

„ახლები“ აღარ ტირიან. ამაზე იზრუნეს. ცრემლი წამალივითაა, გული რომ მოაღბოს. ამიტომ ეს წამალიც აკრძალულია. გალობა მაღალი რეგისტრია. ცისკენ მიმავალი განზომილება. „ახლები“ გალობენ კი არა, ვეღარც კი მღერიან; ვეღარც იწყებებიან, პრინციპში, სწორადაც იქცევიან.

თუ წყევლა იერემიას გადაებასავით თავზარს არა გცემს, სჯობს რომ დადუმდე. ჰოდა, უფრო ჭკვიანები დუმან.

პრაგმატული თაობა გასუსულია.

ხანდახან მაინც გამოუვლით და ე.წ. „აქციებს“ აწყობენ ე.წ. „საზოგადოებრივი აზრის“ წინააღმდეგ.

სულსწრაფები, უნიჭოები, ნიჭიერი გამყიდველები... ხანდახან ამა სოფლის მთავრისაგან შეკვეთილ წირვას აყენებენ და გულმოდგინედ ილანძლებიან.

გინება მოდაშია, პრემირებულია. განსაკუთრებით დედის გინება. განსაკუთრებით კონკრეტული პოეტის კონკრეტული დედის...

აბა, აბსტრაქტული სამშობლოს გინებას რაღა დაუდგება წინ. რომელი ნიჭი, რომელი ტაბუ, რიდი და მაღლი შეაჩერებს ამ აღვირახსნილ კონფულსიას.

რა არის ეს? ნუთუ მხოლოდ ეს არის აწყობა?! აწყობა, რომელსაც არა აქვს მომავალი?!!

გეთანხმებით, შემამოფოთებლად მრუმე ფიქრებია, თითქმის დანაშაულებრივი ფიქრები და განცდები. მით უფრო ამ საზეიმო დღეს, ამ საზეიმო დარბაზში, რომელიც მე ძალიან მიყვარს თავისი სილამაზის გამო, მაგრამ მაფრთხობს მისი აკუსტიკა, რადგან ამ თაღებქვეშ ტექსტის ფაქტურა უმონყალოდ იჩეხება და ნაფოტებივით ცვივა, იფანტება სიტყვები... სიტყვა, რომელიც აღარ ისმინება...

ჩვენი უღრანი, გაკაფული ტყეპივით ადამიანებიც ნაადრევად გაიკრიფნენ, გაქრნენ, დაიკარგნენ. პოეტს კი სიკვდილიც ასე ესმის — წასვლა და ამ ტკივილით გაჩენილი სიცარიელე — როცა ფიქრებიც იხოცებიან. ფიქრი იმდენად ინტიმურია, რომ შეგიძნევიან, ალბათ, ნებისმიერ ჩაფიქრებულ ადამიანს როგორ აფრთხობს შეკითხვა — „რაზე ფიქრობ?“

თავის დროზე სწორედ ეს „დახოცილი ფიქრები“ ათობს, ანუგეშებს, აძლიერებს გარემოს, ჰაერს, სიტუაციებს. შევლის



ნატო კორსანტია და მაკა ჯოხაძე

სიცოცხეს, უმწეობას, ობლობას, სიღარიბეს. ეს ყველაფერი განფენილი ჰაერში, ჩვენს ირგვლივ ქმნის ამ ყბადაღებულ დადებით აურას, ენერგეტიკას... სწორედ ეს დადებითი მუხტი ეკარგება ქალაქს, ქვეყანას, ოჯახს, თითოეულ ჩვენთაგანს, როცა კარგი კაცები კარგი ფიქრებით, კეთილი ფიქრებით მიდიან ჩვენთან.

ჩნდება ილუზია აბსოლუტური მიტოვებულობის, ყოველშემთხვევაში ღმერთმა თვალები ნამდვილად დახუჭა რომ არ დაგვინახოს.

უდაბნოს მეტაფორა უკვე „ლიტერატურშიწინად“ აღიქმება. უდაბნოში კი არა, რა ხანია ვცხოვრობთ განცდაში, რომ მინასთან ერთად ჩვენც ბეტონში დამარხულები ვართ... გეტოებში — XXI საუკუნის სირცხვილში...

და აი როგორ გველიძება, როცა ასფალტის ნაპრალებში ამოხეთქილ მცენარეს ვხედავთ...

რაღაც ამდაგვარი ხდება პერიოდულად, როცა ოაზისივით გამოჩნდება შემოქმედებითი გენია, ფენომენი, ჩვენი კაცად ყოფნის არსი და მიზანი.

ასე გამოჩნდა მალაქიტისფერი წიგნი:

„აფხაზეთი — ლიტერატურა და ხელოვნება“. ეს ცისფერი კუნძული ზუსტად ასე ამოსკდა ჩვენი რეალობის სიმდოვრეში, რომ არა ვთქვამთ ჭაობში.

ეს კუნძული მოცურავს როგორც ფელინის ნათურებაკინძული ხომალდის მირაჟი, იმდენად ნამდვილი, განცდილი, ინტელექტუალური, ემოციური, თვითნაბადი თავისი ესეებით, პროზით, პოეზიით, თავისი სოპრანოებით, მეცოსოპრანოებით, ბანებით, თეატრებით, არტისტებით, ფერწერით, კაპელით, კალიგრაფიით, იმდენად ჭარბი და სისხლსავსე რომ წარმოუდგენლად აცოცხლებს ქრონული შემოქმედებისა და კულტურის მთელ მხარეს — აფხაზეთს, რომელიც დაკარგული გვეგონა და თურმე როგორი ცოცხალია!

და შენს კარგახსინდროინდელ განცდას: სიცოცხლე ისე მაინც უნდა გინდოდეს რომ აიკვირებო — სიცოცხლე მინდა! სიცოცხლე მინდა!.. მომჭკნარი, მოთენთილი ყვავილივით წყალს უსხამს, აძლიერებს, ანუგეშებს, ასულიერებს...

ეს ყველაფერი, რაც ამ წიგნშია, შენშიც იყო, ოღონდ თავს აიძულებდი, არ გეფიქრა სიმწვანეზე, სინაზეზე, სიხარულზე. ეს ყველაფერი მოახერხე და ჩაძირე შენში. შეინახე, შებოლე, შემჭვარტლე, შებურე, როგორც მარგალიტის ციმციმი, რომელიც მეკობრეებს არ უნდა დაენახათ, თევზივით გამოაშრე, დაამარილე, დიდი შიმშილობის ჟამს გამოამადგებო...

ასე ნელ-ნელა სწავლობენ ცხოვრებას.

ოღონდ გაძელი, ოღონდ არ დანებდე, ოღონდ თავი აიძულე, რომ აღიარო — ცხოვრება აუცილებელია!

იღუმალი ხმა კი თითქოს გვაფრთხილებს — სიცოცხლე უანგარო საჩუქარია, რომელსაც ცხოვრებით უნდა უზასუხო.

ჩვენ მადლობას ვუბნებით ყველას, ვინც ამ წიგნის დაბადებაზე იზრუნა, ინვალა, იღვანა. მადლობას ვუბნებით თითოეულ ავტორს, გამოსა თუ პერსონაჟს, რადგან მათ შეუძლებელი შეძლეს და სიცოცხლეს — ღვთის უანგარო საჩუქარს დღემდე ღირსეული ცხოვრებით პასუხობენ.

იოსებ ჭუმბურიძე

მამის ხმასავით, ავადმყოფი დედის ხელივით...

მოგესალმებით.

უკვე არაერთხელ ითქვა, რომ ამ დარბაზში ბევრი ძვირფასი პიროვნება იმყოფება. არც ის უნდა გამოგვრჩეს, რომ ჩვენი დღევანდელ შეხვედრას ესწრება ყველა დროის ყველაზე დიდი ქართველი, რომელიც კედლიდან გადმოგვცქერის. ყოველთვის, როცა აქ შემოვდივარ და ილიას პორტრეტს ვხედავ, მახსენდება გულსაკლავი სიტყვები, ამ დანესებულების ყოფილ ხელმძღვანელს რომ ეკუთვნის და რომელთაც სიკვდილამდე ვერ დავივინყებ.

არ შემიძლია დავინწყება!

ილია თეატრს „ორ ღვანლსა სთხოვდა“ — მისი მეოხებით ენა და ზნეობა ფეხზე უნდა წამოდგესო.

დღეს ერთსაც უჭირს და მეორესაც.

ამის დასტურად, სხვა რომ არაფერი, ქართული სატელევიზიო სივრცე გამოდგებოდა.

და თუ ქართული თეატრი ცდილობს, რაღაც მაინც ილონოს ენისა და ზნეობის გადასარჩენად, ამ თვალსაზრისით, ღირსეულად გამოიყურება სოხუმის ორივე სახელმწიფო თეატრი, რომლებიც დღეს წარსადგენ ბრწყინვალე ალბომში ასევე ღირსეულად გამოიყურებიან.

კონსტანტინე გამსახურდიას სახელობის დრამატული თეატრი და მოზარდ მსახურებელთა თეატრი „**თეთრი ტალღა**“.

არ უნდა დავგავინყვდეს, რომ ამ თეატრების მდგომარეობასა და მისიას განსაკუთრებული ფაქტორი ამძიმებს — დევნილობა.

ნანა კუციამ, ვისაც აფხაზეთის დღევანდელი ქართული ინტელიგენციის სინდისს ვუნოდებდი, იმ ყოველივეს, რაც საპრეზენტაციო ალბომშია მოქცეული, „დარდის ნაჭური“ უწოდა. ზუსტი შეფასებაა. შეუძლებელიც იყო, ამ ალბომში დიდი დარდი და სევდა არ დავგვხედროდა.

და ამ დარდიანი წიგნიდან მე ორი პოეტის სევდა გამოვარჩიე. პირველი **გენო კალანდია**:

**მითხარ, რაღა ექნა,
მამის ხმასავით
ჩაბრუნებულ გულში ნაღველო...**

მეორე **ნუნუ ჯანელიძე**:

**მე შენზე სევდაც
ახლობელი კაცით მიყვარს,
ავადმყოფი კაცის ხელივით...
ეს სევდა სხვაა, ის სხვა სევდას არ შეერევა...**

რა თქმა უნდა, ეს სხვა სევდაა. რაც მთავარია, ეს არ არის საშიში სევდა და დარდი, სულსა და გულს რომ ღრღინს. ეს დარდი, პირიქით, გაფხიზლებს და გშველის.

ალბათ, დაკვირვებინართ, როცა დედაზე დარდობ, ის კარგადაა. საკმარისია, დარდმა თავი მცირე ხნით დაგავინყოს, დედას რაღაც გაუჭირდება.

ამიტომაც ლოზუნგად არასოდეს აღმიქვამს მონოდება, რომელიც ოდიოზური ხელისუფლებების პირობებში მართლაც გამაღიზიანებლამდე ცარიელ ლოზუნგად იყო ქცეული: „გვახსოვდეს აფხაზეთი!“

დაიხ, უნდა გვახსოვდეს აფხაზეთი და უნდა ვდარდობდეთ აფხაზეთზე.

ყველა ქართველი ისევე უნდა მიმართავდეს აფხაზეთს, როგორც **ნატო კორსანტია** მიმართავს გაღმა ნაპირზე დარჩენილ თავის სახლს: „**მაპატიე, ჩემო სახლო, შენდამი გაგულგრილება მაპატიე...**“

დაიხ, ყველა ქართველმა უნდა უთხრას აფხაზეთს: „**მაპატიე, აფხაზეთო, შენდამი გაგულგრილება მაპატიე...**“

დარდზე ვსაუბრობდით.

ეს დარდი სოხუმის ორივე სახელმწიფო თეატრის სპექტაკლებში მიგრძენია: როცა „**მოზარდში**“ „**გამარჯობა სოხუმო**“ -ს ცრემლებით ვუცქერდით, როცა გამსახურდიას თეატრში მონუსხულნი ვყავდით „**ზღვას**, რომელიც შორია“... გული მწყდება, რომ ამ სპექტაკლის აღდგენა არ ხერხდება, არადა, მეგონა, რომ აფხაზეთში სწორედ მასთან ერთად დაბრუნდებოდით.

კარგად ვიცი, რაც გადაიტანა კონსტანტინე გამსახურდიას სახელობის თეატრმა სოხუმშიც და დევნილობაშიც. ბუნებრივია, მეც მტკიოდა ის, რომ დიმიტრი ჯაიანი და მისი გუნდი თეატრიდან გაუშვეს. არ შემიძლია, არ აღვნიშნო ერთი ფაქტი: **ნანა ჭანტურიას**, არაჩვეულებრივ ჟურნალისტს, შესანიშნავი საყმაწვილო ჟურნალის „**იალქანის**“ რედაქტორს, ვისაც თავდავინწყებით უყვარს თეატრი, ცხადია, განსაკუთრებით, გამსახურდიელთა გულშემატკივარია, პროტესტის ნიშნად, წლების მანძილზე იქ ფეხი არ შეუდგამს. როცა ხალხმა უსამართლო ხელისუფლება გაუშვა და მსახიობები მშობლიურ თეატრში დაბრუნდნენ, დაწერე: „ქართული თეატრის ისტორიაში არსებობს მარადისობად ქცეული შეძახილი — „**ჰოპლა, ჩვენ ვცოცხლობთ!**“ დღეს ეს შეძახილი ასე უნდა გარდავთქვას: „**ჰოპლა, ჩვენ დავბრუნდით!**“

მაგრამ ესეც უნდა ვთქვა: ამ დაბრუნების შემდეგ თეატრისგან უფრო მეტს ველოდები.

გულწრფელად მომეწონა დიმიტრი ჯაიანის გადაწყვეტილება — თეატრის სამხატვრო ხელმძღვანელად **დავით საყვარელიძის** მონკვევა, მაგრამ არ შემიძლია, ესეც არ ვთქვა: იმ სევდასა და დარდს, იმ ტკივილს, რომელზეც დღეს ამდენს ვსაუბრობთ, **ლაშა ბულაძის** პიესით ვერ გამოხატავ.

დარწმუნებული ვარ, ჩემსავით უამრავი გულშემატკივარი ელოდება სპექტაკლებს, რომლებიც ისევე შეგვძრავენ, როგორც თავის დროზე „**ზღვამ**“ და „**გამარჯობამ**“ აგვამლეღვარა.

დავუბრუნდეთ ალბომს. ნატო კორსანტიამ მას აფხაზეთის შემოქმედებითი პორტრეტი უწოდა, რამაც საქართველოს კათოლიკოს — პატრიარქის **ილია მეორის** ცნობილი ფრაზა გამახსენა: „სამების ტაძრის აგებით ქართველმა ერმა საკუთარი ავტოპორტრეტი შექმნა.“ რა თქმა უნდა, ვეთანხმები ნატოს: ეს ალბომი ჭეშმარიტად აფხაზეთის ავტოპორტრეტი.

თავადაც გავმხდარვარ მონკმე, თუ რა თავდადებით იღვწოდა ნატო იმისთვის, რომ ალბომი რაც შეიძლება შთამბეჭდავი გამოსულიყო. შედეგიც თვალსაჩინოა.

უმადურობა იქნებოდა, მაღლიერება არ გამოგვეხატა აფხაზეთის განათლებისა და კულტურის სამინისტროსა და პირადად მინისტრის მიმართ. კიდევ ერთხელ შეგახსენებდით, თუ რა ბრძოლები გადაიტანა დიმიტრი ჯაიანმა იმ ცხრა წლის განმავლობაში. დღეს ის მინისტრია. თუ ვინმეს დღევანდელ საქართველოში მინისტრობა, მით უმეტეს დევნილი მთავრობის წევრობა, პრივილეგია ჰგონია(მე თუ მკითხავთ, ტვირთი უფროა), დაე ეგონოთ. დიმიტრი ჯაიანმა ის ნამდვილად დაიმ-

სახურა და გულწრფელად მინდა, ამ საპატიო ტვირთის ღირსეულად ზიდვა ვუსურვო...

გმადლობთ.

მინანერი:

მამის ხმასავით გულში ჩაბრუნებული ნაღველი და ავადმოფი დედის ხელივით საყვარელი სევდა. ეს ხელი არ მორჩება, ეს ნაღველი გულიდან არ ამობრუნდება, ვიდრე აფხაზეთში არ დავბრუნდებით. ეს დღე აუცილებლად „მოვა, მაგრამ როდის?“ ალბომის გარეკანის წინა მხარეს სოხუმის სილუეტი მკაფიოა, ბოლო გვერდზე კი — ბუნდოვანი. აქვეა გალაკტიონის ლექსი — საბედისწეროდ ამხდარი ჯადოქრული წინასწარმეტყველება. მაგრამ გადარჩენის იმედსაც ხომ გალაკტი-

ონი გვაძლევს. ურთულეს კითხვას — თუ როგორ გადარჩა ივერიის რიცხოვრივად პატარა ერი „და გადარჩა ის როგორც ერი?“ — გენოსმა ასე უპასუხა: „აქ პოეზია იყო მისი შემქმნელობა.“ ასე რომ, პოეზიას ნუ ვეხუმრებით. წარდგინების შემდეგ ნანა კუცია მეტყვის: „ვიდრე ყველაფერს თავისი სახელი არ დაერქმევა, არაფერი გვეშველება. აფხაზები ჩვენ ვართ, საქართველოს ერთ — ერთი კუთხის მკვიდრი ქართველები. ისინი აფხუები არიან.“ და მეც, ნანასაგან და გალაკტიონისაგან შეგულიანებული, ვიტყვი: გამოვიდეს რომელიმე აფსუა და ამ წიგნის პოეზია უარყოფს?! წიგნის ანუ ალბომის, რომელსაც ამჟამად წინ წაიმძღვარებს აფხაზეთში დაბრუნებული ქართველობა...

144 უცნობი ისტორიული ძეგლი



თემურ ხუციშვილი

პარლამენტის ეროვნული ბიბლიოთეკის საგამოფენო დარბაზში გაიმართა კრებულის „ტაო-კლარჯეთის ძეგლების 2014 წლის საკვლევო ექსპედიციების ანგარიშები“ წარდგინება. კრებული წარმოადგენს ერთგვარ შუალედურ ანგარიშს, რომელიც გულისხმობს ტაო-კლარჯეთის ტერიტორიაზე მდებარე ქართული კულტურის ძეგლების სრულ აღნუსხვას.

2014 წელს განხორციელებულმა ცხრა ექსპედიციამ თურქეთის ტერიტორიაზე მდებარე ისტორიული ქართული მხარეები — არტანი, ერუშეთი, კოლა, პალაკაციო, ფოსო, ჯავახეთი და სამცხის ნაწილი — შეისწავლა. ეს მხარეები ამჟამად არდაჰანისა და ყარსის პროვინციებში მდებარეობს. კვლევის შედეგად დაფიქსირდა წერილობითი წყაროებიდან ცნობილი 118 ისტორიული ძეგლის ამჟამინდელი მდგომარეობა. გარდა ამისა, შესწავლილ ტერიტორიაზე გამოვლინდა 144 უცნობი ისტორიული ძეგლი, რომლებიც არ არის მოხსენიებული ჩვენთვის ცნობილ წერილობით წყაროებში.

ნაშრომი გამოიცა შოთა რუსთაველის ეროვნული სამეცნიერო ფონდის მიერ, 2013 წელს გამოცხადებული საგრანტო კონკურსის გამარჯვებული პროექტის — „თურქეთში მდებარე ქართული ისტორიული მხარეების ტაო-კლარჯეთისა და კოლ-არტანის ქართული მატერიალური კულტურის ძეგლების კატალოგი“ ფარგლებ-

ში. პროექტი ხორციელდება კავკასიის უნივერსიტეტის მიერ, საქართველოს კულტურისა და ტურისტული რესურსების კვლევის ცენტრის მონაწილეობით.

ლონისძიებას უძღვებოდა პროექტის სამეცნიერო ხელმძღვანელი პროფესორი თემურაზ ხუციშვილი, საზოგადოებას სიტყვით მიმართეს და პროექტის მნიშვნელობაზე ისაუბრეს: კახა შენგელიამ, თემურაზ ჯოჯუამ, გიორგი ბაგრატიონმა, ჯაბა სამუშიამ, ლადო მირიანაშვილმა, ირაკლი ნოსელიძემ, დავით გაჩეჩილაძემ და ნინო ხოფერიამ.

ტაო-კლარჯეთის ძეგლების 2014 წლის საკვლევო ექსპედიციების ანგარიშები



ანა გელაშვილი, ბებურ გოზალიშვილი, დავით გაჩეჩილაძე, ლევან ნიქარიშვილი, შალვა კოლუაშვილი, ანა იმედაშვილი

ნინო დეკანოიძე

კორნიშელი განდებლის ქარაბმა

(განხილვა თემურ გაბუნიას ნიგნისა „ნამდვილი ბრძოლა“)

კვლავ ლიტერატურის ინსტიტუტის სხდომათა დარბაზში შეიკრება მრავალრიცხოვანი აუდიტორია ტრადიციულ სამშაბათობაზე.

სასაუბრო თემა — თემურ გაბუნიას — „ნამდვილი ბრძოლა“, ნიგნი ეძღვნება ჯერომ სელინჯერს.

XX საუკუნის დიდი ამერიკელი მწერლის ცხოვრება-შემოქმედებას განსაკუთრებული ცოდნითა და სიფაქიზით მიმოიხილავს რა ქართველი ავტორი, თითქოს საგანგებოდ არ მიაკუთვნებს რომელიმე ჟანრს და ამით სრულ ნდობას უცხადებს მკითხველს, განსაზღვროს თვითონ, ვრცელ მონოგრაფიად მიიჩნიოს იგი თუ უწოდოს ბიოგრაფიული რომანი.

იმდღევანდელი ღონისძიებიდან კი პროფესიონალ ლიტერატორთა სხვადასხვა თვალსაზრისსა თუ საგულისხმო მოსაზრებას, რასაკვირველია, თანმიმდევრულად შემოგთავაზებთ რეპორტაჟის ფარგლებში ანუ ამოკრებით.

შეხვედრა შესავალი სიტყვით გახსნა მაია ჯალიაშვილმა:

ქვეყნიერებაზე ალბათ ძნელად მოიძებნება ადამიანი, ჯერომ სელინჯერის მოთხრობა „თამაში ჭვავის ყანაში“ რომ არ ჰქონდეს ნაკითხული და ოდნავ მაინც არ განეცადოს სასიკეთო გავლენა. გადამდებია ჰოლდენ კოლფილდის შეხედულებები საზოგადოებაზე, როგორც ერთფეროვან მასაზე, სიყალბით დაბრმავებულზე, რომელიც ვერ ჰგუობს განსხვავებულს, არაპრაგმატულს, რომელიც უაზროდ მიიჩნევს რომანტიკულ კითხვას: „სად მიდიან იხვები, როდესაც ტბა იყინება?“ ამაზე პასუხი კი გულისხმობს ყოველდღიური ყოფის საზღვრებიდან გასვლას, რაღაც იმგვარზე დაფიქრებას, რაც არ უკავშირდება ადამიანურ საზრუნავებს. სწორედ ეს ინვესტიციები პიროვნების ამბოხს, რასაც მოაქვს დიდი სულიერი ტანჯვა და თანვე ბედნიერება, რომ შეგიძლია იყო ის, ვინც ხარ, და ლაჩაროვით არ შეინიღბო ფარისევლოვის, თვალთმაქცობისა და კამაფლიაჟისთვის მორგებული სხვა ათასგვარი ნიღბით.

ავტორს ნიგნში გაანალიზებულ-მეჯერებული აქვს სელინჯერის სხვადასხვა ბიოგრაფია ნაკვეთი და ძალიან საინტერესოდ გადმოგვცემს მთავარსა და მნიშვნელოვანს.

ნარმოჩნდება აგრეთვე ამერიკული კულტურის არსი და სახე, ძალიან საინტერესოდ და დასამახსოვრებლადაა ნიგნში უნა ო'ნილის, ჩარლი ჩაპლინის, უილიამ საროიანის, ჰემინგუეის, სკოტ ფიცჯერალდის, ფოლკნერისა და სხვა მწერალთა სახეები, მათი შემოქმედების ტენდენციები, ეპოქის სული.

უამრავ მკითხველთა შორის ერთი ფოლკნერიც იყო, რომელმაც ახალი თაობის მწერალთაგან იგი საუკეთესოდ მიიჩნია, სტუდენტებთან ერთ შეხვედრაზე კი განაცხადა, რომ სელინჯერმა თანამედროვეობის უდიდესი შეცდომა, დანაშაული აღმოაჩინა და გაილაშქრა მის წინააღმდეგ. ეს იყო ხელი-სუფლების წნეხი, რომელსაც იგი ახორციელებდა ადამიანებზე: „ძნელია იყო ინდივიდი ჩვენს კულტურულ გარემოში. ჩემი აზრით, რაც იმ ნიგნში დავინახე, ტრაგედიაა, გარკვეული აზრით, სელინჯერის პიროვნული ტრაგედიაცაა. იგი იყო ახალგაზრდა კაცი, ინტელიგენტური, ოდნავ მგრძობიარე, ვიდრე სხვები. ჰოლდენს მარტივი რამ სურდა, შეეყვარებინა

კაცობრიობა და როდესაც მოისურვა ადგილი დაემკვიდრებინა სხვებს შორის, აღმოაჩინა, რომ იქ ადამიანი აღარ იყო“.

როგორც ცნობილია, ყურადღებას იქცევდა მწერლის არა მხოლოდ მხატვრული შემოქმედება, არამედ მისი განდევნილური ცხოვრება. ავტორი საინტერესოდ წარმოაჩენს იმ მიზეზებს, რომლებმაც გამოიწვიეს მისი გარიდება დიდი ხმაურიანი ქალაქიდან მყუდრო კორნიშში: „წერისას ხშირად სამხედრო ფორმა ეცვა და ეს სიმბოლურიც იყო... ის ისევე კომარ მდგომარეობაში იმყოფებოდა, რადგან მას შემდეგ, რაც პოპულარული გახდა, მძიმე ბრძოლების გადატანა უწევდა საკუთარ თავთან და მყუდროების დამრღვევებთან; ლიტერატორებთან, ბიოგრაფებსა და ჟურნალისტებთან, ყოველი მხრიდან რომ უტყვევდნენ და თანდათანობით კომპრომატების მაძიებლებს ემსგავსებოდნენ. ასევე პაპარაცებთან, მასზე რომ ნადირობდნენ. სელინჯერი თვალთმაქცებს უწოდებდა ყველას, ვინც ფულსთვის საკუთარ ნიჭს ყიდდა; წინააღმდეგი იყო მასკულურით ადამიანის ზომბირებისა, სწავლა-განათლებლისა, რომელიც სიბრძნის დაუფლებას არ ისახავდა მიზნად“.

ამ ნიგნში ვხვდებით სელინჯერის პერსონაჟებს და თვითონ მწერალსაც, როგორც პერსონაჟს, რომელიც გამუდმებით დაეძებდა საკუთარ თავს. ძიების ამ გზაზე ხშირად ექცეოდა სხვადასხვა რელიგიური შეხედულების გავლენის ქვეშ.

თანაც, დედით კათოლიკე და მამით ებრაელი საუმივიად ღვთის ძიებაში იყო. ამ თვალსაზრისით, ძალიან საინტერესოდ არის წარმორჩენილი ბუდიზმით თუ ინდუიზმით მისი გატაცება. ეს ძიებები მწერალს ხელს უწყობდა სულიერ ზრდასა და სამყაროს მრავალფეროვნების შეცნობაში.

ავტორი კარგად წარმოაჩენს სელინჯერის უმთავრეს საფიქრალს, რაც მისი ცხოვრების სტილს განაპირობებდა კიდევ: „მისთვის მთავარი არც რეიტინგი იყო, არც რომელიმე ჯილდო, ან პრემია, ან თუნდაც ხალხის სიყვარული. მისთვის მთავარი გახლდათ, როგორ წარსდგებოდა უფლის სამსჯავროზე, რადგან ხელოვნება სელინჯერისთვის ცოდვით დატყვემული ადამიანის რაღაც გასართობი საშუალება კი არ იყო, არამედ რელიგიის რანგში აყვანილი უსაყვარლესი საქმე.“

საგულისხმოა ყურადღების გამახვილება იმაზეც, რომ მისი გმირები ხშირად ბავშვები არიან, სწორედ მათი პირით არის გაცხადებული სიყვარულის სიბრძნე და ეხმიანება სახარებისეულ სწავლებას. „რას ეუბნება კედელი კედელს?“ — გვეკითხება ცნობისმოყვარე ბიჭი და ჩვენგან მოელის პასუხს: „კუთხეში შევხვდეთ ერთმანეთსო“ („ძღვნად ესმეს“). იესო ქრისტე ხომ უქადაგებდა ადამიანებს, რომ მიუბაძათ ბავშვებისათვის, მათი უმანკობისა და გულგახსნილობისათვის.

სათაურში კარგად არის გამოკვეთილი მთავარი სათქმელი — ნამდვილი ბრძოლა ჰქონდა მას მთელი სიცოცხლის განმავლობაში საკუთარ თავთან, საზოგადოებასა და ყალბ შეხედულებებთან.

„ბანანათევზას ამინდი“, „ძღვნად ესმეს“, „ფრენი და ზუი“, „ჭერი ასწიეთ, დურგლებო!“ „სევდიანი სიმღერა“ და სხვა ნაწარმოებები მკითხველის მუდმივი თანამდევია და ერთგვარი გამომაფიზლებელი, რომ თანამედროვე ცხოვრების თავბრუდამხვევ რიტმში არა ჩაიკარგოს, არ დაკარგოს სიყვარული, დარჩეს, როგორც პიროვნება თავისუფალი ნებითა და საკუთარი არჩევანით.

— შეხმიანება თემურ გაბუნიას მონოგრაფიასთან მრავლისმომცველ, თანაც ექსპრესიულ ესეიდ „კორნიშელი განდებლი და გაყინული ტბის საიდუმლო“ წარმოადგენს **როსტომ ჩხიძემ**. პუნქტობრივად მოიხილა რა ნიგნის ზუთივე ნაწილი „ძლიერი რომანტიკით, ბედნიერებით, მღელვარებით და ზოგჯერ განწირულებით აღსავსე“ დიდი ადამიანის ცხოვრება ჩვეული ორატორული ხელოვნებით განაცდევინა მსმენელს. ესეი უმთავრესად კი მაინც სარეცენზიო ნიგნში ცალკე თავად გამოყოფილ „სასიყვარულო სამკუთხედზე“ ააგო და შთამბაჭდად გამოსვლას რეფრენად გადაევნა სელინჯერისეული ემოციურ-რომანტიკული ფრაზა: „...არა, მაინც სად მიდიან, სად მიფრინავენ იხვები, როდესაც ტბა იყინება?“

როსტომ ჩხეიძემ თემურ გაბუნიას წიგნში გამოკვეთილი „სასიყვარულო სამკუთხედი“ მიიჩნია როგორც აუცილებელი ამბავი მწერლის ბიოგრაფიისა და პიროვნული პორტრეტის სრულყოფილი წარმოსახვისათვის. მოიხმო მონაკვეთი ჩარლი ჩაპლინის მემუარებიდან „ჩემი ბიოგრაფია“. აგრეთვე დასძინა, რომ ავტორის ძიებანი ანგლო-ამერიკული ლიტერატურის ნიაღში უმთავრესად უტრიალებდა სამ მწერალს — ჯეიმზ ჯოისს, უილიამ ფოლკნერსა და ჯერომ სელინჯერს. ხოლო ქართულ სალიტერატურო პერიოდიკაში საკმაო უხვად გამოკვეთილი თემურ გაბუნიას სტატიები მათი მხატვრული თავისებურებების გამო, ღრმა, ფართო ცოდნითა და დახვეწილი გემოვნებით შესრულებულ ექსპრესიულ ესეებზე მიიჩნია.

თავისი შთაბეჭდილებები გაუზიარა მსმენელს **ნინო ვახანიამ**: ამ შესანიშნავ წიგნში დანვრდებით, დეტალურად, გამოწვლილვითაა შესწავლილი ჯერომ სელინჯერის ცხოვრება და შემოქმედება და ამასთან ერთად საინტერესოდ და საყურადღებოდამიმოხილული XX საუკუნის ამერიკული პროზა. ვრცელი მონოგრაფიის (რომანივით რომ იკითხება) ერთი უდავო ღირსება ისიცაა, რომ ავტორი ფრთხილად, ფაქიზად, თუმცა დაჟინებით ეძებს იმ მიზეზებს, რომლებმაც ამერიკელი მწერლის, მეტი რომ არაა ვთქვათ, ცხოვრების უცნაური წესი — საზოგადოებისაგან განდგომა განაპირობა. ამ კითხვაზე პასუხის გასაცემად, იგი პირველ რიგში, თვითონ სელინჯერის რომანსა და მოთხრობებს მოიხმობს, შემდგომ დეტალებს მწერლის ბიოგრაფიიდან მის განდგომილობამდე, სხვა მწერალთა და ჟურნალისტების (კეთილად თუ ავად განწყობილთა) შეხედულებებს, მათ აზრებს... ყველაფერს კრებს, ერთმანეთთან აკავშირებს, საკუთარ, ძალზე ჭკვიანურ დაკვირვებებს გვთავაზობს და ასე, ამ გზით, საკაცობრიო პრობლემებს წამოჭრის და მათზე საფიქრალად განგვაწყობს ჩვენც.

არსებობს წიგნები, მსოფლიოში ყველგან ერთნაირად რომ უყვარს მკითხველს. ერთი ასეთი, უდავოდ, სელინჯერის რომანია — „თამაში ჭვავის ყანაში“. ჰოლდენ კოლფილდი ეძებს ადამიანს, პიროვნებას, რათა ესაუბროს და ვერ პოულობს... ბარემ აქვე ვიტყვი, რომ თემურ გაბუნიას წიგნს ძალიან მოხდენილი და ამავე დროს შინაარსის მორგებული სათაური აქვს — „ნამდვილი ბრძოლა“. და მართლაც, მთელი მონოგრაფიის მანძილზე ნამდვილ მებრძოლად, სინმინდის, სილამაზის, პატიოსნების, ერთგულების, ღირსების... ნამდვილ დამცველად წარმოგვიდგება ჯერომ სელინჯერი.

ერთი მტკივნეული თემა, რომელიც ამერიკელმა მწერალმა ჰოლდენ კოლფილდისა და თავისი სხვა პერსონაჟების (ფაქტობრივად, ორეულების) მეშვეობით წამოჭრა, ესაა: რისთვის იღებს ადამიანი განათლებას? „არა ვიქმ, ცოდნა რას მარგებს ფილოსოფოსთა ბრძოლისა“, — შეგვაგონებს რუსთაველი. მაინც რა არის მიზეზი? — კარგი სამსახური, ხელფასი, „ის ოხერი კადილაკი“ თუ სულიერი განმენდა, ამაღლება, ჭეშმარიტების წვდომა? და უკვირს ბესის (სელინჯერის ერთ-ერთ პერსონაჟს): რა საჭიროა ცოდნა, თუკი მას ბედნიერების მოტანა არ შეუძლია („რაც მეტია ცოდნა, დარდიც მეტია“, — ეკლესიასტე).

დამაფიქრებელი და სამწუხარო გახლდათ მწერლისთვის ქადაგება რელიგიათა შერწყმისა, რაც, ფაქტობრივად, უღმერთობას ნიშნავდა. არადა, თვითონ დარწმუნებული იყო, რომ რელიგიის გარეშე სამყარო ვერ იარსებებს (თანამედროვე გლობალიზტებმაც, როგორც ჩანს, ბევრი რამ ისეხსენ იმ მოძღვართაგან, რელიგიათა შერწყმას რომ ქადაგებდნენ და ახლაც ცდილობენ, რელიგია ფილოსოფიად აქციონ).

ერთი მთავარი საკითხი მონოგრაფიის ავტორისთვის, ალბათ, მაინც იმ მიზეზების კვლევაა, რომელთაც კორნიში განმარტობამდე მიიყვანეს უკვე აღიარებული მწერალი. რაც გადაჭრით უარყოფილია გამოკვლევაში, ესაა მიზეზად ომში მიღებული სტრესის დასახელება.

რომანის „თამაში ჭვავის ყანაში“ მთავარი გმირის, ჰოლდენ კოლფილდის ოცნება — კლდის პირას იდგეს და ყანაში მოთამა-



მაია ჯალიაშვილი და გია ჯორბაძე

შე ბავშვებს კლდიდან გადავარდნისგან იცავდეს — თემურ გაბუნიას მიერ ახსნილია, როგორც „წმინდა ცნობიერების“, ანუ ბავშვური სინმინდის შენარჩუნების სურვილი. იქნებ, ამ ქარაგმის სხვანაირად ახსნაც იყოს შესაძლებელი და არც ის მოსაზრება (თუ მოსაზრებები) გახლდეთ ჭეშმარიტებისგან შორს, მაგრამ იმაში კი ყველა დაეთანხმება, რომ „თამაში ჭვავის ყანაში“ მართლაც ამბობება გულცივი და სასტიკი სამყაროს წინააღმდეგ.

ისიც უნდა ვთქვათ, რომ ავტორის მიერ სელინჯერის მოთხრობების საფუძვლიანი განხილვა სახელმძღვანელოდ და გზამკვლევად გამოადგება ყველას.

ფოლკნერის, სელინჯერის, სტაინბეკისა და სხვათა შესახებ წიგნის ბოლოს ავტორი ამბობს: „მათი ნაწარმოებების ნაკითხვა ადამიანს მხნეობას მატებს, მაღლიერებითა და სიხარულით ავსებს“. ჩვენ ზუსტად იგივე გვინდა გავიმეოროთ ამ წიგნის შესახებ. „მწერლობის ერთ-ერთი დანიშნულებაა ხომ სწორედ ესაა!“

ჩვეული ორატორული ხელოვნებით წარსდგა აუდიტორიის წინაშე **გია ჯორბაძე**:

ამთავითვე უნდა განვაცხადო, რომ მიუხედავად უხილავი მანტიით შემოსვისა, რომელიც ხშირად პატივმოყვარეობის დამცველ და დამატკობელ განცდას უჩენს რეცენზენტს, მე უპირობოდ — უ — „თუ“ — ოდ და უ — „თუმცა“ — ოდ — თემურ გაბუნიას მხარეს ვარ — სულ უბრალო მიზეზის გამო: ის წიგნს სელინჯერზე! თავისი ნაღვანით ბჭეს უმაგრებს იმ დამაინტერესებელ მთარგმნელობით სტრატეგიასაც, რომლის შემწეობითაც, თუ არ ვცდები, სელინჯერის ყველა გამოცემული თხზულების ქართული თარგმანი არსებობს!

ჩვენ მხოლოდ იმ ეპიზოდებს გამოვყოფთ წიგნიდან, რომლებიც მოგვეწონა ან არ მოგვეწონა და რომლებზეც რაღაც გვეთქმის.

წიგნში ნაამბობია მწერლის სიყმანვილეზე, მის პირველ სერიოზულ სატრფიალო გატაცებაზე, რომელიც კრახით დასრულდა და უფრო მეტი აღმოჩნდა, ვიდრე — გატაცება — უნაონოს ვგულისხმობთ. ავტორიც აღნიშნავს სელინჯერის მიერ აჩემებულ კითხვას და ჩვენც ხმას ვუერთებთ მის გულწრფელსა და გულუბრყვილოდ რიტორიკულ განწირულობას:

საით გაფრინდნენ იხვები?

მართლაც, რა მოსდის სიყვარულს, როცა „ზამთრდება“ და ირგვლივ ყველაფერი იყინება?

სელინჯერის შემთხვევაში — იხვი ჩარლი ჩაპლინისკენ გაფრინდა.

ავტორი ეხება საკითხს, თუ როგორ აფასებდა ორი დიდი ამერიკელი მწერალი — ჰემინგუეი და ფოლკნერი სელინჯე-

რის სამწერლო რეპუტაციას. ინგლისურად გვახსენდება ჰემინგუის შეძახილი: *Jesus, he has a helluva talent!* ქართულად კი სიტყვის — *helluva*, იმავე — *a hell of a* — თარგმანი: ჯოჯოხეთური. ვცადოთ და ეს შემთხვევა ასე გავიაზროთ: მონიფულ ჰემინგუის უთქვამს უმნიფარ სელინჯერზე: ღმერთო, ემბაკივით ნიჭიერი...

თემურ გაბუნია აღნიშნავს, და ჩვენც ვეთანხმებით, რომ ახალი თაობის მწერალთაგან ფოლკნერი მართლაც გამოარჩევა სელინჯერს, თუმცა კი ერთხელ უთქვამს, იგი წერს უმნიფრობებს უმნიფართათვის (თუ აქ სულაც დადებითი მნიშვნელობა არ იგულისხმება!).

სხვათა შორის, ფოლკნერის ბოლო ტექსტს — *The Reivers* (გამტაცებელი) — სელინჯერის რომანზე „თამაში ჭვავის ყანაში“ რეპლიკადაც კი მიიჩნევენ, რომლის პროტაგონისტი, ფოლკნერისეული პრისტის მსგავსად, პირველად ეჯახება ზრდასრულთა სასტიკ სამყაროს.

გია ჯოხაძემ გამოყო ქართველი ავტორის ტენდენციები სელინჯერის ბიოგრაფიული ეპიზოდების რკვევისას და როგორც სხვა დროსაც მრავალჯერ შეხსენებულა, იგი ოპონენტის მიუმხრობლობით წარსულს აუდიტორიის წინაშე, შეიძლება ითქვას ძირისძირობამდე ჩაეძია და ნიუანსობრივად მოიხილა სარეცენზიო წიგნი, კორექტურული ანუ ტექნიკური ლაფსუსებიც გახადა თვალსაჩინო და მისმა წინდანი ნათქვამმა — „თემურ გაბუნიას მხარეს ვარო“ დამაჯერებლობაც გაამკრთალა ცოტათი. მისეულმა განსხვავებულმა თვალსაზრისმა თუ უკომპრომისობამ სხვადასხვა საკითხებზე, კამათისათვისაც კიდევ განაწყო აუდიტორია, მაგრამ რეგლამენტით განსაზღვრული დრო სამისოდ როცა დადგა, გია ჯოხაძე დარბაზში აღარ ბრძანდებოდა...

კორნიშელი განდეგილის ისტორია, თემურ გაბუნიას მიერ მოთხრობილი, სრულფასოვან რომანად მიიჩნია **ნანა კუცია** და მიანიშნა: დახვეწილად მოიხაზება ამერიკის ერთ-ერთი გამორჩეული მოაზროვნის აბრისიო.

„რაკურსის მუდმივი ცვლა თხრობისას რიტმის დინამიურობას განსაზღვრავს. ხუთწინილიანი კვლევა-ამბავი ცალკეული ესე-მინიატურებით იქსოვება, რომელთაგან თითოეული თვითმქმარი „ხრტილიცა“ და კონტრაპუნქტშიც ერთიანდება. ნაკვეთთა სათაურების უბრალო ჩამონათვალშიც ნათელყოფს, რაოდენ ვრცელია საკვლევი ველი, როგორ ირეკლება მაკროკოსმოსი მიკროკოსმოსში და პირიქით. დაწვრილებითაა შესწავლილ-გაანალიზებული გზა კოლუმბის უნივერსიტეტიდან კორნიშამდე. ტექსტის სტრუქტურა ტელეოლოგიურია — ყოველი მომდევნო ამბავი საბოლოო მიზნითაა განსაზღვრულ-განპირობებული.“

პოსტმოდერნიზმამდელი ეგზისტენციური დრამა სელინჯერთან სულიერი ძიებების სივრცედ ტრანსფორმირდება. დიდი დეპრესიის შემდგომი ამერიკის ეიფორიული ყოფა, განსხვავებული რელიგიური მრწამსის ოჯახი (დედა — ირლანდიელი კათოლიკე, მამა — ორთოდოქსი ებრაელი, პაპა — რაბინი), მიტოვებული კოლეჯები, „პეპლის ფრთებზე ყვავილების მტვერივით ფაქიზი“, გაცრუებული სასიყვარულო ისტორიები, მსოფლიო ომი, ელიტარული ნაწილის ოფიცრობა, წარმატებული სამწერლო კარიერა — „მედისონ ავენიუს მცირე ამბოხიდან“ ვიდრე „თამაშამდის ჭვავის ყანაში“ თუ ცხრა მოთხრობამდე, ადამიანური ბუნების უღრმესი წვდომა, მუდმივი სულიერი ჩაღრმავება აღმოსავლურ-დასავლურ რელიგიურ ნიაღში ის ობიექტური ქსოვილია, რომლის „გულის, ცნობისა და გონების-მიერი“ გააზრებით იქმნება სელინჯერის ერთდროულად ნატიფი და ტრაგიკულ-გროტესკული სუბიექტური კოსმოგონია.

ტექსტის ყოველ მონაკვეთზე დიდხანს და სიამოვნებით შეიძლება საუბარი...

უდიდესი ინტერესით იკითხება პარალელები ფოლკნერის, ტოლსტოის, სტაინბეკის, ფიცჯერალდის... ნაწარმოებებთან. ამერიკის გამორჩეული მოაზროვნეები (სელინჯერამდეც და სელინჯერის თანადროულადაც) სწორედ ჯოჯოხური აზროვნების გამო ამხელდნენ ისტებლიშმენტს, პრეზიდენტ ეიზენჰაუერის

გემას, „უხილავ ხელისუფალთა თარემის ატმოსფეროს“, სახელმწიფოს მიერ ადამიანთა წვრთნას „პარტიების, პროფკავშირების, ანალიტიკური ცენტრების კონტინგენტად“ — საპირწონედ ღვთის ხატად და მსგავსად ქმნილი პიროვნებისა, ვისაც ებრძვის და უპირისპირდება ყველა და ყველაფერი ყველგან და ყოველთვის — სახელმწიფოს ლევიათანური მანქანით, კოლეჯების მხოლოდ წარმატებასა და არასოდეს სიბრძნეზე ორიენტირებული საგანმანათლებლო პროგრამებით, ოკულტური „სიბრძნით“, „უცხო ღმერთებთან მრუშებით“, რელიგიათა მერწყმის იდეის ქადაგებით, სექტების მოძალეებით, ფულის კერპად ქცევით, მინის უგულვებლყოფით, ადამიანის „ხელფასზე დამოკიდებულ მომთაბარე არსებად ქცევით“, ბანკთა დიქტატურით, თვალუწვდენელი ნაყოფიერი მიწების უქმად მოცდენით, ერთ მუჭა ოლიგარქთა, ფინანსისტთა და კომერსანტთა არნახული გამდიდრებით დაწყებული — დამთავრებული ჰოლივუდის კინოპროდუქციით, რაც ამ მანქანისავე ნაწილია „მომხილავ“ თვითმკვლელთა, საიდუმლო საძმობთა მიმართ სიმპათიითა და ღვთისმსახურთა მიზანმიმართული დისკრედიტაციით.

60-იანი წლებს — ტრადიციისა, ღირსების, ზნეობის მოთაყვანე ამერიკის — რეკვიემად აღქმული შემოქმედება სელინჯერისა გულგრილს ვერ დატოვებს გონიერი გულით ნამკითხველს თემურ გაბუნიასეული „ნამდვილი ბრძოლისა.“

თუმც ავტორი თავმდაბლად შენიშნავს, სელინჯერის საუკეთესო ბიოგრაფოსი, რასაკვირველია, თავად სელინჯერიაო, ვფიქრობთ, შესანიშნავ ამერიკელ მწერალს საკუთარი შემოქმედებისა და პიროვნული დრამის თქმურ გაბუნისეული ვერსია რომ წაეკითხა, იგრძნობდა, რომ ქართველ მკვლევარს მომადლებია „შინაგანი კულტურული ჭვრეტის, ესთეტიკური აღქმის უნარი“, „ემფატიური სადემარკაციო ნიშნებით“ ანუ მხოლოდ II მსოფლიო ომისა და ვედანტათი გატაცების კონტექსტში არ წაუკითხავს სელინჯერის გულის სისხლით ნაწერი ტექსტები.

წმინდა ილია მართლის სკოლის მეთერთმეტეკლასელმა **ნატა გაბუნია** ღონისძიებაზე ითხოვა რა სიტყვით გამოსვლა, პირველივე ფრაზის წარმოთქმისთანავე დარბაზიდან სრული კეთილგანწყობა მიაგებეს გასამხნეველად: „ბავშვობიდან მესმოდა ოჯახში ისეთი დიდი მწერლების სახელები, როგორებიც არიან ფოლკნერი, სელინჯერი, თომას მანი და ვიცოდი, რომ ისინი მამაჩემის საყვარელი მწერლები იყვნენ... თორმეტი წლისამ როცა „თამაში ჭვავის ყანაში“ წავიკითხე მამის რჩევით, ერთ რამეს მივხვდი, თუ რატომ უყვარდა მას ეს მწერალი გამორჩეულად... სელინჯერისა არ იყოს, ისიც ვერ ეწყობა თვალთმაქცებს, რომლებიც მზად არიან ფულის გულისთვის ყველაფერზე მოაწერონ ხელი. რასაკვირველია, მამაჩემის წიგნით უკეთ მივხვდი, სელინჯერის განდგომის მიზეზებს...“

ცხადია ლაზათი გამოაკლდებოდა წიგნის განხილვას **თემურ ნადარეშილის** გარეშე. იშვიათი პასუხისმგებლობა, გულმოდგინება, აკურატულობა ანა თუ იმ თემისადმი, მას ყოველთვის საინტერესო მოსაუბრედ წარმოაჩენს. ამჯერადაც მსოფლიო კლასიკის საფუძვლიანი ცოდნით, ზოგადმასშტაბური განათლებითა და გასაოცარი მეხსიერებით კვლავ მოინადირა მსმენელის გული...

ღონისძიების დასასრულს თემურ გაბუნია მადლობა გადაუხადა შეკრებილ საზოგადოებას, თითოეულ გამომსვლელს პროფესიული და საგულისყურო სიტყვებისათვის, აგრეთვე ლიტერატურული ჟურნალ-გაზეთები — „ჩვენი მწერლობა“, „ლიტერატურული გაზეთი“, „ალავერდი“, „საგურამო“, გამომცემლობა „24 საათი“ — და მათი მესვეურები მადლიერებით დაასახელა, და ის პიროვნებებიც, რომელთა თანადგომითაც წიგნი ჯერომ სელინჯერზე ხელმეორედ გამოჩინდა სამზეოზე 23 წლის შემდეგ, ცხადია უფრო შევსებული, გადამუშავებული და უკეთ გამოცემული... ისაუბრა აგრეთვე გამოსაცემად მომზადებულ თავის წიგნებზე და კიდევ ერთხელ გამოხატა მონიშნა ამერიკელი მწერლისადმი: ... — სელინჯერმა ბევრი რამ მასწავლა, ყოველთვის მისი მადლიერი ვიყავი და სწორედ ამ გრძნობამ დამანერინა ეს წიგნი.

თამარელა ნონორია

სულისტოლა ცერცვისტოლები

ანუ
ნიწო ქადაგიძის საზიქრათი

ნიწო ქადაგიძე ავტორია პოეტური კრებულისა „მეტრფე“ და მინიატურული პროზისა „ცერცვისტოლა ამბები“. ამ წერილში თქვენთან ერთად გავყვებით იმ გმირებისა და პერსონაჟთა გზას, რომელიც ნიწო ქადაგიძემ, როგორც პოეტმა და პროზაიკოსმა წარმოგვიდგინა თავის კრებულებში, რომლებიც თანმიმდევრობით, 2013-14 წლებში გამოიცა. „მეტრფეს“ („თობლისი“) რედაქტორი და წინასიტყვაობის ავტორია ვაჟა ხორნაული, რომელიც წერს: „ნიწო ქადაგიძე დაბადებით პოეტია, ბუნებას დაუნათლებია მისთვის სიტყვის სამსახური, რომელიც ადამიანს არა მარტო სიხარულის ბილიკით დაატარებს, არამედ იმ ტკივილსაც განაცდევინებს, ურომლისოდაც წარმოუდგენელია ადამიანისა და სამყაროს ურთიერთობა თუ წუთისოფელი“.

ნიწო ქადაგიძის დიდ ლიტერატურულ სივრცეზე გვსურს საუბარი, ანუ შემოქმედზე, რომელიც თავისი წიგნების ასლია, ციტაციაა. მისი სათქმელის ლექსად მოტანილი სტრიქონები-სადმი ანუ მისი სულიერი სამყაროსადმი გადახილვის შეწყვეტის გზა ისაა, რომ მასზე არ ისაუბრო, დამალო, გამოუთქმელობის, თითქმის აფაზის მდგომარეობამდე მიიყვანო, თუმც ეს შეუძლებელია. ნიწოზე უნდა იფიქრო, გამუდმებით უნდა ისაუბრო და ადამიანებს გააცნო იგი.

ნიწო ქადაგიძე მკითხველს ასე მიმართავს:
— ჰა, წაიკითხე!
მსურს ბაგეზე
ლექსად გტკიოდე!
სხვაგან კი ასეთ სტრიქონებს ჩანერს: „გულში ერთი წვეთი სინანულით გიპოვე ღმერთო!“

იესოსადმი მიძღვნილი ეს სტრიქონები:
„შენი სახელი, ჩემთვის არის როგორც ჭის წყალი, წვეთი ლოცვით რომ ჩამომქნარ სულს ააყვავილებს“.

როგორი მონანიე სტრიქონებია ჩანერილი ამ ლოცვაში „ცრემლში დამბალი სინანული მიბევრე ღმერთო!“ ასე, ხუთი თევზითა და ორი პურივით ნაკურთხი და გამრავლებულია მისი სიტყვები, სტრიქონები ეკიდება ფურცლებს ლექსებად. და რომ არ წეროს, განა შეიძლება? საოცარი ღვთის თვალი ადგას მის ლექსებს. პოეზიაც ხომ ლოცვაა და ცისკენ სწრაფვა, ამაღლება. ლექსითმეტყველებას მაკა ჯოხაძემაც ასეთი ორიგინალური აზრი მიუხადავად, პოეზია „იოდისფერ პანია ბოთლში ჩამოსხმული გულის ელექსირია?“.

ნიწო ქადაგიძე ლექსებს ხანდახან სიზმრადაც ხედავს, სახიერ, ხილვების მსგავს სიზმრებს და თვითონაც ღვთის თიხით გამოძერწილი, სიყვარულს ლექსებად ძერწავს... მის ლექსებს

ახალნაპოვნი ხელნაწერით ვაკვირდები და პოეტის სულს ვკითხულობ: რა ესიზმრება, რა ელხინება, როგორ უწყვილებს საკუთარ თავს მაფშალიას, დიახ, მომღერალ მაფშალიას, რადგა? ნიწო ქადაგიძეც მისებრი სტრიქონ-სტრიქონ მღერის:

ჩვენი სიყვარული
მაგონებს თავ-მაჰალს,
დღეები — ზურმუხტებს
შეხვედრა მალაქიტს
რა მოსატანია წყენა
ან ლალატი?!
ჩვენ ვდგავართ ჩუმად და
ლოცულობს ტაძარი.

და სიზმარში გამოტარებული სინამდვილის შემოფეთებით, პოეტის სულიერი ტკივილების დიაპაზონითა და ამ ტკივილების მოშუშების უცნაური რიტუალით, მისი თანამდევნი ვხდებით.

„წუხელ ჯვარცმასთან დამათენდა, ლოცვაში არა, ფიქრში, რომ უფალს სამსჭვალთან ლექსად ვდიოდე“, — ეს დედამინისეული ტკივილების ფორმულაა, პოეტის მიერ ჩამოყალიბებული, მეტიც, მის მიერ გამოგონილი... ინტელექტუალური აზროვნების ამგვარი ფორმა, დამაჯერებელს ხდის მისი პოეზიის ენას, ასეთი ფორმულით სწორედაც რომ ეთანადები და ეთანხმებები მის სტრიქონებს.

„შე გაზაფხულის მონაზონოო“, — როცა მიმართავს თეთრ ენძელას, თითქოს უფლის ლოცვას იმეორებდეს ასჯერ, ათასჯერ: „მარტო დგახარ და მაინც ყვავილობ, ნეტავ შენსავით მეც მაყვავილო“, — მეტი ყვავილობა რაღა იქნება, სიტყვათყვავილობაა მისი ლექსის უჯრედებში.

ნიწო ქადაგიძის პოეზია „დედაციცინათელას ნისკარტებით მოზიდული ლოცვაა“... ისეთივე დაუყვადრებელი, ნათელი და ნამდვილი, როგორც ციციინათელას ნისკარტის არსებობის შეგრძნებით გამოწვეული დიდი გაოცება და სულის გაფართოება. აქამდე შეუმჩნეველი და დაუნახავი, მაგრამ არსებული მზა სტრუქტურის შემოტანა პოეტურ ველში, ის საჰაერო ხიდები და პოეტური გადასასვლელებია, ნიწო ქადაგიძის პოეზიას ასე რომ გამოარჩევს და ადამიანურს, ბრძნულსა და კულტურულს ერთად შეგვამეცნებინებს.

ამ კრებულის სამოცამდე ლექსში ძალიან ბევრი ლოცვაა: „ასე გულდაჩოქილი შემივედრე უფალო“, — წერს პოეტი.

დიახ, მამაზეციერთან სულიერი სიახლოვის გარეშე ღირებული არაფერი იქმნება; მეტიც, უფლის მადლს მოკლებული ადამიანი ისე გავა ამა სოფლიდან, ვერ გაიზიარებს ამ უკიდევანო სილამაზეს, ვერ შეიმეცნებს აზრისა და გონის სიდიადეს, ვერ მოიფიქრებს თუნდაც ასეთ სათაურს „სიცხიანი ლექსი“, ვერც ასეთ ნატვრა-ნაღვლიან ლექსს დაწერს: „მოვდივარ შენსკენ, თან გზადაგზა ხახვის ფურცელს ვყრი, მერე ჩემამდე გზა რომ გავიგნო!“ ნიწო ქადაგიძე „ნამგალა ყანის ჩიტად“ მოსდევს თავის ლექსებს, ნისკარტ-ნისკარტ ლექსად მოაქვს მარცვლებივით დაფანტული სიტყვები... პო-



ეზიის ხნულში დგას და უმნიფს ბალახი, მთის წვერზე ცხოვრობს, მწყემსის მეტრფეა, ასე წერს და ამ ლექსმაც მოუტანა პირველი აღიარება "ხვარამზებობის" დღესასწაულზე. თავის სიყვარულს, სატრფოს, მიჯნურსა და ამიკს სოლომონ მეფის "ქებათა-ქების" დარად უმღერს. ლექსიკონი ქართული კი გვაუწყებს «მეტრფე-ტრფიალების მოქმედია, სატრფოა, მეტრფე სხვა არაა არს»... პოეტიც მარადიული მეტრფეა. ზეცის მინდვრებს ლექსებით გადაურბენს და გვასმენინებს:

**აჰა, გამოვიდა მთესავი თესვად...
ყამირს ატყვია ანგელოზის ნაფხურები
და გუთნისდედის გაკვალული
ციცკრის ხნულები.**

სასწაულმოქმედი მადლია ტრფობა. "იგი უფრო მისარქმელია, ვიდრე ზურმუხტი და მოელვარე ლალივით ძნელსაპოვარია. მას ვერ მოისყიდი მარგალიტებით, ვერც ძონით, ან კი ვინმეს სმენია სიყვარულის, ტრფობის გაყიდვა? ვინმეს უნახავს ტრფობით მოვაჭრე? საოცარი გრძნობაა მიჯნურობა — ეს ამონარიდი ოსკალ უაღდის „ბუღბუღი და ვარდიდან“ პოეტურ კულტურაზეც გვაფიქრებს, რადგან არც პოეზიაა ადვილსაპოვარი, ვერც მას „განჰვაჭრი“, სანამ ასეთი სტრიქონები კვლავ იწერება: „ვარ სამშობლოთი მოგანგლული, მზე მიზის გულში და მინაში მენვის ფესვები!“

კვლავ ნინოს ვუსმინოთ, საღამოს ლოცვისას, როცა "ანონილ ურთხმელებს ჩამოსდით სიტყვები წურწურით"... ის განა ხმინრობს, ჟივჟივით ლექსებში იბუდებს, იქ კი თავისას ხედავს და თავისას ლებულობს:

**მე სულს მიფარავს
მინის ერთი ციციქნა ნაგლეჯი,
ფფურცლავ ლაილამს...
ჩემი ცრემლების იორდანე
ისე ცხელია,
რომ ფეხქვეშ ყველა მინა მენვის
და ვერსად ვსახლობ...**

და ასეა, ლექსების გულში იტევს ტკბილ ტკივილებს. ალბათ, ამ ტკივილების გამოა, პოეტები ასე სტრიქონ-სტრიქონ რომ კარგავენ სიცოცხლეს... და სანამ კონწიალა ხიდი მასაც ჩაუნყდება ბავშვობასა და სიბერეს შორის, მამასა და პაპას შორის, სიტყვის ნაკუნებს აზრად აქცევს, და თუ ხანდახან არ უჯერებს სულის ნათესავს - სალექსო სიტყვას - ეს უფრო შემოქმედებითი წვა-ნატვრაა, ადამიანად გაჩენისა თუ პოეტად ყოფნის მისეული "ერთი ნისკარტი სამადლობელი"!

**ჭისა კი არა, ნეტა
წვიმის წვეთად ვიქცე
ანდა გუბურად,
რომ მერე შემსვას
ტანჯივჟივა, ციციქნა ბედურამ,
ამოგხედოს და ერთი ნისკარტი
სამადლობელი გადამიხადოს.**

ნინო ქადაგიძის ლექსებში „გალმა ნაპირზე თითებს იმტვრევენ ბილილები“, „მოუსვენარი ბავშვი — ტყემალია“ და „ბედურებს ფრთებზე ასდით თითქოს შროშანის სუნი“. „ფრთამოტეხილი ბარტყი (მართლა ჩემი გულია) ეს მერამდენე საგულედან რომ ჩამომვარდაო“, — აცხადებს. „მზით ნახავერდები ატმის ბალიც“ გვამახსოვრდება, რადგან შემდეგ ასეთი სტრიქონებიც ვაკრთება: „შენზე თუ ჯვარი არ დამწერეს, ატმებზე მაინც ვიქორწინებო“ (და გალაკტიონის შემდეგ ატამსა და მის ყვავილებზე წერა არცთუ იოლია!)

პოეტი ამასობაში გულზე ოდიკს დაიფენს, ლექსჩანთაში გამორჩეულ ტექსტებს ჩაილაგებს და ვხედავთ ღრუბელ-ღრუბელ მიმავალს, თუ ღრუბლებს შორის დიდი მანძილია და "მწვანეტრფა გაზაფხულზე" მლოცველს აგვიანდება, ხიდად გაედება ლექსების ღმერთი და ასე გადაატარებს; ამასობაში "ამინიც" ჩამოვივლის და გულით მხვენარსა და მლოცველს რომ დაინახავს, არ დააყოვნებს და დაუდასტურებს ლექსად ნათქვამს:

**როგორც მხვენარი,
გულს მოგიტან
სანირ-საკლავად
შენ გადმორეკე შენი სოფლის
მოკისკისე მინდორ-ველები,
ტყეები, მთები...
ერთად ვილოცოთ
ამ მწვანეტრფა
გაზაფხულზე
გათენებიდან — გათენებამდე.**

ამ დაბადებით პოეტმა გოგომ, ლექსად ერთად ვილოცოთ, და ერთ დღეს, შემოდგომის ხაზალობისას, ანუ ამ სეზონის ერთ დამორჩილებულ დღეს (იგივე დამორჩილზე — როგორც შემოდგომას უწოდებენ სამეგრელოში!) ზუსტად რომ დამორჩილებული პროზაული კრებული შემოგვთავაზა. ამ საკუთარ გულსა და ცხოვრებაში გამოტარებულ მინიატურულ პროზას „ცერცვისტოლა ამბები“ დაარქვა („ინტელექტი“). მისი რედაქტორია ასევე ჩინებული მწერალი ნინო სადღობელაშვილი. ეს ის იშვიათი შემთხვევაა, როცა "ცერცვისტოლების" მწერალიცა და რედაქტორიც თავიანთ ნაწერებს ძალიან ჰგვანან და მათ პოეზიასა და პროზაშიც გამოსჭვივის მათი სულის ფიზიკა და შემოქმედებითობის ფსიქოლოგიური მტკიცებულება.

ნინო ქადაგიძის თქმით, ამბავ-წერის მოთხრობილება იმიტომ გაჩნდა, რომ მხოლოდ ლექსით ვერ გამოითქვა მისი ყველა ადამიანური სათქმელი, ვერ გადმოცა საფიქრალეები და ახლა, სულის განვითარების ამ ეტაპზე, სათქმელი პროზაული ტექსტით შემოგვთავაზა. „ცერცვისტოლა ამბები“ 52 ასეთ სათქმელს გვთავაზობს. ეს ამბები ავტორს კი ჰგვანან, მაგრამ სრულებით არ ჰგვანან ერთმანეთს. აქ ყოველთვის ახალი, არაჩვეულებრივი ამბავი იწყება და არ ილევს ამბები. უნებურად ვიგონებთ გალაკტიონს, „და ცით დაამშვენაო“ — დანერს ტაძრის ამშვენებელზე და სიმაღლის სხვა რეგისტრში აჰყავს ნიკორწმინდაც და მისი მკვიდრად მაშენებელიც. ნინო ქადაგიძემაც თავისი სათქმელი ამ სათაურით გაამშვენა, ცერცვისტოლები უწოდა, ყველა ტექსტს მოარგო და მათაც მოირგეს ეს სათაური.

ამბობენ, ასკეტური ცხოვრების წყალობით განბრძნობილი მთელს სამყაროს ერთი ცერცვის მარცვალში ხედავენო. ტექსტის ანალიტიკური ნაკითხვა ასე გვეთავაზობა. მწერლური ბუნება ორი მიმართულებით შეიძლება შევავასოსოთ, პირველი: რაც მან დანერა, და მეორე: რაც ამ დანერილით შეიძლება იგრძნოს მკითხველმა ანუ ის, რისი დანერაც შეუძლებელია, მაგრამ ეკუთვნის მწერალს და ეს ხანდახან გამოთქმის შესაძლებლობათა მიღმაა. ამ პროცესებზე მწერალს არასდროს შეუძლია პასუხის გაცემა. რატომ მაინც-დამაინც ასე და არა სხვანაირად? ასეთი კითხვების გამო ჩნდება ტექსტების შეფასების სურვილი. თუ რატომ უნდა მივიჩნიოთ ნინო ქადაგიძის ტექსტები ჩვენთვის მისაღებად; ალბათ იმიტომ, რომ ამ მინიატურების გრამატიკა და თხრობის ლოგიკა, მისი ტექსტების შინაარსი „სულის სანატორიუმში“ მოხვედრას მოჰყავს. როგორ უსმენია თავისი ბავშვობისთვის, როგორ დაჰკვირვებია, როგორ დაუმახსოვრებია პაპა-დიდელების მოყოლილი; მერე როგორ გარჯილა და რა ლამაზად ჩამოურიგებია ეს სამახსოვროები თავისი ნათელი გონებით ნაქანდაკარ მახსოვრობის ფაილებში, ან როგორ

შეუკრავს. ისევ გალაკტიონური ასოციაციებია: ჟღერს ამბების ჰარმონია, მერე რა მდიდარი სააზროვნო სივრცეა, ზომიერი დიდაქტიკური, კეთილმორალისტური.

ნინო ქადაგიძის მინიატურები — მისი ერთი პერსონაჟით, 37 წლის ფირო-ფოსტალიონით (რომელიც ზაფხულობით დედამისის ჩითის, ხოლო შემოდგომა-გაზაფხულზე კი ბამბაზის ხალათზეა მიწებებული) — ძალიან არიან თავიანთი შემქმნელსა და მომგონებელს ჩაფრენილი... ისეთი მცირე არიან, მარტონიც არ დაიტოვებია, ამიტომ სულში შემოგვისახლდებიან და იქვე გვიჩერდებიან. თან ვნატრობთ, ამ წიგნს, ამ ამბებს დასასრული არ ჰქონდეს ამ მართლა ცერცვისტოლა კი არა, ცისტოლა და მზისტოლა ამბებს, სულაც სულისტოლა ცერცვისტოლებს.

ერთი ამბავია სახლზე, უთქმელსა და ფიქრიანზე, ფიზიკური-ძილიანზე, რომელიც „ნელში იხრება, ბერდება და პატარავდება. ერთ დღეს თავიც კი შეიძლება ჩამოგადოს მხარზე დალილიმა“. გამთენიისას, მამლის ყვირლზე ეღვიძება სახლს. „გაიზმორება აბლაბუდებით, დაამთქნარებს ჩიტის ბუდეებიან აივანს და ყვარაიან თავს დაუკრავს მეზობლის სახლებს“, — ხომ არის ეს სახლი თანამედროვე სევედის მეტაფორა, დარღვის ახლებური შემოთავაზება გაუყურებელზე, მოურჩენელზე, არგარდასულზე. სახლი თანდათან ემსგავსება მამას, მამა პაპას, პაპა თავის მამას, ასე იქამდე, ვიდრე სოფლის ბოლოს ნასახლარებს ნააწყდება. მიტოვებული საფლავებია ნასახლარები! საფლავთა მიტოვებულ სახლებთან, ნასახლარებთან ასოცირება, ანდა სულაც პირიქით, ქართული არგაყურებული ტკივილებიდანაა გამოყოფილი.

ნინო ქადაგიძის თაობაშიც იწერება ვაჟს „მთის წყაროსგან“ გამომდინარე, მისი ნათლული მდინარე, ერთი მაინც აუცილებლად რომ უნდა ჩამოუდიოდეს სოფელს. რა იცი, რაში გამოადგებათ! მდინარე არამცდარამც ღრმა და მშფოთვარე არ უნდა იყოს, რომ სრულიად შემთხვევით ალიკას ბიჭი არ გაცნავს და დედამისი მთელი ცხოვრება ამ მდინარესავით არ ღრიალებდეს — დაიხრჩოო!!!... დიას, მდინარეს გულის ჯვრიდან არც ერთი გრამი ბოროტება არ უნდა ამოუცურდეს! — ასე ფიქრობს მწერალი. მარადიული სიკეთის მეტაფორაა მდინარეობა, უსასრულო სიკეთეა განფენილი დროის მედინობაში.

ეს მინიატურები ჟანგბადის მოლეკულებით ამარაგებენ ჩვენი სულის სამოსახლოს... დღეს, როცა ადამიანთა გულეები დაისერა გამოუცნობ თუ გამოსაცნობ წყლულებით (ისევ ვიგონებთ გალაკტიონს!), არა მხოლოდ პოლიტიკური, არამედ რელიგიური პროცესებითაც, მწერალი ზოგ ტკივილს ზამთარში ჩაასახლებს, ზამთარს გადააბრალებს თანამედროვე ტკივილებს. ზამთრის მკერდიდან გადმოიქოსვს ტკივილთა ზაგაბუგს; ერთ წვილ წინდაში ჩაატევეს გრძელ ზამთარს-შობიანში, ჯვრიანთვალში, კანჭულაში, ან ჯარანაში... თითქოს კიდევაც გეცნობა „ზამთარტკივილა“, მაგრამ ვერ ხვდები, შენი ღუმელის გვერდით მაინც როგორ მოხვდა, ან საიდან გესტუმრა? ამაზე მწარედ როგორღა თქვას, როგორ ამოიტკივილოს, როგორ დაგაყვედროს. ასეა ნინოსთან, უკეთეს ბრაზიან სტრიქონებს ნულარ გამოელთ მისგან!

მისი აბზაცები დატვიფრულია ჰუმანური ამბებით. ერთი ამბიდან მეორე ამბამდე მანძილი მცირეა, და ხანდახან უხმოდ გინდა გადახვიდე ერთიდან მეორემდე, სიტყვა არ დაძრა, რომ დარდისა და სადარდებლისა არ დაგცდეს რამე... ფრთხილობ, და თან იმ ცოლივით უფრთხილდები ყოველივეს, ქმარი რომ ჰყავს მითბველი, მოლივლივე თაფლისფერთმიანი. ცელს ნურნურით რომ სდის ბალახის წვენი, და ტერფებზე რომ აკრავს იმ დღის ნაფთევი.

„ცერცვისტოლა ამბების“ ნაკითხვის შემდეგ მკითხველიც ეხვევა მინიატურების ნაფთევი, იმახსოვრებს მის გმირებს „გაჰყურებს სპინოზას ფანერაფარებულ „ხრუმოვ-

კის“ ფანჯრებს და სჯერა, რომ მის სახლში უფრო მეტი ღმერთია, ვიდრე მოპირდაპირე კორპუსის ჩეხურ ოთხთახიან ბინაში. ენათესავება სახლგადამწვარ, სევედიან ელიკოს, რომელსაც თავისი მხოლოდ მცირეოდენი პენსია, მაღალი წნევა და შვიდი ცალი ქოთნის ყვავილი აქვს...“

ნინო ქადაგიძის მინიატურები გვაგონებს მარტოობის ჟამს საკითხავებს, როცა მარტოობას განსაკუთრებული შესტების გარეშე ვთხოვთ, ჩვენკენ ჩამოიჩოჩოს და გვერდით მოგვიჯდეს, თუმცა ვიდრე ნინოს ნაწერებს ვკითხულობთ, მარტონი მაინც არ ვიქნებით.

არც ქართულსახელიანი „დარდა“ დაგავიწყდება არასოდეს, კეთილი პერსონაჟი. გამოსასვლელი კოსტუმი რომ აბადია, ალბათ, ღირსეული დღეების გასაბრწყინებლად. ჯაგლაგი ცხენი რომ ჰყავს და ძმასთან ვენახს რომ იყოფს... კედელზე ფანდურიც უკიდია, ალბათ, დარდი უკეთესად რომ ამოიძღვროს. ცოლის, ორი შვილისა და შვილიშვილთა ამაგიტ დაღლილს მაინც ხედვის არეალში გვიტოვებს მწერალი: „ვენახში ვაზს ყელავდა, თვალის გარშემო და ცხვირ-პირის გასწვრივ თაფლივით წვეთავდა მისი დამარცვლილი სახელი „დარ-დიკო“. ასე შეუმჩნეველად თაფლავს პერსონაჟის დარდი არა მარტო ვაზის ძირებს, არამედ ადამიანთა გულეებსაც.

დავხუჭავთ თვალებს და წარმოგვიდგებიან მისი გმირები, გავახელთ და აღარ არიან! მისი ბაბუანვერა კაცები, რომლებსაც თითქოს მუჭებით შეაყარეს იმ თეთრ თმანვერში ათასობითი ციციანთელა. არ ჩანან ის ჩია კაცები, პაპებიც რომ გახდნენ და ვაზებსაც დაემსგავსნენ. „როცა ბერდებიან, ვაზის ტანივით იგრინებიან, იგრინებიან... მათ ხალათებს კი გარდაცვალების შემდეგაც დიდხანს ასდით შაბამისა და მზის სურნელი“.

იყვნენ და აღარ არიან! არც მეცხვარე გახუა, მინის 101 წლის უსინათლო მკითხველი. რომელიც თავის სენია შვილიშვილს შეაგონებს: „როგორც შენ ამძიმებ და ანუხებ მინას, მინაც ისე დაგამძიმებს სამარეში, შვილო, მე რომ აღარ ვიქნები და ამ მინას ზედ დამაყრიან, ზუშულოვით დამედება ეს შავი მინა, ჩემო შვილილა!“ შვილილაო — მარტო ამ სიტყვის გამოგონებისთვის ცხონდება გახუა. ჩვენი მხრივ კი, მაღლობა მწერალს პერსონაჟის ასე ამეტიყველებისთვის.

აღარც მენისქვილე თომაა, ავტომატიანი კაცები რომ შეუცვივდნენ ნისქვილში. „დიდ, წყლიან თვალეში ცა ეტეოდა“ თურმე. როდესაც ხელი შეახეს ფერდზე, რამდენიმე თითი ჩაუვარდათ თომას ჭრილობაში. ჩვეულებრივი, ადამიანური გონებისათვის ასეთი გააზრება ტკივილის პანთეონში გადასახლებას და მწვერვალის სევდას უახლოვდება... და ამჯერადაც მწერლის ამპლუა ქრესტომათიული ტკივილის მედიუმობაა, რომელიც ასე აგრძელებს: „ისეთი სუნი წამოვიდა თომას ჭრილობიდან, როგორც ადრე, მისი ნაწიქარი ფქვილით პური რომ გამოვაცხეთ... მერეა მივხვდი, ღმერთის სუნი იდგა. არც არაფერი გამკვირვებია. 1990 წელი იყო. 22 აპრილი. ალდგომის სწორი. კვირაცხოვლობა და თომას კვირიაკე“.

არ არიან, მაგრამ ამიერიდან ჩვენს სულში ჩასახლდა მეაკენე ლონგინოზი, ნაბუნებებული კაცი. ტყის პირას ადგილის დედის ნაფხური რომ იპოვა და იქ სახლი ააგო სალხინოდ. ლონგინოზი ოჯახს მეაკენეობით არჩენს. შეკვეთას ერთი თვით ადრე აძლევდნენ. „მერე ნავიდოდა ტყეში, მოჭრიდა ნიფლას და გარანდავდა. ფიცარს ერთი საესე მთვარე უნდა გამოეცვალა...თუ ფიცარზე ხელი გაეჭრებოდა და სისხლი ნაეცხებოდა, გადააგებდა უთუოდ ამ ფიცარს, არ შეიძლებაო, იტყოდა. ახალგაკეთებულ აკვანს ზედ დაატანდა ბორჯღალოს და შვიდ მნათობ ვარსკვლავს... დალოცავდა მშობლებს: — გაგიმხვედეთ, გაგიბევრდეთ, ზედ წყაროსავით სდიოდეს სიცოცხლეო.“ ვფიქრობთ, 21-ე საუკუნის დასაწყისის ქართულ პროზაში ასეთი კეთილმობილი და „გამ-

ზებერებულ” ამბავი ცოტა თუა დაწერილი... მისი ყველა მინიატურა საღვთოა, თითქოს ღვთისავე პერსონაჟთა საერთო სახელი... ალბათ, მორონმა დააშოშმინა და მფარველმა ანგელოზმა გაუნია დედობა მის პერსონაჟებს. ნიავევით უქრით სიცოცხლე მისი ამბის გმირებს... ასე გვგონია, ნინო-მწერალმაც, ისე, როგორც მისმა ერთმა პერსონაჟმა, ხელი მოჰკიდა კიბეზე ჩამომჯდარ ღმერთს და შინ წაიყვანა. მას შემდეგ ერთად ცხოვრობენ ნინო და ღმერთი... ერთად მიდიან სოფელში, ერთად აბინავენ მისავალს... მხრებზე ჩიტბივით ასხედან ანგელოზები. ალბათ, ამიტომაც ეწერება ასე... და იწერება მისი ამბები ყველას წასაკითხად და საზიარებლად, რადგან, როგორც ერთგან წერს, იქნებ ამის „ნამკითხველებს სინდისი გაუნორჩდეთ“.

ან კი უფრო დამცრობილ-დაპატარავებულ სოფელში, გოდერძი ჩოხელის „ცასწავალსავით“, თავისი ნილხვედრი ლოცვა და ჯვარი ცისკენ მიაქვს ნინო ქადაგის ამბის გმირს, მწუხრის ლოცვაზე ბერად შემდგარს, თაღი, ბინდისფერი კაბით შემოსილს, რომელსაც ანაფორის გვერდიდან ცისფერი ნათელი გამოსდის. მიდის, ჯვარედინა ჯვარი მიაქვს. მხარისხლიანი. წითელ, თაკარა წვეთებს ტოვებს ბიბინა ბალახზე ცისფერპერანგა, მიდის ცისკენ, ცისა იყო და ცისკენ წავიდა!.. ასე ჩვენს სულელებს აიყოლია და ცისკენ გაიყოლია... ადამიანების სული უფრო თბილი გახადა, რაღაც უფრო ტკბილი, თან ტკივილისფერი! თითქოს ცაზე კი არა, ჩვენი სახლის ფანჯრებიდან, უფრო მეტიც, ჩვენი სულის ფანჯრებიდან ამოიყვანა მზე... გულგული მზე დგას ახლა ჩვენი სულის ოთახებში, სინათლეზე კიალებენ ფანჯრის მინებიც... ასეთმა გაციმციმებულმა სულმა კი უფრო კარგად იცის საიქიოს გზა!

მინიატურა სახელად „გოგო“ იმ ათასწიარად თქმულსა და გადათქმულს უტრიალებს გარშემო, ანონიმმა ავტორმა რომ ამოკანრა ვარძიის მონასტრის კედელზე... და შერჩა კედელს ერთი დიდი სტრიქონი, მცირე იგავი... „თოთხმეტი წლისა აღმკვეცეს მონაზვნად, აქვე შევიქმენ 74-ის, რა ლამაზი იყავი ბიჭო!“ ახლა ვარძია მამათა მონასტრია, და ეს სტრიქონები შეიძლება ბერსაც ამოეკანრა და საკუთარი თავისთვის შეესხენებინა წლების წინანდელი ლამაზი ბიჭი, 60 წელი უფლის სამსახურში რომ გაეტარებინა, მაგრამ ის ვილაც, კვლავ რომ უყვარდა დანამდვილებით.

თუ ვანის ქვაბის დედათა მონასტრის კედელზეა ეს სიტყვები ამოკანრული, კვლავ სარწმუნოა ეს ამონაცდომი სულისა! სულგაკანრულთა ორდენს ემატება ნინო ქადაგის მინიატურა „მარიაშობის წინა ლოცვაზე“:

“მიიღე და მომანოდე” — სამჯერ ჩაგესმას. მთვარის სპეკალივით იდგე ფეხშველა ჭილოფზე და ასრულბდე მღვდელმთავრის სიტყვას. ნეტა რა სახელს დაგარქმევენ სამონაზვნედ შემოსილ გოგოს?!“ საუკუნეებს გამოსცდნენ სულის ეს ნათებანი და XX საუკუნეში დაწერილ რომანში XI საუკუნის მცხეთაში, ბაგინეთის სადედო მონასტერში მონაზვნად აღკვეცას ვესწრებით. „შუშანიკი დაარქვეს, რადგან ასეთ შემთხვევაში მხოლოდ პირველ ასოს სახელისას უცვლელად უტოვებდნენ აღკვეცილს“, — წერს კონსტანტინე გამსახურდია. ნინო ქადაგიძე კი არც საერო სახელს არქმევს თავის გმირს, უსახელოა XXI საუკუნეში სამონაზვნედ შემოსილი გოგო.

მინიატურაში „ბავშვობის მეგობარი“, ასეთი ამბავიც გაკრთება: ბავშვობაში, დახუჭობანას თამაშისას, „თუ ბაღანაქ დი-ტყო-ბას!“ გათვლისას, ბოლო მარცვალი გოგოზე უნდა დამთავრებულიყო, მაგრამ მაინც თვითონ დაიხუჭებოდა, ბიჭი იყო და უნდა დაეთმო. ამ სიტყვებიდან მხოლოდ „დიტყო-ბას“ ესმოდა, რაც „დამალვას“ ნიშნავს მეგრულად! დაემალნენ ერთმანეთს, მთელი ცხოვრება გაგრძელდა ასე, ვერ იპოვეს რატომღაც ერთმანეთი. „ახლა კი მონასტრის კართან დგას ერთი მისი ხნის ბერი და თვალს არ აცილებს, სასირცხ-

ვილო რა არის აბა, მანაც უნდა შეხედოს, ქალი კაცისგან შეიქმნა და მას უნდა უყურებდეს, გაუგონია, კაცი კი მინას... მოულოდნელად იწყებს გათვლას და ისე იხუჭება, ისე იმალება გოგო... კიდევ თუ ოდესმე გიპოვის?“ მწერლისეულ კითხვა-ძახილის ნიშნებს ამოჰყვება მთელი ცხოვრების სათქმელი, აზრი. კიდევ თუ ოდესმე იპოვის? გაკრთება მკითხველის გონებაში და მისი ფიქრი კვლავ მიეხლება ზეცის ზეკარებს, შეუერთდება ზეცის მინდვრებს, ზეცის ლაყვარდებას.

ნინო ქადაგის გამხელით, მან ბავშვობიდან გამოიხმო ამ პატარა „სულის წიგნის“ პერსონაჟები და უფრო დაგვარწმუნა, რომ სოფელი ქალაქიდან ჩასული ბავშვების სულის ემბაზია, მათი გულის ხასიათის ქართული თონის პურის სითბოთი და მოუკლებელი სისხვითი გამაჯერებელია. ეს ამბები, თანამედროვე ადამიანების სულის განსაწმენდელიცაა, ზნისა და სახელის მილოცვაცაა.

ქართულ პროზაში „ნატურის ხის“ დაწერიდან 100 წლის შემდეგ, გოგლას პერსონაჟების კვალდაკვალ, ახლა უკვე ქიზიყური სოფლიდან შემოაბიჯეს სახე-ხასიათებმა. მათშიც შეიძლება დავლანდოთ ჩირიკები და ჩიკოტელები, თაღრიები და ციციკორეები, ფუფალები ხომ ისედაც ყველგან არიან! არიან ბრონეულისყვავილისფერი სილამაზის საგალობლებიც, სოფლის ნამდვილი მისამართი – მარიტები! და სამარიტეთი რომ არასდროს გადაშენდეს, უნდა წავიკითხოთ ნინო ქადაგის ეს პატარა ქადაგებანი, მალამოსფერი ამბები, სადაც აღმოვაჩენთ გოგლას დედა მაიკოსნაირს, ნინო-მწერლის მამიდას, რომელიც ასე ლოცავს ობოლ ძმისშვილს: „ჩემო გულაბერ, ვარდის შვილავ, ვარდის კოკორავ, მზევარდისავ, დილავარდისავ, პირვარდისავ, სახევარდისავ, ჩემო გულჩორა, ჩემო ნატრისო-ნანატრისო, ვაშლატამების ღაღანებავ“... რომელთა ლოცვამ უნდა გადაარჩინოს ყოველივე ქართული.

გავისხენოთ გოგლას სიტყვები: „ვენაცვალე საქართველოს, რა მომცემი მინაა! რძეც წასდის და თაფლიც! მაგრამ ჩვენ, ქართველობა რათა ვართ გადამწირული!“ — კვლავ ეს კითხვები ამოკიფდებიან დღევანდელ საქართველოშიც, მაგრამ ნინო ქადაგის ამბებს სხვა რიტმით შემოაქვს მსგავსი საფიქრალეები. თვითონ დგას ტაძარში, მსახურებაზე, და ფიქრობს: „აი, რამდენი ადამიანიც აქ დგას, ხომ ყველამ გულით მოიყვანა თავისი წილი ღმერთი საყდარში, როგორ გაბეგრდა და გადიდდა ღმერთი, ხალხის გულებიდან და თვალებიდან გადმოვიდა... ისეთი ლამაზი სანახავია... უფალი ჯვარცმული გყავს, მაგრამ მაინც ცოცხალი“.

და დღეს, ჩვენს საადამიანო ბილიკებზე დამდგართ, როცა სულიდან ისე გვდის სისხლი, როგორც გაჭრილი თითიდან, ნინო ქადაგიძემ ცერცვისტოლა სალბუნები წამოგვანია. ამ ამბებში ეს დაჭრილი სული გადაგვიხვია, გული აგვითრთიალა.

ნინო ქადაგის კეთილგულა პერსონაჟთა ამბები პაპაბებიების დათესილი ცერცვივით მარგებელი და მამებელია. მოკლედ ნათქვამია, „უბნელებელი დღეებისა და მზიანი ღამეების“ მოლოდინისას სულში გაკროცილი გრძელი ამბებია.

ძვირფასი ნინო, ღმერთმა ნუ გამოგილიოს ეს ნამზეური, სულის ლამაზად დაფიქვული ისტორიები. თავანკარა ქართულით დაწერილი ეს ამბები ახალი კინონოველაა, XXI საუკუნის „ნატურის ხეა“.

“ცერცვისტოლებში“ ბევრი ცინცხალი და ბუმბერაზი სიტყვა შემოგვეფეთა, რომელსაც სისხლის მესხიერებით დავატარებთ და ამიტომ მეტწილად აუხსენლადაც მისახვედრია.

“ამბად წყობილი“ ეს ცერცვისტოლები მკითხველთათვის “დიდად მარგია”, სწორედ ამიტომაც დიდხანს შერჩება ჩვენს ხსოვნას კეთილად შეყრილი ეს სულისტოლა ცერცვისტოლები.

გვანცა დევიძე

ტრაგიკული ფურცელი

ეს იყო არნახული სისასტიკით და მუხანათური დაუნდობლობით დაღდასმული გენოციდის დღე სულით მტკიცე და ბუნებით ამაყ, თავმოყვარე მთიელთა ცხოვრებაში — ასე აფასებენ დღეს 1944 წლის 23 თებერვლის დიდ ტრაგედიას, რომელიც „წითელი ტერორის“ სისხლიანი ნაწილი იყო კავკასიის ისტორიაში. ზუსტად 71 წლის შემდეგ ქართველები, ინგუშები და ჩეჩნები ისევ ერთად შეიკრიბნენ, რათა ამგვარი ერთიანობითა და თავიანთი მწუხარების გამოხატვით კიდევ ერთხელ გაეხსენებინათ, თუ რა გადაიტანეს საკუთარი მინიდან ძალმომრეობით აყრილმა ვაინახებმა.

ამ ტრაგედიისადმი მიძღვნილი საღამო, რომელსაც ქალბატონი **მექა ხანგოშვილი** წარმართავდა, საქართველოს ეროვნული ბიბლიოთეკის დარბაზში გაიმართა. გარდა საღამოს ოფიციალური ნაწილისა, აღსანიშნავია ისიც, რომ მოენყო პრეზენტაცია **გაბრიელ ჯაბუშანურის** პოეტური წიგნისა „**წილი ღიღოს დაღრუბლულ ცაო**“, რომლის წინასიტყვაობის ავტორიც **ამირან არაბულია...** ლექსების ამ კრებულის გაცნობისას ნათელი ხდება, რამხელა განცდილთაა დაწერილი თითოეული სიტყვა, ეს არცაა გასაკვირი, რადგან პოეტი თვითმხილველი იყო ამ დიდი ტრაგედიის შედეგებისა: მიტოვებულ სახლების, დაცარიელებული სოფლების.

ლონისძიება დიდ მონიტორზე შავ-თეთრი კადრების ჩვენებით დაიწყო, კადრებით, რომლებიც მიძიმე საყურებელი აღმოჩნდა: თვალეში სევდაჩამდგარი კავკასიელი ქალების ფოტოები, შვილმკვდარი დედების აცრემლებული სახეები, მიტოვებული სახლები და მგზავრობისას დაღუპულ ვაინახთა ცხედრები გზებზე. ეს მონაკვეთი ვაინახი ხალხის ისტორიაში სევდიან და მწუხარებითაა აღსავსე. თითქოს გადასახლების მიზეზი სტიქიური უბედურებისგან თავდაცვა იყო, ამგვარ „მზრუნველობაში“ კარგად ჩანს ის ცინიზმი და დაცინვა, რომელსაც ნამდვილად არ იმსახურებდნენ ჩეჩნები და ინგუშები. ისინი, ვინც მკაცრ პირობებს ვერ უძლებდნენ და უძღურების გამო „საქმეს აფუჭებდნენ“, ერთ ვაგონში გამოკეტეს და ეს ვაგონი ცეცხლს მისცეს. დანარჩენები კი პირუტყვის გადასაყვანი ვაგონებით მიიყვანეს „სამშვიდობოს“. გავლილ გზაზე კი თოვლის დნობასთან ერთად გაიმორღებოდნენ ვაინახების გაყინული ცხედრები, ეს ყოველივე მართლაც სულსმეძვრელი იყო.

კიდევ უამრავი ასეთი ამბავია, რომელთა გავებისას შეიძლება ეჭვი შეგეპაროს, ეს ნამდვილად იყო თუ ადამიანის ფანტაზიის ნაყოფია, რადგან ტრაგედიის დეტალები სცილდება სისასტიკის ყოველგვარ საზღვრებს, იმდენად შემადრწუნებელია.

როგორც ცნობილია, ჩეჩნების გადასახლების შემდეგ მათ კარ-მიდამოებში ქართველები ჩაასახლეს, გავიდა ათი-ოდე წელი და შორეული ყაზახეთიდან კავკასიელები დაუბრუნდნენ თავიანთ კერას, რომელიც ქართველებმა არ გააციეს, კერას, რომელიც ასე ენატრებოდათ გადასახლების



ხასო ხანგოშვილი და ალიხან იზმაილოვი



ნახილხან ხუჩბაროვა, მექა და თუმი ხანგოშვილები, ეთერ თათარაიძე

წლებში. არასოდეს ქართველ ხალხს ჩრდილო კავკასიელთა თანადგომა არ შეუწყვეტია.

ლონისძიებას ესწრებოდა „წითელი ტერორის“ წინააღმდეგ ყოველთვის შემართებით მებრძოლი, **ახმად ხოჩბაროვის** ძმის-შვილი, რომელმაც ისაუბრა იმ გულითად ადამიანურ ურთიერთობებზე, რომლის წყალობითაც გადარჩნენ რეპრესირებულნი მშობლიური მიწა-წყლიდან შორს. ქართველების დახმარებითაც ძალიან ბევრი რამის გადარჩენა მოხერხდაო, დასძინა მან.

სიტყვა დაეთმო ბატონ **ჯოყოლა ჩეგიანსაც**, რომელმაც გაიხსენა მამის თხოვნა, უფრო სწორად კი მოთხოვნა: „თუკი ერთ პატარა აგურს მაინც არ შემატებ კავკასიელი ხალხის კეთილ საქმეს, იცოდე, საიქიომიდაც არ შემზველო“ ბატონმა ჯოყოლამ დამსწრე საზოგადოებას ინფორმაცია მიაწოდა იმის თაობაზე, რომ სულ რამდენიმე წლის წინათ, საქართველოს პატრიარქის ინიციატივით ამერიკაში, კერძოდ პენსილვანიაში გააგზავნეს სვანებისა და ინგუშების სისხლის ანალიზები და ოფიციალურად დადასტურდა მათი საერთო წარმოშობა, საერთო ძირი. ჩეგიანმა გამოსვლა ალექსანდრე ყაზბეგის მშვენიერი ლექსით დაასრულა.

ისტორიკოსმა **ზვიად კვიციანმა** აღნიშნა, რომ ეს ტრაგედია თანაბრად მტკივნეულია როგორც ჩეჩენი და ინგუში ხალხისთვის, ასევე ქართველებისთვისაც. კავკასიოლოგები და

სხვა მეცნიერები დღეს უკვე აღარ დავობენ კავკასიელთა საერთო წარმომავლობაზე და ასევე თამამად შეიძლება საუბარი კავკასიურ ცივილიზაციაზე, რომელიც ტოლს არ უდებს შუამდინარეთისა და ეგვიპტურ ცივილიზაციებს. წარსული დასავინწყებელი ნამდვილად არაა, ამიტომ არსებობს ისტორია, მაგრამ თუ წინ ვერ გავიხედებით, ეს ისტორია ძალას დაკარგავს, მტრების მუდმივი შემოსევებისა და სხვათა მიზეზის გამო წარსულში ვერ ხერხდებოდა კავკასიელი ხალხების კიდევ უფრო დაახლოება, დღეს კი აუცილებელიც კია, სერიოზულად მოვკიდოთ ხელი ამ საკითხს — განაცხადა ბატონმა ზვიადმა.

ქალბატონმა **ცირა ბარამიძემ** ქართველებისა და სხვა კავკასიელი ხალხების „ურთიერთობის ფორმულად“ ურთიერთსიყვარული და თანადგომა დაასახელა. „ბუნებრივია, ისტორიას აქვს თავისი კანონზომიერება: წარსულის გამოძახილი ანმყოფი გვესაჭიროება უკეთესი მომავლისთვის და ამიტომაცაა აუცილებელი ეს ფორმულა პირველ რიგში ახალ თაობამდე სწორად მივიტანოთ. ბევრისთვის კავკასიური ხასიათი და ზნე-ჩვეულებანი კავკასიისავე მწვერვალებივით შეუცნობელი დარჩა, მაგრამ ჩვენ კარგად ვიცნობთ ერთმანეთს და ამიტომ ჩვენი დაკარგვა ცოდვაა“, — აღნიშნა მან.

განსაკუთრებულად შეხვდა დარბაზი პოეტ **ერეკლე საღლიანის** გამოსვლას. „გარდა ანთროპოლოგიური ერთობისა ჩვენ გვაერთიანებს ერთი ფენომენი, რომელსაც ანალოგი არ მოეძებნება მსოფლიოში, ესაა კავკასიური ეთიკა, რომელსაც ვერ იგებს ვერც ევროპა, ვერც აზია და ვერც ამერიკა.“ სწორედ ამ ეთიკის გამოვლინება იყო ის, რომ უკან დაბრუნებულ კავკასიელებს კვლავაც გაუცხიებელი დახვდათ თავიანთი კერა, ესაა ჰუმანურობის საუკეთესო მაგალითი და სწორედ ქარ-

თველებისა და ვაინახების ურთიერთობა უნდა დაედოს საფუძვლად მსოფლიო პოლიტიკას და ამით ავიცილებთ თავიდან ომებს და ყველა სახის დაპირისპირებებს. სიტყვით გამომსვლელმა დიდი პატივით მოიხსენია ალექსანდრე ყაზბეგი, რომელიც ყველაზე კარგად ჩანდა ვაინახების ტრაგედიას, და რომელმაც ყველაზე უკეთ დაგვანახა, რაოდენ მნიშვნელოვანია ერთმანეთის ტკივილისა და ტანჯვის გაზიარება. ესაა სწორედ მაღალი ზნეობა და თუ ამ ზნეობას დავიცავთ დღეს, ის თავად დავიცავს ხვალ, — განაცხადა ბატონმა ერეკლემ.

ჩვეული სიტყვაკაზმულობით გამოირჩა პოეტი **ეთერ თათარაიძე**. მან ისაუბრა მთელთა ღირსებაზე, ვაჟკაცობაზე, უანგარობაზე. აღნიშნა, რომ მთაში ყველაფერი სხვანაირ ელფერს იღებს, იქ მიხვრა-მოხვრასაც კი თავისი შინაარსი აქვს. კავკასიელი ხალხების ცხოვრება სავსეა მოკრძალებით, მოთმინებით და, სამწუხაროდ, განცდილი ტრაგედიებით, რომლებიც უხვად „მოგვიძღვნა“ რუსეთმა.

საქართველოს კათალიკოს-პატრიარქის უწმინდესისა და უნეტარესის **ილია მეორის** მოწოდებით, ღონისძიების შემდეგ დამსწრე საზოგადოებამ პარლამენტის შენობის წინ გადაინაცვლა, სადაც სანთლები აანთეს ტრაგედიისას დაღუპულთა ხსოვნის პატივსაცემად.

ვაინახთა გადასახლება 71 წლის შემდეგაც ისევე მტკივნეულად გამოიხატა, როგორც ადრე. წარსულს, რომც ვეცადოთ, ვერ დავვიწყებთ, ვერც ტკივილს, და ამიტომ კიდევ დიდხანს დარჩება ჩეჩენი და ინგუში ხალხის ტრაგედია ისტორიის მტკივნეულ მონაკვეთად.

**ფოტოები
ბაბუსა ალუდაურისა**



გაბრიელ ჯაბუშანურის საფლავთან დიდუბის პანთეონში

დაიბადა თბილისში; 129-ე საშუალო სკოლის ოქროს მედალზე დამთავრების შემდეგ ჩააბარა საქართველოს საპატრიარქოს წმ. ანდრია პირველწოდებულის სახელობის ქართულ უნივერსიტეტში, ქართული ფილოლოგიის განხრით; მონაწილეობდა სხვადასხვა კონფერენციაში; იღებდა უწმინდესისა და უნეტარესის სახელობით სტიპენდიას წარჩინებული სწავლისათვის; იყო ფილოლოგიის ეროვნული ცენტრის სტიპენდიაცი; მუშაობდა თემებზე: გალაკტიონ ტაბიძე, ნიკოლოზ ბარათაშვილი — წერილები, ნაცარქექიას მითოსური სახე, ქაქუცა ჩოლოყაშვილი, სერაპიონ ზარზმელი, „ქეზი და დიდები ქართული ენისაი“... ამჟამად სწავლობს თბილისის ივანე ჯავახიშვილის სახელობის სახელმწიფო უნივერსიტეტში, მაგისტრატურაზე, სპეციალობით — ლიტერატურათმცოდნეობა, ტექსტოლოგია და სარედაქციო-საგამომცემლო საქმე; 2015 წლიდან იღებს ოთარ ჩხეიძის სტიპენდიას; დაინტერესებულია თარგმანით.

მარიამ კვერელიძე ფიქრები „შესანდობრებს“

შემოქმედება ბინდუნდია, დღელამის გაყრათუნდა დაისისაო, თუნდა აისისაო. ბინდუნდია. ასო შუქია, შუქი, ანათებს, ბრწყინავს, თვალს გჭრის, გიფხავს, მერე ფერადოვდება, მერე, კალამს რო გადასდებ.

ოთარ ჩხეიძე

დიდი ხანი არაა, რაც ოთარ ჩხეიძის „შესანდობრებს“ შევეჭიდე.

შემიყოლია...

ვკითხულობდი და თითქოს რეალურთან ერთად ირეალურ სამყაროშიც ვცხოვრობდი. აქ გაცოცხლებულია მთელი ეპოქა, ადამიანები, რომლებიც ქმნიდნენ მას. ზოგის სახელი ყველამ ვიცით, ზოგისა პირველად გვესმის...

ოთარ ჩხეიძე ფუნჯის ერთი მოსმით ხატავს მათ; ზოგჯერ მხოლოდ ერთ შტრიხს გამოკვეთს, მაგრამ ყველაზე არსებითს, მეტყველს. ნოველებში, რომლებიც ქართულ ტრადიციულ სუფრაზე მოთხრობილ ამბებს ჰგვანან, ავტორი გვახსენებს წარსულს, დაგვაფიქრებს პიროვნებისა და საზოგადოების გაუცხოებაზე, ამქვეყნიური ცხოვრების ფასზე, კარგის დაუფასებლობის პრობლემაზე, იუმორზე, და ეს ყველაფერი გაუღვნილია იმ ადამიანებისადმი სიყვარულით, ვისზეც წერს. და ეს სიყვარული გადამდებია...

ოთარ ჩხეიძის თითქოს უბრალო ფრაზებს მიღმა ღრმა ფილოსოფიური შინაარსი იკითხება... მაგალითად:

„სხვა უღმრთესობა ეძინათ თუკვე, ესენი ფხიზლობდნენ მაინცა დაისახლისთან ერთადა, თუკვე არ არგოდნენ, არას არგოდნენ, ოღონდ მაინც თუ თანაურძნობდნენ“ („ლამისმთველები“); „ფიქრია წუთისოფელი და, როცა ფიქრობ, მაშინლა ცოცხლობ“; „არც არა საჩქაროა, არც არა საგვიანო ამ დალოცვილ წუთისოფელში“ („ზღაპარი“); „ძნელია იყვე ადამიანი და არ იყვე ადამიანი. უფრო ძნელია: იყვე ადამიანი და სხვა არ იყვეს ადამიანი“ („ავვისტომი ბულბულობას რა უნდა“);

ოთარ ჩხეიძის ნოველებში ხშირად მსჯელობენ ლიტერატურაზე, მის დანიშნულებაზე. სევდიანად შენიშნავს ერთ-ერთი ნოველის გმირი (გერონტი ქიქოძე), რომ ახალი მწერლობა „გამრუდებული ენერგია“ („ავანსი“), რადგან იდეოლოგიზე-ბულია, საბჭოთა სახელმწიფოს განუყოფელი ნაწილია და მხოლოდ მცირედნი თუ ახერხებენ ამ წნეხისგან თავის დაღწევას. ავტორი თავის გმირებთან ერთად საუბრობს ლიტერატურაში სიყვარულის აუცილებლობაზე მოჭარბებული სიძულვილის ნაცვლად: „გდავობდით თუ რასა ვდავობდით, უფრო ვთანხმდებოდით, სიყვარული რო უნდა დაგვეხატა“.

ვკითხველი გრძნობს ავტორის დაინტერესებას არა მარტო შინაარსით, არამედ ფორმით, კომპოზიციით. მაგალითად, საინტერესოდ და უჩვეულოდ იწყება და სრულდება ნოველა „ზღაპარი“:

„— ხარის ზღაპარი უნდა გითხრათ.

— ხარი ლაბა, მწყემსი თევდორე?

— არა.

— ნიქარა?

— არა.

— აბა?!

— სხვა ზღაპარია. არ გეცოდინებათ.

— არ დაგინერია?..

— ვერ მოვახერხე. რამდენჯერა ვცადე და ვერ მოვახერხე. შემზარავია. ვერ იქნა, ქალაღზე ვერ გადავიტანე.

— რამდენი ეგეთი გადაგიტანია...

— ეს მაინც სხვაა...“

და ფინალიც: „დღე იყო. ზღაპარი არ უნდა თქმულიყო. ზღაპარი ლამისაა, გრძელი ლამისა, ზამთრის ლამისაა ზღაპარი. გრძელი ზღაპარი გრძელი ლამისაა. დიდი ლამისაა. დიდი დღე იდგა.“

გამეორებებით იწყებს და ამთავრებს შესანდობარ „ავანსს“ ოთარ ჩხეიძე:

„კედრზე შაშვი გალობდა. კედრზე გალობდა შაშვი. გალობდა შაშვი კედრზე. გალობდა კედრზე შაშვი. შაშვი კედრზე გალობდა. შაშვი გალობდა კედრზე.“

ბოლოს: „აღტაცებამ ვარიაციები არ იცის; არ იცის აღტაცებამ ვარიაციები; ვარიაციები არ იცის აღტაცებამ; ვარიაციები აღტაცებამ არ იცის“.

სევდამ იცის. ე.ი. მხოლოდ ფორმითაც კი გვიჩვენებს ავტორი პერსონაჟის და, შესაძლოა, თავის განწყობასაც, რომ სევდიანია...

ოთარ ჩხეიძის ტექსტებში ვხვდებით ქართული ენის „სკივრიდან“ ამოღებულ სიტყვებსაც (ფრაზებსაც), რომელთა საშუალებითაც მწერალი ცდილობს, სათქმელი რაც შეიძლება ზუსტად წარმოგიდგინოს: „საავგუნებო“, „დაქმნაურა“, „ნახვისნატვრითა“, „უუუშორესა“, „სადირბოზე დაქანდა მზეი“ და ა.შ.

განსაკუთრებული სიყვარულით გვიხატავს ავტორი გიორგი ლეონიძეს. დოქიანი კაცის ამბავში ამ პიროვნების სიკეთე და კიკაცობაა ხაზგასმული („დოქი“). ხოლო მისი უბრალოება კარგად ჩანს „ლამისმთველებში“ — „ბუხუნებდა გიორგი: აი, ჰო ჰხედავთ, რა უკულმა ამათვისა წუთისოფელიო, — ლამე დღე არის ამათვისაო, დღე ლამე არისო, ნადი და აჰყვევი, ნადი და იარე ამთ ნებაზეო.“ გიორგი ლეონიძის სახე ოთარ ჩხეიძესთან ერთად გამოკრთება ვანო ურჯუმელაშვილის მოთხრობაში „ხან კაცი ღმერთსაც ემსგავსის“; მეტიც, ეს მოთხრობა გიორგი ლეონიძეზე დაწერილი. ესაა კაცი, რომელიც ღმერთს ემსგავსება, როცა დიდი ხნის დაკარგულ ადამიანს პოულობს და მისი სანუხარის დაამებას ცდილობს. მის პიროვნებაში იშვიათი ბუნებრიობითაა შერწყმული გამოჩენილი მწერალი და უბრალოდ ადამიანი. ეს განსაკუთრებით კარგად იგრძნობა შემდეგ ეპიზოდში: „უმცროს ბიჭს ცხვირზე ხელი ნაუფათუნა, აკვანი გადაურნია, თან ებუზუნებოდა: — ბიჭო, სოსო, ბავშვობაში დედაჩემისგან გამიგონია, შენი აკვანი ვაჟამ დაარნიაო, გაიზარდე, შეილო, ვინძლო, შენც პოეტი გამოხვიდე!“

მეორე, განსაკუთრებული სახე, რომელსაც ოთარ ჩხეიძე გვიხატავს, პაოლო იაშვილია („ნალები“). ადამიანი, რომელიც „არად ადგებდა კომენდანტის საათსა. დროსტარებაში იყო. იმათთან იყო,



კომენდანტის საათი ვისაც რო დაენესებინა, იმათთან იყო, იმათთან თამა-
დობდა, და არც ისინი უღირდნენ არაფრად და არც იმათი კომენდანტის საა-
თი.“ თუმცა არც ისინი იღებდნენ ნაკლებ სიამოვნებას პაოლოთი. ის კი ცდი-
ლობდა გადაერჩინა მეგობრები, „ცისფერი ყანწები“, შემოქმედება; ისევე, რო-
გორც მაშინ გადაარჩინა სხვებთან ერთად თბილისი; მაშინ, როცა წითლები შე-
მოვიდნენ. და ამიტომ იყო იმათთან. სახლში კი მოდიოდა სხვა პაოლო - „იმათ
სუფრაზე რო მასხარაობდა, აქ მოთქმად იჯდა“. ჯერ უძლებდა, იმედი ჰქონდა,
მერე კი... ტრაგედიას ამ პიროვნებისა და, ვინ იცის, კიდევ რამდენი ასეთი ადა-
მიანისა, კარგად ვგრძნობთ ნოველის კითხვისას და კიდევ უფრო ცხადად წარ-
მოვიდგენთ იმ მძიმე ხანას ჩვენი ისტორიისა, რომლის გავლენისგან, ავტორის
დასკვნიდან გამომდინარე, დღესაც კი ვერ თუ არ დაგვიღწევია თავი...

ერთი შესანდობარი გალაკტიონს ეძღვნება. აქ მისი და საზოგადოე-
ბის გათიშულობაა ხაზგასმული. მიუხედავად იმისა, რომ ყველა ცდი-
ლობს პოეტს ასიამოვნოს, ის მაინც მარტოა; იმაზე უფრო მარტო, ვიდრე
მართლა მარტოობაში იქნებოდა:

„მხრების მტკრევით მივა ფანჯარასთან, მაგრამ მიჰყვებიან, მყისვე
მიჰყვებიან.

— რატომ?! რა მოხდა?! რას ისურვებთო...

— არაფერს!.. არაფერს!..“

თუმცა ბოლოს ის თითქოს მაინც ძღვეს ამ ჩაკეტილობას და დასას-
რულს წარმოგიდგება მოზიემე, ამაღლებული, არაამქვეყნიური გალაკ-
ტიონი: „ამოდ დაშვრნენ მზრუნველნი თუ მდევარნი, მოილანენ, ქანცი
გაუნყდათ, ჯავრისგან ლამის გათავდნენ, მაინც იძალა დაქანცულობამ.
ძილმა იძალა... და ვერ დაინახეს, პირველმა სხივმა როგორ შეჰხსნა კარე-
ბი ტყისა, როგორ გამოვიდა გალაკტიონი მთლად განუწული, თავითფეხე-
ბამდე ცვარით აღვსილი, გულზე მიეკრა ვეება კონა ბალახებისა, ყვავილე-
ბისა, სახე შივ ჩაერგო და ციმციმებდა, ციმციმებდა პირველ სხივებში.“

ფართო საზოგადოებისთვის უცნობ, მაგრამ გამორჩეულ ადამიანს —
ერეკლე ტატიშვილს — იგონებს ოთარ ჩხეიძე ორ შესანდობარში - „ნა-
კაკლნარი“ და „აგვისტოში ბულბულობას რა უნდა“. ესაა ისტორია ადა-
მიანისა, რომელიც თავს გადახდენილმა უბედურებამ თავისი დროის
დონ კიხოტად აქცია; ბევრი რამ წაართვა, საყვარელ ადამიანთან ყოფნის
საშუალება მოუსპო, მაგრამ ვერ ჩაკლა მასში ადამიანობა: მას კვლავაც
შეუძლია ბულბულების გალობას მიუგდოს ყური...

საინტერესოა დახატული კუმურდოს დახგრეული, თუმცა მაინც
მშვენიერი ტაძარი ერთ შესანდობარში („კუმურდოში“). ნაჩვენებია, როგორ
მოექცა უღმერთო ეპოქა („ბევრი რო გვენახა გუმბათჩაღენილი, შელახული
და შებღალული, არათუ ძველი შებღალული...“) ღვთის სახლს, როგორ დაი-
ვინყეს უფალი და როგორი რთულია ამ ყველაფრის შველა - „ვიდექით, ვიდე-
ქით ანურულნი და განუწულნი, რო არ ვიცოდით, თუ რაი გვეღონა...“

ოთარ ჩხეიძეს შეუძლია ცხოვრებისეული სირთულეები ისე დაგვიხა-
ტოს, რომ გავგაღიშოს, ამის ნიმუშია „წერეთლის მწვადის“ ერთი ეპიზო-
დი (თეატრში გათობა არ აქვთ და ჭირს დადგმის შესაბამისი ტანსაცმ-
ლით გამოსვლა) :

„ახალი პიესა ჩამოვიტანეო. პავლემა.

— ზაფხულიაო? — შალვამა. კრთომითა. ციოდა. ციოდა.

— არაო, — პავლემა, — ზამთარიაო. დაამოშმინა.“

ამავე ნოველაში საუბრობს მწერალი ქართული ენის სინმინდის დაცვის
საკითხზე და ფიქრობს, რომ შეცდომების გამოსწორებას დრო სჭირდება
(„მოთმინება და მოთმინება, ორ საუკუნეს ორ კვირაში ვერ ამოვსებთ!..“).

აი, ის ძირითადი მომენტები, რომლებიც ჩვენი ყურადღების არეალში
მოექცნენ, თუმცა კიდევ რამდენი რამ დარჩა უთქმელი... ნაიკითხავთ და
დარწმუნდებით... და მიუხედავად იმისა, რომ ოთარ ჩხეიძე დაავინყვებს
უნარს ადამიანურად მიიჩნევს, მაინც აცოცხლებს იმ ადამიანებს, რომ-
ლებიც დასავინყებლად არ „ემეტება“.

ვისაც ეს „შესანდობრები“ მიუძღვნა, თითქოს მათზეც ამბობს ამ
სიტყვებს:

„ისე მოულოდნელად მენვივნენ...
ისეთი კარგი საღამო იყო...
იმდენი ვინმე გაიხსენეს — ცხოვრებას რო ავსებდნენ...
ცხოვრება ისევ აღსავსე გახლდა...
ისინი აღარ იყვნენ...“

იქნებ „შესანდობარნია“ რაც რჩება და აცოცხლებს მათ და ავსებს
ჩვენს სიცოცხლეს?!
60

თეონა სელიმაშვილი

„მხოლოდ მისია, მისებრი“

(ეთერ თათარაიძის
პოეზიის საღამო)

მისი დანახვისას მოკრძალება და სიყვარული
იზადება. ხოლო როცა ლექსებს თვითონ კითხუ-
ლობს, ეს სიყვარული ერთბაშად ღრმავდება, რად-
გან პოეტი ენის მოქნილობას, ფრაზის მუსიკალუ-
რობასა და სიტყვის უკვდავებას გაგრძნობინებთ.

ეთერ თათარაიძეზე გესაუბრებით, პოეტსა და
ფოლკლორისტზე, ვინაც უძველესი თუშური დიალექ-
ტი გააცოცხლა და მრავალსაუკუნოვანი ქართული პო-
ეზიის საგანძურს თავისი წილი მარგალიტები შემატა.

ამას წინათ ფოლკლორის სახელმწიფო ცენტრში
ეთერ თათარაიძეს შეხვედრა გაუმართეს. სასიამო-
ნოდ უნდა აღინიშნოს ისიც, რომ კულტურის ეს კერა
ტრადიციად ამკვიდრებს ყოველი თვის დასაწყისში სა-
ზოგადოებისთვის ცნობილ ადამიანებს უმასპინძლონ.
ამ ეგიდით პირველი სტუმარი ეთერ თათარაიძე აღ-
მოჩნდა. თუმცა აქვე უნდა ითქვას, რომ იგი გახლდათ
ერთდროულად სტუმარიცა და მასპინძელიც. ფოლკ-
ლორის სახელმწიფო ცენტრში დაარსებიდან მოღვაწე-
ობს ეთერ თათარაიძე, მეუღლესთან, ცნობილ ლიტე-
რატორთან და ზეპირსიტყვიერების მკვლევართან **ამი-
რან არაბულთან** ერთად. პროფესიული და მამულიშ-
ვილური სიდარბასილით განხორციელებულმა პროექ-
ტებმა მომხიბლაბა შესძინეს ჩვენს რეალობას...

საღამო ჩვეული სისადაგითა და უშუალოებით
წარმართა რა პოეტმა, გულითადობის უხილავი ძა-
ფიც გააბა აუდიტორიასთან: — ზუსტად არ მახ-
სოვს ასაკი, პატარა ვიყავი, ფიქრს შიში ავაცოლებ და
გამოვიდა ლექსი. ახლა ვფიქრობ, რომ ეს იყო ჩემი
პირველი ლექსი...

ეთერ თათარაიძემ უპასუხა მსმენელთა შეკითხ-
ვებს და საღამომ მთელი ორი საათი მოუნყინრად
რომ გასტანა, დაიტია საუბარი თანამედროვე ლი-
ტერატურულ პროცესებზეც, მწერლის როლსა და
ზნეობრივ, პასუხისმგებლობაზე ერის წინაშე.

თავისი შემოქმედებითი გეგმებიც გაუზიარა
აუდიტორიას ეთერ თათარაიძემ. რომ უკვე მზად
აქვს სხვადასხვა ფანრიის 5 ახალი წიგნი გამოსაცე-
მად; ხოლო მისი ლექსების სიყვარული და ცოდნა
ჩინებულად დაადასტურეს სიტყვით გამოსვლისას
მამა გურამ ოთხოზორიამ და პოეტმა **ტარიელ
ხარხელაურმა**, ვინაც მსმენელის თხოვნით წაი-
კითხა აგრეთვე საკუთარი ლექსებიც.

იქ გაიხსენეს და რასაკვირველია, უნდა გავიმე-
ორო, — უთქვამს **თენგიზ მირზაშვილი** ეთერ თა-
თარაიძეზე — არავის ჰგავს, არავისგან არაფერს
სესხულობს, ლექსებიც, ენაც და სახელიც მხოლოდ
მისია, მისებრი.

განა შეიძლება ღონისძიება დასრულებული-
ყო თუშური სიმღერების გარეშე?

ახალგაზრდა შემსრულებლებმა — **თეა რუხა-
ქემ, ნანული აზიკურმა, ნანა ვალიშვილმა, ნინო
კალანდაძემ, უჩა პატარიძემ და გიორგი დონაძემ**
პოეტი „აიყოლიეს“ და მშვენიერი თუშური ჰანგები
მოეფინა დარბაზს.

გურამ ბენაშვილი

ლიტერატურული პიტრაჟები

გრიგოლ აბაშიძე

ნუთისოფლის ხმაურს ფიქრით განრიდებული, წელთა სიმრავლით დაღლილი და ვნებადამცხრალი — აი, ალქმის რაკურსი პოეტის ფოტოპორტრეტისა, რომელიც მისი უკანასკნელი წიგნის ყდას ალბეჭდვია...

არის მის ამ გამომეტყველებაში გამოთხოვების სინანულიცა და პიროვნულ სათნოებათა შუქ-ჩრდილებიც, სიბერის სიბრძნეცა და ინფანტილიზმიც, ანარეკლი „დიდი ცხოვრებიდან“ თავდახსნილისა...

გრიგოლ აბაშიძის ეს მინიატურული ლირიკული „რვეული“, მთელი ერის აუტანელი ცხოვრების შთამბეჭდავი „ექოა“, რომლის წიაღიდანაც იშვება პოეტის სულის ტრაგიკული მოდულაციები...

ელეგიურია წიგნის გამსჭვალავი სულისკვეთება...

საგულისხმოა, რომ ამ უსასოო ელეგიების ავტორი იმ შემოქმედთა რიცხვს არ განეკუთვნებოდა თითქოს, რომელთაც თანსდევდათ წარსულის უსასტიკესი „აჩრდილი“... თუმც იყო წლები მის რეალობასთან ადაპტაციისა და თუნდაც მოჩვენებითი ჰარმონიისა, წლები „აღზევებულთაგან“ აღიარება-დაფასებისა თუ ყოფითი კეთილდღეობისა...

მოჭარბებულ წელთა გადასახედიდან, ეს ყოველივე მორალური სიმძიმისა და მწარე სინანულის სათავედ ქცეულა მისთვის: — „თავს აღარ ვაქნევ, როგორც ასკილი და ყველაფერზე არ ვარ თანახმა“... და კიდევ — „ცხოვრება მკაცრი და სასტიკია, მე კი თვალეზე ბინდი მეფარა“...

დროის ფილოსოფიური განსჯისა და ღირებულებათა გადაფასების ტენდენცია პოეტის მხოლოდ ამ უკანასკნელი წიგნის პათოსი არ არის და იგი მის შედარებით ადრინდელ ქმნილებებშიაც გამჟღავნდა...

რიტორიკული კითხვაა — რა იყო ამ დახვეწილი ინტელიგენტის აღსარებისა თუ მონანიების მიზეზი, რა აწვალბდა და აკრთობდა ამ ზნეობრივი მაქსიმალისტის სულს... თუ ეს ჭეშმარიტი შემოქმედის თანმდევი აპრიორული ვნებაა, სიცოცხლის „დაზამთრებასთან“ ერთად რომ მძაფრდება და მსაჭერულსა თუ ეპისტოლარულ ტექსტებში სახიერდება...

უკმარისობის დიდი სევდით ათრთოლებულ არაერთ შედეგს იცნობს ლიტერატურის ისტორია...

მათი ავტორებისთვისაც თურმე უფრო გვიან გამხდარა ცხადი ძველი რომაელის ბრძნული შეგონება — რომ მზისქვეშეთში არავინ და არაფერია უსაზღვრო თაყვანისცემის ღირსი და რომ სულ ამაოა მიწიერ ცდუნებათა კერპად ქცევა და მისგან აღძრული სიმულაციებით ტკობა...

რომ ემპირიულით „ძღომის“ გარდა, ადამიანში „თვლემენ“ და ოდენ ჩრდილებივითა ირებვიან სულის ამოუცნობი და მიუწვდომელი შესაძლებლობები...

ეს წიგნი, დროის აბოპოქრებული ქაოსიდან გადარჩენილ განცდათა „ილუსტრაციაა“... საკუთარ თავთან უკომპრომისო დიალოგია და სწორედ ამიტომაც იგი დროის ადამიანური დოკუმენტის ფუნქციამდე ამაღლებული...

„ჩვენი აქაური ცხოვრება — წერდა ფრანჩესკო პეტრარკა — მწუხარებისა და ტანჯვის ზეობაა მხოლოდ; ერთია მასში კარგი — იგი გზაა სხვა ცხოვრებისაკენ... სხვაგვარად კი არა მხოლოდ

საცოდაობა, არამედ საძულველი და აუტანელიც კი იქნებოდა“... ეს ტრაგიკული „მოთქმა“ მისი სიბერის ჟამის ჩანაწერებიდანაა... მინიერი დიდება, წელთა სიმალლიდან პოეტისათვის ფერფლი და არარაობა... ქონდრისკაცის ახირებადლა ჩანდა მისთვის გარდასულ დღეთა სივრცეებში განცდილი დიდებით „თრობა“...

ამიტომაც არაფერია უნიკალური იმაში, რომ არყოფნისაკენ მიბრუნების ჟამს ქართველი პოეტიც „აღვილად“ თმობს ამქვეყნიურ სამყოფელს: „რომ მკითხონ გრძელ გზას დაინწყებდი ისევ თავიდან? ღმერთმა მამოროს გადმოვუხტე ქარონს ნავიდან! მე ჩემს წილ ტკივილს, ჩემს წილ წყენას არვის ვუსურვებ, რაც ჯავრი მქონდა სამარეშიც ჯავრად ჩავიტან, დამძიმდა ტვირთი, წლების ზიდვა გახდა წამება, არც გათენება მიხარია, არც დაღამება“...

მისი მორალური ჭვრეტის სიმალლიდან, საბოლოოდ გამოიკვეთა სიკეთისა და ბოროტების, სიმართლისა და უსამართლობის ანტინომიები, რომელთაც ერთ დროს, თურმე ილუზიების საბურველი ასხვავდებოდა...

ისიც საგულისხმოა, რომ ბოლო დროის ეროვნული კატაკლიზმები, პოეტის სასონარკვეთის მაპროვოცირებელ იმპულსად იქცა...

სუბიექტური უარყოფის ურთულესი ხელოვნება ამ წიგნში გულწრფელობისა და პირუთვნელობის იმ კლასიკურ რეგისტრებს უახლოვდება, რომელთა სიმალლიდან შემოქმედი ერის მსაჯულის უფლებით „იმოსება“, რათა აუწყოს მას საკუთარი შეცოდებანი და განსაჯოს მის „უძღებ შვილთა“ ცოდვა-ბრალი... „ნუთუ ბოლომდე ბოროტს დანებდი, კერპებს, ბომონებს სახავ ღმერთებად? ისე დაჩლუნგდი, ისე დაბნედი, მე შენთვის ფურთხიც არ მემეტება!...“

ასეთია სვეგამწარებული პოეტის განაჩენი და შეუძლებელი მის დიდ სიმართლემი ეჭვის შეტანაც კი...

საყოველთაო ზნეობრივი „აგონიის“ სუფევა, პოეტს იმ ერთადერთი ჭეშმარიტებისაკენ აღაპყრობინებს სულიერ მზერას, რომლის ნათლითმოსილ წიაღსაც ნიადაგ აფარებდნენ თავს სოფლის სიმუხთლით დაღლილი და შეწუხებული... „ღმერთო, იქნება მე ღირსი არ ვარ, რომ მოგანვდინო ცაში ლოცვანი, მივყვები დღეთა გადათვლილ ქარვას, გასრულდა ჩემი კრიალოსანი... ჩემი სანთელი ჩემ თვალწინ ქრება, ვაი, რომ ზოგვრე შენთვის არ ენთო! მე სულ ვამბობდი სიცოცხლის ქებას, სიკვდილთან ცოტა მქონდა საერთო... და მე შენდობის ღირსი თუ არ ვარ, ქარს გაატანე ჩემი ლოცვანი... მივყვები დღეთა გათელილ ქარვას, გასრულდა ჩემი კრიალოსანი“...

სულის ჯერგანუცდელთან შეერთების, უსასრულობაში დანთქმისა და ზეპიროვნულში გარდასახვის მოლოდინი აპოგეას ამ წიგნის ფინალში აღწევს... ლექსი „არყოფნისაკენ“ ცნობიერებას და არაცნობიერის ზღვარზე აღმოცენებული პოეტური შედეგია... მასში სოციალური ნიშნის სრული იგნორირებით მიღწეულია საკუთარი სუბსტანციის გარდასახვა აბსოლუტურ მგრძობელობად, ტრაგიკული სულიერების განსახიერებად...

მთელის არსებით არყოფნისაკენ მიდრეკილი, იგი იმ მეტაფიზიკური სივრცეებისაკენ მიისწრაფის, სადაც არც იმქვეყნიური სამოთხეა და არც ჯოჯოხეთი: „და მე აღარ მსურს ისე ვიარო ამ ქვეყნად, როგორც დღემდე მივლია, სულაც არ ვნატრობ ედემში ყოფნას, ვარდებს, ბულბულებს და იდილიას, არყოფნა მინდა, რაც თავისთავად, არც სიცოცხლეა, არც სიკვდილია“...

გაავებული ცხოვრების პირისპირ მდგარისათვის სრულიად ფუჭია თითქოს ყოფიერების აზრის ძიების ტრადიციული პათოსი... და ისიც, ვითარცა მრავალი სხვა, უქმი გონიერების „ჯიბრზე“, მთელის ალტყინებით ეძლევა მეტაფიზიკურ სივრცეებში დემონიური ქროლვის ვნებას... მზად არის დაივინოს უკან დარჩენილი სინამდვილის ცნობიერი თუ ემოციური ხატი...

არყოფნის უსაზღვროებაში გასაფრენად განწირული სულის მონოლოგი სასტიკი ნუთისოფლისადმი თქმული მსჯავრიცაა და საყვედურიც: „იქ სადარდელი არ მელოდება, არც რამ სიამე და სალბუნება, შური და ბოღმა იქ არ იქნება, არც

* გაგრძელება. იხ. „ჩვენი მწერლობა“ №6

უზნეობის სხვა რამ ცდუნება, არც სხვა რამ ვნება, რაც აშფოთებდა, ჩემს არსებას და კაცურ ბუნებას“...

არის ამ ლექსის სიუჟეტურსა თუ ემოციურ ორნამენტაციებში ადრეული კლასიკური პოეზიის ცხოველი გამოძახილი... სანუთროდან გაცლასა და წარმოსახვათა უსაზღვროებაში ყოფნაზე მეოცნებე სულისკვეთება, არაერთი ლირიკოსის იდეა-ფიქსი ყოფილა...

სიმპტომურია ისიც, რომ პოეტი წინასწარმეტყველის ალლოტი სტერესს მოახლოებულ აღსასრულს და რალაც მისტიური მუტაციის მოლოდინით აღბეჭდილი ეყრება მინიერი ვნებებით „დასწეულბუნ“ სხეულს... და, აი, უკვე, არყოფნისაკენ სულმოუთქმელად მივექანები, გიჟურ ქროლოვაში გაქრობას ვჩქარობ, შავად გაშლილან იალქანები, არყოფნისაკენ! არყოფნისაკენ! ჩემს გასაფრენად ქრიან ქარები“...

პოეტის ტრაგიკული ობერტონებით აღბეჭდილ ამ ლექსში, სიცოცხლეში აღუსრულებელ წმინდა ოცნებათა მიმწეხრის დეკორაციებად გარდაისახებიან ყოფიერების აბსოლუტური რეალობანიცა და მათივე ირეალური სუბსტანციებიც...

უმდიდრესი და ამოუწურავია შემოქმედთა არყოფნისაკენ სწრაფვისა და მასთან „შერიგების“ ტრადიცია...

ჩვეულებრივ მოკვდავთათვის არაორგანიულ და სიურრეალისტურ განცდათა მოდულაციები საბოლოოდ მაინც იმ დაუვინყარ ლირიკულ მონოლოგებად გადაეცემოდა საუკუნეებს, რომელნიც საოცარი სისავსით „ამწყურვალბუნ“ „ყოფნა-არყოფნის“ უინით შეპყრობილთა სულებს... „სახელი — მხოლოდ ხმაურია, მხოლოდ ექოა! ის, რასაც ასე ვფასებთ ცხოვრებაში — სიცარილე, მტვერი, არარაობა... შენ რალს ელოდები!.. ო, სიკვდილო, მოდი მალე, ნუ აგვიანებ“... ეს მარკუს ავრელიუსია, დიდებით მოსილი რომის იმპერატორი და ცხადია, სულით გენიალური პოეტი...

„ვბერდები და ყოველდღიურად ვსწავლობ რალაცას... ვსწავლობ ჩემივე ნებით როგორ შევწყვიტო ახალგაზრდული ინერცია, და რასაც ყოველთვის დაბეჯითებით ვსწავლობდი — ვსწავლობ სიბერეს, ვსწავლობ სიკვდილს... რამდენად ნავინიე წინ ამ სწავლათაგან მეორეში, ჩემი უკანასკნელი დღე გამოავლენს“... ეს უკვე პეტრარკაა, სიცოცხლეშივე პოეზიის ღვთაებად შერაცხული გენიოსი...

ამ ერთობ „პომპეზური“ რემინისცენციებით, მხოლოდ ის მინდა ვთქვა, რომ თვით ყოფითი ბრწყინვალეობითა და საერთო აღტაცებით მოსილ ე.წ. „ბედის ნებიერთა“ ხვედრი, არც თუ იშვიათად, სკეფსისისა და პროსტრაციის უმძიმეს ვნებებთან ყოფილა შენივთებული... რადგან მათი მალალ მატერიებზე მეოცნებე უსათუთესი სული ვერ ურიგდებოდა ნუთისოფლის მზაკვრულ გამონვევებს, ამორალური ცდუნებებით „დანალმულ“ იმ დრო-ჟამს, რომელიც გადაულახავ ბედისწერად აღიძარათა მათ წინაშე...

თავისი ხანგრძლივი სიცოცხლის განმავლობაში, ამ წიგნის ავტორს არაერთხელ განუცდია შემოქმედებითი გასხივოსნების შთამაგონებელი იმპულსები და რაოდენ სიმპტომურია, რომ სწორედ მისი ან უკვე „გედის სიმღერად“ გაჟღერებული ლირიკული მედიტაციები იქცნენ პოეტის ამქვეყნიური მოღვაწეობის დამაგვირგვინებელ აკორდად...

ასე გასრულდა ბრუტალური ჟამის კიდევ ერთი „ძე-შეცდომილის“ შემოქმედებითი ცხოვრება...

გზა მუტაციებით აღბეჭდილი — დაკანონებული რეგლამენტაციებიდან, თავისუფალ მორალურ რეფლექსიებადამდე...

მასში, როგორც პოეტში განსახიერდა ქემმარიტი მხატვრული ლიტერატურის კრეატიული შესაძლებლობები, გადალახულიყო დროის მიერ დაკანონებული აღქმის ავტომატიზმი და რაც მთავარია, ყოფილიყო თავისუფალი პიროვნების შეურაცხყოფელი სიმულაციური ყოფიერების უარმყოფელი...

ცხელი ივლისის მინურულის ერთ ჩვეულებრივ დღეს, იგი ჩემი ოჯახის მოულოდნელი სტუმარი იყო... სავარძელში „ჩაკარგული“, საუბარში დროდადრო სინანულით წარმოსთქვამდა ჩემი გარდაცვლილი მამის სახელს... გულით უყვარდა იგი

და ვგრძნობდი, ფიქრით ეალერსებოდა წასული მეგობრის დაუვინყარ ხატებას... იჯდა წლებით დაღლილი და დანალგლიანებული მოხუცი და, თურმე, უკვე არყოფნისაკენ მიბრუნებული მზერით შემომცქეროდა... როდის-როდის მძიმედ წამოდგა და გამომემშვიდობა... მახსოვს, კიბეზე პატარა ბავშვის უმწეო სიფრთხილით ჩამავალი, შემოტრიალდა და თითქოს საბოლოო გამოთხოვების ნიშნად, ხელი დამიქნია... სულ რამოდენიმე დღის შემდეგ გარდაიცვალა და დამიტოვა საოცრად თბილი ნაღველი იმ დაუვინყარი შეხვედრისა...

მის უკანასკნელი წიგნიც იმ დღის სახსოვარია, იქნებ ამიტომაც ესოდენ ძვირფასი და თაყვანსაცემი ჩემთვის...

და ბოლოს: განუმეორებელი შემოქმედებითი და პიროვნული „შარმით“ მოსილი დიდი თაობის კიდევ ერთმა წარმომადგენელმა მიიხურა სიცოცხლის კარი...

მიიხურა ღირსეულად, ჩვეული დიდსულოვნებით... და კიდევ უფრო გაამძაფრა სულიერი და ზნეობრივი სიბერნის შეგრძნება...

რწმუნდები იმ ქემმარიტებაში, რომ კულტურულ რენესანსს, როგორც მისი ბუნებრივი ანტიწინააღმდეგობა, ენაცვლება დეკადანსი...

სავარაუდოა, რომ ჩვენი აჟიოტაჟური, ტრივიალური სინამდვილე ცხადი ილუსტრაციაა ამ ისტორიულად გამოცდილი ანალიტიკური კონცეფციისა...

კიდევ ცოტაც და „თვალს მიეფარება“ ტალანტებით განებივრებული, თუმც ულტრათანამედროვე სწობებისაგან ხელნაკრავი და შეურაცხყოფილი „სიძველეები“ და თან წაიღებს ეროვნული შემოქმედებითი სულის უნიკალურ „ჯადოს“...

ასეა ეს, და ვერავითარი „თავისუფალი მოქალაქის“ რენომე თუ დემოკრატიული ამბიციები ვერ გააქარწყლებს მათთვის ოდენ მიუღებელ ამ წარმოდგენას...

კვლავ მივუბრუნდები გრიგოლ აბაშიძის ლირიკულ მონოლოგებს და რეზიუმეს სახით ვიტყვი მხოლოდ ერთს — პოეტური სულის ტანჯული „პილიგრიმოზით“, როგორ მიიღწევა ადამიანში სათუთად გადარჩენილ მორალური რეპერტუარის სრული კრისტალიზაცია, ამის შთამაგონებელი განსახიერებაა შემოქმედების ეს უკანასკნელი წიგნი...

წიგნი — სიმბოლო პიროვნების კონცეპტუალური თვითრეალიზაციისა...

მურმან ლებანიძე

მურმან ლებანიძე საუკუნის იმ ერთეულთა შორისაა, რომელთაც ახალი სამომავლო გზა-ბილიკები აღმოუჩინეს უკან მავალთ...

კოლოსალური ცხოვრებისეული გამოცდილება იყო გარანტი რეალობის ონტოლოგიური განცდა-წარმოდგენებისა, იმ სპეციფიკური ანალიტიკური დისკურსისა, რომელიც კონცეპტუალურ განვითარებას წარმოადგენდა კლასიკური ქართული პოეზიისა...

მისი ზეექტუალური ლირიკული ტექსტები წარატყვის მრავალსახოვნებისა და ფორმის თავისუფალი განფენილობის, არსებითისა და მოუხელთებელის ჰარმონიზაციის ახლებურ განზომილებებს ამკვიდრებდნენ...

განსაკუთრებული დრამატიზმით აღბეჭდილი ობერტონები ეროვნულ პრობლემატიკას უნივერსალური კონტექსტის მნიშვნელობას სძენენ და მისგან პროვოცირებული ტენდენციებით მოდელირდებიან განსხვავებული თემატური რეპერტუარის ქმნილებანიც კი...

სწორედ ეროვნული პრიორიტეტებში იკვეთება პოეტის ლირიკული სულისკვეთების მეგაფორმულა, მისი მხატვრული წარმოსახვის ზღვრული შესაძლებლობები... მშობლიური საკრალური პეიზაჟის ვიზუალური აღქმა, ფიზიკურ განცდამდე გულწრფელი და მტკივნეული, პლასტიკური ხატის გრაციოზული კონტურებითაა ნაძერწი და სემანტიზებული...

ეროვნული ცნობიერების კონცეფცია რომანტიკული კონ-

ტრასტეებით ეხმიანება ნარატივის ესთეტიკურ აქცენტებს — „უფლისციხესთან სისხლისფერი ყაყაჩოს წვეთი არა დაღვრილის, — დასაღვრელის, ალბათ, მაცნეა არავითარი სხვა სამშობლო ამაზე მეტი არ გამაჩნია!.. მშვენიერია ორ ზღვას შუა კავკასის ხედი და კითხვა „ვინ ვის?“ ბებერ გულში ლახვრად მაჩნია. არავითარი სხვა სამშობლო ამაზე მეტი, არავითარი სხვა გზა, სხვა ხსნა არ გამაჩნია!“

პოეტის პატრიოტული ლირიკის მაღალ ღირსებას, მისი წარმოსახვის მეთოდოლოგია წარმოადგენს... მასში არასოდესაა (ან თითქმის არასოდესაა) პრეცედენტი, ერთხელ განცდილი და შეცნობილი რეფლექსიის უსასრულო ვარიანტებისა... მომენტალურად დაძლეული პრობლემატიკის „ხელახალი განჩხრეკა-გაანალიზებისა“... მისთვის სრულიად ორგანიზული არგუმენტაცია, რომ ამ უჩვეულოდ ფაქიზ მოტივაციას „შეურაცხყოფს“ ახირებულ თვითმიზნად და რიტორიკულ „კოპნიაობად“ ქცევა...

ღრმა წარმოდგენა პოეზიის სრულიად განსაკუთრებულ როლზე, როგორც იმ ერთადერთზე, რომელსაც ხელენიფება შეიცნოს ადამიანის ონტოლოგიური და ფსიქოლოგიური კავშირები საგანთა და იდეათა სამყაროებთან — აი, ის კონცეპტუალური კლასიკური მოდელი, რომლისადმი ერთგულებამაც განსაკუთრებული ძალთახმევით იჩინა თავი მურმან ლეზანიძის ქმნილებებში...


ისტორიული წარსულის მძაფრი სურნელი დაჰყვება მის ხილვებში „ატორტმანებულ“ სახეებსა თუ პეიზაჟებს... შთამბეჭქდავ „ვიზუალთა“ არის განმსაზღვრელი თვით მათი შემოქმედის მძაფრი და შეურიგებელი ანალიტიკა...

მისი ცხოვრების ფილოსოფია და რეალური ყოფიერების აუცილებლობანი, როგორც საყვედურის მაპროვოცირებელი ანტინომიები, ჯიუტად უკუაგდებენ გამძღავრებულ ცხოვრებისეულ პრაგმატიკას და კვლავ და კვლავ იმ ეროვნულ ნიაღს უბრუნდებიან, რომლიდანაც იშვა დროისა და სივრცის, ადამიანისა და ბუნების შემეცნებისა და ფენომენოლოგიური განსჯა-ანალიზის უღრმესი გამოცდილება... „რა საჭიროა, რა საჭიროა მცხეთა, სამადლო, წყნეთი და ჭომა! სასაცილოზე სასაცილოა ჩვენი საერთო ტაბლასთან სხდომა! მე მივაშურე საბას ტალავარს სად მძრომთან ზაკვაც განიმარტების; „არცა კირჩხიბი მართლად არა ვალს, არც ძაღლის კუდი განიმარტების!“


ეროვნულისა და მორალური კატეგორიების მყარი შენივთების ტენდენცია ერთი განმსაზღვრელი კონცეპცია პოეტის იდეურ-ესთეტიკური პრაქტიკისა... მისთვის, როგორც სუბიექტისათვის, სრულიად მიუღებელი იქნებოდა ძველი რომაელის ხაზგასმული პათეტიკით წარმოთქმული ტირადა — „ვერსად ვერ ვიპოვებ ჩვენთვის უცხო ქვეყანას; ყოველი მათგანიდან ერთიანობად შეიძლება ზეცისაკენ თვალთა აზიდვა“... რადგან სამყაროს სიდიადის ჭვრეტა, მისი აზრით, უზენაესი მოწოდებაა ადამიანისა, ხოლო სხვა ყოველივე წვრილმანი და ახირებაა მხოლოდ...

სრულ დისონანსშია მასთან ქართველი პოეტის ლირიკული მონოლოგი — „ოჰ, საქართველოვ! მშურს და მწყურის მუხების ბედი, იმ მუხებისგან მისწავლია მე სხვაზე მეტი: ფხვმო-უცვლელად, ზეზეულად ნელინელ კვდომა, შენთვის, შენ გამო, უღალატოდ კვლავ ფხვხე დგომა!“

მშობლიურის სიყვარულის ამგვარი ამაღლებული ვნება სრულ უნისონშია მიგელ დე უნაშუნოს, ამ დიდი ესპანელის



მურმან ლეზანიძე



გიორგი აბაშიძე

მაღალი ღირსებით აღბეჭდილ მონოლოგთან — „შენი სამშობლოს მთები... აქ ისვენებ, რაღაცა დიდს სწავლობ, ყველაზე მნიშვნელოვანი ისაა, რომ ეს უებარი საშუალებაა ნამდვილად შეიცნო და შეიყვარო სამშობლო... იგი აღგიძრავს შეგრძნებას იმისას, რომ ხეები, მთები, მდინარეები — ხორცი ხორცთაგანია შენი, მშობლიურია შენთვის, რომ ისინიც ესპანელები არიან... უსულონი — ასევე სამშობლოა, შესაძლოა უფრო მეტადაც კი, ვიდრე ადამიანები“...

ამ ჭეშმარიტად მსოფლმხედველობრივი მედიტაციის კონტექსტები კონცენტრირდება არა ერთეულ ფაქტებზე, არა ლოკალურ პროცესებსა თუ ღირებულებებზე, არამედ ერთიან და განუყოფელ საკრალურ ფაქტორზე — სულიერი ტრადიციებისა და მასთან პერმანენტული კავშირების პრაქტიკაზე...

„გაგება“ ანუ შინაგანი საზრისის შემეცნების პროცესი, წარსულისაკენ პროეცირებული ჰერმენევტიკული ცნებაა და იგი კაცობრიობის სულიერი და კულტურული გამოცდილების უწყვეტელობის აღქმას გულისხმობს...

ამ აქტუალური პრობლემატიკის ორგანიზული განცდითაა აღბეჭდილი მურმან ლეზანიძის კიდევ ერთი ლირიკული ტექსტი: „შრება სისხლი, კვალად სჭკნება ხორცი, ყველაფერი ბერდებაო ნორჩი, უცვლელია მხოლოდ ჟამთა დენა, ყველაფერი ცვალებადობს დროში... ამიტომაც ცვალებადობს რწმენა?! ამიტომაც ცვალებადობს მრწამსი?! აგე, კაცი — დგას სიკვდილის პირად — არაფერი, არაფერი მსგავსი!“

პიროვნების ნიველირებისა და დროსთან უსახური შერწყმის, წარსულიდან სრული იზოლირებისა და მესხიერების დაწლუნების გამძღავრებული სიმპტომები კიდევ ერთი კონცეპცია პოეტის ანალიტიკური მოდულაციებისა...

ჰორიზონტი ინტერპრეტაციისა და ჰორიზონტი ტრადიციისა აქაც, ამ კონკრეტულ მოცემულობაშიაც სინქრონულია...

ისტორიული ალუზიებით აღბეჭდილი მისი პოეტური ტექსტების „ელეგიური ციკლი“ სიმბოლური მოტივაციებით ათვალსაზრისებს ეპოქათა პოზიტივისა თუ ნეგატივის, საკრალურსა თუ ემპირიულს, რომანტიკულსა თუ პროზაულს...

ეროვნული ცნობიერების მრავალნაზნაგოვანი და დინამიური კონტექსტები, მისი ფილოსოფიური, ეპისტემოლოგიური თუ ემოციურ-ესთეტიკური წარმოდგენები მურმან ლეზანიძის, როგორც შემოქმედისა და მოქალაქის სააზროვნო რეპერტუარის ფუნდამენტური პარადიგმებია... ამ სივრცეებშია მისი პოეტური ენა და აზროვნება რადიკალურად რეფლექსირებადი, ელევანტური და მომავალზე ორიენტირებული...

გარდასულის ონტოლოგიურებას ორგანიულად ენაცვლება მოქალაქეობრივი ღირსების ვრცელი „ციკლი“...

საგულისხმოა, რომ მის თანამედროვეთაგან თითქმის არ იპოვებოდა ის, რომელსაც ასეთი სიღრმითა და მასშტაბურობით წარმოესახოს აგრერიგად გამძვინვარებული „ქართლის ჭირი“ და მწუხარება... ამას თვითონაც შესანიშნავად გრძობდა და ერთ თავის ლექსში საჯაროდ აცხადებდა: „იმდენი ვწერე სოფლის დამლაზე, შქმერზე, პარტახზე, ობლის ვარსკვლავზე, მთებზე, ღრუბლები სადაც ოდენ დაბალახობენ, რომ დავიღალე ამდენი წერით, მე გავჩემდი და იმ სათქმელს ჯერით, უკვე თავისად ახლა სხვები ლაპარაკობენ...“

მიტოვებული ქართული სოფლების სევდა, ზოგადეროვნულ მწუხარებასთან ერთად, იმ ნოსტალგიურ განცდათა აღმძვრელია, რომელიც ბავშვობის უნეტარეს სიზმრებთანაა ნილნაყარი...

სოფლის ინტიმთან და პატრიარქალურ მშვენიერებასთან სულითხორცამდე განდობილს, აქ ეგულებოდა სავანე სულიერი სიმშვიდისა, რომელიც დღეს ქვეყნულა აკლდამად დუმისა, სიყრდისა და სრული უსასოობისა: „ჩაძინებამდე მე უნდა ვნახო და ჩავიყოლო სიზმარშიც თანა, მთებში გაჭრილი პატარა ახო, ტყეში გაშლილი პატარა ყანა... ოჰ, გამაღობ, ჩემო სიზმრების ბალო, ჩემი ბავშვობის უტბესო ხანა“... ამ პატარა ღირსიული მონოლოგის სემანტიკა ნათელს ჰფენს მისი შინაგანი ჰარმონიის შემოქმედის — ხსოვნის ძალმოსილებას... მხოლოდ მას ძალუძს სულის მალალი სამრეკლოდან დაძრული ჰანგი დაუმორჩილოს შემოქმედის ურჩ ნებას...

„პოეზიას ან ზეცა შობს, ან პერსპექტივა“ — ეს მედიტაცია ფრანგ რომანტიკოსს ჟოზეფ ჟუბერს „ეკუთვნის“... მისივე რეფლექსიაა — „ადამიანთა ერთი ნაწილისთვის ლიტერატურა — შრომა, საქმე, ცხოვრება... მეორეთათვის გართობა, შაყირი, თამაში... პირველთათვის ეს არის მსახურება, მოვალეობა, აუცილებლობა, აღმაფრენა; მეორეთათვის მძიმე სამუშაო, ხელოსნობა, ვაჭრობა, ანგარიში, „თავისუფალი“ და ამბიციური ლაყობა... ერთნი წერენ, რათა საერთო კუთვნილებად აქციონ ის, რაც მათ მორალურ და ინტელექტუალურ პოზიტივად მიაჩნიათ, მეორენი — რათა აუწყონ სამყაროს რას მიიჩნევენ სიკეთედ საკუთარი თავისთვის. პირველთა იმპულსი ქვემარტობაა, მეორეთა კი — სარგებელი“...

ეს ანალიტიკური ტექსტი ფრანგული მხატვრული ლიტერატურის კონცეპტუალური აღქმისაა მომდინარე და მას, როგორც რეფლექსიას განვრცობის ძალზედ დიდი დიაპაზონი გააჩნია...

არც ჩვენი ეროვნული ლიტერატურული სივრცეა დაზღვეული ამ უმძაფრესი ნეგაციებისაგან...

იმ ერთეულთა შორის, ვისთვისაც არასოდეს დამდგარა ვირტუალური სიმულაციებით „ჟონგლირებისა“ თუ თვალთმაქცური ლინგვისტური მანიპულაციების ჟამი, მურმან ლებანიძეცაა...

კიდევ ერთხელ განვმეორდები და ვიტყვი, რომ იშვიათია პოეტი, რომელსაც ასეთი სიღრმითა და ინტენსივობით აღექვა სამშობლოს წარსულისა თუ თანამედროვეობის კაემანი, მისი აისებისა და დაისების, აღორძინებისა და დეკადანსის სემანტიკური მეტამორფოზები...

იგი ერთგვარ „ხორციელ პატივად“ მიიჩნევდა თითქოს, მხოლოდ მაცდუნებელი ანმყოთი გატაცებას და დაჟინებით მიიკვლევდა „გზას“ წარსულის დაღუმებულ ჰორიზონტებისაკენ...

საგულისხმოა, რომ ამ ისტორიულ დისკურსთა პოეტური მოდიფიკაციები ტრადიციულ კონვენციებით მოდელირდებოდა და არსებითად მათი რესტავრაციითა და რომანტიზაციით ხასიათდებოდა...

რწმენად, უმთავრეს ფიქრად და ოცნებად გარდაისახა პოეტის ღირსიული ნოსტალგია — დროსა და სივრცეში გაუჩინარებული ძღვეამოსილი სამშობლოს საკრალური ხატისა... „ჩემო თვალნათელი, ჩემო სანატრელი, ოდესმე დიდი ყოფილა საქართველო, ყოფილა დავით მეფე — აღმამენებელი, ყოფილან ოპიზ-

რები — გასამტერებელი; ყოფილა მოდრეკილი, ყოფილა ცურ-ტაველი, რასაც მოჰყოლია შოთა რუსთაველი... ჩემო თვალნათელი, ჩემო ფრთანათელი, ოდესმე დიდი ყოფილა საქართველო“.

სენეკას, ძველი რომის ამ წარჩინებულ მოქალაქესა და გენიალურ მოაზროვნეს, თავის ერთ ფილოსოფიურ ტრაქტატში ასეთი რამ აღუნიშნავს: „ჩვეულებად გვექცა თქმა იმისა, რომ ბუნებასთან ჰარმონიული თანაცხოვრებაა უმაღლესი სიკეთე... მაგრამ ბუნებამ ჩვენ წარმოგვმა არსებობის ჭვრეტი-სათვისაც და ქმედებისთვისაც. მხოლოდ ქვეყნისა და ადამიანების მიმართ განუელი აქტიური მოქმედება ადამიანური სიკვების ქვემარტი ასპარეზი“...

ამ შეგონების მოდუსი უფრო შთამბეჭდავი გახდება, თუ იმასაც გავითვალისწინებთ, რომ მისი ავტორი, რომის საიმპერატორო კარის ინტრიგებით შეძრული, უფრო ეპიკურული მსოფლგანცდის მოტრფილვე იყო, ვიდრე მკაცრი შინაგანი მორალური დისციპლინის აპოლოგეტი...

სიკვების ამ ქვემარტი ასპარეზადაა მონოდებული პოეზია, ანუ ხელოვნური ილუზიებისაგან თავდახსნილი და მისგან განრიდებული ანალიტიკური კონტექსტებით აღბეჭდილი სამოქალაქო ღირსიკა...

სიტყვის კოლოსალური ძალმოსილების დემონსტრირება, ყოფიერების ბრუტალურ გამოვლინებებთან შეჭიდებული შემოქმედის პეროგატივა და ეს ბრწყინვალედ სახიერდება მურმან ლებანიძის თუნდაც ერთ ღირსიულ ტექსტში: „კაცი გწერს წერილს, კაცი გასახავს იმედად ერის, კაცად უცვნიხარ — მეკობრეზე, ყაჩაღზე, ფულზე, გწერს გთხოვს იყვირო, — კაცი შენგან კაცობას ელის, — ხმა ამოიღე საკითხებზე ძლიან რთულზე... ფუ, შენს კაცობას! ფუი პოეტს — მონას და მორჩილს!“

მონოდება მოქალაქეობრივი სინდისის ღრმა შეცნობისა, მისი უმრავლეს პოეტურ ქმნილებათა ლაიტმოტივია... ეფემერულ ინსტინქტებსა და სტერეოტიპულ „პატრიოტიზმზე“ ამაღლებული, იგი იმ ქვემარტი ეროვნული ტკივილებითაა ნაძენნი, რომელთა დასაბამი არასოდესაა გააქტუალურებული აბსტრაგირებული „სიდიდები“, ანუ დრო-ჟამის მიერ პროვოცირებული და რეპრეზენტირებული პრობლემები ქვეყნისა...

მურმან ლებანიძის პოეზია, მდიდარი თემატური რეპერტუარით, სხვა სააზროვნო პარადიგმებითაც გამოირჩევა... მის შემოქმედებით შთაგონებას, არცთუ იშვიათად ეძალება საკუთარი სულის იდუმალ ნიაღს „თავმეფარებულ“ ვნებათა ამოთქმის წყურვილი, ფილოსოფიური ჭვრეტისა და თვითანალიზის კატეგორიული სურვილი...

პოეტის ფილოსოფიური მედიტაციები, უფრო მისი გვიანი ხანის „ნაყოფს“ წარმოადგენს... სიჭარმავის ღრმად განტოტვამ ფესვებზე მკვიდრად მდგარი და ცხოვრების უმდიდარეს გამოცდილებასთან ორგანულად ნაზიარები, იგი საკუთარი ცნობიერების მალალი სამზერიდან ზომავს და სწონის ადამიანური ყოფიერების თანმდევ პოზიტივსა და ნეგატივს, მარადიულ მორალურ თუ ესთეტიკურ ღირებულებათა კონცეპტუალურ სპეციფიკასა და პერსპექტივებს...

ისეთი მძაფრი და სიღრმისეული არსადაა იგი, როგორც აქ, ამ ქვემარტი ღირსიულ რეფლექსიებში... მჭევრმეტყველების შთამბეჭდავი ენერგეტიკა, წარატოვის უჩვეულოდ ესთეტიზებული რიტორიკა და მალალი პოეზიის კრისტალური სული სუფევს მისი ამ ტიპის ქმნილებებში...

საკუთარი სულიერი იმპულსებიდან „ამოზიდული“ ღირსიკული ობიექტივაციები, წარატორის სრული იდენტიფიკაციის მისიითაა აღბეჭდილი და საცნაურს ხდის შემოქმედის უინტიმეს განცდათა სემანტიკას...

მისთვის ღრმად შეცნობილი მორალური კულტურა მოიცავს აბოპოქრებულ სურვილებისა და მისწრაფებების იმ ფართო წრეს, რომელთა მიზანია კატეგორიულად მოითხოვოს ადამიანთა დაჩლუნგებული გრძობა-გონების აქტივობა,

ედიოს თავისუფალი და ღირსეული ყოფიერებისაკენ მიმავალი გზები... იყოს ინდივიდი და არა იმპერსონალური არსება: „ყურს ნუ ათხოვებ მონყენილი დღეების კვნესას, — მკითხველო ჩემო, შენ ლომს მიჰყევ, ლომს მიჰყევ ჩემსას!“

მისი ფილოსოფიური მონოლოგებისათვის გარესამყაროს ხედვის მთავრი ვნებებით აღბეჭდილი პათოსია დამახასიათებელი... იგი შემოქმედის ღრმად გაცნობიერებული რეაქციაა იმ გარე თუ შიდაიმპულსების მიმართ, საპაექროდ რომ იხმობენ მას...

თუმცა, დროდადრო ცხოვრების უმკაცრესი გამოცდილებით „ნასაზრდოებ“ ლექსებს, შემოდგომის დაღლილი განწყობილება ეპარება... შინაგანი მყუდროების იმ საუფლოს მიეღწევის, რომელმაც სიმშვიდის ნეტარ განცდასთან უნდა შეანივთოს მისი ყოყნით მოქანცული სული... მიმწეხრის მოლოდინის სევდა თითქოს არბილებს გრძნობათა და ემოციათა ჩვეულ სიმკვრივეს, უფრო ჰაეროვანსა და ელგვიურსა ხდის მათ... მისწრაფებთა თვალსაწიერი ვინროვდება და დროსივრცესთან ჭიდლის სურვილს, მიწიერ არსებობასთან განშორების მოლოდინი ენაცვლება: „ახლა მაგ ბუხარს აფიცებ ძვლები, ეგ ფერფლისფერი თმა შეიფერე! — ოთხმოციანი ჩამოგდა წლები და ჩვენი ცოდვით სავსე სიბერე!“

ამ ტიპის ლექსებში მიღწეულია ინდივიდუალური ნდომის ის ზღვარი, რომლის მიღმა ქრება ცნობიერი კორექტორება ანმყოსი და უსაგნო რიტორიკასა ეძლევა დასაბამი: „სიკვდილი იქნება — მიყვსული! სიკვდილი იქნება უეცარი! სიკვდილი იქნება — ჩაბნელება მოულოდნელი!.. სიკვდილი იქნება ლბილი ჩაბნელება“...

შემოქმედებითი სულის უსაზღვრო და თავისუფალ ფარფატთან ასოცირებული ყოფიერება, ანუ ახალგაზრდული ცნობიერების სიხასხასე, განსაცვიფრებლად ეფემერულიცაა თურმე... დროის სიმრავლის შხამიანი სუნთქვა კლავს მის ქაღალდებრივ უმანკობას, აუფერულებს მის განუმეორებელ კოლორიტს — „დრო იყო — აგვისტოც მარტობდა, დრო იყო — ან ღვინო მათრობდა, დრო იყო — ან ქალი მიყვარდა — კაცი და კაცობა — ესენია!.. სურვილის ქვეყნებში სიგრძილეა, სურვილის ქვეყნებში გათოვდა, ეს, ალბათ, სიბერით სიკვდილია — კიდევაც, კიდევაც მეშინია!“

სიცოცხლის წარმავლობასთან შეჭიდებული პოეტის წამიერ ნამოჩოქებას, საბედნიეროდ, კვლავ სულიერი აღორძინებისა და დროსთან ომბახიანი შებნის წაღილი სცვლის და ეს ყოველივე, მისი მხატვრული ცნობიერების იმ ონტოლოგიურ აქტად ცნაურდება, სულიერი რეალიზმისათვის რომ არის სპეციფიკური...

ყოველი პოეტური ტექსტის ავტონომიურობა მის ლექსს ანიჭებს სრულიად განსაკუთრებულ მოქნილობას, მატერიალურ ექსპრესიას და ერთგვარ „იკონოლოგიურ“ შთამაგონებლობას...

გალაკტიონისა და ზოგადად პოეტური ხელოვნების თემა, როგორც რეალურ გამოცდილებიდან იმპულსირებული ემოციური განცდა, ცალკე მოტივაციად შემოდის მურმან ლებანიძის შემოქმედებაში...

XX საუკუნის ქართული ლიტერატურული სამყაროსათვის, არ იყო უცხო წინაპართა თუ თანამედროვეთა მიმართ განსაკუთრებული სიყვარულისა და აღტაცებული პატივისცემის გამოხატვის პრაქტიკა. სიმბოლისტებთან მან უკიდურესობას მიაღწია, როდესაც თანამედროვენი, ერთი თაობის შემოქმედნი, გუნდურუკ შემედნენ ერთმანეთს ლექსებსა თუ საჯარო გამოსვლებში... ყველას, ან თითქმის ყველას, თავისი გამორჩეული ლიტერატურული კერპი ჰყავდა, რომლის ცხოვრება და რა თქმა უნდა, შემოქმედება საკრალურ ღირებულებას წარმოადგენდა მისთვის...

ასეთივე უსაზღვროა მურმან ლებანიძის პიეტეტი გალაკტიონისადმი... გენიალური პოეტის ადამიანური ჩვეულებრიობა, არაჩვეულებრიობის ობერტონებითაა მათში აღქმული და წარმოსახული...

ფოტოგრაფიული სიზუსტით გაცოცხლებულ, გალაკტიონის ხილვისა თუ მასთან ურთიერთობის კადრებს სტრუქტურულად მოტივირებული ემოციის შლიეფი ანიჭებს მაღალეს-თეტიკურ ღირებულებას...

დიდების მწვერვალს მიღწეულ პოეტს, შესაძლოა, ბევრს არაფერს აუნყებდა მისი თავყანისმცემლის სახელი და მიუხედავად ამისა, მისკენ მიდრეკილი თავყანისმცემლისათვის ეს იყო რამოდენიმე ნუთი უმაღლესი ნეტარებისა, მარადისობასთან ცოცხალი კონტაქტისა და პოეტთა პოეტისაგან ერთი, ერთობ პიკანტური პასუხის მოსმენისა: „ჩემს გალაკტიონს მე ვკითხე ერთხელ (ის მთვრალი იყო, როგორც ყოველთვის); — ბატონო გალაკტიონ, თქვენი პირველი ხართ, დავგვისახელებ მეორე პოეტო... უცებ ჭინკებით გავესო თვალი — თავისი სიმაღლით ის იყო მთვრალი, — საქართველოში??? — ჩაიქირქილა და ლომურ ნვერზე მოისვა ბრჭყალი...“

გალაკტიონის თითქოს ამბიციური შებრუნება კითხვისა, საოცარი სიცხოვლით უსვამს ხაზს მისი სუბსტანციის ერთ ფრიად ორგანიულ ტენდენციას, კერძოდ ღრმა შემეცნებას იმი-სა, რომ ის სამყაროს ერთი უდიდესი პოეტია და რომ მისი ჭეშმარიტი ონტოლოგიური აღქმა და წარმოდგენა, მხოლოდ გლობალური მასშტაბებითაა სასურველიცა და აუცილებელიც... მახვილგონივრულად წარმოსახულმა პოეტურმა ოპუსმა, მკითხველისათვის ნათელი გახადა „საუკუნის პოეტის“ კიდევ ერთი, ოდენ „ადვილად მისატყვებელი ცდუნება“...

გალაკტიონი თვალსაწირო კოლოსალური გაკვეთილია მისთვის... მისი თვალთახედვით იფართოებს ფიქრისა და აზროვნების დიაპაზონს, მასზე „ასწორებს“ საკუთარი განსჯის სიღრმესა და ესთეტიკას... დაბოლოს, თითქოს სათაყვანებელი პოეტის ცხოვრებისა და შემოქმედებითი სიბრძნის თანამონაწილეც ხდება...

მისთვის ახლობელია გენიოსის არა მხოლოდ პიროვნულ-შემოქმედებითი გაბრწყინების მომენტები, არამედ მისი პიროვნული ასპექტიზმისა და სუბიექტური ტანჯვა-მწუხარების გაბმული უამთავლა... დაბოლოს, მისი ტრაგი-რომანტიკული დასასრული, თანმხლები პათეტიკითა და არაამქვეყნიური მისტიკით... ყვეავილების მდინარეს კუბო ცისკენ მიჰქონდა; ინვა გალაკტიონი და თავისას ფიქრობდა... დირიჟორი თვით იყო! რაც მოხდა და გათავდა... და რაც ახლა ხდება — მისი ჟინი მართავდა... წინ გვიძღვოდა სიკვდილით სივრცეების მხილველი, მიდიოდა ამაყი და სიკვდილშიც პირველი...“

სამშობლოსა და ერის ცნობიერებაში სუბლიმირებული გალაკტიონის ხატი, მასთან დაკავშირებული ცნობიერი თუ არაცნობიერი კონტექსტები, მისი ეკზისტენციური თუ ეპისტემოლოგიური სუბსტანცია, ჩემთვის ნათელყო ალუზიამ წარსულიდან, იმ უდიდესი შემოქმედის ლეგენდარულმა ღვანლმა, რომელმაც მთელი ეპოქა შექმნა არა მხოლოდ თავისი დიდი ერის სულიერ ცხოვრებაში... აი, თურმე როგორ მიაცილებდა უკანასკნელ გზაზე „მიმავალ“ საფრანგეთის ამ სიამაყეს მისი სამშობლო: „სახე-იმო სამეფოვანო სვლა მიაცილებდა ვიქტორ ჰიუგოს პანთეონამდე. კუბოს ორი მილიონი ადამიანი მიჰყვებოდა... პირველად კაცობრიობის ისტორიაში ერი იმ პატივს მიაგებდა პოეტს, რომელიც აქამდე მხოლოდ ხელმწიფეებსა და მხედართმთავრებს რგებიათ... ეს აპოთეოზი აღმოსავლეთის ბრწყინვალე სამგლოვიარო ცერემონიალს მოაგონებდა ადამიანს...“

ბოლოსა და ბოლოს ადამიანები თვით აღფრთოვანებისაგანაც კი იღლებიან... შემდგომი ნახევარი საუკუნის განმავლობაში ჰიუგოს დიდებამ მრავალი მეტამორფოზა განიცადა — ბოდლერი, მალარმე, ვალერი — უფრო თანამედროვენი ჩანდნენ, ახალ მოთხოვნილებებს უფრო პასუხობდნენ, მაგრამ ჰიუგოს გარეშე ეს პოეტები არასოდეს არ იქნებოდნენ და ამას ისინი თვითონვე აღიარებდნენ“... (ანდრე მორუა)

„წარმოვიდგინოთ, რა იყო ფრანგული პოეზია მის მოვლინებამდე, და რა ახალგაზრდული ძალით ალივსო მას შემდეგ, რაც ის მოვიდა... წარმოვიდგინოთ, რა მწირო იქნებოდა იგი, მას რომ არ მოესწრო... და შეუძლებელია არ ვაღიაროთ იგი, ერთ იმ უიმვიათეს პროვიდენციულ გონებად, რომელთაც ლიტერატურული პლანით საყოველთაო ხსნა მოაქვთ“... ეს შარლ ბოდლერია...

„ეს ადამიანი იყო ძლიერების განსახიერება... იმისათვის, რომ წარმოედგინა მისი ჭეშმარიტი ძალა, საკმარისია გაეცნო და შეისწავლო მის ირგვლივ აღმოცენებული პოეტების შემოქმედება... რისი გამოგონებაც არ დასჭირდათ მათ, რომ შეენარჩუნებინათ თავისი არსებობა, მის ირგვლივ!.. გავიდა ათწლეულები... დრო-ბორცვებისა და გორაკების აღმგველი პირისაგან მიწისა — ინდობს მხოლოდ მაღალ მთებს... XIX საუკუნის დაიწყების შემზარავ ოკეანეს ამაყად დაჰყურებს ნათელი სახეებით გაბრწყინებული არქიპელაგი ვიქტორ ჰიუგოსი“... ეს კი პოლ ვალერი...
ამ ვრცელ ანალიტიკურ განსჯათა ციტაცია, საოცარი სიზუსტით განასახიერებს გენიალური ქართველი ლირიკოსის ფენომენის ჭეშმარიტ პარადიგმებს, მის სულიერ გამოსხივებათა უნიკალურ რეპერტუარს... პარალელები თვალსაჩინოს ხდიან მოვლენათა აღქმის მასშტაბებს და ამდიდრებენ ინტერპრეტაციების სივრცეებს თუ რეფლექსირების კულტურას...

მურმან ლებანიძის „გალაკტიონოლოგიური“ ოპუსები, დიდ სულიერ წინამორბედთან დამოკიდებულებისა და მომავლის ინტელექტუალური სტრატეგიის კიდევ ერთი პროექციაა, რომელიც წარსულის ემოციურსა თუ რაციონალურ არგუმენტაციებს დროში არსებობის უფლებებს ანიჭებს...
მან, თავის მაღალ მოვალეობად ჩათვალა, პატივი მიეცო საუკუნის უდიდესი პოეტისათვის, რადგან „არც თუ ადვილია ამოიგდო გულიდან რწმენა და სიყვარული ხვთაებისა“...

სიმპტომურია, რომ მურმან ლებანიძის „პოეტური ხელოვნება“ პრინციპულად განერიდა კლასიკური ესთეტიკური პრინციპების პოლემიკურ გადაზრებას, მისი „პროფანირების“ ცდუნებას, თუმც მასში მაინც მძლავრად მოხდა ახალი აზრობრივი პლასტიკების აკუმულირება, კულტურული ცნობიერების მითოფოლკლორული კონტექსტების აღორძინება, წარსულის კონცეპტუალური აღქმისა და ფიქსაციის ახლებური ნიუანსირება, გამოვლენა მათი სემანტიკური მრავალპლანიანობისა... პოეზია, როგორც ცოდნა, დომინანტია მისი ესთეტიკისა...

პოეტური ტექსტების ორნამენტული სტრუქტურა შამბეტყდავია თავისი დეკორატიული ინტერპრეტაციებითა თუ სტილიზებული ინტერიერით, სახეთა მკვეთრი კონტურებითა თუ სიტყვიერი არაბესკებით...
ოდნავ თეატრალიზებულნი, ისინი შთამაგონებლნი არიან თავისი იდეური აქტუალობითა და ორატორული პათოსით...
დაბოლოს, ძალზედ არსებითია, პოეტის სუბსტანციისათვის ორგანიული მუსიკალური სტილი, პოეტური ფრაზის რიტმული აქცენტები და ხმოვანი გამომსახველობა...
ერთ თავის ლექსში, იგი ასე განმარტავს საკუთარ ესთეტიკურ ორიენტაციას: „ლექსი უნდა ქალს ჰგავდეს, — პროსპექტს რომ მოანათებს, სიმხნეს რომ მოგანატრებს, სიყრმეს რომ მოგალანდებს... გასაფრენად გცეცხლავდეს, რომც იყო საპყარივით, — ლექსი უნდა ცხენს ჰგავდეს — კოჭებში ზამბარებით“...
დრო-სივრცის მხატვრული აღქმის პარალელურად, მასში კოლოსალური ძალისხმევით „თრთოდა“ ეროვნული სულიერების რღვევისა და კვაზიკულტურული ცივილიზაციის მოსალოდნელი პრევალირების საგანგაშო ობერტონები... ღრმად აფიქრებდა ვექტორი ერის იდეტობისა და მიზანი მისი მომავლისა...

ამ თავსატეხი დილემის წინაშე იდგა იგი — XX საუკუნის დიდი ქართული პოეზიის ეს ერთი ჭეშმარიტი აქტორი, უხანგრძლივსი სწეულებით „გასაკლდევებული“ მოქალაქე თავისი ქვეყნისა და ეროვნული პოეზიის ცოცხალ გულის-ფეთქვას ამკვიდრებდა თანამედროვეთა ცნობიერებაში...

დასასრული შემდეგ ნომერში

ხალიდ ალ-ხამისის, ეგვიპტელი მწერლის კიდევ რამდენიმე ამბავი „ტაქსიდან“, რომლებიც ავტორმა ტაქსით მგზავრობის დროს შეკრიბა. ხალიდ ალ-ხამისი ერთ-ერთ ინტერვიუში ამბობს, რომ მას უყვარს ტაქსის მძღოლებთან საუბარი, რადგან ისინი ეგვიპტის ქუჩების ნამდვილი ბარომეტრები არიან. კრებულში თავმოყრილია 2005-2006 წლებში შეკრებილი ამბები. ტაქსისტებიც, ვისთანაც მწერალი მგზავრობის დროს საუბრობდა, სხვადასხვა განათლების ადამიანები არიან, წერა-კითხვის უცოდინარიდან დაწყებული, აკადემიური ხარისხის მქონე მძღოლებით დამთავრებული, თუმცა მწერალი ამბობს, მეცნიერებათა დოქტორები ჯერ არ შემხვედრიაო. ტაქსისტები კარგად იცნობენ საზოგადოებას, რადგან პრაქტიკულად ქუჩაში ცხოვრობენ და ყოველდღე უამრავ სხვადასხვა ტიპის ადამიანს ხვდებიან.

წიგნი პირველად 2006 წელს გამოიცა და მალევე იქცა ბესტსელერად. „ჩვენი მწერლობის“ მკითხველი უკვე იცნობს რამდენიმე ამბავს ამ წიგნიდან (№7, 2013; №19, 2013; №10, 2014). მიუხედავად იმისა, რომ პირველი გამოცემიდან თითქმის ათი წელი გავიდა, აქტუალობა ჯერაც არ დაუკარგავს. ბევრგან ქართველი მკითხველი ჩვენი საზოგადოების პრობლემებსაც ამოიცნობს.

ხალიდ ალ ხამისი

ტაქსი

ახალი რამზესის კოლეჯის წინ ვიდექი, აჰმად ლუტფი ას-საიდის ქუჩაზე, სადაც ჩემი შვილები დადიან სკოლაში. ქუჩა გადატვირთული იყო. უამრავი ავტობუსი ტონობით გამონაბოლქვს გამოყოფდა. ასეთი დაბინძურებული ჰაერი სულს მიხუთავდა და დახრჩობის პირას მივყავდი. რას უშვება ჩემი საყვარელი კაირო მისი მაცხოვრებლების ფილტვებს?! ტაქსი მომიახლოვდა და თითქოს გახარებული გაჩერდა, მგზავრი რომ დაინახა. ისე ჩავჯექი, არ მითქვამს, სად მივდიოდი, თუმცა, როგორც წესი, ასე არ ვიქცევი. აღმოვაჩინე, რომ მძღოლი სიგარეტს ეწეოდა და ისიც სახეში მაბოლოვდა.

არ შემეძლო კვამლის იმ კვალის ატანა, რომელიც ცეკვა-ცეკვით პირდაპირ ჩემი ფილტვებისკენ მოემართებოდა შხამიანი გველივით. ვიფიქრე, თუ თავზაიანად ვთხოვ მძღოლს სიგარეტის ჩაქრობას, ჩემს თხოვნას არ შეინწყნარებს-მეთქი, ამიტომ გადავწყვიტე უხეში ინტონაცია მეცადა, იმ იმედით, რომ ოფიცერი ვეგონებოდი, ჩემს ავტორიტეტს დაემორჩილებოდა და სიგარეტს გადააგდებდა.

— გადააგდე სიგარეტი! — ვუთხარი მკაცრად, — ის არ გვეყოფა, სამინელო გამონაბოლქვს რომ ვსუნთქავთ?

ყურადღებით შემომხედა, სახეზე დამაკვირდა, პოლიციელის სახეს შეადარა, გონების თვალთ აწონ-დაწონა. შემდეგ ფანჯრიდან სიგარეტი გადააგდო და მივხვდი, რომ ჩემი სახე თავისუფლად შეიძლებოდა პოლიციელის სახე ყოფილიყო.

— აგუზაში ნადი! — (ისევ უხეშის როლის თამაშს განვაგრძობდი).

— რა თქმა უნდა. — თქვა მძღოლმა.

ერთი სიტყვაც რომ დამცდენოდა, ყველაფერი გამჟღავნდებოდა და მძღოლი ისევ მოუკიდებდა სიგარეტს. ასე რომ, დავდუმდი.

— როგორც მიბრძანებთ, ბატონო. მაგრამ გნებავთ, საოცარი რამ გითხრათ?

— გისმენ, — ვუთხარი მე.

— ერთ მილიონერთან ვემუშაობდი, 700 ფუნტს მიხდიდა თვეში, სარჩურები, გამონაცვალი ტანსაცმელი და სადღესასწაულო დანამატები რომ არ ჩავთვალთ. ეს ყველაფერი იმიტომ მივატოვე, მონევა არ შეიძლებოდა. მთელი დღე საჭესთან ვზივარ და აღმა-დაღმა დავხეხტები, რომ თავისუფალი ვიყო და ჩემ გემოზე მოეწონა, მაგრამ შენი ხატოთ გადავაგდე, პატივცემულო. ღმერთმანი, „მარლბოროს“ ვეწეოდი.

— იცოცხლე, — ვუთხარი მე.

— მე, პატივცემულო, მონევა გვიან დავინწყე, უკვე საშუალო სკოლას ვამთავრებდი, მერე 1973 წლიდან 1976-მდე ჯარში ვიყავი. მაშინ

სიგარეტს უფასოდ გვაძლევდნენ, დღეში თითო კოლოფს. სიგარეტი კადაფის საჩუქარი იყო, ლობიდან, ეგვიპტელი მეომრებისთვის. სკოლაში სწავლისას ოჯახმა არ იცოდა და ამიტომ, ჯარში წასვლამდე ბევრს არ ვენეოდი. ჯარიდან რომ დავბრუნდი, ერთი კოლოფი „მარლბორი“ ორმოცდასამნახევარი კირში ღირდა, ეგვიპტური სიგარეტი — 15-20. „მარლბორის“ მოწევის მაშინ მივეჩვიე და ახლა? ახლა „მარლბორი“ 7,5 ფუნტი ღირს, „კლეობატრა“ — 2,5. ყველაფერი თავდაყირა დადგა, მაგრამ რას იზამ? სიამოვნება.

კიდევ ერთ თავშესაქცევ ამბავს მოგიყვები. სამხრეთიდან ვარ, ასიუტიანი. ოჯახმა მითხრა, გეყოფა ასე ყოფნა, ცოლი უნდა მოიყვანო. კარგი-მეთქი, ვუთხარი. ჩვენებური გოგო უნდა შეირთო. ნათესავის გასაცნობად წამიყვანეს. როგორც კაიროშია მიღებული, ტორტი წავიღე. იქ, რა თქმა უნდა, ასე არ ხდება და ძალიან გაუკვირდათ, ტორტით რომ მივედი. არ ვიცი, რა მომივიდა, საპატარძლო არ მომენონა. ბოდიში მოვიხადე თავაზიანად და მალევე წავიდი. ისინი ყველაფერს მიხვდნენ და ტორტი ბიძაჩემის სახლში გაგზავნეს, რადგან მამაჩემი დიდი ხანია კაიროში ცხოვრობს და იქ სახლი არ ჰქონდა. სახლში რომ მივედი, მეორე ბიძის სახლში ბიძაშვილს შევხვდი... მიზიდულობა გაგვიჩნდა. ერთმანეთს კარგად გავუგეთ... ჩემი ოჯახი ვერ იჯერებდა, მაგრამ ორიოდ დღეში დავინიშნეთ კიდევაც. ლამაზი გოგო იყო, ადგილობრივ დანებებით სკოლაში მუშაობდა.

კაიროში რომ დავბრუნდი, ფიქრები მომეძალა, — ცოლად თუ მოიყვან, ხარჯი მოგემატება. რასაც შოულობ, იმით თავი ძლივს გაგაქვს. სიგარეტის ფული სადღა გექნება? ჰაშიშის ფული? სერიოზული კი არაფერი, ბატონო, კვირაში ერთხელ ვენევი ჰაშიშს... გამუდმებით ამაზე ფიქრობდი და მივხვდი, რომ თუ დავქორწინდებოდი, სიგარეტისთვისაც თავი უნდა დამენებებინა და ჰაშიშისთვისაც. უკვე ნანახი მაქვს, ჩემს გარშემო რა დღეები არიან. ამიტომ წავედი სოფელში, ოჯახის უკითხავად, და ნიშნობა გავაუქმე. იქიდან მოყოლებული მსგავსი აღარაფერი ჩამიდენია.

თავისუფლად ვცხოვრობ, ჩემი სიამოვნებისთვის ვენევი სიგარეტსაც, ჰაშიშსაც და არავის არაფერი მმართებს.

ხომ არ მონევ, ბატონო? შეხედე კოლოფს, „მარლბორია“.

მძლოლს სახეზე უსაზღვრო სევდა ენერა, სევდა, რომელიც ვრცელდებოდა და სრულიად შთანთქავდა მას, თითქოს მთელი მსოფლიოს სევდამ მასთან მოიყარა თავი და საბოლოოდ მძიმე ბურთი შექმნა, რომელიც ამ საცოდავის სულს დაანვა. ერთი შეხედვაც კმაროდა მიმხვდარიყავი, თავს რაღაც უბედურება დააბყვდა.

ღრმა მწუხარების მიზეზი ვკითხე. მიპასუხა:

— ღმერთმანი, არ ვიცი, რა ვიღონო, თავი როგორ გავართვა... ტვინი გამუდმებით მუშაობს, გამოსავალს ეძებს. არ ვიცი, რა გადაწყვიტო... გავგიჟდები... ვგრძნობ, თავის ქალა როგორ მეხდება...

— კი მაგრამ, რა ხდება? — ვკითხე მე.

— ასეთი ამბავია: სკოლის მოსწავლეები დამყავს. ექვსი ბავშვია, თითო თვეში ოთხმოც გინეას იხდის. ორი დღის წინათ დამამა მამა დაუპატიმრეს. წავედი გუშინ, რომ ჩემი ფული ამელო. ბავშვების დედამ მითხრა, რაც მოხდა, და მთხოვა, ვაცადო, სანამ მის ქმარს გაათავისუფლებენ.

მომხდებინა რომ იყო, შვიდი ან რვა ბავშვი უნდა დაგყავდეს, მე — ექვსი დამყავს. თან, რა უნდა ქნან ამ ბიჭმა და გოგომ? მათი დედა ჩადრს ატარებს და შინიდან არ გადის. ჩემი ცოლი მეუბნება: „სამუშაო სამუშაოა, უთხარი ან გადაიხადოს, ან ბავშვებს სკოლაში აღარ წაიყვან“. ბავშვების დედა იფიცებს, რომ ჩემთვის გადასახდელი კი არა, საქმლის ფული არ გააჩნია, რომ მოთმინებაშია ნუგეშის გასაღები და რომ შაბათს გაღებული მადლი კვირას დაგხვდება წინ.

არ ვიცი, რა გავაკეთო. ნამუსი მეუბნება, რომ ბავშვები სკოლაში უნდა ვატარო, არადა, მე თვითონ ლატაკი ვარ, ნეტა ვინმე ძვალს გადმომიგდებდეს. ნამდვილად წაგებაში ვიქნები. თქვენ რა აზრის ხართ, უფროსო?

— ძალიან რთულია, ამ საკითხზე ჩემი აზრი მქონდეს, — ვუთხარი მე. — ვისაც ხელი წყალში აქვს, ხელდამწვარს მრჩევლად ვერ გამოადგება.

— გულწრფელად, ჩემს ადგილას რომ ყოფილიყავი, რას იზამდი? — მკითხა მძლოლმა.

— ჩემი აზრით, მადლი ქენი, ქვაზე დადე... ატარე ბავშვები სკოლაში.

— მამაჩემი, ალაჰმა შეინყალოს, ყოველთვის ამბობდა, სიკეთე გააკეთე და სიკეთითვე მოგიბრუნდებაო... როგორც ხმა და მისი ექო, — თუ ხმამალა არ დაიძახებ, ვერც ექოს გაიგებ. თუ სიკეთეს მთელი გულით



მხატვარი ჯემალ ზენაიშვილი

არ გააკეთებ, სიკეთით არასოდეს მოგიბრუნდება. ალაჰმა ნათელში გამყოფოს, მამაჩემო!

მაგრამ მამაჩემი სხვა დროში ცხოვრობდა... იმ დროში სამსახურს სამ საათზე ამთავრებდა და მთელ დროს ჩვენთან ატარებდა. მე ჩემს შვილებს კვირაში ერთხელ ვხედავ, ხან მამინაც ვეიო.

კარგი, ვთქვით ვატარე ბავშვები ერთი თვე და მათი მამა ციხიდან ვერ გამოვიდა, რამდენ ხანს უნდა ვიცადო? კეთილ საქმეს მარადიულად ვერ გააკეთებ. ჩემმა ცოლმა გუშინ ერთი ამბავი დამანია, რომ ვუთხარი, ბავშვებს სკოლაში ვატარებ-მეთქი. გულწრფელად რომ ვთქვა, ძალიან შემიყვარდა პატარა ამინა. ხუთი წლისაა და ჩემ დისშვილს, ასმას ჰგავს ძალიან. ლამაზი და წყნარი გოგოა. გინახავთ ოდესმე გოგო, რომელიც ერთდროულად ცელქიც არის და წყნარიც? აი, ამინაა სწორედ ასეთი... ღმერთმანი, არ ვიცი, როგორ მოვიქცე?

მანქანიდან რომ გადავედი, მძლოლს ვუთხარი, ის გადაწყვეტილება მიელო, რომელიც სურდა შეესრულებინა და ამ საკითხზე აღარ ეფიქრა.

ფული ისე გამომართვა, არც კი შეუხედავს. მისი მდგომარეობა ჩემთან საუბრის შემდეგ ოდნავადაც არ გაუმჯობესებულა.

გიზას ქუჩაზე ვიყავი. თითქოს განკითხვის დღე იყო. ტაქსი არ იძვროდა, გამონაბოლქვი მოწყენილობასთან შერეულიყო და დრო სულის-შემხუთველად გაეჩერებინა. ჩემგან მარცხნივ ვეტერინარიის ფაკულტეტი იყო, მარჯვნივ — ზოოპარკი, წინ და უკან — მანქანების უსასრულო რიგი. სავარაუდოდ, მადინა სინემას პირამიდის ქუჩაზე ორი საუკუნის შემდეგ მივალნევი.

მძლოლთან საუბარი არ წამომიწყია, თითქოს სიჩუმე სა- ვალდებულო იყო გამონაბოლქვის და მოწყენილობის წრის შე- საკრავად. მაგრამ მძლოლმა დუმის დარღვევა გადანყვიტა.

— ერთი იყო, მანქანიდან რომ ჩადიოდა ცოტა ხნის წინათ, მითხრა, ხან ალ-ხალილის აფეთქება ისლამისტების კი არა, მთავ- რობის მოწყობილი იყო, რათა ხალხი საპრეზიდენტო არჩევნების წინ ისლამისტთა წინააღმდეგ განწყობო. რომ იცოდე, რამდენი- მე ადამიანმა მითხრა იგივე. შენ რა აზრის ხარ ამაზე, ბატონო?

— მე ვფიქრობ, სისულელეა, ფაქტების დამახინჯება და გა- უნათლებლობის შედეგი. ბოლო ოცდაათი წელია ისლამისტებს არაერთი ასეთი ტერორისტული აქტი აქვთ განხორციელებუ- ლი, რომელიც საზოგადოებასაც აზიანებს და თვითონ მათაც, მაგრამ მაინც განაგრძობენ ამის კეთებას და შენ ვერ ხედავ, რა- ტომ და ვინ დგას ამის უკან ან ვინ აფინანსებს. შენ რას ფიქრობ?

— მთავრობა სუსტია. მათ არ იციან ასეთი რამეები რო- გორ უნდა გაკეთდეს. ყველაფრის გონივრულად დაგეგმვა რომ შეძლებოდათ, ამ მდგომარეობაში არ ვიქნებოდით. ასეთი პოლიტიკური ოპერაციების ჩასატარებლად გამბედაობა და სიმამაცე უნდა გქონდეს, გეგმაც საიმედო უნდა იყოს. ჩვენ საცოდავებმა არ ვიცით, ეს როგორ უნდა გავაკეთოთ. ისრაელის მთავრობა რომ ყოფილიყო, მაშინ ხომ დაიჯერებდი? მაგ- რამ ჩვენ? არა, ჩვენ რა შეგვიძლია!

— ესე იგი, ასეთი ბინძური ოპერაციების მოწყობა მოქა- ლაქეთა წინააღმდეგ, შენი აზრით, ძლიერების მაჩვენებელია? ამას რას ამბობ?

— პოლიტიკა, რაც არსებობს, სულ ბინძური იყო. ჩვენ ყველამ ვიცით, რომ ნიუ იორკში ცათამბჯენებს ამერიკელებ- მა დაარტყეს და ისლამისტებს მიაწერეს. პოლიტიკაში ასეთი დევიზია: თუ გაგდის, გააკეთე. არჩევნებზე ჩვენ მივიღვართ და ეს ნიშნავს, რომ ყველანაირი თამაში ნებადართულია. მთავრობამ ისლამისტები ცუდი მხრიდან უნდა წარმოაჩინოს, რომ ხალხმა თქვას, ეკონომიკას იმაზე უფრო მეტად დაანგ- რევენ, ვიდრე უკვე დაანგრეული.

— რას ლაპარაკობ? მორალი საერთოდ არ არსებობს? კა- ნონი არ არსებობს? კონსტიტუცია არ არსებობს? შენ რა, ფიქრობ, ტყეში ვცხოვრობ?

— და შენ რას ფიქრობ, სად ვცხოვრობთ, ქალაქში? ტყე შვევა იქნებოდა იმასთან შედარებით, სადაც ვართ. იცი სად ვცხოვრობთ?

— სად? — ვკითხე მე.
— ჯოჯოხეთში.

ყველაფერი თავდაყირა

მძლოლი:

— უფალმა შემინდოს, რომ არ ვლოცულობ და მეჩეთშიც არ დავდივარ. დრო არ მაქვს. მთელი დღე ვმუშაობ. მარხვითაც ხანდახან ვმარხულობ. სიგარეტი თუ არ მოვნიე, ვერ ვმუშაობ. მაგრამ, სერიოზულად ვამბობ, გამიხარდება თუ ხელისუფლე- ბაში ძმები მუსლიმები მოვლენ. რატომაც არა? აშკარაა, ყველას მათი მოსვლა უნდა საპარლამენტო არჩევნების შემდეგ...

— კი მაგრამ, თუ ხელისუფლებაში ისინი მოვლენ და გაი- გებენ, რომ არ ლოცულობ, ჩამოგახრჩობენ.

— არა, იმიტომ, რომ მეჩეთში ვილოცებ, ყველას თვალწინ.

— რატომ გინდა ხელისუფლებაში მათი მოსვლა? — ვკითხე მე.

— იმიტომ, რომ უკვე ყველაფერი ვცადათ... ვცადათ მე- ფე, არ ივარგა, ვცადათ სოციალიზმი, აბდ ელ-ნასერის დროს და სოციალიზმის პიკი რომ იყო, მაშინაც კი ფაშები⁶ გყავდა ჯარში და ინტელიგენციაში. მერე ცენტრისტები ვცადათ, მე- რე — კაპიტალისტები, მაგრამ მთავრობის კვოტით, საზოგა- დოებრივი სექტორით, დიქტატურით, დაჩქარებული კანო- ნით, ამერიკანიზაცია დაიწყო და ნელ-ნელა ისრაელელებიც

გავხდებით. არც ეს ვარგა. ასე რომ, რატომ არ ვცადათ ძმები მუსლიმები, იქნებ მათ გაამართლონ, ვინ იცის?

— ანუ ექსპერიმენტი ჩავატაროთ? — ვკითხე მე. — შეიძ- ლება ჩაფართხუნებული შარვალი მოისინჯო, ან მოტყეცილი პურანგი, მაგრამ როცა საქმე ქვეყნის მომავალს ეხება, ექსპე- რიმენტი უადგილოა.

— ცალთვალა კაცს ეუბნებიან, თვალში ჩაგარტყამთო. ამ ამერიკელებს ხომ ვერაფერს გაუგებ. პრეზიდენტ მუბარაქ- საც ეხმარებიან, ძმებ მუსლიმებსაც და ქრისტიანებსაც, რომ- ლებიც საზღვარგარეთ გვიქმნიან პრობლემებს. ფულს უხდი- ან საუდის არაბეთს, რომლებიც ამ ფულს ისლამისტებს აძლე- ვენ, ისინი, თავის მხრივ, იმ ფულით ამერიკის წინააღმდეგ ტე- რორისტულ აქტებს აწყობენ. მოდი და, ნუ აგებენევა თავგზა... თუმცა, ისევე გეუბნები, ცოტა ხნით ძმები მუსლიმები უნდა ვცადათ ხელისუფლებაში და ვნახოთ, რას გავაკეთებენ. ასე ახალ სახეებსაც დავინახავთ და, როგორც იცი, ახალი ცოცხი კარგად გვის, იქნებ ეკონომიკას რამე მოუხერხონ.

— ეკონომიკაზე გამახსენდა, ის ანეკდოტი იცი?

— რომელი?

— ამბობენ, ეგვიპტის ეკონომიკა კურტიზანის ჩასაცემლს ჰგავს, რაც უნდა ზევით აწიო, მაინც ქვევით ვარდებაო.

და ხარხარი აუტყვია.

— ექვსი ოქტომბერი⁷ ექვსი ოქტომბერი, ექვსი ოქტომბე- რი! — ვიძახდი. ტაქსის გაჩერებას ვცდილობდი, მაგრამ იმე- დი არ ჩანდა, არავინ მიჩერებდა. სალამოს ათ საათზე შეხვედ- რა მქონდა დანიშნული მედიანარმოების ქალაქში, მანქანა კი გამიფუჭდა. მეგონა, ტაქსის იოლად გავაჩერებდი.

ვინც მოითმენს, ის მოიგებს... ტაქსი გაჩერდა. თუმცა, ვიდრე ჩაჯდომას შემომთავაზებდა, მძლოლმა კარგად და- მათვალეირა. ჩავჯექი.

— რა ხდება? — ვკითხე მე. — ნახევარი საათი ვიდექი და არავინ მიჩერებდა.

— არც გაგიჩერებდა.

— კი მაგრამ, რატომ, ღვთის გულისთვის?

— ღამით, ასეთ მიყრუებულ ადგილას და ექვს ოქტომბერ- ში მიმავალი მგ ზავრი? ამ დღეებში განსაკუთრებით ძნელია.

— რატომ? რამე ხდება? — ვკითხე მე.

— ინციდენტი მოხდა, — მიპასუხა მძლოლმა.

— ღმერთო, დაგვიფარე!

— კლიენტები ტაქსიში ჩასხდნენ და მძლოლს ექვს ოქტომ- ბერში წაყვანა სთხოვეს. მიყრუებულ ადგილას დანები ამოი- ლეს, მძლოლს მთელი ფული და მანქანა წაართვეს და გზის პი- რას დატოვეს. ერთი ამტკიცებდა, დაჭრეს კიდევცო.

— მოკლეს? — ვკითხე მე.

— არა, არ მომკვდარა, მაგრამ ოცამდე ჭრილობა მიაყენეს მთელს სხეულზე. სიკვდილ-სიცოცხლის ზღვარზე იყო. მეო- რედ დაიბადა. ტრაგედია ის არის, მანქანა, რომელიც გაიტა- ცეს, ახალნაყიდი ჰქონდა და დაზღვეული არ ყოფილა, ნაბიჭ- ვრები ესენი! დაშლიან და სათადარიგო ნაწილებად გაყიდიან.

— და შენ საიდან გაიგე, გაზეთებში იყო?

— არა, გაზეთებს არ ვკითხულობ. გაზეთები რად მინდა, საქმელს ძლივს ვყიდულობ. არა, მე ემბაზადან⁸ ვარ, ყავის და- სალევად ვიყავი და რამდენიმე მძლოლს შეხვდები, ნაბიჭვად გან- ცხადებებს ავრცელებდნენ ამ შემთხვევის შესახებ. რამდენიმე ფურცელი მეც მომცეს, რომ ჩემი ნაცნობი მძლოლებითვის მიმეცა. ამიტომ შეგათვალეირე ყურადღებით, სანამ მანქანაში ჩავსვამდი. მიგიყვან და პირდაპირ სახლში წავალ. იქიდან მო- ყოლებული ათი საათის შემდეგ აღარ მსიამოვნებს გარეთ ყოფნა. ეს ქვეყანა უსაფრთხო აღარ არის. ყველაზე გვიან 10 საათზე ვუბრუნდები ჩემს ცოლ-შვილს. ჩამოგვამ, მანქანას ჩავკეტავ და პირდაპირ ემბაზაში წავალ. ღმერთმა გვიშველოს.

ამ ამბავმა შემაშინა, მაგრამ მომეწონა, რომ მძლოლები ერთმანეთს სოლიდარობას უცხადებენ და გამაფრთხილებელ განცხადებებს ავრცელებენ.

მედიაპროდუქციის ქალაქში ჩამოვედი და საკუთარი თავი დავიჭირე, ცხოვრებაში პირველად ყურადღებით ვიხედებოდი მარჯვნივ და მარცხნივ.

ხშირად მხედებიან ისეთი მძლოლები, გზები და ქუჩების სახელები კარგად რომ არ იციან... ამ მძლოლს კი პატივი ერიგო, საერთოდ არცერთი ქუჩა არ სცოდნოდა, გარდა იმისა, რა თქმა უნდა, სადაც ცხოვრობდა. კაიროს ასეთი უცოდინარობა გამაოგნებელი იყო. უზარმაზარ სასახლეში პირველად მოხვედრილ ბრმას ჰგავდა.

- რა მოგივიდა, შე კაი კაცო, მძლოლი არა ხარ? — ვკითხე მე.
- არა, ბატონო, არა ვარ მძლოლი.
- აბა, თავს რითი ირჩენ?
- კონტრაბანდისტი ვარ.
- კონტრაბანდისტი?! — ვითომ რაო? ჩემი გარდაცვლილი დედის უკანასკნელი სურვილი და ანდერძი იყო. ამ ქვეყანაში პატიოსანი შრომით ფულს ვერ იშოვი. თან, ცუდს არაფერს ვაკეთებ, ჩემს ქვეყანას ზიანს არ ვაყენებ, პირიქით, კარგს ვაკეთებ. ამით შეიძლება ვიამაყო კიდევ.
- ხუმრობ, არა?
- ღვთის მადლმა, კონტრაბანდისტი ვარ. მამა მომიკვდა. ცოტა ხნის წინათ დავასაფლავე. ეს მისი ტაქსია, ვიშუშავებ, ვიდრე მოვიფიქრებ, რა ვაკეთო ცხოვრებაში.
- ღვთის გულისთვის, მითხარი, რა გადმოგაქვს კონტრაბანდით?

— მე ჯერ კიდევ პატარა ბიჭი ვარ, მაგრამ უკვე რამდენიმე წელია ერთ ქალბატონთან ვმუშაობ სალუმში ალაჰის წყალობით, მოსაწვევი გადაგვაქვს ეგვიპტიდან ლიბიაში. პატიოსნად ვყიდულობთ ეგვიპტეში და პატიოსნად ვყიდით ლიბიაში. ხომ გითხარი, ქვეყნისთვის სარგებელი მოგვაქვს. შეიძლება ითქვას, პატრიოტი ბიჭი ვარ.

- რა მოსაწვევი, ნარკოტიკები?
- რა ნარკოტიკები? ნუთუ მართლა ფიქრობ, რომ ვინც ნარკოტიკებს უყიდვს, ტაქსის მძლოლად მუშაობს ქანცის განყვეტამდე და ასე მარტივად გეტყვის, კონტრაბანდისტი ვარო? სულელი ხომ არ გგონივარ? მოსაწვევი სიგარეტს ნიშნავს, იმპორტულ სიგარეტს.
- ესე იგი, როგორ? რას აკეთებ?
- ძალიან ადვილი ამბავია. რამდენიმე ქალია სალუმში, რომლებიც ამ საქმისთვის ახალგაზრდებს ქირაობენ, მათი ხელქვეითები ვართ. ჩვენი საქმე პასპორტების ყიდვაა, თუ საკმაო მოხერხება გამოვიჩინებ, ათ ან თორმეტ ფუნტად ვყიდულობთ, ყველაზე მეტი — თხუთმეტად.
- პასპორტების ყიდვაში რას გულისხმობ?
- ყველას აქვს უფლება, დაუბეგრავად ექვსი ბლოკი სიგარეტი იყიდოს. ჩვენ ლიბიიდან ჩამოსულებს მოველაპარაკებით, თავიანთ სახელზე ექვს-ექვსი ბლოკი სიგარეტი იყიდონ. ექვსი ბლოკი დაახლოებით 175 ფუნტი ღირს, ამას დამატებული 10 ფუნტი ყოველი მათგანისთვის, ვინც დავგვთანხმდება, ჯამში — 185 ფუნტი. დღეში დაახლოებით 200 პასპორტს ვყიდულობთ და კონტრაბანდულად გაგვაქვს ლიბიაში. მუსაიდის⁸ საბაჟო პუნქტს ადვილად გაივლი, მანქანით მიმავალ ხალხს ამოწმებენ, ფეხით გადასვლელებს — უპრობლემოდ ატარებენ. ჩვენ სიგარეტს ჩანთებში ვანყობთ, რომელსაც მხარზე ვიკიდებთ. ლიბიაში რომ გადავიტანო, დაახლოებით 42-დან 45 დინარამდე ვყიდით. ერთი დინარი ოთხი და სამოცდათხუთმეტი ღირს, ასე რომ, ერთი პასპორტი დაახლოებით 20 ფუნტ მოგებას ტოვებს. ჯამში 4000 ფუნტზე ავდივართ დღეში. აი, ასეთია ეს ბიზნესი, პატივცემულო, პატიოსანი ბიზნესი.
- კი მაგრამ, ვერ ხვდები, ეს სიგარეტი ლიბიაში ისედაც არ იყიდება?
- ეს იმპორტული ბრენდია და ლიბიელებს მოსწონთ. ნუ მოგწონთ, ვუთხრათ? ასე ყველა მოგებაშია.

- მხოლოდ სიგარეტის კონტრაბანდას ეწვეით?
- არა. ხანდახან ვიდეოაპარატურაც გადმოგვქონდა ლიბიიდან ეგვიპტეში. მაგრამ სალუმის საბაჟო მუსაიდის საბაჟოს არ ჰგავს. დაუნდობლები არიან. ჩანთა თავისით რომ მიდიოდეს, იმასაც კი დაიჭერენ. მაგრამ რალაცას მაინც ვახერხებთ, ბოლობოლო, რამდენიმე წელია ამ საქმეში ვარ. მამაჩემი მთელი ცხოვრება ტაქსის მძლოლი იყო. ღმერთმა ნათელში ამყოფოს, უნდოდა, მეც ტაქსისტი ვყოფილიყავი. დედაჩემმა თქვა: „მამაშენმა უკან დაგვხია და საცოდავი არსებობა გვარგუნა. წადი, შვილო, ისეთი სამუშაო იშოვე, ამ დროს რომ შეეფერება და ფულს გამოვინებებს. ვერ ხედავ, ჩვენს გარშემო ყველა როგორ იქცევა? წადი ლიბიაში, იმოგზაურე, იქნებ ღმერთმა გადმოგხედოს“. ლიბიაში რომ მივდიოდი, ზუსტად მამინ ვიშოვე კონტრაბანდისტის სამუშაო. ვიფიქრე, რომ ღმერთმა ჩემი ღვთისმშობლისა და დედის მთელ ჩემ დანაზოგს ვუგზავნიდი, ღვთის წყალობით, გარდაცვალებამდე ცოტა ხნით მაინც ვაგრძნობინე თავი ბედნიერად. კარგი დედა იყო, ღმერთმა შეინყალოს.

- საბოლოოდ კაიროში აპირებ დამკვიდრებას და მამის პროფესიის გაგრძელებას?
- არა, პატივცემულო! სხვას კი არ უთქვამს, საკუთარი თვალთ მამის ნაწიხი, როგორ იცხოვრა მამაჩემმა მთელი ცხოვრება. ისიც საკუთარი თვალთ ვნახე, როგორ მოკვდა, — სუდარის ფულიც კი არ ჰქონდა, და, რაც მოდის, იმაზე უარესია, რაც უკვე იყო. ღვთის ნებით, რამე წესიერ სამსახურს ვიშოვი, რაც ფულს მომიტანს, იქნებ ბანდის მეთაურიც გავხდე.

ადგილი: კაიროს წიგნის საერთაშორისო ბაზრობა მადინა ნასრში⁹

თარიღი: 26 იანვარი, 2005

დრო: 14:15

ტემპერატურა: ზომიერი.

ღონისძიება: სატელევიზიო გადაცემა მოსახლეობის პოლიტიკაში ჩართულობის შესახებ და ინტერვიუს ჩანერა ხალხთან (რასაკვირველია, არა პირდაპირი ჩართვა, რადგან პირდაპირი ეთერი დემოკრატიის ატმოსფეროს საფრთხეს შეიცავს). მეთოდი: ინტერვიუს დროს ინტერვიუერი უიღბლო საზოგადოებას ეთიკის გაკვეთილებს უტარებს პოლიტიკაში ჩართულობის ხელოვნებაში. თუ აუცილებელია, იყენებს ჩახველებას, მიმიკას, რომ ადამიანები სწორ გზას არ აცდნენ.

ალ-აზბაქიას სტენდს რომ ჩავუარე, ერთი კაცი მომიახლოვდა და გამეცნო:

- მე სატელევიზიო გადაცემის წარმოების დირექტორი. აქ ფილმს ვიღებთ, — და მკითხა თუ შეიძლება ჩემთან ინტერვიუს ჩანერა. მარწმუნებდა, რომ ქალბატონი ჩემი ცოლი უფრო მეტად დამაფასებდა, როცა ტელევიზორში მნახავდა. ჩემი შვილები კი სკოლაში თავიანთი მეგობრებისთვის დიდი სიამაყით შეძლებდნენ ეთქვათ ცისფერ ეკრანზე მამის გამოსვლის შესახებ.
- მიკროფონი პერანგზე დამიმაგრეს. ოპერატორმა კამერა წინ დამიდგა. მის უკან პატარა გოგოების ჯგუფი მოგროვდა გერმანული პავლიონის კედელთან, გადამღებ ჯგუფზე იცინოდნენ. დიქტორმა თავზე შემორჩენილი თმა გადაივარცხნა და გადაღებისთვის მოემზადა. „ერთი, ორი, სამი, წავიდა“. დიქტორმა კითხვები დამაყარა საარჩევნო ბარათის შესახებ და მე ტაქსის მძლოლთან ჩემი საუბრის შესახებ ვუამბე:
- გაქვს საარჩევნო ბარათი? — ვკითხე მძლოლს.
- კი რა შავი დღე გამითენდა! გინდა საარჩევნო ბარათი ავიღო? მერე მუდმივად მაკონტროლონ და თუ მათ არ მივეცი ხმა, დამაპატიმრონ და გამაქრონ?
- მაკონტროლონ? ხუმრობ, არა? — გამეცინა მე.
- სავსებით სერიოზულად ვლაპარაკობ. ასი პროცენტით ვიცი, საარჩევნო ბარათი რომ ავიღო, ჩემი კონტროლი დაიწყება. არარეგისტრირებული ვიქნები და ეს კატასტროფის ტოლფასი იქნება. შენ ძალიან გულუბრყვილო ხარ და ვერ ხვდები, რა ხდება.

შემდეგ დიქტორს მოვუყევი, როგორ ვეცადე მძლოლის გადარწმუნებას, რომ რასაც ამბობდა, სრული სიგიჟე იყო, და რომ ასეთი ეჭვები, თითქოს სახელმწიფო ჩასაფრებულია და ჩვენი აზრების კონტროლსაც კი ცდილობს, უნდა დამთავრდეს, მაგრამ ჩემი ლაპარაკი წყლის ნაყვას ჰგავდა, ერთი სიტყვაც კი არ დაიჯერა. პირიქით, ჩემშიც ეჭვი შეიტანა და ყველაფერი იმით დასრულდა, რომ უშიშროების აგენტი ვეგონე.

ჩემი სატელევიზიო ინტერვიუს დასასრულს ვთქვი, — ამ მძლოლმა იმაში დამარწმუნა, რომ ეგვიპტეში პოლიტიკაში ჩართულობა უკბილო ხუმრობაა, ძალიან უკბილო-მეთქი.

იმედი მქონდა, რომ ჩემი შვილები იამაყებდნენ მეგობრების წინაშე და რომ ჩემი ცოლი კიდევ უფრო მეტი პატივისცემით განიმსჭვალებოდა ჩემს მიმართ, მაგრამ ჩემი ნათქვამი ზედმეტად პირდაპირი აღმოჩნდა საიმისოდ, რომ ცისფერ ეკრანზე მოვხვედრილიყავი.

* * *

ჯინი, იფრითები, ანგელოზები და ჩვენი ძმები ქვესკნელში ნამდვილად არსებობენ, რადგან ისინი ყოველი ეგვიპტელის ცნობიერში ცხოვრობენ ამა თუ იმ ფორმით. ჯინი გამონაგონი არ არის, ის ჩვენი რელიგიის, ჩვენი ისტორიის, ფოლკლორის ნაწილია. ბოლოსდაბოლოს, ჯინი ჩვენს სულში ისევა ჩაქსოვილი, როგორც ლობიოს გადაზღუდულ ხოლმე ბლენდერით სანელელებთან, მაგრამ მიუხედავად ამ ძლიერი არევისა, ჯინი ძლიერად არ არის შემოჭრილი ჩვენს ყოველდღიურ ცხოვრებაში, გარდა იმ შემთხვევებისა, როცა ჩვენი სუსტი ინტელექტი იოლად ვერ წვდება. როცა გამოჩენას გადაწყვეტენ, შედეგი ისეთი სავალალოა, როგორც ტაქსის იმ მძლოლის შემთხვევაში, რომელმაც სულთან ჰასანის მეჩეთში მიმიყვანა და მთხოვა, მისთვის მელოცა. აი, რას მომიყვა:

— რატომ არ გჯერა, პატივცემულო? იმის თუ გჯერა, რასაც სკოლაში ასწავლიან, ან რადიოთი და ტელევიზიით ამბობენ, ეს რატომ არ გჯერა? დაიჯერე ხალხის ნათქვამი. ჯინი არსებობს და ჩვენთან ერთად ცხოვრობს. ჩემი ბედის რა ვთქვი, რაღა ჩემს ბინაში დასახლდა?! ყველა შესაძლო ხერხით ვცადეთ მისი დაფრთხობა, მაგრამ უშედეგოდ. ეს ბინა რომ დავტოვოთ და სხვაგან გადავიდეთ, ბლომად ფული დაგვიჯდება, 4000 ფუნტზე ნაკლები არა, რომლისგანაც დაახლოებით ოთხი ფუნტი მაქვს.

ერთი კვირის წინათ ჩემმა ცოლმა მითხრა, „მისინე, ადამიანის შვილო, თუ ამ უბედურებიდან გამოსავალს არ იპოვი ერთი თვის მანძილზე, ჩემი ფეხი აღარ იქნება ამ მოჩვენებებით დასახლებულ სახლში“. გამოსავალი როგორ ვიპოვო? ვინ გაიგებს ამ ამბის თავსა და ბოლოს?

— რა იცი, რომ სახლში მოჩვენებები ცხოვრობენ? — ვკითხე მე.

— როგორ თუ რა ვიცი, დღესავით ნათელია.

— ვერაფერი გავიგე, ამიხსენი.

— გეტყვი, ბატონო. დილით რომ ვიღვიძებთ, კედლებზე ნახატებს ვპოულობთ, იმავე ფერის, როგორიც კედელია, მაგრამ სველი ხაზით არის ნახატი. ბევრი ნახატი, ძირითადად თვალები, — დიდი და პატარა თვალები. დღის ბოლოს ნახატები ქრება. გარდა ამისა, სახლი ხვლიკებით არის სავსე, რაც უნდა ილონო, მაინც ყველგან პოულობ, ყველა ზომის და ფერის, ისეთი ფერისაც კი, აღრე რომ არასოდეს გინახავს. წუხელ, მაგალითად, დიდი მენამულისფერი ხვლიკი ვნახე. ოდესმე გინახავს მენამულისფერი ხვლიკი? კიდევ უამრავი რამ, მაგრამ ყველაზე უცნაური მდებარეობითი სქესის ცხოველებია.

— რას გულისხმობ? — ვკითხე მე.

— ჩიტები გვყავს. ორი მამრი და ორიც მდედრი ჩიტი ერთ გალიაში. დილით ვიღვიძებთ და მდედრი ჩიტები გალიაში აღარ არიან. როგორ გააღეს გალია? როგორ გაფრინდნენ? არ ვიცი. თუ გალია გაიღო, მამრებიც რატომ არ გაფრინდნენ? აუხსენელია და ეს უკვე არაერთხელ მოხდა.

მერე ერთი ქალი მოვიყვანეთ, ვინც ზებუნებრივ ამბებში ერკვევა. როგორც კი შემოვიდა, თქვა, სახლში მოჩვენებები არიანო. სანამ რამეს ვეტყვოდი. მაშინვე მიხვდა, რომ სახლში ჯინი ცხოვრობს. კიდევ უარესი, ჩემს ცოლს უთხრა, ამდენ ხანს ამიტომაც ვერ დაორსულდი, და თუ ამ სახლში ცხოვრებას განაგრძობთ, შვილები საერთოდ არ გეყოლებათო. ეს ერთი თვის წინათ იყო და იქიდან მოყოლებული ჩემი ცოლი არ მიკარებს. მეუბნება, რა აზრი აქვსო. დაიფიცა, რომ ვერ მივეკარები, ვიდრე მოჩვენებებიან სახლს არ დავტოვებთ, სადაც ვცხოვრობთ.

— და იმ ქალმა არ გითხრა, ჯინი რატომ ცხოვრობს თქვენს სახლში? — ვკითხე მე.

— კი, გითხრა, რომ ეს ჯინის სახლია და აქედან არ წავა, დოლის ცემითაც რომ გააყრუოთო. ფულის გამორთმევაზე უარი გვითხრა, ის კი არადა, ჩაიც არ დალია. ჩემს ცოლს უთხრა, წადი და ფრჩხილები დაიჭერი, ჯინი მანდედან გამოდისო. მერე რაღაც უჩუროხლა. რა არ ვაფიცე ცოლს, არაფრისიღებოთ არ მეუბნება, რა უთხრა.

— ეს ყველაფერი ლოგიკურად გეჩვენება?

— რაც მოგიყევი, იმის მერე მაინც არ გჯერა? გეუბნები, მივდივართ, ვიძინებთ, გავიღვიძებთ და კედელზე დიდი თვალები ხატია. ვისი ნახატებია? დედაჩემი ხატავს? ჯინი არსებობს. ნუ დაანებებ, განათლებას თავგზა აგბინოს და ღმერთს მადლობა უთხარი, რომ შენი სახლში მოჩვენებები არ ბინადრობენ.

— მადლობა ღმერთს, — უთხარი მე.

პირველი სიმღერა

მძლოლი:

— მე თევზივით ვარ, ჩემი ტაქსი — აკვარიუმივით. თევზი დაცურავს წინ და უკან, აკვარიუმი კი პატარა ციხეა. თევზი ხან ერთ მხარეს ეხეთქება შუშას, ხანაც — მეორე.

მეც, — გავშლი მკლავს, ფანჯარას ვეჯახები, გავშლი მეორე მკლავს, — მეორე ფანჯარას. მართალია, მთელი დღე საჭესთან ვზივარ, მაგრამ ტაქსის მხოლოდ შიდა მხარეს ვხედავ, ჩემი საზღვარი ჩემი ტაქსის ფანჯრებია.

სამუდამო პატიმრობაა, რომელიც საფლავში მთავრდება.

მეორე სიმღერა

ხერხემალი მაქვს დაჭიმული მთელი დღე ჯდომისგან. ღამით, როცა გადმოვივარ, რომ ვავსწორდე, ვერ ვსწორდები, მტკიცეა. მანქანა ძველია და უამრავი ნახვრეტი აქვს, ზაფხულში ძრავის მთელი მხურვალეობა ფეხებსა და სხეულს ედება. მექაბაბეს ვგავარ, გახურებული ნახშირით სავსე მყავლთან რომ დგას. განსხვავება ის არის, მას შემწვარი ხორცის მადისაღმძვრელი სუნი ასდის, მე — გამონაბოლქვის.

არაბულიდან თარგმანა ირმა მახარაძე

1. მუამარ კადაფი (1942-2011) — ლიბიის მმართველი 1969-2011 წლებში.
2. ეგვიპტური ხურდა ფული.
3. ცნობილი აღმოსავლური ბაზარი კაიროში. 2005 და 2009 წლებში ტერორისტთა სამიზნე გახდა. ამ ტერორისტული აქტებისას რამდენიმე ათეული ადამიანი დაიღუპა და დაშავდა.
4. ოსმალეთის იმპერიის უმაღლესი სამოქალაქო და სამხედრო მოხელეების ტიტული.
5. ექვსი ოქტომბერი — ქალაქი ეგვიპტეში, კაიროდან 32 კილომეტრის დაშორებით.
6. უბანი გიზას საგუბერნატოროში.
7. სოფელი ეგვიპტეში, ლიბიის საზღვართან.
8. ქალაქი ლიბიაში, ეგვიპტის საზღვართან. მთავარი საბაჟო პუნქტი ეგვიპტესა და ლიბიას შორის.
9. კაიროს უბანი.

სად აღუფხვრი სადით ძირსა

სამშობლოდან შორს, სადაც გადაკარგულ ხოშკარულ ქარვასლაში კვდებოდა მეფე ქართლისა.

აღბათ ნანობდა და თავბედს იწყევლიდა. სამოცდაათ წელს გადაბიჯებულს, ცხადა, უკვე მოხუცებული ეთქმოდა. მრავალი განსაცდელი ენახა თავის ცხოვრებაში, არაერთხელ გადარჩენოდა სიკვდილს ბრძოლის ველზე. აგერ, სიბერემ დაუკაკუნა კარზე, მოისვენეო, დაისვენეო და ნაცვლად იმისა, რომ წყნარად დაეღია სიცოცხლის უკანასკნელი დღენი, ათასგზის წყეული ისპაანის გზას გაუდგა. მაშ რა უნდა ელონა — სეფიანთა სამეფო კარზე იხმობდნენ ქართლის ვალის (ანუ მეფისნაცვლის) პოსტზე დანიშნულ ვახტანგ მეხუთეს, ყიზილბაშები შაჰნავაზ-ხანს რომ უწოდებდნენ.

ქართული წყაროების მიხედვით, ქართლის მეფე გზაში ავად გამხდარა და სიკვდილსაც აღარ დაუცვლია ისპაანს ჩასვლა.

ფარსადან გორგიჯანიძე: „ყაზვინით ავადმყოფი წავიდა და ხოშკარულს ქარვასლაში ძლივს ჩაანთა და იქ მიიკვალა“.

ვახუშტი ბატონიშვილი: „შთავიდა ხოშკარს, მუნ სალმო-ბიერ იქმნა და მოკვდა“.

სენია ჩხეიძე: „მუხანათმა და მიუნდობელმა სოფელმან მოაბრუნა უკუღმა ბოზბალი, რა ხოშკაროს ქარვასლაში მიბ-ძანდა, ამა სოფლისაგან მიიკვალა“.

მაგრამ ზოგიერთი უცხოური წყაროს ცნობით, ქართლის მეფის სიკვდილი დაუჩქარებია არა მარტო მუხანათსა და მიუნდობელ სოფელს, არამედ არანაკლებ მუხანათსა და მიუნდობელ სეფიანთა სამეფო კარსაც.

საქართველოში გამწესებული იტალიელი მისიონერი, **სახელად ჯუზეპე, 1677 წლის 1 აპრილს** რომის გაგზავნილ წერილში აღნიშნავს ყიზილბაშთაგან მოწამლული ქართველი მეფის სიკვდილს.

სომეხი ვაჭრის **ზაქარია აქელისელის** დღიურში დანვრის-ლებით არის აღწერილი შაჰნავაზ-ხანის ჩასვლა ძველ ჯულაში (1676 წლის 14 აგვისტოს) ათასკაციანი ამაღლისა თუ ჯარის თანხლებით. ქართლის მეფემ ჩააღწია ხოშკარულ ნოდებულ ადგილს და იქ გარდაიცვალა (იმავე წლის სექტემბერში). ავტორი დასძენს: „ზოგნი ამბობენ, თავისით მოკვდაო; ზოგნიც — სანამლავემა მოკლაო. სიმართლე ღმერთმა უწყის“.

სომეხი მემკვიდრის **ზაქარია ქანაქერცის** სიტყვით, ქართველ მეფეს ცილი დასწამეს სეფიანთა სამეფო კარზე. ვახტანგი ნებაყოფლობით გაემგზავრა ისპაანს, რათა თავი გაემართლებინა. ირანის სატახტო ქალაქს რომ უახლოვდებოდა, მუქარა ჩააწვეთეს ყურში, როგორც კი ისპაანს ჩახვალ, ხელმწიფე შენს თავს დამშეულ ლომებს მიუგდებსო. ავტორი ამტკიცებს, ამის გაგონებაზე მეფემ სანამლავე დალია და სული განუტყევაო.

რომელი ცნობა არის უფრო სარწმუნო, რომელ ვერსიას უნდა ვენდოთ? ამის გარკვევა ძალზე ძნელია და ისღა დაგვრჩენია, გავიმეოროთ ზაქარია აქელისელის სიტყვები, სიმართლე ღმერთმა უწყისო, ანდა თვალი გადავავლოთ წინარე მოვლენებს, ეგებ მათმა მდინარებამ მოჰფინოს მცირეოდენი შუქი ხოშკარულს საიდუმლოებას.

ფრანგი მოგზაური **ჟან შარდენი** გადმოგვცემს, რომ სეფიანთა ირანის გამორჩენილმა ხელმწიფემ შაჰ-აბასმა, ომით რომ ვერაფერი გააჩყო, ქართველებთან დასდო ასეთი შეთანხმება: „მათ ქვეყანას სრულებით არ უნდა დაკისრებოდ გადასახადი; არ უნდა შეცვლილიყო სარწმუნოება; ეკლესიები არ უნდა დანგრეულიყო და მეჩეთები არ უნდა აშენებულიყო; მათი მეფისნაცვალი მუდამ ქართველი იქნებოდა მათივე სამეფო გვარიდან, მაგრამ სარწმუნოებით მაჰმადიანი“.

მთელი ოცდახუთი წელიწადი იმეფა როსტომმა, გვართი ბაგრატიონმა და სარწმუნოებით მაჰმადიანმა. მაგრამ მისი

უშვილობა გაურკვეველ ვითარებას ქმნიდა ქართლში და არევ-დარევის მიზეზად გადაქცეულიყო.

ფარსადან გორგიჯანიძე მოგვითხრობს, რომ როსტომის ერთგულმა თავადებმა მოციქულის პირით მოახსენეს მეფეს: ქვეყანა იმიტომ არა წყნარდება, რომ შვილი, ძმა და ახლო ნათესავი არა გყავს და შენს მემკვიდრეს ვერა ხედავენო.

როსტომი ენერგიულად შეუდგა ტახტის მემკვიდრის ძიებას. სამეფოს დიდებულთა რჩევით, მან ქართლში ჩამოიყვანა ახალციხეს გახიზნული მამუკა ბატონიშვილი, ძმა იმერეთის მეფისა. ჩამოიყვანა და შვებით ამოიხუნთქა, ახლა კი მოისვენებენ შოთის ამტეხნი და ქვეყანაც დაწყნარდებაო. მაგრამ მწარედ ცდებოდა მეფე ქართლისა.

ფეოდალებს ახალგაზრდა და გამოუცდელი მამუკა ბატონიშვილის გამეფება ეჩქარებოდათ. იფიქრეს, როსტომ მეფე თავისით, ვინ იცის, როდის მოკვდებაო, და მკვლევები მიუგზავნეს. მკვლევებს შეეშალათ და მეფის მაგივრად მის ყმას დაესხნენ თავს აბანოში, დაჭრეს. როსტომ მეფემ ეს ამბავი არ გაახმაურა, ოღონდ მამუკა ბატონიშვილი უკან გაისტუმრა ახალციხეს. მერე სეფიანთა ხელმწიფეს მისწერა: ქართველი იმისთვის ურჩობენ და ავკაცობენ, რომ ჩემს მემკვიდრეს ვერა ხედავენო. ჩემს ბიძაშვილს, თეიმურაზ-მირზას, სამი შვილი ჰყავს და რომელსაც პაპაჩემის ლუარსაბის სახელი ჰქვია, ის გამომიგზავნეთ, ჩემს შემდეგ სამეფო ტახტი დაიჭიროსო.

ირანის შაჰმა შეუსრულა სათხოვარი და ლუარსაბი ჩამოვიდა საქართველოში. სჯობდა, არ ჩამოსულიყო. ბრმა ტყვიამ იმსხვერპლა ნადირობისას. ვერ დაადგინეს, უბედური შემთხვევა იყო თუ წინასწარგანზრახული მკვლელობა. დაასკვნეს, სიმართლე ღმერთმა უწყისო.

როსტომი დაწყებულ საქმეს არ მოემუშა და დაღუპული ლუარსაბის ძმა გამოითხოვა ირანიდან, მაგრამ ბატონიშვილის დედამ შეიცხადა, ერთი შვილი მომიკლეს და ახლა მეორესაც მართმევენო; ეს როსტომმა იწყინა და ამასობაში ხსენებული ბატონიშვილი მოულოდნელად გამოესალმა წუთისოფელს.

ლოგინად ჩავარდნილ მეფეს, ცალი ფეხი უკვე სამარეში რომ ედგა, ქართლის ფეოდალებმა შეუთვალეს: სანამ თქვენ ცოცხალი ბრძანდებით, მეტი პატიონი ჩვენ არ გვინდა და თქვენს უკან კი არავის გავიბატონებთ, ჩვენი ბატონი ზედნიერი ყაენი არისო.

„ზედნიერ ყაენს“, რა თქმა უნდა, ხელს აძლევდა ქართლის ფეოდალთა ამგვარი სულისკვეთება. დამპყრობლებს მუდამ ახსოვდათ ძველისძველი სიბრძნე — დაქსაქსე და იბატონეო. ქართლი კი თავად იქსაქსებოდა. სეფიანთა ხელმწიფეს გარჯას უმცირებდნენ და ამებდნენ, ჩვენ სხვა ბატონი არ გვინდა, შენა ხარ ჩვენი ერთადერთი ბატონიო.

გამოხდება ხანი და ირანის ყულარალის მანსურ-ხან ბარათაშვილი ქართლის მეფესა და არაგვის ერისთავს შორის წარმოქმნილ კონფლიქტში მეფე დაუჭერს მხარს და სეფიანთა ხელმწიფეს მოახსენებს: თავის დღეში საქართველო იმათგან აშლილი და აოხრებული არისო, მაგათ თუ სადავე დაანებეთ, დღეში ერთხელ ქართლსა და კახეთს ბატონი უნდა გამოუცვალოთო.

ასეა თუ ისე, როსტომ მეფის მიერ ტახტის მემკვიდრის ძიება, საბოლოოდ, წარმატებით დაგვირგვინდა. 1658 წელს როსტომის გარდაცვალების შემდეგ ქართლში გამეფდა ვახტანგ მუხრან-ბატონი, ძე მარაბდის ომში დაღუპული თეიმურაზისა.

აკად. ნიკო ბერძენიშვილი წერდა: „ვახტანგ მეხუთით ანუ შაჰნავაზით იწყება ბაგრატიონთა მუხრან-ბატონების შტოს მრავალმხრივი და ნაყოფიერი მოღვაწეობა ქართლის სამეფო ტახტზე“.

ქართლის მეფის პოლიტიკის მთავარ მიზანს, როგორც ჩანს, წარმოადგენდა საქართველოს გაერთიანება, რაც ეწინააღმდეგებოდა ყიზილბაშთა და ოსმალთა ინტერესებს. 1639 წლის ზავის თანახმად, ირანი აღიარებდა ოსმალეთის უფლებას დასავლეთ საქართველოზე, ხოლო ოსმალეთი — ირანის უფლებას აღმოსავლეთ საქართველოზე.

ოსმალეთი, როგორც მოგეხსენებათ, გართული იყო ომებით ევროპაში და ირანისათვის არ ეცალა. რაც შეეხება ირანს, მას აღარ მოსდევდა ძველებური ძალ-ღონე ოსმალეთთან ჭიდილისა. ისპაანში ჩასული ევროპულ ხელმწიფეთა ელჩები სეფიანთა მბრძანებელს მოუწოდებდნენ, ოსმალეთთან ომი გაეჩაღებინა დაკარგული ტერიტორიების (ბაღდადი და სხვ.) დასაბრუნებლად. მაგრამ შაჰ-სულეიმანი ცივ წყალს გადაასხამდა ხოლმე საომარი პროექტებით აღჭურვილ ელჩებს, ოსმალეთის სულთანთან დადებული ზავის დაცვა და ქვეყნის მშვიდობა ათას ბაღდადს მირჩევნიაო.

მრჩევლებმა მოახსენეს, თუ რაოდენ დიდი საფრთხე იყო მოსალოდნელი ოსმალთაგან, როდესაც ისინი ევროპელებს დაეზავებოდნენ, ირანისათვის მოიცლიდნენ, მთელ ჯარებს დაძრავდნენ, შემოუტყვედნენ და საუკეთესო პროვინციებს წაჰგლეჯდნენ. თქვენც არ მომიკვდეთ! შაჰ-სულეიმანი სულაც არ აღელვებულა. გულგრილი პასუხი გასცა: ჩემთვის სულერთია, რაც უნდათ, ის ნაიღონ. ისპაანს მაინც არ დამიტოვებენო?

მართლაც რომ დრონი მეფობენ და არა მეფენიო. ძლივამოსილი შაჰ-აბასის შვილთაშვილი ისპაანს ებღაუჭებოდა.

ჯერ კიდევ შორს იყო სეფიანთა დინასტიის აღსასრული, მაგრამ მისი კონტურები უკვე მოჩანდა ჰორიზონტზე.

იმედგაცრეუბულმა ქართლის მეფემ „ბედნიერი ყაენის“ უნებართვოდ მოჰკიდა ხელი საქმეს. ისარგებლა იმერეთში დატრიალებული არაულობით და თავისი უფროსი ვაჟი არჩილი წამოასკუპა იმერეთის სამეფო ტახტზე. ამ ამბავმა მყისვე გამოიწვია ოსმალთა შეშოთება. სულთანმა ისპაანს ელჩი მიავლინა და საუკუნო ზავის დარღვევის გამო პროტესტი გაუცხადა ირანის შაჰს. ამ უკანასკნელმა კი შაჰნავაზ-ხანს უბრძანა, რომ ხელი აეღო იმერეთზე.

ვახტანგს დააცლევინეს იმერეთი, ხოლო არჩილს კახეთის სამეფო უბოძეს და გაამაჰმადიანეს.

„ჩემებრ ვინანი, სადა ვინანი ჩემთა მაშინდელთ სჯულთ გარდასვლასა? რად მოვილორე, ვერ დავიღვარე სისხლი ქრისტესთვის, ვა ჩემს სწავლასა!“ — შემდგომში ასე მოთქვამდა მეფე-პოეტი თავისი ბიოგრაფიის მცდარი ფურცლისა გამო.

XVII საუკუნის 70-იან წლებში სეფიანთა ხელმწიფისათვის ცხადი შეიქნა, რომ ქართლის მეფის ზრახვები ირანის ინტერესებს არ ემთხვეოდა. ვახტანგი დიდი გავლენით სარგებლობდა საქართველოს სხვა სამეფო-სამთავროებში და ყიზილბაშთა ბატონობას ძლივსლა ითმენდა. ისპაანში არც ის ეპოტნავებოდათ, რომ ქართლ-კახეთი ფაქტობრივად გაერთიანებული იყო. ქართლს მამა განაგებდა და კახეთს — შვილი.

სეფიანთა სამეფო კარზე ქართლის მეფის დამხობის გეგმა მომწიფდა. ვახტანგს გადაამტკერებულმა ეთიმადოვლემ (ანუ პირველმა ვეზირმა) შეიხ ალი-ხანმა ხელმწიფეს ურჩია, რომ კახეთის მეფედ დაენიშნათ ერეკლე ბატონიშვილი, შვილიშვილი თეიმურაზ პირველისა, რომელიც ახლახან დაბრუნებულიყო რუსეთიდან. ყიზილბაშთა აზრით, ქართლსა და კახეთს შორის ომი ატყდებოდა, რითაც ისპაანი მოითბობდა ხელს. **ჟან შარდენის სიტყვით, ყიზილბაშებს ენადათ, რომ „საქართველო საბოლოოდ დაეპყროთ და სავსებით დაემორჩილებინათ ეს ამაყი და ურჩი ხალხი, რომელიც ესოდენ მტკიცედ იცავდა ჯერ კიდევ შემორჩენილ მცირეოდენ თავისუფლებას“.**

ერეკლე ბატონიშვილს დიდი პატივით დახვდნენ ირანში და სეფიანთა ხელმწიფემ დააიმედა, ნურაფრის დარდი ნუ გექნება, წინაპართა ტახტს უეჭველად დაგიბრუნებთ, თუკი გამაჰმადიანდებო.

ამასობაში კახეთის დიდებულნი არჩილს ჩააცვიდნენ, შენს ცოლისძმას მისივე სამკვიდრო მამული დაუბრუნეო. აქეზებდნენ, შენ იმერეთში გადადი და იქ გაბატონდიო.

არჩილმა ყური ათხოვა კახეთის დიდებულთა რჩევას. ახალციხის ფაშას ესტუმრა, მრავალი ძღვენი მიართვა და კი-

დეე მრავალს დაჰპირდა, ოღონდაც ახალციხის ფაშას შუამდგომლობა გაენია ოსმალეთის სულთანთან. ფაშამ არჩილს ურჩია, ქრთამი დიდვეზირსაც გაუგზავნეო.

ვახტანგ მეფემ კათალიკოსი დაადევნა ახალციხეში გადასულ პირმშოს, სიკვდილი მაცალე და მერე რაც გინდა, ისაჰქენიო. მაგრამ არჩილმა არ ისმინა მამის ვედრება.

შენუხებულმა ვახტანგმა ირანის შაჰთან შიკრიკი აფრინა და შეუთვალა: ჩემმა ვაჟმა მილაღატა, მე კი თქვენი ერთგული მონა ვარ და მთელი სიცოცხლე ასეთად დავგრეობო. ახლა ხელმწიფის კარზე ჩამოვალ და თავს გავიმართლებო (ჟან შარდენის მიხედვით, არჩილის გადასვლა ახალციხეში თვით ვახტანგ მეფის მიერ იყო ნაკარნახევი. ამასვე ამტკიცებს ერთი იტალიელი მისიონერი).

„ბებერი მელა“, როგორც ეძახდნენ შაჰნავაზ-ხანს სეფიანთა სამეფო კარზე, შაჰ-სულეიმანმა ისპაანს იხმო.

ფარსადან გორგიჯანიძის სიტყვით, ვახტანგმა „შეპატივება ინანა და სხვებს დააბრალა, მაგრამ წასვლის მეტი ღონე აღარ იყო“. ქართლის მეფემ გიორგი და ლევან ბატონიშვილებს დაუბარა, მე რომ ყაენთან წავაღო, თქვენ იესე ქსნის ერისთავს შეესიეთ და რაც ავი იყოს, ის უყავითო. შვილებმა პირნათლად შეასრულეს მამის დანაბარები. იესემ კი არც აცივა, არც აცხელა და ისპაანს გაეშურა საჩივრელად.

ყაზინში დაყოვნებულ ვახტანგს აცნობეს, ქსნის ერისთავს ჩაუვლია და ყაენთან წასულაო. „თავად ავად იყო და მერმე ეს ამბავი დიალ ეწყინა“, — გვაუწყებს ფარსადან გორგიჯანიძე.

ქართველი ფეოდალის საჩივარი აკლდა სახლიდან აყრილ მეფეს. ისპაანში ელოდა შეხვედრა შაჰ-სულეიმანთან.

სხენებული ხელმწიფე ლოთობა-გარყვნილებას უფრო ეტანებოდა, ვიდრე სახელმწიფო საქმეებს. სიმთვრალეში სასტიკად სჯიდა სასახლის მოხელეებსა თუ ამირებს. განსაკუთრებულ სიამოვნებას ისაჰგვრიდა, როდესაც ბრალდებულთ მის თვალწინ ასახიზრებდნენ (მაგალითად, ხელ-ფეხსა ჰკვეთდნენ, ყურებსა და ცხვირს აჭრიდნენ, თვალებსა თხრიდნენ და სხვ.).

ისპაანამდე აღარ ჩაულწვია ქართლის მეფეს. ხომკარუს ქარვასლაში ჩაუსაფრდა სიკვდილი და შეანყვეტინა მგზავრობა. თურმე ხომკარუ ერქვა უკანასკნელ სადგურს მისი ცხოვრების საკმაოდ გრძელ გზაზე.

ყაზინსა და ისპაანს შუა მდებარე ხომკარუს ქარვასლაში კვდებოდა მეფე ქართლისა, ვინ იცის, სწეულებისგან თუ სანამლაისგან.

მის შთამომავლებსაც, ჩანს, დაებედათ სიკვდილი უცხო მხარეში.

ვახტანგის შვილთაგან არც ერთს არ დაუსრულებია თავისი სიცოცხლე სამშობლოში. ყველამ უცხო ცის ქვეშ დახუჭა თავლი.

არჩილი გარდაიცვალა მოსკოვში, გიორგი — ყანდაარში, ალექსანდრე, ლევანი და ლუარსაბი — ისპაანში.

მათი შვილებიც უიღბლო ვარსკვლავზე ყოფილან გაჩენილი: ალექსანდრე, ძე არჩილისა, აღესრულა რიგაში; ბაგრატ, ძე გიორგისა — ჰერათში; ალექსანდრე, ძე ლუარსაბისა — ყანდაარში; ლევანის ძეთაგან: ქაიხოსრო — ყანდაარში, ვახტანგი — ასტრახანში, სიმონი — მოსკოვში, როსტომი — გულნაბადში (ისპაანის მისადგომებთან).

ზოგი ბუნებრივი სიკვდილით მოკვდა, ზოგიც ბრძოლის ველზე დაიღუპა. ზოგი დაკრძალეს ქრისტიანული წესით, ზოგიც — მაჰმადიანური წესითა, ზოგს კი საფლავის გათხრაც არ ეღირსა.

ხოლო ჩვენი წარსულის ფურცლებზე აღბეჭდილ ყველასთვის ნაცნობ და ძვირფას ტოპონიმებს, დიდგორი იქნება თუ მარაბდა, სამუდამოდ დაუმეზობლდნენ და გაგვიმინაურდნენ უცხოურნიც: ყანდაარი, გულნაბადი, ასტრახანი, ხომკარუ...

ტყუილად როდი უთქვამს რუსთველს: სად წაიყვანა სადაურსა, სად აღუფხვრი სადით ძირსაო!